



L. a B.  
38  
P

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark





NOVI  
COMMENTARII  
SOCIETATIS REGIAE  
SCIENTIARVM GOTTINGENSIS  
TOMVS IV.

AD A. MDCCCLXXIII.

---



CVM FIGVRIS.

---

GOTTINGAE ET GOTHAE  
APVD JOAN. CHRIST. DIETERICH, MDCCCLXXIV.

THE NEW YORK PUBLIC LIBRARY

ASTOR LENOX TILDEN FOUNDATION

1215 Broadway New York City

Acquired from the

Library of the City of New York

Gift of the City of New York

THE NEW YORK PUBLIC LIBRARY  
ASTOR LENOX TILDEN FOUNDATION  
1215 Broadway New York City  
Acquired from the  
Library of the City of New York  
Gift of the City of New York

THE NEW YORK PUBLIC LIBRARY  
ASTOR LENOX TILDEN FOUNDATION  
1215 Broadway New York City  
Acquired from the  
Library of the City of New York  
Gift of the City of New York





uarti anni commentationes dum hoc  
 Volumine lectori in manus trado; ex-  
 spectatur a me, ut Societatis fortunam,  
 curas et res huius anni exponam, qui  
 seculi LXXIII est. Usa autem est per  
 annum hunc aequabili rerum fortuna  
 et in neutram partem notabili, ut nec casu graviore turbare-  
 tur nec maclaretur bono aliquo insigniore, Societas. Quae  
 quidem incepto tenore rite procedens rerum conditio cum  
 in omni rep. tum inprimis in litteraria, cujus omnis salus ex  
 otio et pacato rerum tranquilloque statu pendet, nescio an  
 inter praecipua divinae providentiae munera referenda sit.



Et si enim illa ad commemorationem materiae habet parum aut nihil: in lucri tamen non minima parte ponendum hoc ipsum, quod nihil aduersi, quod acciderit, commemorari potest; rerum autem omnino cursus talis habetur prosper ac secundus; ita ut si non exultare ac tripudiare laetiore aliquo casu possis, in sinu tamen gaudere liceat. In populorum quidem annalibus ea tempora, in quibus nihil nisi tranquillitas et quietas res domi forisque fuisse notatum est, iis forte rerum momenti carent, quibus legentium animi teneri et delectari possint: ejus tamen populi, cujus res narrantur, statum arguunt per hos annos pacatum et laetum hac ipsa fortunae aequabilitate in neutram partem conspicua. Contra autem tempora, in quibus rerum narrandarum copiae luculentae scriptorum studia fatigant, plerumque ea sunt, quibus aut calamitatibus conflictata est resp. aut ipso rerum successu vires suas infregit et peste intra viscera recepta mox elanguit. Nec minus in institutis publicis cum aliis tum imprimis literariis, inque sodalitiis his plurimum ad certas disciplinas colendas ornandasque coeuntium, ii anni, quibus nihil admodum memorabile, novum et insigne evenit, inter faustiores merito memorantur: modo rerum ille aequabilis et tranquillus status non a desidia et inertia, ad quam plerumque ipse temporis decursus sodalitia ducere solet, profectus sit. Sin vero officia omnia ac munera publice privatimque religiose obeantur, stasque ac suis temporibus cuncta rite curentur; tum fortunae quidem alicujus insignioris munera defuisse ipsa rerum narrandarum inopia arguit, sed eadem declarat, nullum casum graviolem, nullam calamitatem acerbam, in qua exponenda disertus esse possis, incidisse. Sapientior itaque quisque in magna parte felicitatis ponet, si hoc unum nunc memorabile in annales referre liceat: ordine ac successu optato curata ac gesta esse Societatis munia omnia, Regisque Augustissi-

gustissimi indulgentiam et curam paternam, Virorum autem Summorum, qui Senatui Regis sanctiori terris his regundis adscripti sunt, inque iis Curatorum, Ill<sup>morum</sup> Virorum, tutelam ac studium per hunc quoque annum contigisse constans ac perpetuum, nec ulla in re defuisse seu laborum praemia seu virtutis incitamenta: quod quidem unum fortunae munus si viris litteratis non abfuerit, vix habent ii, quod de sua conditione conquerendum existimare queant.

Ex Sodalium cum praesentium tum exterorum numero per anni hujus LXXIII. decursum desideramus neminem; ex Amicis vero ac Familiaribus morte subductum *Adamum Gottlieb Schirachium*, res sacras in Lusatiae pago, minore Budissa, curantem, rei apiariae et mellificii studiis clarum.

Nec tamen Amicorum ac Familiarium numerum deminui passa est Societas, sed subrogavit Duumviros doctissimos ac clarissimos *Jo. Ernestum Wichmannum* Med. D. et Regi Magnae Britanniae ab Aula Medicum, et *Jo. Taube*, Med. D. et eundem Regi M. Britan. ab Aula Medicum, Civitatis et Agri Cellensis in rebus forensibus Medicum.

In locum *Rud. Augustini Vogel* Directionis vicibus annuis gerendis successit iterum *Abr. Gotth. Kaestner*, Collega conjunctissimus.

Ad quaestiones virorum doctorum studiis propositas progredimur: ubi illud ante monuerimus, Commentationem *Frid. Caroli Fulda*, viri doctissimi, quae ante hos duo annos praemio ornata fuerat, de duplici linguae Teutonicae dialecto nostra adhuc aetate florente, inter multas difficultates, quibus res laborabat, preli tandem moras esse eluctatam.



Primaria hujus anni quaestio erat *mathematicae* classis, anno abhinc altero proposita a):

*Refractio astronomica num calore diverso ita varietur, ut alia aliaque correctio ei adhibenda sit pro alio alioque thermometri gradu? Quod si asseratur, quaeritur lex, qua refractionis correctio ex gradu thermometri definitur, ejusque legis cum theoria ex causis physicis, tum inveniendae et examinandae methodus ope observationum.*

Molestum hoc accidit et inexpectatum, quod super argumento gravi et doctorum virorum studiis tantopere digno ne una quidem commentatio Societatis votis obtigit; etli non hoc demum argumento constitit, partim eorum, qui mathematicis disciplinis, inprimis doctioribus, operam dent, patriam nostram, forensibus magis studiis perstreptem, quam litterarum otia alentem, numerum habere perexiguum, partim paucos hos, qui Germanicum nomen in hoc genere ornant, aliis plerumque curis distineri, quam ut iis, ad quae expedienda observationis et commentationis magna subtilitas et assiduitas, otiumque et animi tranquillitas requiritur, vacare liceat.

Redierat iam res ad quaestiones *oekonomici* argumenti b), quarum alteri M. Junio anni huius LXXIII. erat satisfaciendum. Quaerebatur nimirum:

*Cum mercatum annonae esse debere liberrimum, nulloque annonae consumendae modo ne ad vina quidem fru-*

a) v. *Gelehrte Anzeigen* 1771. St. 139. *Commentar. Soc.* To. II. praef. p. IX. X. et repetita vice To. III. praef. p. XXI. XXII.      b) v. *Gel. Anzeigen* 1772. 87. et 148 *Stuck. Commentar.* To. III. praef. p. XXIII. XXIV.



*frumentacea esse interdicendum nonnulli contendunt: an hoc ipsum eorum placitum in terris Electoratus Brunsvico-Luneburgici locum haberet.*

Alteri quaestioni M. Novembris constitutus erat, ut de praemio certaretur. Expetebantur autem consilia et monita,

*quibus modis et rationibus ad extinguenda vel compescenda et reprimenda incendia, instrumentorum et operarum apparatus, qui in minoribus oppidis et in agris adhiberi solet, emendari et perfici queat, impensa tolerabili et sine magna difficultate.*

Ad utramque quaestionem dissolvendam pervenerunt in Sodalium manus commentationes numero haud paucae, in quibus multa subtiliter et accurate erant disputata. Cum tamen utraque quaestio id, de quo quaerebatur, quodque universe et indefinite positum virorum doctorum scriptis jam satis in utramque partem disputatum erat, ad terras Brunsvico-Luneburgenses revocasset et quasi coartasset; commentationibus autem illis quaestiones aut iterum tanquam universe et in genere positaе essent agitatae, aut ita pertractatae, ut ex tot diversi tractus terris vix unius provinciae esset ratio habita, nec rerum experimentis factisque satis exploratis, sed ad arbitrium aut pro consilio variatis, pugnatum esset: Societas, etsi multa in his commentationibus docte et sollerter animadversa probaret, non tamen consilio suo ita satisfacisse vidit ullam, ut praemium addicere posset. Ne tamen studium inane et infructuosum adhibuisse viderentur viri docti, Societas ex aequo bonoque esse duxit, primum, ut eorum inventa et consilia in Recensibus litterariis c) diserte et accurate exponerentur, tum ut quaestiones iterum ad novam concertationem proponerentur.

Sunt

c) *Gel. Anz.* 1773. 86 Stück et 142 Stück.

Sunt autem quaestiones in annum LXXIV propositae hae. Primaria quidem *historici* argumenti, de qua M. Novembri, in ipsis Societatis anniversariis, concertabitur d):

*Cum in regnis Europae a barbaris quondam nationibus intra imperii Romani fines constitutis episcopos Christianae religionis in comitiis suffragii ferendi jus et locum habuisse satis constet, neque tamen iis, quamdiu sub ditione Romana fuerunt, idem jus fuerit, quandoquidem nulla comitia populi celebrabantur; quaeritur, quibus de causis et rationibus, quae quidem historiarum fide probari possunt, episcopi hoc jus in comitiis suffragia ferendi consequuti sint? jusne illud omnes isti, quos diximus, populi barbari episcopis omnibus, sine discrimine formulae religionis publicae, concesserint, an iis solis, qui populi sacris essent addicti? ut Arianis quidem Gothi? quo tempore et inter quos populos idem ius abbatibus communicatum fuerit? tandem ad imperiorum naturas constituendas vel immutandas quamnam vim et effectum habuerit a priscis inde temporibus locus in comitiis episcopis et abbatibus concessus?*

*Aus was für historisch erweislichen Ursachen haben in den Königreichen, welche in den eroberten Provinzen des Römischen Reichs von den so genannten barbarischen Völkern errichtet worden sind, die christlichen Bischöfe auf den Reichstagen Sitz und Stimme erhalten, die sie doch unter der Römischen Herrschaft nicht gehabt haben können? ist ihnen diese Praerogative von allen Völkern*

d) Proposita illa jam fuit M. Nov. p. XXII. XXIII. et repetita vice Gel. anni 1772. v. Gel. Anzeig. ejusd. anni, Anz. 1773. 42. Stück p. 1208. 144. Stück et Commentar. To. III. praef.



kern eingeräumt worden? oder, welche Völker haben sie ihnen eingestanden? Haben sie die Bischöffe ohne Unterscheid der Religionspartheyen, oder nur die, welche der Religion des Staats, z. E. bey den Gothen der Arianischen beypflichteten, genossen? Wenn und bey welchen Völkern sind die Aebte zuerst hinzugelassen worden? und was für einen Einfluß hat diese Zulassung der Geistlichkeit zu den Reichstagen in diesen ältesten Zeiten in die Staatsverfassung dieser Völker gehabt?

Ad annum autem LXXV quaestio de vaporibus letiferis cavernarum circa acidulas iterum proposita est, ut jam significatum a me est superiore volumine e). Constitutum est in singulas quaestiones victrici commentationi praemium L Ducatorum aureorum. Ante Kalendas Octobres a. LXXIV et V traditas esse necesse est commentationes, quae ad concertationem admitti volent.

Oeconomici argumenti quaestiones, quibus praemium XII ducatorum aureorum propositum est, in annum LXXIV binae prostant: altera, de qua in Confessu Mensis Julii iudicium Societatis promulgabitur, ut in medium proferatur

*Accuratio recensio insectorum libris et chartis infestorum, cum eorum plura sint genera ac diversa: tum expositio sigillatim facta humorum, coriorum, farinaceorum aliarumque rerum quae ad librum compingendum adhibentur, quibus potissimum genus quodque insidiari solet; una cum remediis, quibus illa pestis aut arceri a bibliothecis et archivis, imprimis amplioribus, aut comprimi et extinguere possit.*

Wie

e) *Commentar.* To. III. praef. p. XVII. et XXIII.

*Wie vielerley Arten von Insecten giebt es, welche den Urkunden und Büchern in Archiven und Bibliotheken schädlich sind? welchem Stücke der Materialien geht jede Gattung besonders nach: und welches sind die thulichsten und durch die Erfahrung bewährtesten Mittel, diese Insecten von großen Urkunden- und Bücher-Sammlungen theils abzuhalten, theils zu vertilgen f).*

Ante M. Junii decursum anni LXXIV commentationes ut mittant, qui ad certamen admitti voluerint, curabunt. In Confessu autem Mense Novembri habendo dispicietur de ea quaestione, quam paullo ante iterum praemio XII ducatorum aureorum proposito vulgatam esse narravimus:

*Ut viri docti consilia et monita in medium proferant, quibus rationibus et modis ad extinguenda vel compescenda et reprimenda incendia, instrumentorum et operarum apparatus, qui in minoribus oppidis et in agris adhiberi solet, in his quidem terris Brunsvico-Luneburgensibus, emendetur et perficiatur, impensa tolerabili et sine magna difficultate.*

*Man soll Mittel anzeigen, die in der Ausführung thulich, nicht gar zu kostbar und der hiesigen Landesverfassung angemessen sind, wodurch die Feuerlöschungsanstalten in den hiesigen Landen in den kleinen Städten sowohl als auf den Dörfern zu verbessern sey.*

Ante Kalendas Octobres solito more mittuntur commentationes, quae in censum venire volent.

Defuncti videbimur opera nostra in prolusione hac ponenda, si commentationum argumenta et tempora, quibus recita-

f) *Gel. Anzeig.* 1773. 88 Stück et 142 St. p. 1209.



recitatae fuerunt, adjecerimus: Uberior earum expositio et illustratio ex Recensibus Societatis litterariis librorum novorum g) hujus anni petenda est.

clōlō ccLXXIII.

Recitatae sunt Commentationes sequentes: d. IX Jan. Alb. Lud. Frid. MEISTER de *Heronis fonte educendis ex puteo aquis adhibito, sive de hydraulo pneumatico Schemnitensi.*

d. VI. Februarii: Aug. Gottl. RICHTER *Observationes de Amaurosi.*

d. VI. Martii Jo. Andr. MURRAY de *polypis-bronchiorum.*

d. III. Aprilis Abr. Gotth. KAESTNER de *planetae declinationem et parallaxin continuo mutantis diurno ad parallelum aequatori referendo.*

d. VIII. Maji Henr. Aug. WRISBERG de *secundinarum humanarum varietate.*

d. V. Junii Jo. BECKMANN *experimenta lanas inficiendi floribus carthami tinctorii.*

d. X. Julii Alberti de HALLER de *partibus corporis humani irritabilibus Sermo quartus.*

Eodem Confessu recognitae sunt commentationes de quaestione: *an mercatus annonae libertas nullis in his terris limitibus circumscribenda sit, ne ad vina quidem frumentacea conficienda h):* et judicium Societatis pronuntiatum interprete Chr. Gottl. HEYNIO.

d. VII. Augusti Chr. Guil. Franc. WALCHII *historia rerum in Homeritide seculo VI. cum a rege Judaeorum contra Christianos,*

g) *Gelehrte Anzeigen* 1773.

h) v. paullo antep. VI. VII. et *Gel. Anz.* 1773. 86 Stück.

*stianos, tum ab Habessinīs ad hos ulciscendos gestarum. Particula prior.*

d. XI. Septembr. Chr. Gottl. HEYNE *Monumentorum Etruscae artis ad genera sua et tempora revocatorum illustratio. Specimen prius, quod antiquiora complectitur.*

d. IX. Octobris Jo. Philipp. MURRAY *de re navali veterum septentrionalium.*

d. XIII. Novembris, quo Societatis anniversaria celebrabantur, Alberti DE HALLER commentatio *de Lue bovillā agri Bernensis.*

Eodem Confessu, qui persolvendo praemio super quaestione *de refractione astronomica variante et corrigenda*, et super altera oeconomica *de incendiorum comprimendorum ratione in agris et oppidis minoribus*, dictus erat, C. G. HEYNE recitavit argumenta commentationum de altera quaestione concertantium, et iudicium Societatis promulgavit i). Idem res et curas Societatis per hujus anni decursum brevi narratione exposuit.

d. XII. Decembr. Chr. Guil. Franc. WALCHII *historiae rerum Sec. VI. in Homeritide gestarum Particula altera.*

Missa sunt ad Societatem et in Confessibus publicis exhibita sequentia:

Jo. Ern. Wichmann *observatio de ulcere pectorali ex pleuritide nato: d. IX. Jan. k).*

Uno de Troil, *narratio de monte Hecla et thermis fontibusque Islandiae: d. VI. Martii l).*

Jo.

i) v. sup. p. VII. et *Gelehrte Anz.* 1773. 142 Stück.

k) v. *Gel. Anzeig.* 1773. 17 Stück.  
l) *ibid.* 46. Stück.



Jo. Frid. Hartmann *observationes meteorologicae* a die 20. Aug. ad 31 Dec. clōlccLXX. m)

*Horologium musicum fidicinum*, a Jo. Godofr. Rauschenplatt confectum n).

*Machina limis fabricandis inventa* a Klindwortho juniore o .

Frid. Casim. *Medicus super Pyramidum exstructarum causis* p).

*Picturae encausticae in vitro* ab Hermanno Porthusen, Brem. q)

*Microscopium novis accessionibus locupletatum proque usus varietate variabile auctore* Jo. Chr. Baumann, *Optic.* r)

Antonii Cap de Villa *Notitiae operum* mss. s)

Chr. Guil. Buttneri *Notitia libri Japonici: Speculum Jedense* t).

Atque haec quidem de studiis nostris communibus exposuimus; quae ubi ad utilitatem publicam, cujus causa suscepta sunt, aliquid fructus habuerint: nos quidem id, quod spectabamus, consequuti esse nobis videbimur. Quod enim alio loco Transylvaniae marmor enarravimus: *Nisi utile est quod fecimus, stulta est gloria nostra*; ad nostra, quam ad aliorum, studia multo magis pertinere bene meminimus.

Scr. XX. Aprilis clōlccLXXIV.

m) *ibid.* 48 *Stück.*

n) *ibid.* 50. *Stück.*

o) *ibid.* 68 *Stück.*

p) *ibid.* 69. *Stück.*

q) *ibid.* 82 *Stück.*

r) *ibid.* 132 *Stück.* p. 1126.

s) *ibid.* 143 *Stück.*

t) *ibid.* 151 *Stück.*

CHR. GOTTL. HEYNE.

IN-

INDEX COMMENTATIONVM  
TOMI IV.  
NOVORVM COMMENTARIORVM  
SOCIETATIS REGIAE SCIENTIARVM.

---

*Praefatio* C. G. Heynii.

COMMENTATIONES PHYSICAE ET  
MATHEMATICAE.

Alberti de Haller *de partibus corporis humani irritabilibus* Sermo quartus praelectus d. X. Julii cl<sup>o</sup> 1773 To. IV. p. 1.

Ejusdem *de Lue bovilla agri Bernensis* Commentatio: d. XIII. Nov. p. 25.

Jo. Andreae Murray commentatio *de Polypis bronchiorum*: d. VI. Martii. p. 44.

Henr. Aug. Wrisbergii commentatio *de secundinarum humanarum varietate*: d. VIII. Maji. p. 57.

Aug. Gottl. Richteri *observationes de amaurosi*: d. VI. Febr. p. 77.

Jo. Beckmanni *experimenta lanas inficiendi floribus carthami tinctorii*: d. V. Junii. p. 89.

Abr. Gotth. Kaestner *de planetae, declinationem et parallaxin continuo mutantis, diurno ad parallelum aequatori referendo*: d. III. Aprilis p. 120.

Alb. Lud. Frid. Meister *de Heronis fonte educendis ex puteo aquis adhibito sive de hydraulo pneumatico Schemnitienfi*: d. IX. Jan. p. 169.

COM-

COMMENTATIONES HISTORICAE ET  
PHILOLOGICAE.

Chr. Guil. Franc. Walchii *Historia rerum in Homeritide seculo VI.  
cum a rege Judaeo contra Christianos, tum ab Habessinīs ad hos ulciscen-  
dos gestarum*: Particula prior recitata die VII. Aug. p. 1.

—— ——— Particula posterior d. IV. Dec. p. 40.

Chr. Gottl. Heyne *Monumentorum Etruscae artis ad genera sua et  
tempora revocatorum illustratio*. Et nunc quidem Specimen I. *antiquio-  
rum*. d. XI. Sept. p. 65.

Io. Phil. Murray *Antiquitates Septemtrionales et Britannicae atque  
Hibernicae inter se comparatae* Commentatio prima *de religione*. Praelecta  
die III. Octobr. MDCC LXXII. p. 89.

Ejusdem *de re navali veterum septemtrionalium* Commentatio die IX.  
Octob. LXXIII. p. 119.



TABVLAE AERI INCISAE HAE SVNT:

I. Funis umbilicalis velamentis insertus (Wrisberg. Commentat. Obf.

II. p. 63.)

Speñtat ad p. 76.

II. Kaestneri Commentat. p. 120.

Speñtat ad p. 130 fqq.

III et IV. Meisteri Commentat. tab. I et II p. 169. fig. 1-18.

Speñtant ad p. 173 fqq.

---

ALBERTI



ALBERTI DE HALLER  
DE  
PARTIBVS CORPORIS HVMANI  
IRRITABILIBVS  
SERMO IV.

PRAELECTVS D. X. IVL. CIDI CCCLXXIII.

---

**A**liquanto minor fuit de *irritabilitate* dissensus; fuit tamen utique. Quem ut componam, nunc est adlaborandum. In priori illo anni 1752 sermone de sola ea vi dixi, quae nomen exinde habet, quod ab irritatione cieatur. Nunc de viribus contractilibus corporis humani universis dicemus, quas multi conjunctas voluerunt, nos separamus.

Comm. Soc. Goett. T. IV.

A

Vis



Vis contractilis universis corporibus inest, quae terra fiunt et glutine; in eo haftenus operosa, ut certe firmitas inde et cohaesio partium nascatur, quae se tenent renuuntque separari. Nulla absque ea firmitate fibra est; eaque vis cum siccatione consistit, ut in chordis sit potentissima, quae fiunt ex intestinis convolutis. In capillis eadem valida inest, sic in fibra tendinea, in fibra ligamentosa, cujusmodi ex fibris nostro aevo potius quam ex cute validissima et elastica lora parantur, magnis ponderibus sustinendis aptissima. Est in cute pariter inque corio ea vis, quae omnia validae tractioni resistunt, nempe elementis suis adeo valide se adtrahunt, ut ab iis, ponderibus appensis, negent divelli; ea denique dimisso, quo extendebantur, pondere, valida vi in se resiliant, seque contorqueant.

Paulum alia natura est vis contractilis, pariter mortuae, quae in membranis residet, et in musculis. Haec enim cum humiditate coniungitur, eaque deleta, vel tota disperit vel insigniter minuitur. Membrana humida tensa quasi est, ut dissecta, vi contractili sua eius fibrae se retrahant, vulnerisque hiatum reddant ampliorem. In fibra musculari humecta eadem est natura, dudum etiam mortua, in sicca non item. In cellulosa tela universa, et viva et mortua, ea vis residet, ut insigniter cedat, eademque liberata se in brevitatem contrahat. Cutis ab humore effuso, a fetu distenta, elastica vi paulatim se contrahit et abdominis nativam angustiam restituit. Vitiose augetur *a*), ut saepe omnino viderim; *contractos*, ut vocant, artus, non aliam ob causam immobiles in sua brevitate fuisse, quam a cellulosae telae majori robore. Ab eadem potentia alia phaenomena repetimus.

In cellulosa spatiola humor perpetuo effunditur: eum humorem arteriae exsudant, venae resorbent. Is idem, quando omnia recte se

*a*) Conf. ELEM. Phys. L. XI. p. 443. Vbi similia reperies, quibus vero hic sermo omnino non potuit carere.



se habent, a vi contractili suarum cellularum, a que ipsa etiam cute continetur, ut neque cellulas suas distendere possit, neque cutem expandere. Quam primum vero ea vis contractilis se remittit, pergit quidem excerni humor, cellularum autem cum diminuta sit resistentia, distendit earum spatiosa, et in aquosum tumorem cutem ipsam inflat. Simul, cum in maiores quasi lacus aquula collecta sit, agitur a pondere suo, et pedes potissimum occupat, quo a gravitate ducitur. Haec est oedematum generatio, quae adeo vulgo in corporibus utcunque debilitatis oriuntur, aestate et diminuta per calorem vi contractili velamentorum augentur, a que eadem per frigus et hiemem restituta dissipantur.

Per eadem cellulosa spatiosa, dato orificio, aut partis alicuius resistentia diminuta, ad eam sedem humor in cellulas effusus confluit. Ita universum corpus aquoso tumore turgidum per incisas tibias, per sola etiam pediluvia levatur. Ab ea physiologica contemplatione edoctus coepi in pectoris hydrope, malo in nostris senibus frequentissimo et post summas miseras lethali, sinapi in aquam injecto, longissimoque tempore protracto balneo, pedes emollire, quoad denique per dilatatos poros aquas effunderent, aut cute rimas agente humore destillarent. Ita aquam in pectus effusam eduxi, et spiritus libertatem restitui, ut aegroti in lecto suo somnum capere possent, suarumque anxietatum levamen invenirent.

Cellulosae etiam telae lentae contractioni puris metastases debentur, quas a pulmone in femora, in eadem a rene factas vidi. Per eandem denique telam migrationes *b)* fiunt corporum peregrinorum, quae adeo frequenter per vulnus aliquod in subcutanea spatiosa recepta, in alienissimas corporis partes sensim succedunt.

In

*b)* ELEM. PHYS. L. 5. p.

In his ipsis corporis humani partibus incipiunt prima irritabilis naturae quasi stamina, quae demum in fibra musculari ad suam acmen pertingunt. Nempe cutis, quum tota cellulosa sit, a frigore tacta, potissimum etiam in scroto, contrahitur et rigescit. Deinde venena acria chemica omnia, corporis animalis partes, quae ex celluloso textu componuntur, cutem arterias venasque, et contrahunt et reptare cogunt, ut saepe vidi. Vix ulla pars corporis animalis est, quae hanc vim non sentiat.

Nunc inquirendum est, num haec eadem sit vis, quam *insitam* voco, et quam vulgo *irritabilitatis* nomine insigniunt. De ea quaestione ut definiatur, dotes proprias *mortuae vis c)* et *insitae* oportet comparare.

Quam vim mortuam haecenus descripsimus, eam ubique in corpore animali habitare ostendimus, ut vix cerebrum, ossa, dentes, paucissimasque alias partes excipias; nam etiam nervi ea potestate pollent.

Eadem continuo et absque alternis vicibus agit. In partibus cellulosis potentior est, et evidentior, quam in ipsis musculis.

Etsi in vita operatur, tamen post mortem efficax remanet; non in mortis vitaeque communibus limitibus, sed multis a morte diebus. Arteria cera repleta, compuncta, sensim, per mensem, dum non undique exsiccata sit, vermiculum ceraceum per vulnusculum pergit expellere, per contractionem cellulosae naturae, quae in arteria dominatur.

Ab irritatione mechanica non suscitatur, certa per experimenta et abunde repetita. Si vere arteriae electrico ictu percussae, aut a  
vol-

c) Conjungit TRABUCCHI, si is quidem sui opusculi auctor est *de respir.* p. 39.



volsella comprehensae, se constrinxerunt: si verus est, inquam, eventus, quem mihi non datum est vidisse, sed neque aliis fide dignis auctoribus: non putes arteriae cellulosae fabricae hunc iniuriarum sensum debere tribui, sed musculosae naturae, quae est in arteriis. De reliquis corporis partibus verum est, nunquam a ferro raras moveri, praeter solam fibram muscularem.

Si frigus cutem caperat, ad vim mortuam putes hunc motum spectare, cum a frigore omnia mollia indurentur, ipsa metalla contrahantur, et demum omnes corporis animalis partes obrigescant, etiam a morte: ut in eo ipso rigore mortis certius signum nuperi scriptores ponant. Subito vero magis in vivo homine frigus operatur, quod calida cutis, quod cutis perspirabilis, quod humida, quam jam frigefacta et sicca, aeris novum contactum acrius sentiat. Facile enim intelligitur, rigorem a frigore inductum esse in ratione differentiae, qua frigus a calore cutis distat, quae eadem est mensura mutationis quam a frigore expectes.

Frigus, quod cutem in rugas agit, verum motum *insitum*, irritabilitatem, destruit, et idem terminus est ejus potentiae, qui caloris natiui *d*).

Nunquam non agit vis mortua, neque in vita, neque a morte, etsi contrariae tractiones plerumque se destruunt, ut pars animalis vi mortua rigens quiescere videatur. Siquidem enim membranae dissectae labia se utrinque retrahunt et hiatum aperiunt, facile intelligitur eam vim non esse a sectione natam, sed pridem in membrana fuisse.

Quare cum irritabilitas et a stimulo demum fuscitetur, et brevi a morte tempore agere pergat, vis mortua longe constantior, et in  
vita

*d*) Conf. CALDAN, *rifless.* p. 241.

vita superest, et a morte diu se sustinet, neque stimulo, ut operetur, indiget.

Nunc *vis insitae* longe alia sunt phaenomena. Multo violentior hic motus est, celerior, magis conspicuus. Videas musculorum carnes vivas detectas, videas nuper mortuas, palpitare, alternis vicibus ad medium muscolum adduci, a medio recedere, ut caro modo longior fiat, modo brevior, et ossa partesque alias, quibus hi muscoli extremis finibus adhaerent, accedere et recedere cogat.

Ita saepe vidi absque stimulo, certe mihi noto, qui extus accesserit, et res vulgo nota est. Putes etiam perpetim vim insitam operari, quum notissimum sit, quam primum ossa emollita trahentibus musculis *e)* obediunt, eos artus totos curvari, et homines ad minimam staturam redire. Ita cum pene ubique muscoli oppositis viribus se librent, notum est, et GALENO *f)* dictum, eorum altero resecto aut resoluta, integrum muscolum totum artum suas in partes trahere, flectere, si extensor destructus fuerit, extendere si flexor. Idem phaenomenon chirurgis est notissimum. Hanc vero vim ad insitam merito referimus, cum et velox sit, et in solis musculis resideat.

Frequentius equidem eadem potestas per stimulum aliquem excitatur, ut musculus, intestinum, cor, quae quiescere videbantur, a stimulo in contractionem oriantur. Ante quam stimulus masculi spermatis accessit, cor embryonis iners fuit et quiescenti vicinius, aeternum in languore perstiturum, nisi is stimulus accessisset. Hi efficaces stimuli in musculis planis fere ex omni genere acrimoniae possunt repeti. Sed etiam flatus, et aqua, et frigus, et calor, et potentissimum elementum electricum, vim insitam suscitant, quo  
cum

*e)* MACBRIDE *introduc.* p. 612.

*f)* *mot. muscul.* c. 8.



non quidem omnes, plusculi tamen, aegroti motum artuum resolutum recuperarunt. Flexores g) digitorum electrica commotione concussi, alterne egerunt quasi clavicymbalum agitent h). Ipse vidi, et saepe, musculus sternomastoideum ab excitata scintilla electrica tantum subito caput in alterum latus convertisse. Anguilla stuporifera, vere electrica, perinde paralysin sanat admota i).

Irritationis alterum genus est mechanicum, a ferro aut a corpore aspero quocunque repetitum. Ea stimulorum classis non operatur in ratione ponderis aut virium, et plumulae effectus multo k) maior est, quam acus; et aer inflatus musculos cavos efficacissime irri-  
tet. Musculi cavi in universum ad irritationem procliviores sunt, cor certe, et intestina: non perinde, si externa superficies tangatur, magis si interna. Ea irritatio aliquanto alium effectum producit, ab eo, quem externas irritationes sequi videmus.

Irritationis internae is est effectus, ut irritatio contractionem cieat, eam relaxatio sequatur. Videtur autem effectus irritationis non consumi in unica contractione et relaxatione: nam ab unica cordis irritatione contractiones plussculae et totidem sequuntur relaxationes, sic in musculis. Credas quamque contractionem aliquantum de efficacia irritationis demere, non autem ita exhaustire, quin pars effectus irritationis in fibra porro in actum erumpat, quam primum relaxatio fibram in eum statum restituit, in quo irritata fuit.

In vesica urinaria, in ventriculo, in intestino paulo alius est effectus, eae enim corporis humani partes, pariter equidem musculosae,

g) *Mem. de l'Acad. des sc.* 1755. p. 70. IALLABERT in propr. op. WHYTT. *schapp.* T.VI. 279. PIVATI.

h) *Mem. de l'Acad.* 1749. p. 35.

i) *Verhandeling der Holl. Maat-* *schapp.* T.VI. p. 2.

k) FONTANA *leg. irrit.* p. 2.

losae, tamen, quando stimulus eas tetigit, absque alterna relaxatione pergunt contrahi, quoad in minima diametro possibili quiescant, quoad nempe inania sint. Saepissime haec vidi, ut errorem non putem fuisse posse. Cor, etsi cavum est, tamen cum reliquis musculis in alterna relaxatione consentit, sic vena cava et auricula.

Quando musculus in plena contractione riget, tunc quidem stimulus porro non sentit neque ultra mutatur. Eiusmodi multa in rana experimenta Vir Ill. M. A. L. CALDANVS fecit *l)*, viditque tetano universali rigentes musculos, a nullo porro stimulo mutatos fuisse. Cor nimis distentum, auricula potissimum dextra, mire alioquin irritabilis, non sentit in eo statu stimulus, ab eadem forte causa, quod nimis rigida non apta sit contrahi.

Irritabilitatem destruit etiam frigus. In carnibus musculorum cum calore nativo plerumque deletur, nonnunquam non diu a morte *m)*, alias serius. Adeps etiam coactus eandem vim destruit. Quae omnia vi mortuae non nocent.

Quare, uti quaeque pars corporis diutius aeri frigidiori exponitur, eo citius etiam stimulo definit esse obsequiosa. Haec causa fuerit, cur aliquando intestina diutius quam cor ipsum, irritabilia fuerint, quod caeterum ea potestate omnes animalis partes superat, uti paulo post dicemus.

Irritatio musculi non transit in alium, nisi forte ea fuit stimuli violentia, ut nervi ipsi irritentur. Sed etiam tunc in morbis potius convulsio ad alios musculos transit, quam in experimentis, quae in vivis capiuntur animalibus. Ipsa medulla spinali irritata, superius quidem

*l)* In *Epist. ad me data*, excusa in *Excerpt. litter. add. rissleff.* p. 253.

*m)* Triginta min. prim. CALDAN. *rissleff.* p. 241.



quidem si irritatio locum habuerit, brachia, et pedes *n*), inferius certe soli pedes in consensum aguntur, parique cientur motu.

Natura stimuli impatiens, per certa et repetita experimenta, solis in musculis residet *o*). Qui contra in membranis sedem potentiae irritabilis posuerunt, ii vel in verbis sibi permiserunt ludere *p*), vel mortuam vim cum insita confuderunt, ut retractiones meras partium dissectarum ad irritabilem naturam revocarent, vel venenorum effectu sunt abusi. Pericardium irritabile non est, nisi ab urente stimulo *q*). In visceribus nobiscum consentitur *r*). Neque fere de nostrae potentiae limitibus litigatur. Tendo ipse nihil habet irritabile. Cellulosae telae inertiam alii Cl. viri recognoverunt *s*). Iris, quae cellulosa sit, non est irritabilis per mea, perque Ill. FONTANAE experimenta *t*).

Ad muscularem fibram etiam caveas referas, musculosis laceratis obvestitas, ut vesicam urinariam, intestinum, ventriculum. Ne nunc quidem, etiam post nupera GVALTHERI A DOEVEREN experimenta *u*), de vesica fellea liquet, uti neque de fibris eius carneis constat.

Per plurimas adnotationes tandem confirmatum est, inter omnes partes corporis animalis cor irritabili natura superare.

Haec

*n*) FONTANA mot. irid. p. 78.

*o*) Consentit P. A. MARHERR l. c. p. 548.

*p*) Omnes corporis partes esse contractiles, sed in membranis solam intra-tensionem subsistere. FABRE eff. p. 50.

Comm. Soc. Goett. T. IV.

*q*) DOEVEREN p. 216. 223.

*r*) p. 248.

*s*) MACBIDE introd. Non vivit, non sentit, non movetur. p. 1.

*t*) De motu irid.

*u*) p. 217. 218. 222.

Haec simplicissima adnotatio ad difficillimam quaestionem expediendam sufficit, cur nempe cor cum intestinis perenni motu agitur, etiam in somno, inque morbofo sopore, quando omnia alia machinae humanae instrumenta quieverunt. Diximus, et nunc fere consentientes habemus primarios his de rebus iudices, cor et intestina stimuli impatientissima a solo humore in caveae cavum impulso ad motum cieri: in aliis musculis vim insitam in motum non erumpere, nisi vel stimulus nervosus accesserit, quem voluntas musculo immittit, vel potentior aliqua irritatio aut nervi aut musculi, quae ad convulsiones ciendas sufficiat.

Verum si simplicissima haec est adnotatio, eget tamen confirmatione, cum sint etiam experti viri qui hanc cordis praerogativam nolint admittere. Verum non difficile est rem maximi momenti confirmare; quod plurimi illustres etiam in batava schola viri  $\alpha$ ) fecerunt.

Ergo primum omnino in animali machina mobile cor est. Solum alacre, ad motum solum irritabili vi cietur, quo tempore musculi et intestina ne quidem sub oculum cadunt. Die 14<sup>to</sup>  $y$ ) demum intestina irritabilem naturam induunt, ferius etiam utique musculi  $z$ ) et pigerrimam; cum incredibili velocitate cor saliat, et per rationes alibi expositas  $a$ ) procul dubio a primis fetus primordiis perfectum adfuerit.

Porro in frigidis animalibus  $b$ ) nullum omnino dubium superest, quin multo quam omnis alia animalis particula cor constantius micet.

$\alpha$ ) GAVBIVS *pathol.* p. 74. sed etiam P. A. MARHERR l. c. p. 122. etc. MACBRIDE *introduc. to phys.* p. 21. Conf. *Opusc. min.* I, p. 495.

$y$ ) *Form. pull.* p. 398 in T. II *Op. min.*

$z$ ) Nulla metiam vigesimo die. *Form. pull.* p. 406.

$a$ ) ELEM. PHYS. L. XXIX. p. 178.

$b$ ) *Elem. Physiol.* L. IV. p. 466.



micet. In ranis dum omnia quiescunt, ad seram usque noctem cor solum micuisse vidi. Sic in anguilla decem horis cor in aperto pectore micat, sex aliis horis manet irritabile, et quadraginta a morte horis ad motum in loco calido redit *c*). Similia in vipera *d*), testudine, cancro, idonei testes viderunt. Sed haec sunt notissima.

Sed etiam cor evulsum integris horis pulsat, dum intestina languide, sed brevi tempore, ad stimulos constringantur, muscoli pene continuo obsurdescant. Ipse rebus nostris iniquior D. VANDENBOS exemtum cor pulsasse vidit *e*), cum omnes muscoli quievissent.

In calidis animalibus accidit aliquando *f*), ut musculus palpitaret, quando cor desierat micare. Verum id ipsum rarissimum est, et longe plerumque etiam in hac classe, in cane, fele, cor pulsare pergit, quoad totum frigidum *g*) obrigit, eiusque adeps coacta sit. Ita non in pullo solo avis musculorum et intestinorum irritabilitatem superavit *h*); sed in cane pluribus horis cor primum, deinde tamen auriculam et venam cavam vidi micuisse. Id quidem vulgo requiritur, ut calidum sit et humidum *i*); sed tamen neque ea conditio necessaria est. Pulli, calidi animalis, cor ad miraculum usque etiam frigidae aquae vim superat, quae solet irritabilitatem destruere. Nam tota nocte pullus in frigidammersus, altero die cor micans habuit. Vigesima sexta post quietem hora ad motum a GVLIELMO LANGLEY *k*) revocatum est. Sed etiam cor felis in frigida vim irritabilem non deposuit.

Intestina in frigidis animalibus multo minus sunt irritabilia quam cor, multo etiam serius in pullo contractilem naturam induunt. Prius tamen

*c*) CALDAN. *rifless.* p. 270.

*d*) 24 horis a morte. CHARAS *theoriac.* p. 43.

*e*) in corp. hum. *solid. exp.* 12.

*f*) VERSCHVVR *arter. exp.* 2.

*g*) *Element. Phys.* l. c. p. 466.

*h*) *de pull. form.* p. 388.

*i*) CALDAN. *rifless.* p. 242.

*k*) p. 179.

tamen ea pollent quam muscoli, et die vigesimo vehemente motu peristaltico ab irritatione agitantur, quo tempore muscoli stimulum nondum sentiunt *l*).

In calidis quadrupedibus aliquando diutius quam cor ipsum irritabilem naturam conservarunt, ut tamen credas, eam constantiam frigori tribuendam esse, quo cor perculsum fuerit; prius nempe nudatum, quo tempore intestina in clauso abdomine calorem retinebant. Multo tamen minus diuturna est intestinorum irritabilitas. Evulsa, dissecta repunt quidem, sed per pauca minuta. In sua sede relicta vix unquam ultra bihorium a morte irritabilia manent, multo ergo minus constanter, quam de corde diximus. Musculos utique multum superant *m*) pertinacia, et irritabilitatem retinent, quando in musculis eadem extincta est *n*). Ab opio plerumque ea vis deletur *o*).

Oesophagi fere, quae intestini, vis est irritabilis, nec ventriculo, certe in experimentis, pigrior *p*).

Diaphragma reliquos musculos plerumque *q*) superat, aliquando et intestina *r*).

Reliqui muscoli, qui voluntario motui obediunt, in cadavere quidem fere quiescunt, et rarius palpitant. Irritati aliquamdiu, sed multo breviori plerumque tempore quam cor, ad motum revocantur, magis ab irritato nervo, quam a musculo ipso lacerato. Serius irritabilem naturam induunt; in pullo quidem postquam de ovo exclusus est.

In

*l*) *Form. pull.* p. 427.

VEREN p. 216.

*m*) *Oper. min.* T. I, p. 400. n. 421.

*q*) *Oper. min.* T. I, n. 184.

*n*) n. 420. 380. 372. 364.

*r*) n. 194. Praefert intestinis PRES-

*o*) n. 404. 405. 406. 397.

SAVIN *malad. des nerfs.*

*p*) *Oper. min.* T. I, p. 390. 430. DOE-



In diversis animalibus vis irritabilis diversa est, acrior in iunioribus et in avibus. Inter homines morbi hysterici ostendunt, nerveam vim plus posse in musculis convellendis in foeminis, inque mobili temperamento, minus in placido. Sed ea vis, ut continuo dicemus, alia est a vi insita, quam putamus magis valere, ut cuique homini integerrima est valetudo. A vi enim insita cor regitur, sanguinis adeo motus, et instrumentum coquendi alimenti.

Nunc superest, ut ostendamus, hanc vim insitam non eandem esse cum ea, quam mortuam diximus. Sede differt, quam in sola fibra musculari habet, vis mortua etiam in cellulosa inque tota pene corporis fabrica. Relaxationis vicibus cum contractione alternantibus fere absolvitur, illa continua est. A morte superest, sed multo breviori quam mortua tempore. Ab irritatione mechanica suscitatur, quae mortuam non ciet. Valentior est et magis conspicua. A siccitate destruitur, quae vim mortuam auget.

Sed alia in fibra musculari vis habitat, quam ab insita diversam esse, ostendendum est. Ea vis est *nervea*, quae nempe ad fibram muscularem per nervos accedit, et nervis amputatis vel ligatis supprimitur.

Non immorabor, ut hanc vim vere in corpore animali locum habere ostendam, etsi fuit summus anatomicus, qui, ut de rebus physiologicis amabat dubitare, etiam hanc potestatem non putabat satis idoneis argumentis evinci.

Verum certissimum est, nervum cujuscunque musculi irritatum, eum musculum in convulsionem ciere, multo potentius, quam quidem cietur musculus, cuius ipsam carnem irritamus. Si nerveus truncus insignior irritatur, qui ad plures s) musculos ramos distribuit,

s) ut plexus brachialis. TRABUCCI p. 148.

buit, tum omnes ii muscoli contrahuntur, qui nervos ab eo trunco habent. Cerebro denique vel medulla spinali irritata, per universum fere corpus nervi distenduntur, et muscoli acerrime contrahuntur. Haec adeo vulgo nota sunt, ut nullis citationibus necesse sit confirmare. Deinde nervum ligatum si supra vinculum irritaveris, musculus ejus nervi quiescit, si infra linum, contrahitur idem. Si vinculi loco nervum presseris, perinde motus muscoli intercipitur; si pressum laxaveris, ablata causa comprimente motus in musculo suscitatur.

Ligato item nervo, causa motus muscularis a nervo avertitur; nam si eo in statu aut cerebrum compresseris aut medullam spinalem, nihil in iis musculis mutabitur, quorum nervus ligatus est.

Non ergo dubium videtur, vel ex hoc brevi compendio, motum nervosum ex cerebro per nervum in musculum advenire, neque absque ea nervea vi existere posse.

Multa nunc haec vis nervea communia habet cum vi insitae. Perinde in sola fibra musculari residet, et, ut ea, irritati muscoli motum aliis *s*) musculis non communicat.

Musculus ab utraque causa contractus pariter brevior fit, tumet, induratur, cavus si fuerit, liquores suos expellit, vesicae exemplo; pariter non pallet *t*), et quae reliqua sunt agentis musculi phaenomena.

Violentia vis insitae in corde, in intestinis etiam major, in aliis musculis potius minor videtur. Ligato enim nervo musculi, ut olim

*s*) FONTANA *mot. irid.* p. 178. OEDER de *irrit.*

*t*) Paulatim haec pars veri praeiudicatarum opinionum vim superat. Te-

stes sunt BRAIDOR apud BERTIER, *Journal des Sav.* 1764. CARRERE *circ. sang.* p. 40. 41. OOSTERDYCK SCHACHT de *motu muscul.* MARHERR l. c. p. III.



olim monuimus et continuo oportebit repetere, superest quidem in musculo vis insita, sed multo quam ea debilior, cuius in nervo irritato causa est. Et tamen convulsiones animalium morientium nuperque mortuorum vehementes sunt utique, etiam absque stimulo natae.

Multa cum utraque potestas similia habeat, non est aut mirandum aut succensendum, si clari viri et olim *u)* et nuper *x)* etiam post experimenta nostra, omnem a sensu irritabilitatem esse, eamque vim, quam nos dicimus insitam, a vi nervosa nolunt distinguere. Accurate ergo in ea lite versari oportet, ut ostendatur, esse in vi insita suos characteres proprios, qui non sinant eam vim cum vi nervea eandem esse.

Primum quidem multo latius patet, et ad ipsas plantas se extendit, et ad animalia destituta nervis. Nihil enim irritabilitati similis cogitari potest, quam staminum in quam plurimis plantis elater. In urtica, parietaria, chenopodio, aliis bene multis apetalis floribus saepe vidi, tactum acicula stamen, haftenus incurvum et complicatum, et clauso sacculo pollinis fecundantis, se erexisse, explicuisse, rupisse eum sacculum, explosisse pollinem. Similia in filicibus fiunt; similia in peziza vidi, ut iterato pollinem cum impetu exploderet, similia in carpobolo MICHELIVS. Denique nuper est ostensum, plerarumque plantarum classis capitatae stamina, quae in vaginam circa tubam coalescunt, simili omnino vi irritabili gaudere *y)*. Tremellae elasticas oscillationes et fibrarum motum spontaneum

*u)* Nervus sensus et motus organum p. 226. *physiolog.* p. 150. SMITH de est. GALEN. *hipp. el.* PLAT. *Duret.* mot. *musc.* f. Conf. *Oper. min.* p. 482. l. c. 9.

*x)* I. AVG. VNZER, vir peracuti ingenii, *Grundriss* p. 25. *kleine Schriften* *y)* Conf. infausta morte peremri CAVOLI, et optimae spei juvenis I. F. GMELINI de ea re experimenta.

neum lateralem, progressivum, retrogradum nuper Cl. NEEDHAM descriptum dedit z).

In animalibus simplicibus, quibus neque oculi sunt neque cerebrum, neque nervi, neque muscoli, irritabilis natura superest, ut in polypis illis per admirabilem TREMBLEVI industriam celebratis, in paxillis feminalibus polypi calamarii, quorum historiam TVRBERVILLE NEEDHAM descripsit, eadem vis in multis animalibus aquaticis viget, urtica marina, podice marino a), tethyo, mentula marina b), beroe c).

Cum ergo vis contractilis in animalibus dominatur, in quibus neque cerebrum est neque nervi, sequitur, ut ea vis absque his praefidiis stare possit. Nam caput invisibile in iis animalibus esse, praeter omnem sensuum fidem adfirmatur, aut polypi tubercula nervosa esse ganglia.

Iterum destructo manifesto motu nerveo superest vis contractilis d) insita. Experimenta olim produxi quae nunc sunt notissima. Musculi nervus ligatur, refecatur, vis nervea perit. Non ita vis insita; nam irritatus musculus palpitatur nervo refuto, fibras adtrahit, movetur, etiam fortius. Ita brachio paralytico et nihil sentiente e) ab irritatione motus ciatur, et convulsiones, quae sunt a vi insita, cum in paralyxi vis nervea destructa sit f). Porro vim nervosam cum vita cessare, aequum est creditum. Qui a sensu motum muscularem omnem deri-

z) *nouvelles recherches* p. 297. 298. exp. 144 seq. p. 483. VITET, I, p. 207.

a) BASTER *hor. subcis.* L. III. p. 121. *medic. veterin.*

b) PLANCVS.

e) LORRY *Melanch.* II, p. 143. DES

c) *Act. Helv.* V. Conf. *Elem. phys.* HALLER *hemipl.* p. 10-  
L. XI. p. 464.

f) ILSEMAN *colic. sat.* HEISTER *tabr.*

d) *Oper. min. de part. sens. irrit.* NEHM. II. 118.



derivant, iis hic motus cessare deberet, quando sensus nulla porro indicia adfunt; verum eam epocham vis insita supervivit.

Ne vero vitae superstiti, ut vulgo solent, hanc vivacem vis insitae potentiam tribuas, ea sola exempla citabo, in quibus nulla potuit de vita, de sensu, de anima conjectura superesse, ne latere alicubi in cellulis vim nervosam credas.

Dentes in cadavere strictissimi g).

Motus peristalticus vigesima quarta a morte hora superstes h).

Viginti quatuor a morte horis viperæ cor salit i) et caput periculose mordet; etiam post aliquot dies sic in infectis k), in mytulo l) motus diu a corde superest.

Crura muscae XXIV. a morte horis moventur m).

Crocodili mortui maxilla contracta medico digitum abscidit.

Faeces post aliquot a morte horas cum sonitu explosæ ex cadavere n). In ranis aliquot a morte diebus laceffiti muscoli contrahuntur, postquam omnes nervi resecti fuerunt o).

Triduo a morte in homine spasmus cynicus constans superfuit p).

Ita muscoli a corpore revulsi, et sponte, et a calore admotæ prunæ, contracti q).

Etiam

- |   |   |   |
|---|---|---|
| g) MORGAGNI <i>de caus. et sed.</i> I. p. 33.                         | a morte diebus palpitant.                         |   |
| h) IDEM II. p. 31.  | m) GLEICHEN <i>pflanz.</i> T. VII.                |   |
| i) CHARAS <i>theriac.</i> p. 43. ANDREAE <i>de irrit.</i> REDI p. 59. | n) TAYLOR <i>orat. anniv.</i> p. 58.              |   |
| k) SWAMMERDAM <i>bibl.</i> p. 855.                                    | o) FONTANA <i>leg. irrit.</i> diff. 3.            |   |
| l) de HEYDE p. 46. <i>musculi aliquot</i>                             | p) ANT. DE HAEN <i>rat. medendi</i> , VI. p. 160. |   |
| <i>Comm. Soc. Goett. T. IV.</i>                                       | q) <i>Elem. Phys.</i> L. XI. p. 451.              | C |

Etiam in frustra concisi *r*).

Tunc potissimum, quando diffecabantur *s*).

Idem intestinorum evulforum et dissectorum spectaculum est: et tunc quidem potissimum convelluntur, quando animal nuper interiit, ut magis conspicua sit irritabilitas *t*), quam in vivo fuit.

In cordis potissimum irritabilitate summum a vi nervea est discrimen. Omnes alii muscoli, ut notissimum est, resolvuntur, nervo musculi aut vinculo intercepto, aut ligato, omnes demum oppresso cerebro, capite reciso, medulla spinali destructa.

Nempe in musculis, qui nervea vi reguntur, nervo resecto musculus resolvitur, nervo irritato musculus convellitur *u*). Non ita in corde *x*), cujus motum putes a vi insita pendere, siquidem adeo facile vi nervosa caret, ut omnino ejus absentiam non percipiat.

Per repetita enim nostra et aliorum experimenta cordis nervis, octavo et intercostali, ligatis vel resectis, cordis motus nihil patitur. Sed etiam capite resecto, medulla spinali destructa, cordis motus immutatus *y*) superest. Ita vicissim nervi cordis irritati nihil in cordis motu augent aut mutant *z*); et ne quidquam contraria dicturo effugii supersit, medulla spinali incisa, deinde inferius irritata, artuum musculi convelluntur et contremiscunt, in corde nihil mutatur *a*),  
Si

*r*) *Elem. phys.* l. XI. p. ead.

II. p. 289. 292. 304. Augeri BESSE

*s*) FONTANA *ep. ad me data*, p. 205.

E. *lex animi* &c.

*t*) FONTANA *ib.*

*y*) IOHNSTONE *Phil. Trans.* vol. LX.

*u*) *Elem. Phys.* l. XI. p. 463.

*z*) FONTANA *Epist.* p. 214. CAL-

*x*) *Elem. Phys.* *ib.* *Opera min.* SAVIOLVS p. 40. CALDAN. *risless.* p. 261.

DANI *Ep.* II. p. 470. *Risless.* p. 269. 249.

WHYTT *Ess. of a soc. phys. and litter.*

*a*) IOHNSTONE *gangl.* p. 29. 33.



Si aliqua experimenta contraria producta sunt *a*), liceat ea nostris, et amicorum nostrorum adeo multorum animaduersionibus non praepo-  
nere.

Cor evulsum salire dudum notum est; sed notari meretur, etiam multis post mortem horis in salamandra *b*), in rana *c*), in pullo XXIV. horis *d*), in torpedine decem horis, in salmone XXIV, in testudine ginta *e*) cor micuisse.

Addas cor, quod aliorum musculorum irritabilitatem longe superat, obtuso esse sensu *f*),

Deinde idem cor, quod neque acute sentiat, neque a nervis in motum cieatur, ut alii muscoli solent, a stimulo tamen facillime *g*), et dudum a morte, ad motum revocari; a stimulo nempe motum habere, et a vi insita, non a sensu.

Ita in corde sensus obtusus, et alacritas ad motum summa; at vicissim in iis partibus, quarum sensus est acerrimus, nulla omnino ad motum est aptitudo. Nervi, qui sensus sunt sedes et organa, nullam omnino vim contractilem possident, et irritati *h*) nullum ne minimum quidem aut oscillatorium aut adtractorium motum ostendunt. Ita neque in cerebro, neque in medulla spinali, neque in retina tunica quidquam est, quod irritabilitati compares *i*). Si in papilionis, etiam chrysalidis, medulla spinali abdominali motus oscillans et undula-

*a*) MARHERR l. c. p. 136.

*b*) BIRCH *hist. of roy. soc.* IV. p. 296.

*c*) PAGANI V. BONIOLI p. 178.

*d*) GVIDÊTI p. 25.

*e*) *Elem. Phys.* L. IV. p. 471.

*f*) Ita certe HAENIVS *diffic.* p. 71.

LORRY *Journ. de Med.* 1756. p. 405.

CALDAN. *rifless.* p. 241. olim GALENVS;

et BOERHAAVE *morb. nerv.* p. 496.

HARVEI *gener. anim.* p. 157, parum sentire docuerunt.

*g*) *Elem. Physiol.* L. XI. p. 467. seqq.

*h*) *Elem. phys.* L. X. p. 195. *Oper.*

*min.* I. p. 421.

*i*) *Elem. Phys.* L. XI. p. 457.

dulatorius adnotatur, nihil iste cum animalium calidorum fabrica commune habet *k*), in quibus nihil simile unquam est adnotatum *l*).

Neque cum validissimis convulsionibus dolor conjungitur, ut manifesto intelligas eos motus non a sensu nasci. Toties qui vidi incredibilis vehementiae convulsiones hystericas, quas conjunctae multorum hominum vires non valerent superare, nunquam foeminam tanta cum violentia concussam de ullo dolore conquerentem vidi. Contra in podagra saevissimi dolores, ipsis in nervis residentes, nunquam motum vllum nervorumve distentionem cient. Et coram video in homine paralytico, cui nullum in suum femur est imperium, dolorem podagricum in eo ipso femore saevire.

Denique vis nervosa in homine et animale sano non agit nisi a voluntate jussa. Contra vis insita cor, intestina, ventriculum, injussa regit, et reliquos procul dubio musculos, qui nulla nostra cum conscientia etiam per somnum clausi manent, sphincterum exemplo.

Nunc si vis insita differt a nervosa, sede in animalibus latius patente, duratione post mortem superstita, constantia absque nervorum auxilio, distinctis a nervorum imperio provinciis *m*), et absque sensu, actione et absque voluntate, manifestum videtur, aliam vim esse, et a causa pendere multo profundioribus in organa interna radicibus defixa. Neque puto absque causa cl. virum monuisse, ut  
vis

*k*) *Abregé de l'hist. des Insectes* IV. p. 370. BIBIENA *Comm. Acad. Soc. Bonon.* V. p. 1.

*l*) BOVRGELAT *Elem. d'hip.* p. 246. CAVERHILL *heat* p. 58.

*m*) Separavit olim BAGLIVI *fibr. mot.* p. 12. GESNER *phytogr. gener.* P. II.

p. 5. HOVSSET, CIGNA, CALDANVS, SIEGWART, GERHARD, SICH, PRES-SAVIN, SARCON, et potissimum CALDANVS et FONTANA summi viri. Ampliat, non parciturus nobis PHIL. AMBROSIVS MARHERR *Praelect.* in *Inst.* T. II. p. 550.



vis haec motrix a sensu follicite distinguatur, ne in DEMETRIANAM impietatem incidamus *n*).

Haec est illa invidiosa irritabilitas, quam mihi inventam aliqui tribuerunt *o*); cuius autem ego limites quidem aliquos posui, et phaenomena minutius definivi, praeterea nihil mihi sumo.

Id potissimum tenendum est, in omnibus quidem musculis et solis dominari: cum vi nervosa in plurimis: solam aut pene solam in corde, ventriculo, intestinis dominari.

Si nuper in postumo opere magna contentione enixus est P. A. MARHERR ostendere, tamen etiam in corde a nervis irritabilitatis certe partem proficisci: Si experimenta a nobis toties citata produxit, in quibus cerebro solo laeso mors supervenit, atque adeo vis cordis irritabilis undique sublata est: non animadvertit vir Cl. cerebri laesiones graviores non magis vitam destruere quam magnae arteriae vulnera, aut injectum ei arteriae vinculum, quo subito artus aliqujus totiusve corporis vis motrix aboletur. Non quod ab arteria sit musculi motus, sed quod absque arteriosi sanguinis influxu non possit esse ea integritas machinae animalis, quae ad vitam requiritur. Sed eadem integritas perinde nerveo influxu eget *p*),

Nescio quid causae sit, cur adeo acriter mecum sit pugnatum, quod sedem vis insitae in gluten posuerim. Conjectura erat, nihil ultra. Videbam animalia gelatinosa vi irritabili pollere: gelatinam ipsam et gluten animale vim adtractivam possidere, qua conjuncta elementa terrea propius ad se invicem adducat. Terrae elementa  
ejus-

*n*) TVRB. NEEDHAM *nouv. rech.* nova inventa irritabilitatem et sentientis facultatis limites refert.  
p. 149.

*o*) PETRINI in praef. NEEDHAM *p*) *Praelect.* in Inst. BOERH. T. II. rech. GERHARD l. c. ZAGONI inter p. 131. seq.

eiusmodi vim non ostendere, vel fabuli, farinae, aliorumque minorum pulverum exemplo. Ipsum gypsum demum in lapidem consistere, quando aqua accessit; absque ea solutas manere miculas. Animal, quo junius est et magis gelatinosum, ita majorem possidere vim insitam: cum aetate, aucta terrae portione, eam irritabilem naturam minui; ab exsiccatione vim irritabilem deleri. Hae mihi fuerunt conjecturae causae, neque video displicere *q*). Pluris quam conjecturam, ne ipse quidem unquam feci.

In vi musculari *nervosa* brevis ero. Ea per nervos a cerebro advenit, et potissimum voluntatis imperia ad musculos perfert, quorum ministerio anima eget, ut desiderati effectus sequantur. Neque enim puto, animam nostram velle, ut musculus aliquis, pluresve musculi quasi nominati et ad obsequium evocati agant, quos ipsa perfecte ignorat in rerum esse natura.

Sed nec ALBINVS aliquis, quando crus vult elevatum, musculorum meminit, quorum ope crus elevari est necesse; neque feligit aliquos qui contrahantur; neque jubet quiescere, quos necesse est in ea actione quiescere. Denique in motibus, qui valde rapide alterne sibi succedunt, si musculorum meminisset, quos ad clavicymbalum agitandum necesse est aut contrahi aut laxari: nunquam anima suo desiderio potiretur, neque muscos ab instrumento sonos obtineret. Cum enim vel unam, vel paucissimas una, distincte sibi representat, et eae ideae tempus suum sibi poscant, ut appercipiantur, tempus, ut voluntas perceptionem excipiat: certissime anima in hac veloci multorum musculorum et celerrime mutata actione confunderetur.

Volumus ergo gradi, furgere, federe, recumbere, brachium levare, et quae alia ejus sunt generis. Ad eam voluntatem per ner-

VOS

*q*) GERHARD, SICH, SARCONI, CALDANI.



vos potestas motrix in eos musculos irrumpit, eosque in motum ciet, qui ad quamque harum actionum producendam requiruntur. Nulla sapientia animae haec geometrica problemata solvuntur, quae a solo CREATORE et solvi potuerunt, et sunt soluta. Neque anima per experimenta et tentamina discit legitime musculis uti, cum apis, continuo postquam nata est, alas nunquam hactenus agitata explicare et succutere, seque in aere librare, destinataque officia reipublicae praestare noverit. Eadem aliis infectis ex immobili chrysalide evolutis, volandi ingenita est peritia.

Nunc haec vis nervosa etiam per irritationem nervi excitatur, qui musculum adit, aut cerebri, medullae spinalis, laceffitionem, in quibus plurimorum nervorum fit origo. Ea irritatio idem quod voluntas facit, etiam potentius, motusque excitat violentissimos.

Irritatio tamen nervi, perinde ut voluntatis imperium, videtur in musculis voluntati obedientibus solis potestatem exercere. In corde vidimus, nullam nervi irritationem motum producere aut suppressum suscitare. De ventriculo et intestinis experimenta non habeo; octavo certe pari irritato, aut cerebro, aut medulla spinali, ventriculus non constringitur. Sic neque intercostali nervo, aut capitis dorsive medulla, stimolata intestina constringi memini; nova tamen haec est quaestio, et per experimenta de ea oportet definiri.

Quare vis nervosa aliquanto minus patet, quam vis insita. Haec in omni musculo valet, illa in solis musculis voluntati obnoxiiis.

Cum magis composita sit, et vi irritabili superaddatur, intelligitur quare ista sit perennior, quae in ipsa musculi natura suos fontes habeat, cum vis nervea et cerebri et nervi libertatem ponat, motumque, ut videtur, liquidi expeditum, quod per nervos influens musculum in motum ciet.

Non

Non improbabilis est conjectura, hunc liquorem stimuli loco esse, et fibram muscularem ad contractionem adigere, uti externi stimuli cor solent ad motum excitare.

Si praeterea recordatus fueris, omnia elementa fibrae cujusvis, adeoque et musculosae fibrae, ea vi, quam mortuam diximus, ad se invicem accedere: cum vi insita, eadem elementa, sed vivi aut nuper enecti animalis, haftenus mutuo se trahant, glutinis ope, nondum siccati, quod irritatum elementa terrea adducit: si denique superadditam vim nervosam memineris, liquoris esse effectum, qui per nervos muscoli fibras adeat: videbitur denique probabile, unam esse vim muscoli contractilem, lentam et parum efficacem in fibra musculari dudum emortua; efficacior in fibra viva, humida, calente; acutiorem denique in fibra, cujus elementa liquor nervosus ad adtractionem stimulat. Probabile videbitur *r*), organa magis irritabilia, quorum contractio naturalis vividior sit, absque eo nerveo stimulo, solo stimulo intus ad fibram applicato egere, ut contrahantur; ejusmodi esse organa vitalia. Musculos vero voluntarios minus irritabiles non contrahi efficaciter a sola vi insita, nisi aut per nervum vis nova a voluntate accedat, aut insita vis per vehementiorem stimulum excitetur.

Sponte denique valde irritabilibus corporis partibus auxilium nervosum aut nullum aut debile sapientia structrix impertiit, quod eo non egerent, et quod voluntas, si in cor imperium haberet, in omnibus animi affectibus turbata, nimis facile eo imperio esset abusura, vitamque ante diem abruptura.

*r*) Sic FONTANA *de legib. irrit.* diff. 3. CAVERHILL *heat.* p. 57.





ALBERTI DE HALLER

DE

L V E B O V I L L A

AGRI BERNENSIS

COMMENTATIO

PRAELECTA

DIE XIII. NOV. MDCCCLXXIII.

---

I.

Cum anno jam 1756 in collegium adlectus sim, cui publicae valetudinis cura mandata est, multa mihi fuit opportunitas, ut indolem, progressum et praesidia morborum publice grassantium et in humano genere et in brutis animalibus ex ipsa natura perspicerem. Frequentissime enim a vicinia, potissimum ex comitatu Burgundiae contagium in armenta patriae meae irrepsit, iisque auxiliis est coërcitum, quae laudabo.

Eo cupidius vero ad hunc laborem accessi, cum mihi, lectis multis de bovilla lue libris, videretur in tanta frequentia mali ipsam morbi naturam vulgo ignorari et ab eo viscere, in quo vitium residet, ad aliud et innexium labisque expers transferri: demum etiam a literatis gentibus, suarumque rerum inprimis studiosis, vera praesidia adversus eam lue ignorata esse, obque eam ignorantiam imma-

*Comm. Soc. Goett. T. IV.*

D

nem

nem stragem editam fuisse pretiosi adque vitae humanae commoda necessarii pecoris.

## II.

Id lues bovilla infidiosum habet, idque magistratui curandae valetudini publicae praefecto summam praebebat molestiam, quod per prima morbi initia, quod etiam malo jam adolescente, aegre per certa signa distinguatur, et sana fere pecora videantur, laeteque pabula devorent ruminantque, lac suum solita ubertate praebeant, laeta etiam et ludibunda per pascua subsultent, quorum lateribus jam lethalis haeret arundo.

Nulli in principio mali nostris pecoribus rigores, nullus ciborum horror, nulli molesti mugitus neque aestus vitiosus aut, ut quidem passim in libris lego, unicum signum, quo latens malum prudens medicus agnosceret, nisi quod tussicula *a*), non ea valde molesta, latera hactenus succuteret. Vix unquam praesagus mali eventus animus in prognostico erravit, quando ex ea tussicula et funestum in pulmone vitium et lethum vix evitabile pronunciabatur.

Multis saepe diebus, mense aliquando integro, alias breviori tempore, ut mali ferret inclementia, tabidum pecus lento morbo consumebatur, toto eo tempore ab ignaris pro sano habitum. Non raro factum est, ut ex infesto stabulo bos, ut videbatur, sanissimus, in aliam omni lue puram regionem deductus, optimo in aëre, demum luem post menses aliquos prodiderit aque ea sit interemtus. Quae maxima causa videtur, cur lues ignorata apud alias gentes vulgo per integras regiones vastitatem fecerit. Quod enim neque luem neque impendens a contagio periculum agnoscerent, non sustulerunt armentorum commercia, pascua publica bobus ex infectis stabulis

missis

*a*) CAMPER, VINK, BOVRGELAT ad BARBERET p. 144.



missis aperuerunt, nundinarum fecerunt copiam, quoad integra regna plena morbosus armentis nullam spem remedii reliquam facerent.

### III.

Post aliquot demum dies aut dierum demum hebdomadas, in nostra regione, febris *b)* se per rigores et horripilationes prodit. Tussim gravis anima et suspiria et anhelitus comitantur *c)*.

Deficiunt nunc vires moestumque animal languet, ut decumbat impos se sustinere, et ilia concutit. Febris nunc evidentior, ipse pulsus citatior est.

Cum pulsu febrili necessario appetitus perit et animal desinit ruminare.

In eo statu aliquot, non plurimis, diebus haecenus supervivit innocens animal, ut symptomata quotidie ingravescant, febris fiat ardentior, gemitus et querelae perpetuae sint, pulsus et frequentissimus et vehemens. Spuma nunc viscida de ore naribusque animalis erumpit, ardet lingua, ronchus cum spiritu auditur, animae intolerabilis biduo aut triduo ante mortem foetor est *d)*.

Oculi nunc intra orbitam se recipiunt; riget cervix; cornua, quae cum febre caluerant, frigent; diarrhoea *e)* demum foetida, etiam cruenta *f)*, per ultima stadia morbi reliquas animalis vires prostermit,

*b)* Pulsus 70 ad 90. ERXLEBEN *lad. epid.* p. 145. VITET *Veter.* III. p. 605. LAYARD p. 25. SALCHOW p. 5. seq.

*c)* CAMPER *van de Veessterfte* p. 36. *e)* VITET, LAYARD, GRESSSEL.

TEXTOR *von der Viehsenche* p. 4. seq. *f)* SALCHOW, SAUVAGES *mal. des*

*d)* BOVRGELAT ad BARBERET *ma-boeufs* seq.

sternit, quod porro vix unquam suos super pedes se erigit. Est tamen ubi haec diarrhoea nulla supervenit g), apud nostros etiam frequentius.

#### IV.

In cadaveribus ea prima dicemus, quae sunt perpetua, et ex quibus fontem sedemque malorum intelligas.

Uti ergo tussis perpetua fuit, ita perpetua etiam pulmonis sunt vitia. Ita compertum est in lue Grandisoniensi, quae magnam unius quidem armenti stragem edidit; in alia lue, quae pagum Sulens toto genere bovillo orbavit; in variis boum caedibus, quae in pago Orthschwaben, Wynigen, in villa Cheffery, in pagulo Forcles Aquilegiensium, in valle Ormond-dessus, in nonnullis Viviacensis ditioris stabulis, in vicina praefectura Verrieres Neocomensium, et nuperrime in pago Crassy, la Ripe, Trenchepied, et in monte demum Petroulaz, quae omnia in fastos publicos relata sunt, mihiq, ut ejus collegii membro, innotuerunt, ad quod referebantur.

In omnibus infectis bobus vaccisque pulmo vitiatum pleurae adhaesit h). Non raro pus inter eam membranam et adhaerentem pulmonem fuit.

In pulmone manifesta fuit inflammatio i), saepe et gangraena, modo totius visceris, modo unici lobi.

Non rari sunt abscessus pulmonem depascentes k), et hydatides aut aqua sola plenae, aut praeter aquam pure l).

Gypsea

g) MITTELHAEVSEr p. 271.

h) VITET III. p. 605. BOVRGELAT l. c. p. 145.

i) VITET III. p. 598. BOVRGELAT l. c. p. 145. LAYARD, SALCHOW, HAEN, PLENCIZ, CAMPER, TEXTOR, LAN-

CIS, ERXLEBEN.

k) MITTELHAEVSEr p. 257. BOVRGELAT ad BARBERET p. 144.

l) MITTELHAEVSEr p. 284. 285. HAEN *rindvieh*. BOVRGELAT ad BARBERET p. 26.



Gypsea nonnunquam, non tamen constanter in pulmone concrementa visa sunt.

Pleura, quæ pulmo adhaerebat, inflammata aut gangraenosa.

Nunquam in ullo animale, quod in nostris armentis lue fuerat infectum, pulmo a labe immunis fuit.

## V.

Frequentia alia mala sunt, non quidem aequè constanter cum ipso morbo connexa, quae in abdomine apparent.

Ventriculi animalis ruminantis fere vitii sunt, non itidem si in ipso principio mali animal publicae securitati fuerit immolatum, iis diebus, quibus bos pascitur; aut continuo quando morbus se prodit; tunc vero utique, quando animal, vel vi mali denique succubuit, vel adulto jam malo mactatum fuit. Ita certo nobis et frequenter per incisionem compertum est.

In primo ventriculo inflammatio *m*), pabulumque vel crudum maleque coctum *n*) vel omnino putridum *o*) frequenter reperitur. Nullum in pabulo vitium est, quando animal in morbi principio necatur.

Alter ventriculus inflammatus *p*) est pabulo fere crudo plenus *q*).

Tertius

*m*) MITTELHAEVSE, BARBERET, lue bovina. VITET. MITTELHAEV-  
HAEN, CAMPER, VINK, TVRSEN, SER &c.

*Verhand. der Maatschap. VI. 2. ERX-  
LEBEN p. 145.*

*n*) CHOMEL *mal. des best. SAUVA-  
GES nosol. V. p. 88. 98. GOELICKE de*

*o*) CAMPER.

*p*) TVRSEN.

*q*) MITTELH. p. 17.

Tertius omnium maxime vitiatus, inflammatus *r*), gangraenosus *s*), niger *t*), veluti adustus *u*), plenissimus pabulo saepe sicco *x*), compacto, nonnunquam putrido *y*).

Quartus seu abomasus et ipse inflammatus *z*) et gangraenosus *a*).

Minime tamen haec constantia sunt, et in aliis incisionibus *b*), potissimum etiam nostrorum boum, ventriculi omnes sani fuerunt. Neque quidquam ex his ventriculorum vitiis ad morbi naturam definendam tuto colligas, cum in omni gravi morbo animal cibum appetere et ruminare definat; et ventriculum pabulo plenum habeat *c*). Neque ad *essentiam* mali pertinere, facile conficitur ex eo, quod in principiis mali et certe ad paucos ante mortem dies usque, bos edat et ruminet; quod neutrum fieri posset, si ventriculi essent vitiati.

Intestina saepe *d*), aliquanto tamen minus quam ventriculus, inflammata reperiuntur *e*): Tunc demum enim intestina videntur inflammari, quando putridum de ventriculo gangraenoso pabulum in laxius intestinum descendit, motuque peristaltico, in fracto viribus animale, languente, nunc retinetur. A nostris bobus saepe haec mala abfuerunt.

Ita

*r*) SAUVAGES, MITTELH. HAEN, SALCHOW &c.

*s*) CHOMEL. *Verhandel*. VI. p. II. ENG.

*t*) TVRSEN.

*u*) LANG.

*x*) SAUVAGES, CHOMEL, LAYARD, HAEN, SALCHOW.

*y*) *Verhandel. der Maatschapp*. VII. I. p. 254. 259. VI. I. II. VINK, BARBERET, CAMPER.

*z*) SAUVAGES, MITTELH. HAEN &c.

*a*) CHOMEL, GOELICKE, BARBERET p. 127. *Verhandel*. VI. 2.

*b*) MITTELH. p. 251.

*c*) BOVRGELAT ad BARBERET p.

II. 145.

*d*) SAUVAGES *boeufs du Viv*. p. 16.

COTHENIVS A. N. C. Vol. IX. TVRSEN, MITTELH. CAMPER seq.

*e*) non inflammata MITTELH. p. 271.



Ita nihil in vesiculae felleae magnitudine firmum est, per nostra certe experimenta; quo symptomate non aliud frequentius ab omnibus scriptoribus luis bovillae repetitur *f*). In nostris saepe omnino nullum in ea particula vitium fuit.

Ea vesiculae magnitudo videtur ab inedia nasci, quoties ventriculus definit vesiculam inanire: in homine certe ipse vesiculam per inediam reperi plenissimam, alique insignes viri viderunt *g*). De bove timidius adfirmaverim, in quo animale situm viscerum abdominis et ventriculorum ad vesiculam felleam habitum minus perspectum habeo.

Ita emphysemata *h*) subcutanea subinde visa sunt, quae nostri ajunt eo in latere esse frequentiora, in quod bos aeger decubuit.

Iisdem locis adeps *i*) non raro putridus reperitur, non tamen perpetuo, cum multa sint exempla avidorum mortalium, qui carnibus enectorum a malo boum vixerunt, cumque in Belgio etiam vulgo eae carnes in cibum vertantur.

Ulcera per habitum universum corporis efflorescentium nulla in nostris incisionibus memoria *k*) reperitur. Iis ulceribus, tanquam critico naturae molimini, Cl. LAYARD multum tribuit *l*).

Demum aqua in pectore subinde effusa *m*) reperitur, neque tamen frequenter, neque in altero pectoris latere, quando in primo aliqua

- |  |  |
|--|--|
| <i>f</i> ) COYRTIVRON. MAUCHART. <i>Phil. Transf. Vol. LII.</i>  | MORG. PETZOLD <i>obs.</i> 66.              |
| CAMPER, COTHENIVS, TVRSEN, MORGAGNI, <i>Advers.</i> p. 442. seq. | <i>h</i> ) BOVRGELAT ad BARBERET p. 112.   |
| <i>g</i> ) BORELLI <i>mot. anim.</i> II. p. 147.                 | <i>i</i> ) HAEN p. 9.                      |
| RIOLAN. CARON. <i>Zod. Gall.</i> T. IV.                          | <i>k</i> ) nulla MITTELHAEVSER.            |
|  | <i>l</i> ) L. C. non esse ERXLÉBEN p. 145. |
|  | <i>m</i> ) BOVRGELAT ad BARBERET p. 145.   |

aliqua effusa erat. Videtur ea aqua ex ruptis hydatidibus nasci: de ea vero monere visum est, quod nostri veterinarii praeter rem ex ea aqua proprium morbum constituerint, quem *pulmonie humide* vocant, et a *pulmonie seche* distinguunt, quae pulmonis est inflammatio.

## VI.

Ex symptomatibus, et ex incisis cadaveribus, morbi naturam superest ut eruamus. Res facilis videtur, neque tamen eam naturam plerique medici perspexerunt. Quae enim paulo ante mortem ex corruptis humoribus animalis symptomata nascuntur, ea habuerunt pro ipso morbo. Plurimi febrem inflammatoriam malignam vocaverunt, alii inflammationem ventriculi; sunt, qui depuratoria pro febre habuerunt, cujus crisis fit in ulceribus cutaneis; alii, et quidem plerique, cum aliis pecoris morbis confuderunt.

Melius fere veterinarii illi Graeci, quos vertit et edidit RVELLIUS. Eorum enim Malis arida *n*) is morbus est, cujus historiam trado. Ex pleuritide nasci, quae pulmonem rumpat, recte videntur, et difficillime curari posse, et vomitam inde et suppurationem sequi. Sed etiam COLVMELLA morbum pulmonalem boum non ignoravit *o*).

Id forte minus probes, quod alio iterum loco, et inter pulmonis morbos *p*), eandem luem descripserint, ut iisdem fere vocibus sint usi, et devorata officula repetant, quibuscum sonum comparent, quem boves tussientes reddunt.

Inter nuperos fuerunt quidem, qui in pulmone malum frequenter residere et ad peripneumoniam pertinere senserunt *q*), non tamen

*n*) Veterin. RVELLI p. 5. seq.

*o*) L. VI. c. 14.

*p*) p. 106 seqq.

*q*) BOVRGELAT ad BARBERET p. 98.



men satis liquido monuerunt, idem malum esse, quod et ventriculos corrumpat et pulmones. Proxime tamen a vero Cl. abest BOVRGELAT.

Nobis non dubium est, quin lues nostra bovilla a peripneumonia incipiat, inque pulmonis gangraenam aut in tabem progrediatur. Reliqua mala, febris, et ex febre natae ciborum averfationis, et demum putredinis ingravescentis effectus esse censemus.

## VII.

Ut quisque aliam aliamve morbi sedem causamque fecit, ita curationem aliter est molitus. Qui inflammationem fuisse senserunt, ii venam secuerunt, emollientia, diluentia farinosa huic malo opposuerunt *r*).

Qui ad malignitatem respexerunt, alii quidem ex scholarum sensu alexipharmaca suaferunt, alii acida medicamenta, uti nuper in Brandenburgica ditione pomorum acidorum usu luem sanari scriptum est.

Argentum vivum alii malo opposuerunt *s*), alii corticem peruvianum *t*).

Plerique et veteres, et nuperi, fetaceum per cutem iusserunt trajici, ut longe suppuratione malum ab internis averteretur. Confiliginis radice veteres utebantur *u*).

Ad inoculationem in Belgio et Britannia descensum est, ut medici morbum, quem non putarent evitari posse, certe mitiorem redderent.

## VIII.

*r*) VITET II. p. 613.

*s*) ENS *morb. Ostervic.* p. 38 seq.

*Comm. Soc. Goett. T. IV.*

*t*) PLENCIZ *lues bovilla.*

*u*) VINK.

## VIII.

Nos quidem multis tentatis, eo tandem rediimus, ut nullo omnino medicamento utamur. Quum enim experientia confirmaverit, morbum hunc et contagio saevire et in suis initiis vix ullum suae ferocitatis signum edere, et vix adgnosci, nisi quando malum insignes jam progressus fecit: rationis invenimus satis, cur a medicando abstineamus. Intelleximus enim, quoties in stabulo bos infectus est, etiam si eum curare posses, tamen interim, dum sensim vis mali superatur, eum ipsum bovem venenata sua anima suos sodales infecturum, et pro uno funere, cujus feceris compendium, plura imminere.

Haec prima erat meditatio nostra: altera, quod medicamentorum effecta non satis nota sint in animale vasto, ruminante, aliis viribus cibum coquentibus praedito, pulsum ab humano habente alienissimum, longe minus irritabili, cujus villosae epidermides multo crassiores medicamentorum in nervos actionem necessario debilitent, cujus cor a simili stimulo multo debilius incitetur.

Per experimenta nuperorum Cl. virorum constitit, multo quam pro ponderis ratione minorem effectum purgantis medicamenti in equo edi quam quidem in homine; ut crocus metallorum, cujus vis emetica in homine potentissima est, equum vel mulum vix ad sudorem moveat *x*), et vitri antimonii octoginta demum grana, et aegre, in equo alvum cieant *y*).

Quare cum aliae sint in animalibus sensationes, alia medicamentorum potestates, cum praeterea tabes pulmonalis etiam in homine rarissime a medicis superetur: cum prima et faciliora initia morbi bovilli fere ignorentur, eo minus putavimus admittendum esse, ut periculo

*x*) BOVRGELAT *Mat. Med.*

*y*) Id.



culo praesentissimo infectionis late propagatae exigua illa spes redimatur verae, quam a medicina speres, sanationis.

## IX.

Hic locus est, quo oportet ad blandam illam spem *z*) animadvertere, quam aliqui Cl. viri nobis impertiunt, morbum nempe bovillum absque infectione esse, etiam in eodem stabulo, neque enecti a morbo bovis pelle recente fanum bovem infici, quem ea, quasi NESSI venenata veste, operieris *a*).

De pelle *b*) quidem satis certa experimenta non habeo, non certe propria: de infectione per sodalitium utique habemus, et videtur tamen, per ea quae vidimus *c*), in ipsis solidis corii partibus putredinis aliqua esse vestigia. Quoties a suspecta regione, ex nundinis male custoditis, in sanissimum stabulum, unicus bos infectus recipitur, non dubium est, quin alia et alia pecora ejusdem stabuli eodem malo corripiantur. Non quod aër late infectus sit. Nam vicina stabula, accurate tamen custodita, et quorum bobus nullum est cum infecto stabulo commercium, nihil omnino patiuntur mali, etiam si paucis passibus a fomite mali distiterint. Plane uti Vestales virgines Massiliae a communi lue liberas se praestiterunt, dum claustra sacra summa fide custodierunt. Neque adparet, ut possit contagium bobus funestum coerceri, ne integros pagos inficiat, postquam semel primum stabulum infectum fuit, si aër etiam solus miasma pestiferum transferat. Nunc constat, et certa per testimonia, medio in pago, unico stabulo infecto, ejusque hospitibus pecoribus e lege trucidatis, reliquum pagum immunem mansisse.

Ex

*z*) ENS *morb. Ostervic.**a*) Nob. de COVRTIVRON.*b*) Negat D. de COVRTIVRON. CAMPER. Nobiscum sentit LANCISIUS p.

34. adductis etiam funesti effectus exemplis Cl. ERXLEBEN.

*c*) LANCIS. *pest. bovill.* p. I.

Ex actis etiam publicis fatis mihi constitit, in patria mea malum nunquam sponte nasci sua, et quoties in originem mali aliquo cum studio est inquisitum, venenatam scaturiginem extra patriam esse detectam, et infectam regionem innotuisse, ex qua bos vitiatum clanculum trans limites ad nos ductus fuisset, ex qua ipsa peregrinum malum ad nos manasset. Omnino uti magna illa lues, quae Italiam vastavit *d*), ad unicum denique bovem relata est, quem ex Hungaria infelix navis advexerat. Neque alienum videtur ab analogia, omnino uti pestilentiam, ita luem bubulam nunquam in Europa nasci, atque uti luem veneream, quae ex America in Hispaniam Columbi nautas secuta sit, exinque nostri coeli nativa inclementia in deteriorem morbum convaluerit, ita bovillum morbum in aliqua ad id malum magis idonea regione primam suam originem trahere, et ad nos infausto casu advehi. Quae eadem causa est, ut subinde etiam apud negligentiores populos ipsa in Valesia, sponte, perinde ut humana pestis, subsideat.

Eo rectius autem adfirmare licet, verum per contagium luem pecorum nasci, quod impedito ejus contagii com meatu, eadem calamitas a sano pecore averti possit. Si sponte sua haec peripneumonia oriretur, ut quidem pleuritis in aliquo homine ex vitio pleuritico ei homini proprio nascitur, frustra certe stabula custodibus septa teneremus, frustra infecta armenta trucidaremus; omnes enim eae mortes nihil quidquam contra morbum possent, qui in cujusque animalis proprio sanguine per conditiones ei insitas nasceretur. Nunc certe constat, et infinita per experimenta, amputato boum aegrorum cum fanis commercio, posse luem ab his fanis pecoribus averti: non ergo in sano pecore nascitur lues, nisi contagium ab infectis bobus accenderit.

Experimenta quidem exstant Cl. GALLESKY, ex quibus putes sequi, solo ex aquae defectu idem malum, pulmonis inflammationem

*d*) RAMAZZIN, *contag. epid.* p. 789.



nem et ventriculi, fanis in vaccis subnasci *a*). Verum certum est mediis in aquis, per humida et crebris *canalibus* divisa pascua, belgicam luem saevire, et in stabulis vicorum Noviodunensium multa interemisse pecora, cum abunde potarentur.

## X.

Quare si nihil a medicina speramus, superest ut caveamus, ne contagium spargatur. Sic nostri collegii unicum studium est, ut cum tolerabili strage paucorum boum, reliqua armenta tuta servantur. Immensum enim et irreparabile damnum fuerit, si in regione alpibus divite strages late fieret, qualem aliis in regionibus editam audivimus. Hae enim alpes, quae multa hominum millia alunt, inutiles in solitudines mutarentur, quam primum a vaccis non possent depasci. Sed etiam prata nostra, divitiarum nostrarum pars maxima et certissima, omni pene utilitate destituerentur, si copia pecoris minueretur, quam aestivis mensibus alpes nutriunt, hibernis lectissimum pratorum foenum alit. Nulla nobis piscatura est, neque ea agri fertilitas, ut praeter alimenta patriae in alias regiones frumenta possimus transferre; Nullae metallorum fodinae, non mare, per quod alia in climata divitias eamus quaesitum; pecora fere sunt, quibus magna pars gentis alitur.

Severitate ergo necessaria officio suo praefecti publicae valetudinis defunguntur. Primum ex iis provinciis, in quibus vel minima suspicio est serpentis contagii, nullum pecus bovillum admittitur; et sunt finitimae regiones, in quibus adeo saepe contagium recurrit, ut perpetua lege omne boum commercium proscriptum sit.

Cum vero feronimis malo obsistatur, quod jam invaluit, primis initiis contagii est resistendum et cavendum, etiam ubi nullum periculum

*e) Bemerkungen und Versuche.*

culum minari videtur, ne ex pace subito bellum erumpat. Ergo etiam quando de valetudine pecorum publica fama undique securissima quaeque promittit, nullum tamen pecus in universa regione esse debet, de cuius valetudine non accurate constet. Omnia ergo pecora, boves, vaccae et juvenci, in cornu signo cuique vico proprio inuri lege cautum est, ex quo ipso signo constet, unde is bos et num ex salubri loco advenerit.

Deinde nullum, etiam quando integerrima publica est valetudo, pecus ad nundinas admittitur, nullum vel emitur vel venditur, quin adsit testimonium publicum decurionum pagi, a quo adductum est, per quod de ejus pecoris integritate deque loco constet, unde adducitur. Severis poenis cautum est, ne quisquam huic necessariae cautela defuit, et proprii statuti homines, qui in foro publico et in nundinis pecora visant curentque, ut, quae certo testimonio destituuntur, ea omnia pecora secundum leges fisco addicantur pauperum.

## XI.

Siquidem tamen, his omnibus accurate imperatis, varias tamen ob causas fieri potest, ut aegra pecora in ditiones reipublicae irrepant, et secum luem comitem adducant: huic etiam periculo ut occurratur, sancta sunt quae porro exponemus.

Quicumque suspiciosi quidquam in pecore viderit, aut ab aliis de ejusmodi malo inaudiverit, si quocunque morbo, etiam minime suspecto, bos aliquis aut aegrotaverit aut perierit, deque eo casu civis aut subditus quidquam fando perceperit, is tenetur, gravi sub poena, praefecto loci quaecunque ei nota fuerint, declarare; praefecto vero imperatum est, ut continuo accuratius de eo rumore inquiret. Quicumque suspectum malum silentio presserit, eum carcer aut aliae poenae pro gravitate culpae certo expectant.

Prae-



Praefectus mali descriptionem per idoneos homines sollicitè exponi curet, eorumque nomina subscripta ad Octumviros valetudinis mittat, quo facilius et certius eorum de suspicioso malo sit iudicium. Pecus autem suspectum continuo ab omni armento segregatur. Cavetur etiam, ne medici veterinarii vel boum domini, vestibus *f)* iisdem induti, sana pecora adeant, quibus usi sunt, quando infectum pecus adiverunt. Sed neque in pascuum neque ad rivum aut fontem cum aliis bobus communem, aegrotam bestiam admittimus, et vasa propria ei destinare iubemus, ex quibus nullus integrae valetudinis bos potatur.

Faeces aegri bovis in peculiari fossa defodiuntur, sicque caveatur, ne odor ad sanum pecus pervenire possit, neque eo fimo agrum saginare fas est.

Quodcunque stabulum malo suspicioso infectus bos habitaverit, id per tres menses vacet, nulli pecori sano accessum, aëre libero perflatum; lignea praesepia igne consumantur; pavimentum effodiatur, terra ipsa stabulo subiecta, ad pedis profunditatem effossa, in propriam foveam demergatur; recente tum terra novum stabuli pavimentum sternatur et calce perfundatur. Pabulum, de quo bos suspectus alimenta carpsit, nulli sano pecori offerre licet.

Boves quocunque a malo peremti, a proximo carnifice aperiuntur, advocatis decurionibus, praesentibus medicis veterinariis, et minutatim adnotetur, quid in quoque viscere, in pulmone etiam potissimum, vitiatum fuerit. Si morbus absque suspitione contagii fuerit, carnes edi, corium vendi potest. Si vero quidquam subsuerit suspiciosi, integrum animal cum quadrisepto corio in scrobem sex pedum, non minus profundam defoditur, calce contegitur, spinis-  
que

*f)* Suadet etiam D. BOVRGELAT ad BARBERET p.160.

que tumulus ab omni pecoris fani olfactu defenditur. Neque putamus infecti animalis carnibus populum tuto ali g).

## XII.

Cum experientia tristissima nos docuerit, neque fidum remedium malo perfido esse, neque expectatione quidquam profici, et longe esse tutissimum in ipsis principiis crudelem morbum suffocare: hinc factum est, quoties tussis aliaque symptomata suadent ex pulmone pecus laborare, ut continuo severissima ex lege, et bos aeger, et qui cum eo bove communi stabulo usi sunt, fani haftenus boves, occidantur, praesentibus decurionibus vici et medico veterinario. Trucidatae bestiae aperiuntur, quid in visceribus vitiatum fuerit, collegio nostro rescribitur; fani si fuerint infelices infecti bovis sodales, eorum carnes cutemque domino permittimus, tantum ut ea pellis continuo in scrobem coriarii detur. Aegri boves, quorum pulmo quocunque modo quidquam sit passus, iisdem, quas diximus, legibus defodiuntur, stabulum eodem modo repurgatur. Solet tunc principis munificentia paupertati paganorum subvenire, et pro bobus, qui fani fuerint et publicae securitati immolati, liberalitate publica h).

## XIII.

Si in eodem pago malum ad plura stabula serpsit, majorem severitatem ipsa imperat necessitas. In eo tristi casu non solum stabula infecta ab omnium fanis armentis commercio sequestrantur, sed omnia stabulorum infectorum pecora ex lege publica trucidantur, quo unico praesidio malum compesci possit, ne mille modis in alia et alia stabula, in alios vicos, proserpat et universam regionem inficiat, omni nunc arte humana futurum superius.

In

g) Sic neque LANCISIUS p. 33 sqq. h) Etiam Hanoverae; ERXLEBEN p. 200.



In pascuis montanis non infrequens est calamitas, in vicina Burgundia etiam potissimum, ut montes aliqui Gallico imperio subiecti inficiantur, mediasque inter mortes armenta nostra pascantur, quae ob pecoris abundantiam extra patriae limites necesse est per aestatem ali. Eo in difficili casu sepibus quidem spinarum duplicibus nostros, labe haftenus immunes, montes cingimus, omni commercio cum suspectis pascuis severissime interdiciamus, ipsos montes infectis vicinos jubemus proxima aestate deferere, neque in iis armenta pene certae morti exponere.

Quoties his cautelis lues a nostris bobus averfa fuit, succedit altera cura, ut absque periculo sparsi late contagii ad sua stabula in planitiem redeant. Solemus eo in casu iisdem fere cautelis uti, quibus ad avertendam hominum pestem vulgo moratae gentes uti solent. Quadraginta nempe dierum moram armentis, suspecto loco pastis, imperamus, quos dies in solitariis stabulis, ab omni consortio cum aliis armentis remotis, transigant. Singulis quindecim diebus totum armentum ab idoneis hominibus visitatur, inspicitur num ulla luis in eo armento sit suspicio; quae si fuerit aliqua, ea ad praesidia recurrimus, quae continuo dicemus. Si nullus suspicioni locus est, tunc quidem pro magnitudine periculi aut secunda quadraginta dierum custodia imperatur, postquam demum in planitiem suaque stabula recipiuntur; aut mitiori in casu, brevius post tempus suis solitis stabulis redduntur, aliquo tamen tempore aliorum armentorum commercio caritura.

#### XIV.

Quoties vero in montano pascuo lues in armentum irrepfit, gravissimum jam est periculum, quod sollicitissimam curam poscat. Neque enim hic stabula sunt, in quae suspectos, sanos tamen, boves includas. Unicus saepe fons est, cisterna unica, sepes nullae.

*Comm. Soc. Goett. T. IV.*

F

Com-

Commista ergo armenta pascuntur; aegroti boves halitum venenatum fanis adflant; videntur etiam per probabilia experimenta eo suo habitu herbas foenuinve inficere, ut qui eodem loco pascuntur miseri boves in idem malum incidant. Cum toto ergo monte, centum saepe et ultra a bobus depasci solito, tanquam cum unico stabulo agitur; totum nempe armentum trucidatur, publicaque iterum liberalitate, et stipe etiam publica, late vicinis imperata, infelicibus dominis solatium impertitur, quale in tanto malo superest. Defodiuntur autem aegri boves iisdem cum legibus; fani qui fuerunt, permittuntur dominis, in cibum cessuri.

Cum vaccis in alpinis pascuis fere porci aluntur, qui fero lactis pinguescunt. Eos vero cum suis nutricibus trucidamus, ne forte fetis veneni aliquid infideat, quo sana per planitiem pecora inficiantur.

## XV.

His praesidiis effectum est, ut ab hominum memoria lues pecoraria, quae millies limites nostros superavit, intra unicum montem unicumve vicum, saepe etiam intra unicum stabulum, legibus quasi circumsepta substiterit, neque unquam per aliquam patriae reipublicae provinciam se diffuderit. Neque dubium mihi videtur, iisdem omnino cautelis, ab omni regione luem averti posse, etiam facilius, ubi disposito milite late limites custodiri, suspectique boves arceri possunt. Semel ubi malum per multos pagos integramque regionem sparsum est, tunc quidem difficillimum videtur eradicatu, quoad hyems aliqua severior contagium suffocaverit. In Belgio certe neque medicamenta, neque inoculatio *h)* neque alia humana consilia hactenus

*h)* Conf. VINK *lessen* &c. Dimidio vulgo desisti, p. 398, ex epistola III. diam partem inoculatorum boum perire, ERXLEBEN p. 20. Ab inoculan- V. DOEVEREN.



nus luem exstinxerunt, etsi eam utique valde imminutam esse ex factis video publicis.

## XVI.

Ulcus radice linguae, quod formidabili nomine *Zungenkrebs* vocatur, per aërem utique contagium suum transfert, ut subito paucos intra dies integras regiones quasi pervolet. Verum funestam ejus vim facillime radendo, vel cochleari solo, et eluendo avertimus. In equorum morbo *mucoſo*, in quo pituitaria membrana et saepe ipse pulmo inflammatur, et cujus contagiosa est virulentia, iisdem in separandis suspectis animalibus, inque trucidandis, quae infecta sunt, cautelis utimur.

Ut amissa armenta prudentia principis reparentur, LANCISIUS legi potest. Nobis nunquam ulla ejusmodi legum nata est necessitas.



## IOANNIS ANDREAE MURRAY D.

## COMMENTATIO

## DE

## POLYPIS BRONCHIORVM

## PRAELECTA

DIE VI. MARTII A. MDCCCLXXIII.

Sanguine, dum adhuc calet, conquassato, partem ejusdem in filam coire, aliam liquidam persistere, res est notissima, nec ab HIPPOCRATE *a)* ignorata. Estque haec origo membranae factitiae albae, coriaceae, filamentis numerosis instructae, quam RVYSCHIVS *b)* agitando sanguinem ramulo, HAENIVS *c)* autem eundem in lagenâ probe obturata concutiendo, intra brevius tempus et firmiori compage, paravit. Nec scio, quid prohibeat, quo minus maximam ejus partem ferò tribuas, ex pluribus liquidis diversae naturae composito, etsi cruorem symbolam conferre et globulis sanguineis nexum firmiorem reddere non diffiteor. Nam quod serum, quod deinceps haud sine labore a sanguine, augmentum ulterius membranae dene-gante, segregas, vi caloris in coagulum pariter transeat: demonstrat modo membranam istam factitiam non omne serum sibi vindicasse,

*a)* "Si quis ipsum (sanguinem) conquasset et fibras eximat, non congelatur;" *de carnibus* Liber.

*b)* *Thef. anat.* 7. n. 39. Tab. 3. fig. 6.

*c)* *Rat. med.* T. 1. p. 63.



se, prout rubedo ejusdem liquidi superstitis docet, cruoris modo partem generationi hujus membranae fuisse impensam.

Coagulabilis istius sanguinis partis, licet summa ad vitam et incrementum utilitas in corpore animali sit, et huic vulnorum sanatio plurimam partem debeatur: non exigua tamen nec rara multorum malorum causa evadit, dum vel copia, ratione reliqui sanguinis habita, peccat, vel nexu cum reliquis sanguinis partibus solvitur, vel variis de causis coagula format. Hujus generis fuit glutinosa ista materies, quae, SARCO<sup>NE</sup> *d*) narrante, in famosa ista et letifera epidemia, ante aliquot annos Neapoli grassante, interna oris obduxit, quae aegros pectoris inflammationi tantopere obnoxios reddidit, veficatoriis impositis instar membranae adhaesit, et in cadaveribus, intra caput, in pulmonum superficie eorundemque cellulis, in faucibus cum affini oesophago et mesenterii glandulis, praesentiam suam manifestavit. Huic tribuitur merito lardosa crusta, pleuriticorum sanguinem obtegens. Ab hac nascuntur ligamentosae istae concretiones, quibus pulmones aliquando cum pleura coadunantur *e*); et cor cum pericardio. Hinc membranacea vel lacera ista coagula, quae in aneurysmatibus et varicibus majoribus fuerunt reperta. Hi sunt natales membranae adventitiae in angina ista, Croup dicta, arteriam asperam obvestientis. Eadem natura concretionum polyposarum intestina referentium, alvo subinde rejectarum. Multa quoque suadent, ut ab eadem materia incunabula quarundam hydatidum *f*) in abdomine repertarum, vel certae cuidam sedi affixarum, vel soluto nexu liberè fluctuantium, repetamus; quae, dum increscunt mole, hydropem saccatum formant, vel crepantes verum asciten gignunt.

Nec

*d*) *Geschichte der Krankheiten vom tagmate p. 58. sq. ut taceam numerosa*  
*Jahr 1764. 2 Th. p. 170. sqq.* a MORGAGNI collecta.

*e*) V. Exemplum memorabile in *f*) Cfr. *Medical Transactions. Tom.*  
 COTVNNI *de sedibus variolarum. Syn-* 2. p. 496.

Nec difficile est, similitudinem quoad colorem compagemque inter hasce concretiones et istas, quas ob aliquam figurae cum verme aquatili convenientiam, Polypos, eodem forsitan iure Sepias, vocant, animadvertere.

Sedes polyporum maxime vulgaris est iis in locis, quae sanguis libere alluere potest, creberrima in corde et annexis vasis maioribus, praeprimis arteriosis, interdum vero etiam in minoribus, ex quibus subinde specie vermis, qua credulis imposuerunt, extracti, et in sinibus cerebri. Minus commode hoc nomen concrementis imponitur non raris, quae vel narium cava vel uteri eiusdemque vaginae transmittunt; ut quae non ita in ramos vel fila diducuntur, tunica praeterea, cavo alias propria, sed vi coagulati liquidi expansa, teguntur. Sanguinis tamen soboles esse indicat origo, quae in utraque sede interdum ex haemorrhagia praegressa invaluit.

Rarissimi omnium sunt polypi, extra sanguinis claustra progenti. Ex horum numero sunt massae membranosae vel polyposae, quas follicite ill. LUDWIG g) descripsit, proprio interdum pedunculo fixo instructae, post vomitum cruentum coeuntes, et dum, novo vomitus insultu incidente, vi abripiuntur, vitae periculum mirum in modum augentes. Par est ratio polypi illius insignis oesophagi, quem cl. DALLAS h), memoriae prodidit, qui vomitu vel nisu ad eundem excitato ex faucibus, ad dentes primores usque, os undique replens, haud sine suffocationis metu ascendit; unde deglutire illum mox necesse fuit. Et eandem raritatis notam prae se ferunt, nisi ipsa re, certe si observationum consignatarum numerum aestimes, polypi  
in

g) *Adversaria medico-practica* Vol. I. P. I. p. 173.

h) *Essays and Observat. physical and literary* Vol. 3. p. 525. Cfr. simile exem-

plum descriptum a SIGISM. SCHMIEDER in *Schediasm. de polypo oesophagi vermiformi*, recus. in HALLERI *Collect. diff. pract.* T. 8. p. 594.



in bronchiis subinde, quasi in modulo, formati, quorum igitur figura longe reliquis ramosior et elegantior. Hi licet initio nexu arcto cum membrana vera, asperam arteriam obvolvante, juncti fuerint, sensim tamen a contactu mutuo solvuntur, et enata ob stimulum, quo sensibilem istam membranam afficiunt, tussi, ejiciuntur. De hisce bronchiorum polypis curatius et prolixius jam commentandi occasionem dedit, Sodales, haemoptysis juvenis cujusdam, litterarum causa hic commorati, cujus curam in eodem hocce morbo, pluries recrudescente, gessi, et animum addidit recentius ad simile vitium ab augustissimi Regis nostri Archiatro, ill. R. WARREN *f*) adhibita solertia. Is vero tractationis erit ordo, ut primum ex adversariis ea tantum morbi medelaeque momenta depromam, quae ad physiologicum harum concretionum argumentum illustrandum faciunt; dein easdem cum aliis in medicorum monumentis memoratis comparem, quibus ipsis historia polyporum bronchialium, quousque sub paucitate observationum fieri potest, generalis confarcinabitur.

De juvene loquor, tum, quum primus ei consilia medica suppeditarem, 21 annorum, staturae procerae et habitus eorum, quos ad phthisin pronos jam antiquitas judicavit, collo nimirum exili longo, thorace plano scapulisque prominentibus praedito. Prehenderat eum, ceterum sanum et alacrem, exeunte vere anni 1770, primum tussis sicca, vesperi praecipue ingruens, quem tamen linctus pectoralis mitigare videbatur. Sed aliquot menses post, unctione in equo incitatori, in haemoptysin (morbum inter cives nostros academicos, sub eo aetatis vigore, qui omnes valetudinis insidias ridet, nimium familiarem) incidit, parca quidem sanguinis floridi ejusdemque spumantis rejectione cum tussi. Medicus tum d. 18. Julii arcessitus commodis remediis compescere haemoptysin annisus est, et quum recrudesceret, iterum feliciter sopivit. Pacatum jam videbatur.

*f*) *Medical Transactions Tom. 1. p. 407.*

tur malum, auramque liberam aeger capere rursus audebat, quum, dum d. 23. vesperi in loco publico obambulare, ex leni corporis nixu novus insultus fieret. Proxime dicti paroxyfmi, quum aeger me adiret, meum auxilium exploraturus, quoad partem spectator fui. Nova enim successit me praesente expuitio, sub strepitu insigni pectoris, etiam tum percepto, quum nihil sanguinis ascenderet. Sanguis tum non spumans erat, sed fluidus et pituita mistus, inter quem quidam grumi vel frustula pisi magnitudinis conglobata apparebant. Anxietas sessionem repudians juncta, oculi retracti, et annulo livido cincti, pallor faciei, insignis ad iram proclivitas, pulsus sub ipso paroxyfmo celer durusque, dein autem languescens et mollior. Ad sedandum sanguinis profluvium frigida aqua partitis vicibus pota, domum revertit, et medela ibidem adhibita noctem fatis quietam transegit.

Quum mane postridie eum inviserem, sanguinem coagulatum cum pituita expuit, de dolore pectoris tensivo querelas movens. Constitit tum, maceratione in aqua per noctem facta, particulas illas molles conglobatas praecedente die rejectas, ramosas fuisse, et ejus tenacitatis, quae polypis vasorum inesse solet.

D. 25. ante meridiem iterum excreavit crebrius coagulatum sanguinem, mistum liquido griseo, puri non absimili. Verum autem pus fuisse vix crediderim. Laetabatur autem de superato pectoris dolore, respiratione libera, et diminuto isto adfcreatum stimulo; pulsus quoque naturalis, et appetitus probus. Atque haec fuere morbi longi initia.

Quam infidae autem essent istae induciae, sequentibus tribus diebus et dein aliquoties apparuit, quippe quum pluries, plerumque modo vesperi nova haemoptysis mox parcius mox copiosior, vix vero ultra cyathum, exorta. Quum hoc die 28. hora vespertina 7, prae-



praegresso pallore faciei per totum diem, et oculis cavis conspectis, alvi praeterea obstructione, (ut ante quemlibet novum paroxysmum solebat) gravante, contingeret: novus simul polypus rejectus, quem infra plenius describam, reliquis supra dictis longe major, inque longe plures ramos divisus; leve tum quoque sanguinis e naribus stillidium prorupit.

Eo tandem sub varia medicamentorum mutatione aeger pervenit, ut conticesceret haemoptysis sine ulla pectoris molestia, praeterquam quod plerumque mane, interdum etiam vesperi aliquid mucii sanguine tincti exspueret. Adjumentum pariter haud exiguum ipsa natura attulit haemorrhoidum fluxu, quem antea aeger nunquam expertus fuerat, qui vero quum subsisteret, variis iterum incommodis aeger correptus est, pressionis scilicet vel punctiois levis sensu mox medio pectore mox in alterutro latere ingruente, horroribus erraticis, praecipue post pastum molestis, aliquando ustionis sensu in manus vola. Inter haec quoque narravit, se polyposas concreciones subinde iterum exspuisse, quorum et ipse exiguum frustum vidi, verens autem, ne pituitam tenacem interdum pro polypo habuerit. Quicquid vero antea ad sistendum fluxum floridi meracique sanguinis valuerat, non potuit tamen tincturam istam pituitae sanguineam omnino coërcere, etsi aliquando minueret. Et, quum vere sequentis anni novus insultus haemoptyseos non vehemens quidem fieret, hoc licet superato, permansit; donec felici consilio pulveres ex cortice peruviano, pulvere absorbente WEDELII et nitro, exhiberem, qui adeo laetum effectum reliquerunt, ut nullus non solum relapsus fieret, sed ut sputa matutina plerumque cruoris expertia rejicerentur, absque ullo pectoris residuo incommodo, vires quoque firmiores manifeste evaderent. Transiit sensim, inter severae diaetae leges per totum annum 1771. et 1772. observatas, ad varia alia phthisi avergendae opportuna, sed hic ob morem reticenda, quibus is virium vigor recuperatus, ut, media hyeme anni proxime dicti, advocatus a

*Comm. Soc. Goett. T. IV.* G suis,

fuis, reditum ad remotam suam patriam per veredos ingrederetur, quin dein robur insigne virium accessisse itineris beneficio litteris declararet.

Nolo censurae morbi vel medelae adhibitae ulterius immorari, etsi quaedam de usu largiori nitri, spiritus vitrioli, et malorum citreorum, corticis peruviani et pulveris absorbentis WEDELII ab auctore suo et clar. Lubecensium olim medico IO. GERARDO WAGNER *k*) tantopere laudati, quorum vim hic casus laete confirmat, commentari alio loco non incongruum esset. Sed redeo ad polyposas istas concretiones ex bronchiis rejectas, quarum natura non potuit sine narratione ipsius morbi rite cognosci. Fuerunt istae plures, ut dixi, quarum quaedam pluribus, aliae paucioribus ramis compositae, omnes rubicundae, glabrae, et ejus tenacitatis, ut absque ruptione notabiliter extendi possent. Horum polyporum unus reliquis major, supra digitum longus, manifestius declaravit originem suam. Ore rejectus in globum quidem convolutus, ut reliqui, apparuit, sed in aqua mox sponte ramos suos explicuit. Ex trunco nimirum simplici, brevi, duo emergebant rami primarii paullum exiliores, aliquoties repetita serie in alios minores subdivisi, quorum ultimae propaggines tam exiles, ut vix filum esse tenuius possit. In altero ramorum primariorum subdivisio in primis copiosissima fuit, in opposito parciore, ob divulsam unicum insigniorem, cujus basis adhuc supererat. Quousque residua ista polypi pars intra pectus remanserit, vel an eadem sensim diffluerit, quod vix probabile, non dixerò. Cavum interne esse, inflatio docuit. Figura descripta, ex trachea et bronchiis illum traxisse originem, extra dubium ponit; quippe quorum divisio ex trunco communi eadem serie perficitur. Quod vero polypus iste exilior appareret suo modulo, contractili sine dubio naturae gelatino-

*k*) De haemoptoës in primis vero haemopticae efficaciorique curatione, recusat in Collect. bitualis s. phthisicae expeditiori quadam. HALLER. Diff. practica. T. 2 p. 277.



latinofae substantiae adscribendum, quae mox cohaesione cum pariete bronchiorum soluta, libere sese exferere potuit. Alia exsurgit quaestio, utrum hi ipsi polypi causa fuerint haemoptyseos sive sanguinis in bronchia excretionis, an effectus? Pro effectu tantum hoc casu habendos existimo. Etenim vix probabile est, scretum sanguineum ex dilaceratione vasorum pulmonis enatum, quippe quum parcam modo quantitatem sanguinis quavis vice aeger exspueret, nec dolor, nec respirandi difficultas nimium gravaret, nec febris valde notabilis paroxysmum quemlibet comitaretur. Anastomosis igitur modo ex debilitate pulmonum oriundam accuso. Hac factum esse arbitror, ut sanguis, vel ejus tantum serosa pars, lento gradu in cellulas asperae arteriae, et ex hisce in bronchiales ramos stillaret, mora autem in spissum gelu coiret. Repletio autem bronchiorum videtur tussim excitasse, qua ipsa solutus nexus est, isque tamen, ut apparet, non firmior, quam ut sine erosione cruenta membranae arteriam asperam succingentis tolli posset. Quod vero sanguis meracius ejectionem polyporum comitaretur, concussioni ex tussi adscribere licebit. Sanguis ex aegri vena missus, quod quidem non rarum est in haemoptoicis, cacochymiae de reliquo expertibus, crassus pleuriticaque crusta testus erat, fluido omni orbatus. Unde patet, quantus sanguinis in coagula nifus esset. Scretus quoque copiosus pituitae tenacis probabile reddit, praeter sanguinem, glutinosam istam et plasticam ejusdem partem in bronchia transfudasse. Cur vero raro ejusmodi polypi in haemoptysi extendantur, non definio; existimo crebrius id fieri, modo medici ad id attenderent.

Comparando aliorum de similibus polypis observationes, nonnunquam quidem, haemoptysi conjunctos eosdem fuisse, vel praeeuntem illam habuisse, interdum autem absque illa rejectos, reperio. In haemoptysi exspui tales aliquando concretiones jam GALENVS novit, ut variis locis operum ejusdem 1) constat, et inter signa haemoptoës

1) *de locis affectis* L. I. c. I. CHARTER cit. T. 10. p. 123.  
T. 7. p. 379. *Method. med.* L. 5. c. 12. Ed. G 2

moptoës refert: "Si quis bronchii partem quandam aut arteriae, aut „venae tunicae, aut etiam pulmonis ipsius carnis ejiciat". Sanguis una cum polypo exscreatus interdum valde copiosus fuit *m*), et phthisin pedissequam habuit *n*): subinde parva modo quantitate prodiit, prout in meo casu. Quin accidit in uno eodemque aegro, ut polypi mox albi, mox cruore tincti, extunderentur *o*). Nec majores semper post se trahere sanguinis sputum ex casu memorabili cel. WARREN *p*), evincitur, qui majores absque sanguine et muco reiectos, minores autem cruentos fuisse narrat.

Sub reiectione, mox plura et graviora mox pauciora et leviora symptomata animadversa. In quibusdam febris adfuit. Cujus exemplum de phthisico *q*), aliud de homine pleuritide laborante *r*), aliud demum de femina febre verminosa et putrida correpta *s*), legitur.

Absque vero febre, orthopnoea, dolore vel alio symptomate, peritus olim sua arte chirurgus DRINGENBERGIVS incredibilem copiam materiae ramosae screevit. Alius praegressa magna oppressione pectoris post vomitionem, tartaro emetico excitatum, polypum extudit *u*). Nullibi tussim defuisse et ratio et observatio indicat, et fere semper respiratio antea valde molesta fuit. Juncta in quodam casu scrophulosa diathesis *x*).

Sunt

- |   |   |
|---|---|
| <i>m</i> ) <i>Act. eruditor.</i> 1683. p. 218.      | <i>s</i> ) DALBY in <i>Journal de Medecine</i>  |
| <i>n</i> ) SAMBER in <i>Philos. Transf.</i> n. 398. | <i>Chirurgie etc.</i> Tom. II. p. 42.           |
| <i>p</i> . 262.                                     | <i>t</i> ) KAV BOERHAAVE de <i>perspir.</i>     |
| <i>o</i> ) <i>Phil. Transact.</i> n. 419. p. 123.   | <i>Hipp. c.</i> 12. p. 114. sq.                 |
| <i>p</i> ) <i>Med. Transactions</i> T. 1. p. 407.   | <i>u</i> ) SENAC, <i>Traité de la Structure</i> |
| <i>q</i> ) THOM. BARTHOLINI <i>Histor. anat.</i>    | <i>du Coeur</i> , T. 2. p. 456.                 |
| <i>r</i> arior. Cent. 3. <i>Hist.</i> 98.           | <i>x</i> ) WARREN l. c. p. 407.                 |
| <i>r</i> ) DE HAEN <i>Rat. med.</i> T. 2. p. 106.   |   |



Sunt, qui semel modo polypum screarunt, sunt rursus alii, quibus id pluries, et per longum tempus contigit. Factum hoc est in quodam quotidie, idque per septem integros annos sine quodam alio incommodo *y*); et in puero, qui polypum rejecerat, post mortem similis intra asperam arteriam inventus est, qui haud aegre absque figurae laesione sese extrahi passus est *z*).

Figura concretionum harum et magnitudo varia. Prodierunt interdum instar grumi, pisi vel globuli majoris magnitudine. Huc forsitan trahendus locus HIPPOCRATIS *a*), quo PHERECIDAS fertur ante mortem rejecisse velut ex muco fungos compactos, excrescasse autem et antea parva alba lactea. Apud alios membranacea forma *b*) vel instar ramentorum *c*) comparuerunt. Subinde repraesentarunt massam carnosam rubentem, non ramosam *d*), eandemque aliquando insignem. Tum vero maxime admirationem excitarunt, quum ramosae prodirent. Plurimum pollicum magnitudinem aliquando aequarunt *d*). Probabile est minores interdum ideo prodiisse, quod sub tussi pars abrupta fuerit et intra bronchia remanserit.

Quoad colorem eadem diversitas, ac de polypis vasorum *f*) notum est, locum habet. In quibusdam albus, instar coaguli lactis *g*),  
in

*y*) *Phil. Transf. n. 419. p. 123. cl.*  
WARREN *l. c.*

*z*) BVSSIERE in *Act. eruditor. 1701.*  
*p. 231.*

*a*) *Epidem. l. 7.*

*b*) V. SWIETEN *Comment. in BOERH.*  
*Aph. T. 4. p. 31.*

*c*) LIEVTAUD *Syn. prax. med. p. 182,*  
qui ad phthilicos restringit.

*d*) STRUVE in *A. N. C. T. I. obs.*

196. Hujus census videtur esse frustum, ut existimabatur, pulmonis fauces occludens, longitudinis septem, latitudinis trium digitorum, quod medico cuidam mortem peperit, narrante TVLPIO in *Observ. med. L. 2. c. 14.*

*e*) TVLPII *Observat. medicae p. 116.*

*f*) SENAC, *Traité de la Structure du Coeur, loc. cit. p. 453.*

*g*) WARREN *loc. cit.*

in aliis rubicundus, quin ruber, exstitit. Pluries vero hi polypi rubicundi apparuerunt, quum sanguine juncti prodirent, quam absque isto.

In quibusdam solidi reperti *h*), in aliis cavi. Solidus ex plurimis laminis compositus apparuit, facile a se invicem discerpendis, quarum intimae laxiores fuerunt, media parte mucosam materiem includentes *i*). Compages mox laxior, ut aquae concussionem extrema fila non ferrent, interdum tenax, dura, elastica. Est quoque in medio cavo verus sanguis inventus *k*).

Aetatem nullam immunitatem praestare facile cognoscitur lecta historia pueri quinquennis *l*), aliaque hominis annos nati duo de octoginta *m*).

Proximum est de materia, ex qua haecce concrementa constant, differere. Condonandus GALENO facile error est, ob aetatem qua vixit, partem internae tunicae esse, qua aspera arteria succingitur. Aegrius vero recenti auctori DALBY *n*) ignoscas, qui in altero casu a se descripto exfoliationem membranae internae bronchiorum vocat. Fuerunt rursus alii *o*), qui sanguinea vasa ex ipsa pulmonum substantia rejecta perperam arbitrati sunt; quem errorem facile erat RVYSCHIO *p*) ad refutandum.

Equidem considerans polypos istos interdum absque haemoptysi rejectos, alios autem non sine ejusdem connubio, quorum isti pellucidio-

*b*) DALBY *Journal de Medecine T. II. p. 43.*

*i*) WARREN *l. c.*

*k*) DALBY *Journ. de Med. l. c. p. 372.*

*l*) BVSSIÈRE *Act. erud. l. c.*

*m*) MORGAGNI *de sedibus et causis morb. Epist. 21. Art. 20.*

*n*) *Journ. de Medec. l. c. p. 370.*

*o*) Ita TVLPIVS *Observ. med. L. 2. c. 3. p. 116. ubi p. 117. figura. BARTHOL. Cent. 3. Hist. 98. Act. erud. 1683.*

*p*) RVYSCH *Opp. omn. T. I. Epist. anat. 6. qua respondit ad litt. IO. HENR. GRAEZ.*



cidiores, hi albidiores, videntur fuisse, duplicem classem arbitror constituendam polyporum bronchialium esse, scilicet seroforum et mucorum. Serum quidem sanguinis, praeterquam aqua et gelatina, mucus q) constat: sed scimus pluribus in corpore locis glandulas extare, muci ex reliquo sanguine separationi praecipue dicatas. Polypos igitur serosos ex sanguine integro vel ejus serosa parte, lento nixu in pulmonum cava aërea transfudante, derivo, quae liquida mora et continua, sub respiratione, quasi in vitris ill. HAENII, agitatione in solidam compagem degenerarunt. Et hi ipsi similitudine maxime ad polypos intra cor vasaque sanguinea repertos accedunt. Color differt pro copia partis rubrae sanguinis, sero admistae. Huic classi polypum a me descriptum adnumero. Quos vero mucosos dixi, polypi originem sine dubio ex glandulis istis numerosis trahunt, quae inter tunicas membranae asperae arteriae intrinsecus sitae, orificiis suis velamentum internum perforant. Potuit forsan mucus hicce, qui naturae alias beneficio constanter interna asperae arteriae oblinet, vitiose spissari, vel languore quodam glandularum, justo lentius fcerni, ut per moram concreseat. Hosce polypos materie convenire arbitror cum membrana adventitia illa, quae in angina Croup r) dicta oritur, quam ideo non absone anginam membranaceam dixeris, quae membrana sub larynge orta nonnunquam usque ad bronchia extenditur, fibrarum omnium expers, et plerumque laxo modo cum membrana altera vera cohaerens. Nec unquam existimo aliquam hujus verae membranae partem sive in angina sive alio morbo rejectam, et veram post hoc dispendium redintegratam, quamvis alii aliter sentiant s).

Non

q) Perill. HALLERI *Element. Physf. Underrättelse om Barns Sjukdomar* p. T. 2. p. 124. 428. sqq.

r) FRANCIS HOME'S *Inquiry in the nature, cause and cure of the Croup.* s) V. Auctores a perill. HALLERO citati in *Element. Physiol. T. 3. p. 148.* Edinb. 1765. Item perill. a ROSENSTEIN

Non vulgare autem et spernendum hocce vitium est. Ita enim increfcere et replere bronchia polypus poteft, ut aëris transitum omnino intercipiat. Quantum obftaculum fanguinis motui eo opponatur, difficultas refpirandi et anxietas teftantur. Idque de poly-  
 pis folidis in primis valet. Hinc ille infarctus pulmonum, cujus MORGAGNI *t*) meminit, quo ipfo duritie hepatis non abfimiles ex-  
 ftitere. Aliud periculum enafcitur, dum polypus, nimis tenaciter membranae afperae arteriae adhaerens, vi avellitur, unde haemo-  
 ptyfis funefta, ut cafus recensiti docent, oritur; et ex hac interdum  
 phthifis. Quorundam tamen mortem ad alia vitia, quibus corpus  
 fimul laboravit, referas. Laetior contra ea fubinde eventus eft. Re-  
 jecto nimirum polypo decreverunt pectoris moleftiae, idque poft ite-  
 ratam quamlibet ejus rejectionem, prout in meo cafu et ifto ill. WAR-  
 REN; in quo proxime dicto fingulare fuit, quod aegra, enata ad cal-  
 cem fuppuratione et offis carie, nullos amplius fcrearet polypos, quos  
 antea tamen crebro extuderat. Nonne hoc confirmat materiam puris  
 effe eandem ac polyporum, horum, ac cruftae inflammatoriae, hu-  
 jus ac feri? Ita et duodecennis puer quavis hieme vehementer tuf-  
 fiens et vifcida exfpuens, rejecta polypofa materie continuo liber  
 evafit *u*).

*t*) de fed. et cauf. morb. Epift. 21.  
 Art. 19.

*u*) V. fupra A. N. C. cit.







---

HENRICI AVGVSTI WRISBERGII

COMMENTATIO

DE

SECVNDINARVM HVMANARVM  
VARIETATE

RECITATA

DIE VIII MAJI MDCCCLXXIII.

---

§. I.

Foetuum in uteris animalium viviparorum nutriendi vivendique ratio corpus requirit, quo mediante commercium embryonem inter atque matrem sustinetur, vita tenelli fovetur, nutrimentum affertur. Communi loquendi usu receptum est, hoc corpus ex analogia feminum in vegetabilibus, vel potius ovorum ab animalibus oviparis desumpta, *ovi* nomine indigitare, quod itaque ovum, si integritatis statum adhuc retinet, ex quinque diversis partibus constat, *foetu ipso*, *liquore* embryonem ambiente, *funiculo*, *placenta*, et tandem *velamentis*. Residuam ovi partem, quae absoluto partu, et dissecto post administratam deligationem fune, vel aliquantisper in utero puerperae remanet, vel statim secundo quasi partu excluditur, *secundas* vel *secundinas* appellari, omnes sciunt; tres vero hoc residuum componere partes, *funem* quippe, *placentam* et *velamenta*, nemini pariter incognitum esse puto.

Comm. Soc. Goett. T. IV.

H

§. II.

## §. II.

Licet a natura ovum atque secundinae ad eundem scopum et usum facta sint, fabrica tamen, proportione, magnitudine, divisionisque ratione insigniter discrepant. Quem enim in humanis foetibus maxima longitudine instructum videmus funiculum, illum in grandissimis aliis animalibus vix dimidia foetus ipsius mensura praeditum cernimus. Simplicem placentae humanae discum oblonge rotundum in caninis embryonibus aliisque cinguli in modum abdomini circumductum, in ruminantibus in 50, 60, 70 minores lobulos tanquam totidem placentulas divisum notamus. Equis, suibus, pluribusque aliis alia structura competit, ne in ipsis quidem durante toto graviditatis et gestationis tempore sibi semper simillima, tot tantisque aberrationibus obnoxia, quot fere inconstantis naturae specimina in toto animalium corpore abunde proveniunt.

## §. III.

Haec quidem mecum reputans, inter numerosissimas secundinarum humanarum perlustrationes; quae facile 600 supergrediuntur, nonnullas inveni observationes, naturae inconstantiam et in formandis partibus varietatem, etiam in secundinis humanis occurrentem, luce meridiana clarius ostendentes. Nullibi saltum in rebus naturalibus deprehendimus, nullibi interraptam catenam, ab exilissimo materno naevo ad turpissimas monstrositates, gradatim natura procedit. Admodum igitur verosimile mihi semper visum est, nullam fortassis existere viscerum aut partis cujusdam varietatem, quam natura alicui animantium speciei non impertita sit. Ita vero, SODALES ILL. comparatae sunt meae observationes, quas pace vestra vobiscum communicaturus sum, ut harmoniam et indissolubilem rerum naturalium nexum etiam in hoc viscerum genere novis argumentis confirmet. Selegi tamen in praesenti tales, quales, uti societatum scientiarum leges merito postulant, aut nunquam aut rarius ab aliis observatae existunt.



stunt. Binis ergo in sectionibus quae dicenda habeo, proponam, in priore *de funiculo*, in posteriore *de placenta* expositurus.

## SECTIO I.

DE

### FVNICVLI VMBILICALIS VARIETATIBVS.

#### §. VI.

Ad sustinendum commercium inter vasa embryonis et placentae, *funiculus umbilicalis* a creatore confectus, in vivo embryone, aut in mortuo, ad debitam sui corporis figuram perlato, nunquam deficit, nec audiendae sunt fabulae funium plenarie deficientium. Abrumpi, putredine destrui, marcore extenuari et embryonum incrementum inde tolli posse, id veritati consentaneum est, male vero haec vitia pro defectu interpretata esse ab auctoribus, omnino persuasus sum. Respectu longitudinis summam deprehendimus in fune discrepantiam. Omnes unanimi fere ore testantur, homini prae brutis longiorem esse funiculum. Desideramus vero ad hunc diem tabulam aut scalam, quae notissimorum viviparorum funium longitudines, concinno ordine dispositas daret. B. ROEDERERI meisque numerosissimis dimensionibus constat, funis longitudinem maturi foetus longitudini aequiparandam esse: plerisque enim in casibus 20 poll. \*) aequat, non infrequenter inter 18 et 22 poll. manet, rarius infra 18 poll. descendit,

aut

\*) Qualem mensuram intellexerit *gitudine 4 pedes assumit, nemo sane*  
 EVZOS *Traité des Accouch.* Paris 1759. *interpretabitur.*  
 4. p. 101, si pro ordinaria funis lon-

aut 22 supergreditur *a*). Meae tamen observationes pariter testantur, nullum fere intermedium inter 7 et 18 esse numerum, quem funium humanorum longitudo non obtulerit. Sic Julio 1770 hic Goettingae funem 7 poll. modo longum vidi, quem in utero perfcindere debebam, ut partum cum salute matris et infantis finirem *b*). Memorabilis ex altera parte longitudinis excessum mense Octobri 1767 in infante hydrocephalo instructo, vidi, cujus funis 46 poll. longus erat, et Septembri 1772 in perfecto et vivente foetu funiculum 48 poll. longum intueri licuit. Gavissus est jam olim optimus HEBENSTREIT *d*) se possidere inter sua praeparata funiculum praeclarae longitudinis 40 poll. quam nostrae observationes tam insigniter superant. Sed de praecipuis differendum est varietatibus, in funiculis umbilicalibus humanis animadversis.

## OBSERVATIO I.

DE

## FVNICVLI VMBILICALIS INCONSVETA CRASSITIE.

## §. V.

Humanorum foetuum aequae ac brutorum funes plerumque ab umbilico usque versus placentam servata simili crassitie, exceptis illis vasorum contortorum nodis, progrediuntur; en vero memorabiles contrariae conditionis observationes.

Puer

*a*) GVILIELMI COOPER *diff. de Abortionibus*, Lugd. bat. 1767. p. 12. Non infra unum nec supra quatuor pedes se extendit.

DE MARIGVES, ni fallor, descriptum esse recordor, sed locus non ad manus est.

*b*) Ex monstro quodam Versaliae nato breviorē adhuc funem a Dno.

*d*) *Diff. de funiculi umbilicalis humani pathologia*. Lips. 1737. in *Coll. Halleriana*, T. V, p. 675.



Puer mortuus, aliquas putredinis praegressae notas exhibens, partu naturali d. 24. Febr. 1768 in lucem editus, mihi d. 25. ej. ostensus sequentia obtulit. Uterque testis in scroto continebatur, admodum vero erant mobiles, ut pro lubitu facile sursum versus abdominis annulum premi, et in cavum abdominis repelli possent, levi autem ventris concussione versus scrotum resiliences. Oculi admodum rubicundi, cornea propter transparentes humores rubellos, rufum referebat colorem. Pupilla amplissima, nullum membranae pupillaris vestigium, ne microscopio quidem apparebat. Funis umbilicalis prae reliquis partibus primaria attentione erat dignus 18. pollices longus a loco insertionis in placentam, usque ad umbilicum. Insolitam vero plerisque in locis offerebat crassitiem, pone infantis umbilicum naturalem non excedebat, 2. ab umbilico pollicum distantiam progressus, successive intumescit ad crassitiem  $1\frac{1}{2}$  pollicis in diametro, de novo detumescit, sed semper naturali crassior inanet, rursus crassior redditur, ad  $2\frac{1}{2}$  poll. crassitiem, et ultra 6 pollicum circumferentiam, et variis his mutationibus crassus tandem placentae immittitur. Substantia funis ceteroquin eadem uti solet, nisi quod plus gelatinae ferrosae crassis illis in locis comprehendat. Variis incisionibus velamenta hujus funiculi laceravi, et magna feri copia inde promanavit, quo natura illius hydropica satis declarabatur. Inflatu post lymphae effluxum cellulis, flatus libere ex una in alteram migravit e), et hoc modo funi eandem reddere poteramus crassitiem, quam feri profusione amiserat. Vasa naturalem habebant per tumentia haec loca capereolarem progressum, et consueto modo umbilici foramen ingrediebantur. Frequenter admodum a consueta funium crassitie aberrationes notantur apud autores, oedematosi vero ejusmodi habitus, merito inter rariores casus censentur f). Eodem vero anno die 16. Maji in

e) Cum incomparabili HEBENSTREITIO minime dubito quin ex simili hujus contextus cellulosi inflatione Ha-

leus allantoidem inventam crediderit. *Diff. cit.* §. 9.

f) Egregie huc referendae sunt observat.

in foetu maturo et vivo similem  $2\frac{1}{2}$  poll. funis crassitiem in distantia, 3 poll. ab umbilico vidi, quem in ipso oedematoso tumore percidi, et quinto die elapso exsiccatum et delapsum obstetrix abstulit.

### §. VI.

Ex binis his observationibus itaque patet, cum prior foetus licet mortuus cuncta maturitatis signa g) exhibuerit, posterior simul vivus in lucem editus fuerit, inter vitia, quae ex parte funis embryones in utero vita privare creduntur, simplices ex abundante gelatina obortos funium tumores minime referendos esse, nisi aliae simul graves causae accesserint.

### §. VII.

De origine copiosi humoris in tumidis his funibus vix quidquam certi asserere auderem, cum nemini huc usque contigerit esse adeo felici, ut vasorum in cellulas funiculi gelatinam serosam exhalantium, aut lymphaeductuum naturam et praesentiam indubitata in lucem constituere potuerit. Venerat vero mihi tunc temporis in mentem, nonnullos, inter quos DIEMERBROECKIUM nominasse sufficit, in ea opinione fuisse, ex vesica urinaria mediante uracho urinam in tales

servationes Cel. BURGGRAVII in *Nov. Act. Ac. N. C. T. I. Obs.* 77. p. 305. monstruosum funem describentis, cui praeter insolitas crassitiei varietates alius minor adhaerebat funiculus: Cl. de WESTEN *ib. T. III. obs.* 78. p. 364 in puero monstruoso funem  $2\frac{1}{4}$  poll. crassum proponentis: et Cl. BIANCHI in *Excerpto totius litterat. ital. et helv.* 1759. *T. III. p.* 168, qui in gemellis

femestribus utrumque funem oedemate turgentem vidit.

g) Praeter reliqua notissima maturitatis signa, quae ex habitu totius corporis, pilorum, unguium, pondere, et longitudine desumuntur, testium in scrotum delapsum, et membranae pupillaris merito huc referimus absentiam. *cf. Nov. Comment. Soc. T. II. p.* 109.



les funis cellulas depositam, collectioni huic ansam praebere posse, quare eo curiosior factus sum, in mortuo meo foetu urachi per funem progressum perscrutandi; nihil tamen invenire potui quod ex vesicae urinariae cavo quidquam liquoris huc transmittere potuerit, urachus enim prouti in humanis foetibus fieri solet, tenuissimi filamenti instar in funis initio evanescebat, nec in tumentem partem cum ulla veri specie illum prosequi valebam. . . . . Macerationi a putrido liquore amnii productae pariter adscribere nollem, cum in altero saltem casu simile quid observatum fuerit.

## OBSERVATIO II.

## FUNIS VMBILICALIS VELAMENTIS INSERTVS.

## §. VIII.

Raram hanc observationem partus d. 25 Dec. 1766. in nosocomio obstetricio suppeditavit.

*Pondus secundinarum* et longitudo funis nihil extraordinarii atque insoliti ostendebant. Ruptura ovi, per quam liquor amnii effusus, et foetus egressus erat, pone insertionem funis in velamenta notabatur, absque laesione vasis cuiusdam majoris.

*Funis non uti in statu naturali solet, placentam ingreditur, h)* sed quodsi ovum uti integrum spectatur, tunc exakte in parte opposita placentae i), in velamenta inseritur, ita ut ex una parte sit exterior superficies placentae cavo uteri respondens, ex altera ovi parte sit funis, et illa placentae superficies concava, cavum

h) Talem nempe in modum ad centro, vel puncto quodam centro simili, versus peripheriam radiorum in consuetum naturae tramitem intrat funis placentam, vel quod idem est, eandem egreditur, ut vasa sanguifera ex i) conf. Tab. adj. b.

cavum ovi respiciens, quae alias funem insertum habet, sit perfecte aequalis, laevis, et libera sine ullo funis vestigio.

*Insertio funis in velamenta* sequenti ratione perficitur. Amnios internam ovi cameram obducens laxae placentae superficiei interna adhaeret, ut facile ab eadem, nec non a chorio et vasorum truncis, usque ad funem solvi atque deglubi queat, dum funem vero attigit, strictissimae atque brevissimae cellulosae ope eidem adnectitur. Vasorum umbilicalium trunci ubi ex fune in velamenta abituri sunt, crassiusculo quodam annulo ex cellulosa laxiori chorio cum amnio communi ambiuntur, ultra quam annulum gelatina funiculo consueta, cum vasorum ramificationibus in velamenta non continuatur. Progrediebantur rami vasorum umbilicalium in latere interiori chorii, vena binis *k*), arteriae quatuor quidem truncis *l*) et exiguo quodam furculo *m*) prioribus longe minore, qui vero trunci paullo magis progressi in minores dividebantur. Sic sensim ad marginem placentae *n*) accedebant, ne furculo tamen in velamentorum tunicas ablegato; qui enim in icone per velamenta dispersa apparent, propter infelicem injectionem ita modo depicti sunt, licet ut reliqui versus placentam continuati fuerint. A placentae margine nunc versus centrum properant, chorion multis in locis mox arteriae, mox venae solitariae, mox conjunctim perforant *o*), et in placentae lobulos sese demergunt, eorundemque substantiam componendo. Minus fauste injectio prioris arteriae umbilicalis succedebat, ut fracto tubulo obiter tantummodo rubra *p*) cera replerentur: felicius vero cum in replenda vena essem, egregio spectaculo coeruleam massam per venam injectam ex placenta via quasi retrograda alteram arteriam, vacuum adhuc, replentem vidimus, in icone *q*) pariter depictam et coeruleo colore expressam. Praeter haec enarrata momenta, quoad reli-

quam

*k*) dd.    *l*) cm.    *m*) i.    *n*) fffff.    *o*) ggg.    *p*) c.    *q*) m.



quam structuram hae secundinae consuetò naturae tramiti perfecte erant consentaneae.

### §. IX.

Descriptimus simpliciter et brevissimo sermone observationem, quae quantum ex diligenti comparatione cum aliis exemplis instituta patet, perfecte similem sibi vix inveniet <sup>r</sup>). In brutorum et praecipue ruminantium secundinis, uti et in singulari nostro divisae placentae specimine paullo inferius describendo, fere eadem decursus ratio obtinere videtur; re tamen accuratius perpenſa etiam in minimis brutorum placentulis, vasa semper ex centro vel loco quodam medio versus peripheriam tendunt, quod in praesenti exemplo contrario modo sese habet. Redundarent quoque ex hac observatione, si frequentius annotaretur, in rem obstetricariam aliquot fructus minime spernendi. Monendae primo essent obstetrices in trahendo fune aequae incautae, ac in eodem abrumpendo felices, ne propter hunc quoque casum metuendum, funiculum traherent. Molestam dein et difficilem operam in casu necessariae solutionis placentae puto fore, quoties abruptis fune et velamentis duce caremus. Vasorum tandem umbilicalium laesio-


<sup>r</sup>) Unicum quod instar omnium esse potest, PERILL. HALLERI testimonium *Elem. Physiol. T. VIII. p. 216.* quemlibet laborem rescindet, qui in veterum recentiumque auctorum monumentis similem observationem explicari vellet. Aberrantis enim huius structurae nullam facit mentionem. Analogon tamen exemplum, si difficilem sermonem rite interpretor, describit B. IO. TRAVGOTT ADOLPH, resp. CLAR. HERTZ, in *Diff. de funi-*

*culo umbilicali vel intra uterum dissecando. Helmst. 1767.* „de margine placentae extremo non venam cum duabus „arteriis, sed fascilum ramosum dictorum vasorum aliquantisper processisse. In gemellorum placenta idem observavit CEL. SOMMER in *Beobachtungen und Anmerkungen über die in der Gebärmutter zurückgebliebene und in einem Sacke eingeschlossene Nachgeburt. Braun- schweig 1768. 4. p. 15. Not. f.*

*Comm. Soc. Goett. T. IV.*

I

laesiones periculosae, et inde metuendae foetuum haemorrhagiae lethales ex violentiis funi illatis, aut imprudente versione inflctis.



## SECTIO II. DE PLACENTA VTERINA.

### §. X.

Placentae cum annexis eidem velamentis magnitudinem, pondus, et structuram in diversis animalium vivos foetus parientium classibus differre, ab antiquissimis temporibus cognitum fuit. Quae vero in quolibet gestationis stadio respectu ponderis inter foetum et placentam proportio sit, nemo hucusque in tanta abortuum frequentia in tabulam retulit. Sermo nobis tantum est de placenta humana maturo partu enixa, cujus pondus, comprehensis simul velamentis et residua funiculi parte, si omnes meas observationes inter se confero, plerumque  $I\text{℥} \text{℥}iv = \text{℥}xx$ , vel  $I\text{℥} \text{℥}xij = \text{℥}xxvii$  aequavit. Non desunt tamen mihi exempla secundinarum post partum maturum exclusarum  $\text{℥}ix$  non excedentium, nec non specimina vidi  $2\text{℥} \text{℥}viijs = \text{℥}xLjs$ . Eadem vero libertate, quam Creator in conciliando secundinarum pondere sibi reservavit, in reliquis placentarum attributis mutandis pariter usus est, uti sequentes testantur observationes.

### OBSERVATIO I.

#### PLACENTAE ADHAESIONES INSOLITAE.

### §. XI.

Quodsi in graviditate omnia naturalem ordinem, quem in plerisque observationibus constantem deprehendemus, sequuntur, placenta



centae alium uteri locum quam fundum aut corporis uterini parietes raro occupare solent, fundi summo vertici mōx propiores, mox ab eodem magis remotae, versus cervicis interiorē superficiem descendentes s). Rariores esse solent casus, ubi placenta interiorē canalīs cervicalis marginem occupat, attamen aliquoties visi; rarissimam autem puto illam adhaesionem, dum pars placentae limbo cervicis interiori adhaerens, vaginae accreta est, qualem observare d. 27. Maji 1766 mihi licuit. Reperiebam parientem, quae tertia jam vice grāvida erat, inter fortissimos dolores gravi per 7 horas durante et sine ullo intervallo continuante sanguinis profluvio laborantem; exploranti mihi statim sese offerebat in posteriore vaginae plano corpus quoddam modice duriusculum, pressioni digiti parumper cedens, vaginae autem tam fortiter annexum, ut ex loco suo movere illud non possem; *vagina sarcoma* esse tunc minime dubitabam. Ante idem corpus mollior velamentorum vesica in farcimen aliquot pollices longum conformata propendebat, segmentum uteri inferius extenuatum atque emollitum, et orificium uteri perfecte jam erat diductum, ut infantis caput facillime urgente dolore tangere valerem. Ruptis velamentis forcipis ope vivum infantem educens, partum brevi negotio absolvebam, vehemens sequebatur haemorrhagia, et magnae portiones coagulati cruoris simul excernebantur: soluta placenta dimidium circiter oris uterini ambitum in posteriore latere occupans cum sequi nollet, in causam retentionis inquirens notabam, idem corpus quod sarcoma putaveram placentae partem esse vaginae accretam t). Animi deliquia, quae in tanta sanguinis deperditione facile metuenda erant, poscere a me videbantur, ut quantocyus parientem a secundinis liberarem.

## §. XII.

DERER *Icon: uteri humani*, Goett. 1759.  
p. 10. et 32.

s) Sedis placentae inconstantiam semper cognitam fuisse testantur  
SCHACHER *Diff. de placentae uterinae*  
*marbis*, Lips. 1709. et recentior ROE-

t) Sibi similem placentae parieti interiori vaginae accretae observationem esse testatur CEL. SOMMER l. c. p. 13.

## §. XII.

Pars quidem placentae oris uterini limbo posteriori et laterali accreta facile solvebatur, ut integram placentam ex utero ducere possem; pars autem cum vagina tam arcte erat connexa, ut summa patientia et lenitudine opus fuerit sub solutione, quam digito unum cellulosa hujus strictioris filamentum post alterum separante praestiti. In exemptis secundinis vidi, partem placentae, quae vaginae in plano ejusdem posteriore, immediate ubi cum utero in connexione est, adhaeserat, dimidii thaleri magnitudinem habere, cujus superficies alba et stipata tela cellulosa erat oblecta, exilissimis sanguinis punctulis interspersis, prouti quoque distinctos limites intueri poteram, qui mollem et spongiosam sanguineque succidam placentae partem, quae cervici adhaeserat, ab hac parva duriuscula et quasi callosa particula separarent. Cerae etiam minor copia vasa sanguifera hujus particulae adiit, caeterum pauca ejusdem vascula verae erant vasorum umbilicalium propagines. Tribus denique observationibus potiri mihi licuit, ubi placentae cervici aut in toto ambitu, ut digitus nullibi penetrare in cavum uteri posset, aut in uno vel altero latere accretae molestos, difficillimos, periculo plenissimos, imo lethales partus fecerunt. Cum similes adhaesiones ab aliis satis annotatae sint, iisdem enarrandis non immorabor: Confirmant vero istae observationes, 1) nullam esse uteri partem, vagina ipsa non excepta, in quam placenta radices infigere, et nutrimentum foetui alendo aptum elicere non posset *n*): 2) tales partus semper ob gravem sanguinis jacturam periculi esse plenissimos; et 3) summa obstetricatoris prudentia et patientia opus esse, ne vel nimia temeritate vel timiditate inconsulta quidquam committat, quod vel foetui vel matri detrimentum inferre possit.

## §. XIII.

*n*) Fere omnis infimi ventris, tubarum, ovariorum ambitus ad firmandum placentae nexum capax est, uti id numerosae foetuum extra uterum nutritorum exempla docent.



## §. XIII.

De causis extraordinariae ejusmodi secundinarum cum vagina concretionis vix quidquam veri asseri posse putamus. Tolerabilem modo conjecturam proferre audemus. Cum quaelibet uterinae superficie pars ad firmandam placentam apta sit, in hoc casu procul dubio ea ovi pars, quae placentam formare debebat, posteriorem canalıs cervicis regionem, dum orificium huc usque clausum esset, occupavit. Crescente ovo, ipsa placenta sensim majus incrementum assumpsit, et primis forsan graviditatis mensibus ad abortiendum conatus aborti sunt, quibus orificium uteri, in feminis quae jam aliquoties pepererunt tam arcte non clausum, aliquantisper diductum est. Ponamus autem, urgente matricis contractione aliquam soluti ovi particulam ex orificio uteri prodiisse, abortiendi molimina cessasse, potuitne tunc expulsa placentae pars cum roscido vaginae pariete in mutuū nexum abire, vasis suis majus incrementum conciliare, aliquantulum alimenti forbere, et veris placentae muneribus fungi? Nemini vero hanc explicandi rationem obtrudimus, substituat alius aliam, de conservanda modo observatione solliciti fuimus.

## OBSERVATIO II.

## DE PLACENTAE CVM VTERO NEXV INSOLITO.

## §. XIV.

Vinculum, quod placentam cum utero connectit, non in omnibus feminis idem esse, obstetricibus infimae fortis minime incognitum est. Ex laxissimo chorii fungosi habitu, in quod subtilissimae vasorum cum uterinorum tum umbilicalium propagines continuantur, ad strictissimam ejusdem chorii naturam cellularem, nexus illi per imperceptibiles gradus progrediuntur. Exinde simul patet, placentae in partu solutiones non semper eadem cum facilitate contingere posse, ut nunc

citius nunc serius infantem sequantur, et obstetricatori parientibus auxilium praestanti et de eadem solvenda sollicito, nunc maiorem, nunc minorem molestiam atque curam creent. Vidi exemplum artificissimae adhaesionis, quod vario respectu omni omnino attentione dignum censeo. Liberavi d. 24 Sept. 1766 in vico Ritmarshausen forcipis et perforatorii ope feminam pinguissimam, quae ob capitis infantilis incuneationem et iniquam plane positionem, jam 6 dies a dolorum verorum initio inter optimas naturae vires in partu consumserat. Foetum grandem maturum et perfectum putredo jam adgressa erat, epidermis et pili facile solvebantur, humores et cerebrum profluentes foetidissimo odore totum conclave inquinabant. Jam integra fere a protracto infante horae quadrans elapsa erat, et ne sanguinis guttula ex genitalibus promanabat, licet dolores post partum satis efficaces essent. In causam retentionis secundinarum cum inquirerem, strictissimam placentae cum utero connexionem tangebam, uterus et placenta unum idemque corpus esse videbantur. Sedebat vero placenta in anteriore plano cervicis, ut marginem inferiorem infimo segmenti uterini limbo accretum haberet, quin extra ipsum orificium uteri crassa callosa tumidulaque particula porrigeretur. Diu anceps haesi an placentam artificialiter solverem, an naturae id committerem? Praevalebant tamen rationes placentam solvendi, in tanta enim ab urbe distantia prudentius me acturum esse putabam, naturae succurre, quam dubiae forti parientem committere. Difficilis omnino erat labor, nec antea, nec ab illo tempore similem placentae nexum vidi. Strictissima cellulosa placentam ad uterum revinciens cautissima manu erat solvenda, unum filamentum post alterum dilacerandum et quasi perscindendum. Magnitudo disci laborem et operationem protrahebat, quam tamen sine memorabili matris defatigatione intra 15 minuta absolvebam.

#### §. XV.

Firmior placentae adhaesio, et durior ejusdem textura, singulari examine eandem dignam reddebant. Figura rotunda 8 poll. et pondere



dere  $\text{xxxviii}$  ab aliis non adeo differebat, iusto vero tenuior in maiorem amplitudinem expansa, solutionem tanto reddiderat difficiliorem et molestiorem. Substantia vasculosa durioris longe erat indolis in massam scirrho similem quodammodo inclinans  $\alpha$ ), in ea quidem superficie, quae utero adhaeserat, albicante compacta et durissima cellulosa quasi tendinea obducta, quibusdam in locis steatomatis instar granulata, crassior in loborum intervallis, ibi  $2\frac{1}{2}$  lineas crassam vidi, tenuior in ipsa loborum placentae superficie crassitiei 2 lin., ad minimum  $\frac{1}{2}$  lin. crassum hoc involucrum erat. Nullibi nuda vasa sine hoc tegmine vidi. Aquam superfusam pauxillo tantum cruore tingens, quem ne sua sponte quidem, nisi pressio accesserit, fundebat. Singularis haec placentae structura, cum vulgari ter assumta vasorum uterinorum et placentae anastomosi minime convenire videtur. Ne vero quidquam negligerem, quod ullo modo vasorum versus uteri ex placenta progressum ostendere et patefacere posset, eodem die, domum redux, arteriam umbilicalem purissimo mercurio vivo replevi. Iucundum sane erat spectaculum, quod mobilissimum metallum per minimas placentae ramificationes cum arteriosas tum venosas currens visui praebebat. Venae umbilicalis truncus aequali ratione uti arteriae erat repletus, nullibi vero mercurius ex abruptis in superficie placentae uterinae vasculis prorumpere, qui prorumpere urgente pondere debuisset, si ex placentae vasis praeter resorbentia filamenta tenuissima, furculi pro transmittendo sanguine placentae arterioso in uterum abirent.

## OBSER-

$\alpha$ ) Transiit in osseam placentae concretione, qualem observavit Cl. BENJAMIN GOOCH, *Cases and practical remarks in Surgery, Vol. 2. London 1769.*

OBSERVATIO III.  
DE SECVNDINIS VESICVLARIBVS.

## §. XVI.

Elegantem cum perlegissem Ill. HALLERI y), et RVYSCHII z) observationem, optabam me similis felicitatis in recenti placenta participem fieri posse: bis nunc ab eo tempore mihi contigit, ut secundinas in ejusmodi hydatides transformatas lustrare potuerim. D: 12 Aug. 1767 vocabar in proximum pagum Geismar ut parienti, quae naturaliter caeteroquin, foetu licet mortuo, pepererat, nunc vero secundinarum retentione laborabat; auxilium ferrem. 14 horae vanam inter expectationem inanesque ad operandum puerperae exhortationes praeterlapsae erant, cum advenirem. Tam parum sanguinis toto illo tempore erat profusum, ut nisi foetum vidissem, de peracto partu plures mecum dubitavissent. Abdomen satis turgens adhuc versus ilia sinistra praecipue eminebat; debilissimis post partum doloribus, quique post infantis enixum fortiores nunquam fuerant, vexabatur, et secundinarum retentionem sine memorabili molestia ferebat. Funem flaccidum extenuatum manus mea sequens orificium uteri satis amplum, secundinas vero cystidi in latere sinistro haerenti inclusas inveni, quam manus facili negotio penetrare, et liberam placentam educere poterat. Per dimidiam et quod excurrit horam manus in utero manere debebat, donec aequabiliter sese contrahere inciperet. Variis in locis lobulorum placentae nexus erat solutus, quasi jam per aliquod tempus macerationi in aqua secundinae commissae essent, alii vero lobuli molliusculam sanguine fartam texturam retinuerant. Cum integram placentam aqua eluere vellem, in resolutis illis lobulis copiam hydatidum seu vesicularum super 130 vidi; magnitudine omnino differebant, maximae avellanam nucem non superabant, in minimis

y) in operum min. T. III. p. 344.

z) *Observat. Anat.* 33. fig. 34. 35.



mis vasorum diameter vix aucta cernebatur. Omnes liquore repletas inveni turbido albicante, manifeste cernere poteram has vesiculas mutata vasa esse, dum in multis vasorum trunci, facta hydatidis ampulla, in minores ramos dividerentur. Colorata injectionis congrua materia per arteriam umbilicalem impulsam, ob corruptionem placentam perfecte penetrare non potuit: id tamen praestitit, ut vasorum truncos nonnullos patefaceret, ex quorum dilatatione vesiculae enatae erant, plurimos hydatidum pedunculos intactos reliquit.

## §. XVII.

Vidi denuo M. Octobri 1772 in abortivo embryone 4 mensium quem manus mea excepit, integrum ovum innumeris vesiculis *a)* obsessum esse, majori copia eam ovi partem occupantibus, ubi placenta erat, minori reliquam velamentorum superficiem. Embryonem mollissimum, corruptioni proximum, velamenta cum magna liquoris amnii copia comprehendebant.

## OBSERVATIO IV.

## DE PLACENTA IN LOBVLOS DIVISA.

## §. XVIII.

Homini cum multis animalium quadrupedum et viviparorum generibus, cani, cati, lepori, cuniculo commune est, ut placentam gerat ex unico cohaerente disco constantem, nec in separatos lobos divisam, nec ex pluribus minoribus placentulis, quas cotyledones in ruminantibus appellant, conformatam. In hac etiam lege inter tot milia partuum raro mutabili, naturae constantiam nonnunquam interrumpi,

*a)* in tenello ovo vidit et delineari curavit ALBINVS *Annotat. Acad. L. I. T. III. fig. I.*

*Comm. Soc. Goett. T. IV.*

K

pi, elegans observatio me docuit. Post facillimum in nosocomio nostro partum, junior quaedam obstetrix, quae artis addiscendae causa nosocomium frequentabat, et cuius curae haec pariens commissa erat, mihi referebat, placentam frustatim ex uteri orificio provenire, et fidei causa juramento confirmabat, se nihil plane ad solvendam placentam molitam esse. Ipse manum admoveo, metuens ne obstetrix tiro placentam deglubendo laceraverit, tres jam portiones velamentorum ope cohaerentes orificium uteri egressas in vagina inveni, reliqua placentae parte utero adhuc connexa, funis tractionem enim non sequente. Imminens haemorrhagiae periculum in parturiente, ad animi deliquia nimium proclivi, necessitatem accelerandae placentae exclusionis augebat: manus autem secundinas ab utero paullo post perfecte solutas, partim in vagina haerentes, partim in uteri cauo adhuc latitantes, leni tractione eliminavit.

### §. XIX.

Elegantem structuram placenta offerebat, licet funis et velamenta a naturali fabrica non recesserint. In majorem placenta superficiem erat expansa, cum 7 quasi minores placentulae *b*), in quas divisa apparebat, mediante chorio cohaerentes, vacua intervalla inter se relinquebant. Cotyledones seu lobuli 7 variae erant magnitudinis, 2 majores, reliqui sensim minores facti. Vasa umbilicalia in totidem truncos dividebantur, altera arteria in tres, altera in 4 ramos fissa, quorum quilibet ramo venoso junctus super chorio excurrens  
versus

*b*) Placentam humanam, quae alias unica tantum esse solet, quandoque appendicem habere parvam, jam olim testati sunt ROEDERER, *Diff. de foetu perfecto*. Argent. 1750. §. 5. ADOLPH, *Diff. de infanticidii notis sectione legali detegendis*, Helmstad. 1764. p. 20. Ex duobus majoribus et minore frusto factam recensuit Cel. THOM. SCHWENCKE, in *Verhandeligen van de Hollandsche Maatschappye to harlem*. T. IV. p. 141. 142. Septem lobulorum mentionem fecit Perill. DE HALLER *El. Phys.* T. VIII, p. 225.



versus suum placentae lobulum tendens, antea in aliquot minores furculos dividebantur, quam chorion perforando, cotyledonem ingrederentur, et in ejusdem substantiam mutarentur. Chorion in quolibet lobulo in duplicem suam laminam, chorii nempe laevis, seu mediam, et fungosi dehiscebat, ut vasorum ramificationes his binis lamellis includerentur. Intervalla loborum, chorii fungosi continuatio pariter obducebat. Filamenta illa tendinea quae in naturalibus placentis, chorion laeve inter et vasa inveniuntur, in lobulis hisce pariter notanda erant: Uno verbo, quemlibet placentae lobulum, excepta magnitudine et divisione, integrae placentae perfecte similem deprehendi.






## EXPLICATIO TABVLAE.

---

**R**epraesentat icon ovum elasticis stilis expansum antèrius reclinatis velamentis apertis, ut interior ovi facies remoto amnio lustrari queat.

- a. Funis ex ovi cavo exemptus, et in posteriorem seu exteriorem chorii superficiem reclinatus, fili ope suspensus.
- b. Locus ubi funis cum suis vasis velamentis inseritur.
- c c. Binae arteriae umbilicales, quarum superior rubra cera satis imperfecte repleta est, inferior coerulea cera turget.
- d d. Bini rami magnae venae umbilicalis, in quos fissa erat ante ingressum ejusdem in funem.
- e e e e e. Descensus vasorum umbilicalium pone parietem internum chorii.
- f f f f f f. Margo placentae, ubi rami vasorum umbilicalium intrant, et super eandem distribuuntur.
- g g g g. Perforationes chorii et demersiones vasorum in lobulos placentae.
- h h h h. Reclinatum chorium cum filamentosa vel fungosa chorii parte, ut interior ovi superficies lustrari possit.
















AVGVSTI GOTTL. RICHTERI

OBSERVATIONES

DE

A M A V R O S I

PRAELECTAE

DIE VI FEBR. MDCCCLXXIII.

**P**ertinacissimum morbi genus, quod luce hominem privat, densissimisque circumfundit tenebris, amaurosis est. Saepissime hunc morbum observavi, variorum medicamentorum contra illum vires tentavi, raro autem parem illi medicinam esse expertus sum. Bis tantum adultum confirmatumque hunc morbum superavi, ter incipientem oculorum caliginem discussi, quatuor aegris, qui perfecta amaurosi laborabant, tantillum lucis sensum restitui. Inter frequentes vero has, quae mihi sese obtulerunt, morbum hunc curandi occasiones, varia observavi, quae quidem naturam illius medelamque haud detegunt, aliquid tamen forsitan ad detegendam illam adferre posse mihi videntur. Atque haec quidem jam paucis exponam.

Difficilis aliquando morbi hujus diagnosi est; signa enim, quae prodere illum dicuntur, constantia non sunt; adsunt aliquando, aliquando absunt. Magnam et immobilem semper esse pupillam oculi amaurosi adfecti omnes fere, qui de hoc morbo scripserunt,

auctores asserunt. Errare autem illos, experientia me aliosque quosdam docuit. Vidi enim non raro, vidit etiam celebris Gallorum Chirurgus *Janin*, perfectissima amaurosi occaecatos, quorum pupilla mobilis erat, et ad minimum lucis attactum valde vivideque se constringebat. Celebris quondam Medicus *Tvesius* jam subinde observavit, pupillam oculi amaurosi adfecti dilatari clauso altero oculo, constringi aperto illo. Imo, quod mirum est, bis vidi, sub usu medicamentorum, quibus visum restituere studebam, perditam redire pupillae mobilitatem, visu haud redeunte. Atque haec quidem, nisi fallor, probant, retinam iridemque tam arcto nexu junctam haud esse, ut sensu illius perduto motus hujus etiam pereat necesse sit.

Fac etiam, immobilem semper esse, quamvis non sit, pupillam oculi, qui amaurosi laborat; certum tamen guttae serенаe signum haud erit haec pupillae immobilitas: constat enim non raro motu carere iridem, quamvis integra gaudeat sentiendi vi retina. Accedit aliquam semper mobilitatem habere iridem, quamdiu gutta serena perfecta nondum est; ut itaque, quamdiu morbus summum nondum attigit incrementi gradum, signo huic locus non sit. Neque est quod obiicias, lente tamen hic semper tardeque moveri iridem, ita enim movetur pupilla subinde sanissimi oculi; scilicet non eadem semper esse videtur pupillae sani oculi irritabilitas, aliquando tam insignis est, ut constrictam illam valde in loco non nimis lucido observes, alio vero tempore tam languida, ut in lucidissimo loco parum illa contrahatur; id quod sine dubio variis externis causis, quae minuunt vel augent irritabilitatem totius corporis, tribui potest. Neque huic languidae vel vividae iridis actioni respondet insignis vel languida videndi facultas, eadem semper sub varia papillae affectione.

Nec etiam, quando immobilis est pupilla, dilatata praeter modum simul semper ea est. Bis vidi illam immobilem et simul praeter modum contractam, aliquando etiam naturalis amplitudinis fuisse.

Varia



Varia vero haec pupillae conditio cum amaurosi conjuncta fortuita fine dubio non est. Explicare quidem causas harum varietatum nequeo, suspicor autem, non unam eandemque semper esse amauroseos naturam, variasque forsan illas pupillae adfectiones varias indicare guttae ferena species, graviolem forsan curatuque difficiliorem esse hunc morbum, quando cum immobilitate pupillae conjunctus est, leviolem curatuque faciliorem quando mobilis est pupilla; alia forsan requiri remedia in priori, alia in posteriori casu. Haec vero an vera sint, experientia forsan imposterum evincet.

Colorem pupillae oculi gutta ferena adfecti nigrum, sanum, omnisque vitii expertem esse, omnes fere uno ore adfirmant; hoc vero assertum magis adhuc quam prius erroneum esse iterum iterumque expertus sum. Saepissime sane splendido illo puroque nigrore orba est pupilla oculi, qui amaurosi laborat, languorem in illo hebetudinemque quasi loco nitoris illius, quo gaudet sanus integerque oculus, quilibet in illo animadvertet. Aliquoties etiam tam insignem pallorem nubeculosum pone pupillam percepi, ut, quod ingenue fateor, ipse ego dubius aliquando haesi, cataractane an amaurosi aeger laboret. Facilis sane in hoc casu error est, inprimis si perfecta nondum est amaurosis, motuque adhuc pupilla, et aliquo lucis sensu aeger gaudet. Plures sane, quod affirmare possum, ad me perverunt aegri, et medicorum suafu, qui cataracta illos laborare credebant, operationem petierunt. Dubitavi diu de ortu et natura hujus palloris aliquando satis insignis, donec puer aliquis, me adibat, cujus oculos amaurosis singulari sane ratione adficiebat. Albissimus pone pupillam et lacteus quasi color apparebat, cumque accuratius oculum inspicerem, totam quasi internam superficiem, retinam albam, vasculaque in illa rubra punctulaque hinc inde dispersa distincte videre mihi videbar. Difficile est, hoc explicare singulare phaenomenon. An vere hic retina translucebat? Ita mihi videbatur. An itaque pallor ille, qui tam frequenter in oculis amaurosi affectis obfer-

observatur, non opacitati humoris vitrei, sed potius retinae paullulum translucenti tribuendus? Unde vero haec nimia quasi humorum oculi pelluciditas? An forsan nimia illorum tenuitas hic arguenda? Fuerunt sane, qui causam guttae serенаe in humore vitreo quaesiverunt, resolutumque hunc humorem amaurosin parere putarunt; imo fuerunt, et inter illos quidem HEISTERVS eminet, qui in oculis amaurosi affectis humorem vitreum adeo resolutum reppererunt, ut aqueae tenuitatis esset. Hos vero omnes egregie errasse creditum huc usque est. An autem vere errarunt? Parum sane abest, quin credam, humorem vitreum nisi semper tamen subinde guttae serенаe participem esse. Neque, quem paullo ante narravi, unicus casus est, ubi vitii aliquid latere in humore vitreo visum mihi est. Virum vidi triginta annorum dextri oculi amaurosi perfecta laborantem, cujus retinae eam tantum partem, quae prope angulum oculi internum est, aequae distincte, ac in priori casu, videre mihi videbar. Interim tamen non nego, non raro etiam pupillam oculorum amaurosi adfectorum puro illo splendenteque nigrore praeditam esse, ut ita quidem, quamvis non semper, subinde tamen omnis vitii expers esse humor vitreus videatur. An non itaque credere fas est, varias dari guttae serенаe species; aliam forsan esse, quae cum humoris vitrei vitio conjuncta est, aliam, quae solam forsan retinam adficit; alia requirere medicamenta priorem, alia posteriorem speciem; pertinaciorrem curatuque difficiliorrem esse priorem, benigniorrem posteriorem. Id saltem adfirmare possum, me nullum amaurosi laborantem sanatum vidisse, cui pallor pone pupillam erat, ut itaque pallor ille mali semper ominis sit.

Mirum sane est, morbi, qui retinae nervique optici sensibilitatem abolere dicitur, prima symptomata auctam potius quam imminutam harum partium sensibilitatem prodere videri. Non raro enim aegri, quum oculi occaecari hoc morbo incipiunt, splendentes scintillas, flammulas, lumina ante oculos saltare queruntur. Virum vidi,  
qui



qui amaurosi incipiente laborabat, sibi quae saepe subito splendorem magnum instar luminis borealis ante oculos surgere, mox iterum evanescere dicebat. Plurimos vidi minori vel majori guttae serенаe gradu laborantes, qui in loco lucido penitus occaecati satis bene viderunt in loco obscuriori, ut quo serenius erat caelum eo debilius illorum visus esset. Hi aegroti, dum obambulant, tenebras quaerunt, solemque fugiunt, cujus splendor illos occaecat. Ita tamen non semper se habet guttae serенаe initium. Imminuitur quibusdam sensim visus, donec penitus dispareat. Neque tamen his eodem semper modo visus imminuitur. Sunt, qui sub primo morbi initio fumum nebulamque sibi ante oculos esse queruntur; sensim ille densior fit, donec objecta penitus obtegat. Singulare hoc est, nec opacitati humorum oculi tribuendum, quorundam enim pupilla nigra purissimaque est; quibusdam quidem pallor aliquis pone pupillam erat, neque tamen hic arguendus mihi esse videbatur, leviusculus enim et non omnino insignis erat pallor ille, cum fumus, de quo querebantur, densus crassusque esset. Vidi, quibus rete aliquod, vel tela quasi aranea ante omnia objecta expansa, tenuior rariorque initio, sensim vero densior objectaque penitus obtegens, apparuit. An forsan vasis retinae tumidis mollem retinae pulpam comprimantibus tela haec debetur? Annon haec etiam prima morbi initia varia variam morbi causam, variam illius naturam esse probant?

Subito aliquando, aliquando vero lente oritur morbus sensimque increfcit. Benigniore plerumque esse morbum, quando subito, pertinacior quando lente oritur, visum mihi est. In priori casu congestionem humorum ad caput vel spasticam nervorum affectionem non raro arguendam esse experientia docet. Ecclesiasticum novi, qui vehementer iratus subito occaecatus est, adeo ut solem splendentem sine omni luminis sensu inspicere posset, summo altero mane vomitorio visum iterum recuperavit. Pistor juvenis plethoricus dum ponderosam subactae farinae massam depseret, visum sibi imminui sentit,

*Comm. Soc. Goett. T. IV.*

L

cumque

cumque eodem die sequentique eodem opere iterum iterumque perfungeretur, tertio die penitus occaecatus est. Vena pedis secta vnciusque duodecim sanguinis emissis rediit aliquis luminis sensus; fortique remedio purgante exhibito integer rediit visus. Nonne prioris aegri morbus nervorum cuidam affectioni, posterioris autem humoribus ad caput congestis debebatur? Semper tamen tam benignae indolis non est amaurosis, quae subito oritur. Nobilem novi feminam, quae saltatione vehementer incallescens media nocte nudoque pectore in hortum descendens ibique obambulans subito visum perdidit, neque iterum, quicquid etiam medicamentorum tentaret, recuperavit.

Humores nimia vi et copia ad caput redundantes amaurosin subinde parere mea me aliorumque experientia docuit. Memorabile narrat BOERHAAVIUS exemplum viri, qui quoties ebrius esset occaecatus est, discussa ebrietate visum iterum recuperavit. Feminam cel. PECHLIN vidit, quae fluxu menstruo suppresso subito occaecata, vidit iterum simulatque sanguis iterum prodibat; rediit dein semper amaurosis quoties instabat fluxus menstruus, evanuit illa simulatque ille apparuit. Hominem novi, qui dum incurvo valde corpore grave portabatur onus, oculos sibi obnubilari sensit; increvit dein haec oculorum obnubilatio, et post aliquot hebdomades perfecta orta est amaurosis cui-cunque remediorum generi resistens. Plurimos eorum, qui in metallifodinis hercinicis laborant, amaurosi corripere observavi; interroganti mihi, quidnam illis negotii esset in cryptis illis subterraneis, plerique responderunt, gravia se quotidie prono corpore portare onera. Sanguinem in tali corporis summum nisum exercentis situ copiose ad caput ruere facile intelligitur. Ophthalmiam vehementem pertinacissimam peperisse amaurosin observavi. Viro quadraginta annorum cataracta, quam ante decem annos optimo cum successu deprimi sibi passus erat, subito fortuitoque ascendit iterum, et per pupillam in cameram anteriorem prolabitur, et paullo post vehementem oculi inflammationem parit, quae, cum non aderat, qui incisa cornea extra-  
here



here lentem audebat, per 5 hebdomades aëgrum eadem vehementia excruciat, tandemque visu privabat. Hoc facto venit ad me; extracta lente ophthalmia quidem evanuit, visus autem non rediit.

Imo qui in aliis oculorum morbis, in hoc etiam morbo observatur, insignis inter utrumque oculum consensus, haud facile quidem explicandus, luculenta tamen saepe, uti puto, caussa vitii cuiusdam unius oculi ad alterum transeuntis. Venator quidam minoribus globulis ex sclopeto projectis vulneratur, quorum unus per superiorem palpebram in orbitam penetrat, et quamvis neque bulbū oculi laederet, neque inflammationem aut dolorem excitaret, post aliquod tamen tempus amaurosin perfectam peperit. Haud diu post, cum globulum hunc excindi aeger haud pateretur, in alio quoque oculo integerrimo hucusque omnisque vitii experte amaurosis orta est. Raro inde reperies unum tantum oculum amaurosi adfectum esse, uterque plerumque laborat; et si quando forsan unum tantum oculum morbus adficit, cito satis tamen plerumque ad alterum transit.

Subitum magnumque splendorem in oculum illapsum amaurosin parere posse immedicabilem, probat exemplum nobilis cujusdam juvenis, qui curae meae ante aliquot menses se commisit. Fulgor scilicet tempestate orta summa cum vehementia proxime illum decidens visu motuque perterritum illum subito privat. Rediit quidem paullo post motus visusque, remansit tamen in oculis sanissimis ante labes, increfcens dein sensim ad amaurosin usque perfectam, quae, quicquid etiam tentaretur, nullo modo tolli potuit. Illud inprimis in hoc casu memoratu dignum est, dextrum illius oculum penitus occaecatum et ne minimum quidem summi splendoris sensum habentem, objecta tamen ad latus externum posita, quamvis non clare, obscure tamen vidisse. In dissitis autem saepe locis, et inprimis quidem in praecordiis incognitam saepe latere guttae serenae causam probant exempla plurium aegrotorum, qui post vehementes animi adfectus visum

perdiderunt; probat vomitoriorum egregius in amaurosi usus; probant symptomata varia non raro amaurosin comitantia, quae labem viscerum abdominalium produnt; probant tandem sequentes observationes.

Iuvenis viginti quatuor annorum post febrem acutam amaurosi sensim corripitur perfectissima, adeo ut cum ad me veniret, ne splendidissimi quidem solis radiorum minimum haberet sensum. Morbus annum et dimidium duraverat, cum curae meae aeger se committeret. Facies aegri pallida tumida erat, appetitus abolitus, coctio languens, omnium functionum vigor imminutus, somnus turbulentus, pupilla purissima quidem, adeo vero dilatata, ut iridis vix vestigium appareret. Primum illi exhibui tartari tartarifati drachmam dimidiam, quam per tres dies ter quotidie sumsit. Quarto die ad me venit, et de insigni nausea et vomitione, de ructibus nauseosis, fastidio ciborum summo et inquiete totius corporis querulo exhibui grana duo tartari emetici, unde copiosam ille evomit materiem, acerrimam, viridem dentes corrodentem. Die quinto dextrum oculum luminis aliquem sensum habere, sinistram vero fenestram tantillum distinguere laetus mihi narrat aeger. Oculos cum inspicerem pupillam paullo magis contractam reperi, unde pergendum mihi esse via, quam ingressus eram, putans, iterum exhibui drachmam dimidiam tartari tartarifati ter quotidie per tres dies sumendam. Die octavo aegro vertiginoso cibos fastidienti et vomituriendi duo iterum exhibui tartari emetici grana. Vomuit ille septies acrem viridemque saburram. Die nono summa cum voluptate vidi latiore esse iridem, angustior pupillam; aeger vero colores se jam distincte, majoraque objecta quasi umbras videre laetus narravit. Pallor tumorque faciei imminui, appetitus ciborum, laetior adspectus functionumque vigor redire jam incepit. Solus jam subinde obambulavit aeger, ego autem tartarum tartarifatum ter quotidie sumendum et die duodecimo vomitorium iterum exhibui. Die decimo tertio solus ad me duce non amplius



plius egens venit aeger, et quotidie increfcere videndi facultatem narrat. Naturalis jam fere erat magnitudinis pupilla, libere quamvis paullo fegnius adhuc iris movebatur, majora immo paullo minora objecta jam fatis deftincte, inprimis in loco non nimis lucido aeger vidit, folus obambulavit, fimulatque vero folis fplendor cubiculum impleret, caecus quafi ftegit. Ut magis adhuc increfceret oculorum vigor, electricitate uti fuafor illi fui; ufus illa eft per quatuordecim dies, at fine omni emolumento. Inde liquoris terrae foliatae tartari, in quo extractum trifolii fibrini folutum erat, ter quotidie guttas octoginta fumendos fuafi. Sumfit per quatuordecim dies interjecto, fubinde leniori purgante, cumque egregie quotidie increfcere oculorum vigorem perciperem, tandem addidi Tincturae martis cydoniatae aliquid, quorum medicamentorum ope factum eft, ut poft duos menses aeger, qui penitus occaecatus erat, folus jam obambulare, objecta majora clare videret, libros literis majoribus impreffos legeret, omniumque totius corporis functionum vigore reftituto egregia frueretur fanitate.

Simpliciffima hac methodo in alio quoque cafu, non quidem tam egregio cum fuccelfu ac in priori cafu, infigni tamen cum emolumento ufus fum. Juvenis Hildesheimenfis viginti quatuor annorum utriusque oculi perfecta amaurofi laborans me adiit, rogans ut vifum illi reftituerem. Mobilis erat fplendidiffimique nigroris pupilla, aeger vero faniffimo corpore praeditus, ut vitium cui gutta ferena tribui poffe videretur, nullo modo detegi poffet. Cum valde fe iracundum effe, variisque fe moeroribus aliisque animi adfectibus perpetuo hucusque agitatum fuiiffe, narraret, praecordiis hic inprimis profpiciendum effe putavi, et Liquore terrae foliatae tartari plenum cochleare parvum ter quotidie fumi iuffi. Quarto die plurima in tota corporis fuperficie punctula rubra apparuerunt infigni cum pruritu, rediitque tantillus luminis fenfus. Tartari tartarifati drachmam dimidiam ter quotidie jam exhibui. Septimo die totum aegri corpus

punctulis illis rubris valde prurientibus tectum quasi erat, aeger adeo vertiginosus ut vix stare vel obambulare posset, de dolore capitis insigni, nausea, sapore in ore valde ingrato questus est. Sumsit ille octavo die vomitorium, quod ingentem foetidae acerrimaeque saburrae copiam evacuabat, et egregio quidem cum levamine; evanuit enim vertigo, dolor capitis, nausea, rediit appetitus ciborum, oculorumque vigor adeo increvit, ut jam colores majoraque objecta aeger distingueret. Sumsit ille iterum tartari tartarifati drachmam dimidiam ter quotidie per 4 dies, unde iterum nausea, vertigo ciborumque fastidium ortum. Omnia vero haec symptomata evanuerunt iterum sumto vomitorio. Sanissimum jam se esse, plurima objecta satis distincte se videre, solum quoque se jam hinc inde obambulare posse aeger affirmavit. Speravi inde fore, ut, quae tantum jam attulerant salutis, integrum visum restituerent medicamenta: at spes me fefellit; morbus enim qualis jam erat, mansit, quamquam plurima remedia et inter alia mercurialia et electricitatem tentarem, unde aeger, nisi insigni, aliqua tamen videndi facultate praeditus abiit.

Pictorem quendam pallidum debilem, pupilla quam maxime dilatata, summa visus debilitate amaurosi incipiente affectum, vitae sedentariae maxime deditum usu liquoris terrae foliatae Tartari, et dein pulveris cachetici Quercetani, integerrimae sanitati restitui.

Latetne forsan subinde causa guttae serенаe in sinibus frontilibus? Plurimi sane aegrotorum amaurosi laborantium, quos ego vidi, de siccitate narium, atque sensu molestissimo in regione superciliorum conquesti sunt. Vidi aegros amaurosi incipiente laborantes quorum visus insigniter semper imminuebatur, quoties sensus ille molestus in fronte incresceret, crescebat iterum quoties ille evanesceret. Feminam novi, quae amaurosi laborat perfecta, et insigni simul narium siccitate. Sponte aliquando illi profluit magna ex naribus muci tenuioris copia, et quoties profluit redit semper simul aliqua viden-  
di



di facultas, quae perit iterum siccescentibus naribus. Binis aegris perfecta amaurosi affectis aliquem luminis sensum restitui balneo vaporis ad nares subinde admissio, et usu pulveris ptarmici, qui ex faccharo et turbetho minerali constabat. Arnicae flores, quas potenter resolvere, et paralyfes sanare Eschenbachius affirmat, iridi mobilitatem, non vero retinae sensibilitatem bis restituerunt. Electricitatem, jactatum illum contra pertinacissimos morbos remedium, iterum iterumque adhibui, et ne semel quidem tantillum boni effectus praestitisse observavi. Nocent plerumque in hoc morbi genere remedia qualiacunque martialia; plurimos etiam vidi aegros, qui aquis pyromontanis insigni cum damno usi sunt. Mercurialia profuisse nusquam observavi.

Inter insigniora contra hunc morbum remedia Tartarum emeticum eminere, mea me aliorumque observatio docuit. Neque efficaciori dosi, ut vomitum excites, exhiberi illum semper opus est; convenit saepe magis refracta illius, at saepe repetita dosis, quae concutit corpus, nauseam parit, non vero vomitum excitat. En observationem, quae hoc probat. Vir quadraginta annorum laxioris corporis habitus, spiritus vini potui quam maxime deditus febre corripitur petechiali. Vehementioribus aeger agitabatur deliriis ad undecimum usque morbi diem, ubi exanthemata miliaria apparebant vi morbi paullulum mansuescente. Evanuerunt subito miliaria die decimo quarto, alteroque mane caecum se esse aeger sensit. Pupilla dilatata valde erat, febris evanida. Postquam vesicatoriis, radice serpentariae virginianae, camphora, sale volatili cornu cervi incassum usus erat, sumsit aquae, in cuius unciiis sex grana quatuor Tartari emetici soluta erant omni bihorio cochlearia duo; unde primo die nausea, vomitum, secundo die bis vomitus, tertio autem semel vomitus, ter uberius alvi excretio, et copiosum urinae profluvium sequebatur. Sequentibus diebus aquae, cujus unciae sex duo tantum continebant grana Tartari emetici, cochlearia duo omni bihorio

horio sumfit; dein etiam pilulis ex assa foetida, sapone Starkeiano, sulphure aurato antimonii, faleque Cornu Cervi volatili usus est. Sub horum autem remediorum usu rediit sensim visus, integraeque sanitati aeger restitutus est.







IOHANNIS BECKMANNI  
EXPERIMENTA  
LANAS INFICIENDI  
FLORIBVS  
CARTHAMI TINCTORII

PRAELECTA

DIE V IUNII MDCCCLXXIII.

---

**E**t si ille omnino de patria bene meretur, qui utiles plantas novas ei infert, earumque culturam non solum docet atque commendat, sed ita quoque vulgarem reddit, ut res publica inde fructus insignes percipiat; tamen etiam hoc agendum est, ne plantarum cultus, qui satis diu vixit ac nutrit cives et locupletavit, languescat paulatim, vel tandem aliquando cesset, cum non major honor sit, nova acquirere, quam tueri parta. Atqui talem jacturam acerbam fecit Germania jam saepius, qua non solum messem amisit alias locupletem, civium divitias olim quotannis augmentem, sed quae etiam magnam vim agricolarum ad incitas redegit, in exilium eiecit, et reliquos cives coëgit, ut jam ab exteris emerent istas res necessarias, quas olim ipsum solum paternum suggesserat. Causae hujus calamitatis fuerunt plerumque et exterorum astutia, qui merces suas tanquam novas ac meliores nostratibus obtulerunt atque collaudarunt, et ipsa nationis nostrae incauta ac perversa mercium aestimatio. Non

*Comm. Soc. Goett. T. IV.*

M

diffi-

diffiteor, meliores interdum fuisse merces, quas obtruserunt exteri, quam eas, quas nobis et ipsis adeo exteris nostratium industria adhuc nostro e solo procreaverat; sed non raro potuissent homines nostri cultu, arte et diligentia emendare ita suas, ut exterarum virtute ac bonitate potuissent aequiparare, vel potuissent contenti esse istis rebus, si non omnium optimis, at bonis tamen, quas soli natura concedebat; cum e contrario complurium rerum naturalium usum, qui apud majores nostros frequens fuit et insignis, allatis recens ex Indiis, vel aliunde aliis rebus majoris ad eandem rem utilitatis, neglexerunt atque prorsus abjecerunt. Hujus rei plura quidem sunt exempla, sed pauca modo, ne longus sim, attingam.

Frequentissimus erat ante octo saecula et quod excurrit, in arte tinctoria, *cocci* illius, qui systematicis *polonicus* hodie vocatur, usus, qui a mulierculis et pueris de nostrarum plantarum silvestrium radicibus quotannis colligebatur; sed sustulit eum omnino *coccus* ille *ilicis*, quem Galloprovincia postea misit, atque hic ipse evuluit totus, postea quam e media America ab Hispanis adferebatur *coccus*, quem ibi fert *Opuntia*. Verum quidem est, longe superari coccum, quem Germania habet, et pulcritudine coloris et copia materiae tingentis a cocco illo americano: sed haud dubie potuissent infectores vel coccum germanicum, pro vili istius pretio, ad tincturas subinde, si non optimas, at bonas tamen adhibere; quem ad modum etiam hodie, quod compertum habeo, *coccus polonicus* et emitur et usurpatur copiose a Venetis. Quaestuosissima erat ante duo saecula nostris in terris cultura *Isatidis*. Adhibebatur enim ubique ad inficiendas lanas, nec fere ab exteris colebatur, sed solis a Thuringis, qui omnes tunc agros hujus plantae seminibus conferebant, ut nec agricolarum manus messi sufficerent, sed ut remotis e terris, atque adeo e Lusatia advocarentur rustici, qui opus juvarent. At perdidit patria etiam hoc negotium, quod rusticos, mercatores, ac magnam hominum multitudinem non solum aluerat, sed ditaverat quoque. Ex quo enim  
tempo-



tempore Belgae ex India attulerunt colorem caeruleum, *Indigo* qui appellatur, eviluit usus *Ifatidis*, atque ipsi tinctorum nostri coacti sunt, recipere in usum colorem multo majori pretio emendum ab exteris. Neque quidquam profuerunt leges, quae ejus usum tinctoribus interdicerent. Minor fuisset jactura, mea quidem sententia, si majores nostri statim operam dedissent, ut emendarent *ifatidis* colorem, vel inde elicerent talem, qualis pro novo illo potuisset substitui. Quos quidem conatus non irritos futuros fuisse, facile ex eo colligitur, quod *Kuhlenkampio*, nostra a societate incitato, feliciter jam cefferunt.

Haec mecum usque cogitavi, quando *Carthamum tinctorium a)* in horto oeconomico Academiae nostrae laete crescentem, et optime florentem vidi. Inficiunt serica pulcherrimo colore rubro flosculi hujus plantae *b)*, cujus ad hunc usum largam quotannis sementem fecerunt, per multos retro annos, agricolae tum in *Alsatia*, tum in primis in *Thuringia*. Magnum inde fecerunt quaestum *Erfurthen- ses*, quorum *carthamus* multo melior erat ac is, quem *Alfati* mercatoribus offerebant, quare quoquo anno multa millia pondo vendebant. Sed jam ante aliquot annos languescere incepit ista cultura, quae jam tota fere, vel in ipsa *Thuringia*, cessavit *c)*. Hujus novae jacturae causa

*a)* *Safflor* vocatur a nostris, et temere etiam a quibusdam *wilder Safran*.

*b)* Ergo facile intelligitur quantus sit usus hujus *Carthami*. De Aegypto quidem *Maillet* in *Description de l'Egypte*. A Paris 1735. 4. vol. 2, p. 19. „La récolte de ces fleurs est si considérable, que la France en tire quelquefois sept à huit cent grosses bales dans une seule année, sans ce qu'on en envoie à Alep et ailleurs.” Praeter haec

quae disputavit *Maillet*, jejuna sunt omnia atque falsa.

*c)* Novi ex epistola *C. F. Dieterichii* professoris *Erfurthen- sis*, octo jam saltem annos esse praeterlapsos, ex quo *Carthami* sationes et commercia ibi penitus cessarunt, cum antehac vel unus mercator quotannis 50 centenaria vendidisset. Solum circa vicum *Gebesee*, qui ad praefecturam *Weissen- see* pertinet, parum adhuc feritur, ubi centenarii hodie pretium est 24 thaleri.

caussa dicitur esse carthamus orientalis, qui multo melior, etsi carior, nostratem quotannis qui fraude et negligentia rusticorum deterior evasit, tandem e mercatura ita ejecit, ut ne nomen quidem iis in mercatorum commentariis, qui rerum venalium pretia indicant, (*Prys - Courant* vocant Belgae) supersit *d*). Num aequum est, tantum damnum jacturamque tam acerbam pati Germaniam, nullo resistente et repugnante, et nostro quidem tempore, quo omnes agri-

Erfurthenſes, qui maximam copiam olim Belgis et Colonienſibus mittebant, ipſi affirmant, orientalis carthami ſummam praestantiam in causa esse, cur ſuus jam negligatur, cum una pars orientalis magis tingat, quam dupla thuringici.

Rogavi etiam *Ioh. Herrmannum*, profectorem medicinae apud Argentoratenses experientissimum, ut, pro sua facilitate ac humanitate, scriberet mihi, quae sit hodie ibi carthami cultura. Cujus e litteris quae cognovi, haec sunt. Maximam qui ejus olim sementem fecerunt, vici fuerunt *Innlenheim* et *Bläsheim*, qui  $1\frac{1}{2}$  miliaria ab Argentorato distant; atque hinc mercatores Francofurthum mittebant, quod quotannis colligebatur. Excipiebant agricolae corbe peculiari scirpea flosculos inaturos, quos postea in tabulatis, quae *Flohrbüchsen* ibi vocantur, ficcabant. Causa quae eam culturam cunctam abolēvit, duplex creditur: quoniam nimirum hodie etiam aliis in terris frequenter seratur; qua de causa equi-

dem vel maxime dubito; et quoniam nova Nicotianae messis multo hodie quaestuosior sit. Spirenses etiam quondam plantam, de qua sermo est, fuisse, retulit *Ioh. Bauhinus*.

*d*) Habeo istos commentarios, *Bremenae* qui quacunq̃ue hebdomade eduntur; in iis quidem et Argentoratensis et Thuringicus vocatur, sed nullum ex aliquot annis pretium adscriptum video. Pondus centenarium Carthami orientalis hodie Hamburgi centum marcis lubecen. venditur, cum in Thuringia etiam nunc pretium sit 24 thal. Ergo non propterea neglecta est cultura in Thuringia, quod orientalis carthamus jam vilioris sit pretii quam illud, quo suum vendere queunt Erfurthenſes. Atque adeo tunc quando orientalis viginti tantum thaleris, immo 50 marcis vendebatur (multum enim pretio ex aliquot annis aeceſſit), Erfurthenſes bono cum lucro plantam coluerunt, quod Reichardus, qui sane quaenam messis quaestuosior sit, bene aestimare didicit, confirmat.



agriculturae emolumenta afferre conantur; quo et ipsi exteri, qui adhuc nostris ab hominibus carthamum emerunt, ejus culturam suis civibus nostro exemplo commendant, eamque nostratium e libris edocent *e*)? Nonne contendendum atque elaborandum est, ut nostrum carthamum ita emendemus, ut non possit solum etiam in posterum pro orientali adhiberi, sed ut ejus usus, qui adhuc solis fericis inficiendis unico colore rubro terminabatur, extendatur?

Hac opera etiam propterea planta digna est, quoniam, si vel ab istius tingendi usu discesseris, tamen habet, quo possit comendari, ita ut rusticorum labor vel tunc quodammodo compensetur, quando tempestatum injuriae, quod quidem nostra in terra raro fit, messeni corrumpunt. Non equidem loquar de medicina, quam olim medici e floribus ipsis et feminibus pararunt, cum hodie rarius adhibetur; neque plantam laudabo, quod sunt, qui ejus flores pro condimento cibis admiscere solent, cum hic usus neque approbandus, neque frequens sit *f*). Verum hoc sine dubio ad plantae commendationem facit, quod semina, quae collectis etiam ad usum tinctorium floribus, omnino maturescunt, non solis psittacis, sed gallinis omnibusque fere avibus, quarum cura agricolis solennis est, esca sunt gratissima; et quod e feminibus magna copia olei exprimi potest, quod annonae caritatem levat, quando oliveta calamitatem acceperunt. Etsi enim oleum cibarium non est, tamen aliis rebus optime in-

*e*) Ita fecerunt in Anglia *Millerus* in *Gardener's Dictionary* I, p. 554. auctores libri, qui inscribitur *The complete body of Husbandry*, vol. III p. 270. in Suecia ill. *de Linne* in itineraio oelandico p. 40.; et *E.G. Lidbeck* in actis holmiensibus vol. XVII p. 208 quorum

librorum interpretationes germanicas laudo. Itali etiam animum ad hujus plantae culturam attenderunt. vid. *Giornale d' Italia* 3. p. 351. et 4, p. 261 ubi eadem leguntur.

*f*) Hoc condimento Iudaei adhuc uti dicuntur.

inservit, et fraces comeduntur a bubus g). Deinde caules, rami et folia Carthami, quando post messem siccantur et in hiemem servantur, optime praebentur ovibus et capris tanquam pabulum aridum; atque caules adeo lignosi, e quibus oves folia et ramos teneriores strinxerunt, fornaci inserviunt calefaciendae. Huic usui planta fuit Erfurthensis maxime, quibus silvae nullae, sed summa semper lignorum inopia. Vere primo folia praebentur bubus, quo tamen paululum saporis peregrini contrahit butyrum. Juniora etiam foliola pro acetariis queunt apponi, uti faciunt in Aegypto h).

Quae cum ita sint, volui ipse experiri, num possim novos Carthami usus et majores reperire, atque emendare culturam, et revocare eam, ubi jam cessavit, et commendare iis, qui ejus rationem nondum unquam fecerunt. Verum cum ejusmodi operam succisivis modo horis curare possumus, neque multum temporis continui a necessariis negotiis nostris subtrahere vel succidere licet, veniam mihi dabit, Auditores, qui nondum omnia pericula feci, quae facienda videri queunt, praesertim cum me nec hanc operam qualemcunque prorsus perdidisse videbitis.

De Carthami cultura antequam praecipio, descriptionem ejus botanicam, quae in libris, quos adii, desideratur, inferam.

*Radix* annua fusiformis, gracilis, perpendicularis, alba, lignescens, radículas multas horizontales exserens.

*Planta* maxima 3<sup>i</sup> mensurae anglic. et quod excurrit.

*Caulis*

g) Esse tamen oleum illud etiam cibarium, intelligitur ex *Oekonomische Nachrichten* IV, pag. 846.

h) Foliis in pulverem redactis lac recens in caseum cogunt Aegyptii. Con-

ficatur etiam fucus, quo colorem faciei mentiuntur mulieres in Gallia (*Rouge d'Espagne* vocant) e flosculis. Vid. *Geoffroy Materia medica*, vol. II p. 687. interpretat. germanicae.



*Caulis* erectus, durus, fere ligneus, solidus, teres, parum virefcens, glaber, foliatus, paululum striatus, ramosus, ramis alternis.

*Folia* ovata, acuta, sessilia, integra, alterna, *caulina* majora ferrato-aculeata; *ramorum* folia minora, minus aut vix ferrata, rigidiora, pagina superiore nitidiora.

*Pedunculi* alterni, superiores tamen saepe plures ex uno puncto exeuntes, omnes incrassati, longi, erecti, uniflori, foliati.

*Flores* terminales erecti capitati.

*Calix communis* ovatus, imbricatus squamis numerosis. *Squamae* quatuor serierum inferiorum inferne arcte adpressae, apice auctae appendiculo foliaceo, ovato, plano, patente, margine aculeata; *Squamae* superiores integrae, magis lanceolatae, apice membranaceo aucto.

*Corolla* composita uniformis, tubulosa; *Corollulae* omnes aequales, hermaphroditae, monopetalae, tubo longo, limbo quinque partito, erecto, aequali.

*Stamina*: *Filamenta* quinque capillaria brevissima, collo corollulae inserta; *Antherae* cylindraceae, longitudine limbi.

*Germen* brevissimum; *Stylus* filiformis, staminibus longior; *Stigma* simplex.

*Pericarpium* nullum.

*Receptaculum* planum, dense obsitum pilis niveis, nitidis, magnitudine fere calicis communis, exterioribus latioribus.

*Semina* solitaria, angulosa, laevia, candida, cortice duriusculo, medulla pingui, gustu dulci.

Syno-

*Synonyma:*

*Linnei species plantar. p. 1162. Carthamus tinctorius.*

*Dodonaei purgantium histor. p. 122. Cnicus sive Carthamus.*

*Ioh. Bauhini Histor. plantar. 3, p. 79. Carthamus sive Cnicus.*

*Leon. Fuchsi de Histor. stirpium commen. p. 402.*

*Matthioli commentar. in Dioscor. Venetiis 1653, fol. p. 559. Cnicus.*

*Matthioli Kreutterbuch durch Camerarium, Franck. am Mayn 1611, fol. pag. 453 b. Cnicus, Carthamus, Crocus saracenicus.*

*Chabraei stirpium sciagr. Coloniae 1666, fol. p. 354. Cnicus.*

*Lobelii observat. 488. Advers. 374.*

*Caesalpinus lib. 13 c. 46. fol. 532.*

*Clusii histor. plant. lib. 5, pag. CLII. Cnicus vulgaris.*

*Raji Histor. plant. I, p. 302.*

*Pontaderae dissertat. p. 152.*

*Moriss. histor. 3, p. 145.*

*Hortus Eystettensis, in ordine XI plantarum aestivalium, fol. 3, fig. I. Cnicus sativus.*

*Weinmanni Herbar. 2, tab. 320. vol. 2, p. 72.*

*Kniphoffii Botanica in originali, centur. 7.*

Duae sunt hujus plantae varietates, altera quae majora folia habet, altera quae minora, atque haec dicitur coli in Aegypto i).  
Pro-

i) Ita referunt *Pomet in Histoire Histoire Simplicium. Utriusque varietatis icones videbis in Weinmanni herbario jam laudato.*  
*generale des Drogues. à Paris 1694. fol. I. p. 79, et post illum Valentinus in*



Proveniunt interdum plantulae, quae pluribus spinis aculeatis obsitae sunt, atque hae sedulo extirpandae sunt, ne earum semina postero anno terrae mandentur, cum flores ferant multo graciliores. Posse hanc plantam in nostra etiam regione optime nasci, exempla confirmarunt mea non solum, sed quae nuper exhibuit vir generosus, qui nostrae rei rusticae multa jam attulit emolumenta *k*). Angli quidem de eo conqueruntur, quod semina raro sua in insula maturescunt; quod mirum me habet, cum maturescant apud nos quoquo anno, nisi ultima aestas continuo pluviosa sit. Modica stercoratione refoveatur solum; quod enim maxime vel recens stercoratum est, in eo plantae quidem luxuriantur, sed flores ferunt vel rariores, vel nullos omnino; id quod in omnibus plantis, quarum vel semina vel flores, non radices nec folia, quaerimus, quotannis accidere videmus *l*). Neque unquam Carthamus debet transponi, neque irrigari, etsi sint, qui ita plantam optime se fovere credant. Vulneratur interdum ab insectis, quae florum calices perforant; sed quaenam sint ea, nondum equidem vidi. Frequentes his in floribus solent esse *Forficulae* et *Dermestes pulicarius* Lin. sed num noceant nescio *m*).

Prae-

*k*) Vid. Des Herrn Hofrichters *Z. W. von Campen zu Celle Versuche mit allerhand Gewächsen, im zweyten Bande der Schriften der Hannoverschen Landwirthschaftsgesellschaft*, pag. 636 et 641. Reddiderunt semina unius  $\text{ff}$  flosculos 7  $\text{ff}$  et semina  $4\frac{1}{2}$  modior. (Megen). Solum istius regionis arenosum est, quam ob rem in arenosa adeo terra crescere potest. Carthamus, quem mihi misit vir generosus, pro sua erga me humanitate, melior est, quam thuringicus; color enim bonus est, nec quidquam peregrini

admixtum habet. Sunt qui plantas tinctorias in calidis regionibus melioris coloris esse credunt (e. c. *Ellis in Transactions of the American philosophical Society*, Vol. I, Philadelphia 1771, p. 255); qui an errent, nescio equidem; at probe scio, non raro sententias ejusmodi homines nostros olim a plantarum cultu deterruisse, quae jam non sine lucro coluntur.

*l*) Etiam ipse plantam interdum viviparam vidi, uti olim *Reichardus*.

*m*) Descriptio hujus *Dermestis pulicarii* haec est:

*Comm. Soc. Goett. T. IV.*

N

An-

Praecipua res in omni Carthami cultura haud dubie modus est colligendi maturos flosculos, in quo errarunt facile omnes, qui hac de re praeceperunt. Optimus autem quinam sit, ut possim edocere, de materia tingente, quae flosculis inest, quaedam antea monere debebo. Ea quidem duplex est, altera quae luteum praebet colorem, altera quae rubrum. Luteum colorem facile separant tinctorum a rubro, cum ille sola aqua extrahi potest, ut lutei nihil reliquum floribus inhaereat. Ergo abluatur carthamus, et quidquid lutei inest, abiicitur, cum infectores hunc colorem neglexerint adhuc, tanquam qui nullo modo in arte tinctoria adhiberi possit. Ruber ille color post sedulam abluitionem solus qui manet, aqua pura extrahi nequit, sed addatur necesse est sal alcalinum, quod illum, resinosa cum sit natura, ita prorsus dissolvit, ut serica eo infici possint. Quae ratio num omnium optima sit, ea de re differamus postea; sed vulgaris saltem est, atque inde facile intelligitur, optimum omnino esse carthamum, maxima cui inest rubri coloris, qui solus ab infectoribus hodie quaeritur, copia, atque minima lutei, quo nemo uti solet. Qua etiam re potissimum commendatur orientalis, cujus una pars plus tingit, quam dupla thuringici, qui inutili colore luteo plurimum abundat. Hanc itaque ad rem animam attendere debent agricolae, quando colligunt flosculos. Hi enim recentes quando explicantur, pulcherrimo colore, fere aureo vel igneo, splendescunt atque rutilant, qui, dum marcescunt, perit, et in colorem abit fulvum, quo orientalem praeditum videmus. Tantum igitur abest, ut vetustate exole scat color vel

*Antennae* clavatae, tribus articulis contiguis.

*Thorax* convexus, paululum marginatus, postice truncatus, *Scutello* minimo, ope microscopii visibili, antice tumido.

*Elytra* convexa, marginata, abdomine paululum breviora, postice ob-

tusa.

*Pedes* femoribus et tibiis crassiss.

In carthamo orientali reperiuntur interdum fragmenta insectorum coleopterorum, quae *Dermest. pedicularii* esse videntur. Corpus oblongum, laeve, testaceum, sed pediculo majus; elytra truncata, non striata.



vel corrumpatur; ut potius mutetur in meliorem. Quam ob rem ipsam non eos audire debebunt agricolae, qui flosculos decerpi volunt, quam primum expansi sunt; sed marcescentes tantum legendi sunt. Quin etiam lectissimi omnium sunt, in quos flaccescentes subinde impluit; cum sint e contrario, qui ingruente pluvia totam messem deperditam existimant. Equidem periculum feci, quando vergente aestate pluvia desiderabatur, nec flores bene colorabantur, eos aqua subinde adspargendi ac irrigandi, neque hoc frustra. Fieri autem hoc debet vel mane vel vespere, nunquam sole fervente. Hoc modo si flores colliguntur, possunt etiam semina postea maturescere. Namque ii, qui plantam floribus orbatam semina maturare negant, in eo errarunt, quod recentes flosculos, germine nondum gravido, decerpserunt. Sed ejusdem plantae et flosculi ad artem tinctoriam, et semina ad sementem posterius anni, colligi queunt.

Carthamus orientalis multo purior est, nec, praeter semina vel feminum frustula <sup>n)</sup>, quidquam peregrini facile admixtum habet; cum ei, quem Germania fert, inhaereant semper paleae inanes, pilii potissimum, quibus florum receptaculum oblitum est, calicis squamae, itemque straminis immo arborum ramenta fordesque adeo terreae; quae omnia agricolarum vel negligentia vel fraude admixta videntur. Quam ob rem mirum non potest videri, quod mercatores, qui e Thuringia carthamum accipiebant quotannis etiam impuriorem, tandem germanicum omnino recusaverint.

Verum si vel ab ista re discesseris, tamen multo majus discrimen inter orientalem et germanicum interest, quod vel solo adspectu facile percipitur. Orientalis non solum fulvum colorem, sed fibras etiam

<sup>n)</sup> In orientali carthamo quae faeculentius offenduntur feminum maturorum frustula, probant, colligi in Aegypto corollas non recentes, sed flaccescentes, feminibus jam maturefcentibus.

etiam teneriores, breviores ac dilaceratas habet, ejus massa compacta et compressa est, et semper aliquid subhumidi inest: cum e contrario thuringicus naturam magis stramineam habet, et peraridus est, nec facile comprimi potest; resistentibus fibris crassioribus; quare vas, orientalis quod tria pondo capit, vix unum thuringici capere potest. Hujus discriminis cum in causam inquirerem, facile animadvertēbam, ficcari atque parari carthamum alio prorsus modo in Aegypto, quam in Thuringia. Eos errare, qui flosculos in fornace, statim postquam collecti sunt, ficare praecipiunt, quemadmodum in Anglia crocus ficcatur, facile intelligebam. Ita quidem praecipiunt Angli, decepti, credo, nomine *Croci silvestris*, quod Carthamo a nonnullis temere imponitur. Qui error nihilo minus e libris anglicis, unde haurire solent et Galli et nostrates, etiamsi non raro fontes multo puriores in patria adsint, irrepsit in libros etiam Gallorum atque adeo Germanorum. Neque quidquam dubitabam, quin *Reichardus* o), quem in omni agricultura auctorem et communem praecceptorem habet Germania, temere eos reprehenderit, qui olim in Thuringia flosculos decerptos aqua identidem perfundere solebant. Verum quidem est, quod monet optimus vir, imminui ita pondus, amisso multo colore luteo. At tantum abest, ut carthamus ita corrumpatur, ut potius hoc modo orientali similior fiat; nam hujus e facie facile intelligitur, ablui in Aegypto. Neque hoc aegre ferunt infectores, quos colorem luteum eluere oportet, quo uti nesciunt. Atque hac in re potissimam causam positam esse credo, cur plus rubri minusque lutei coloris insit orientali, quam thuringico. Rationem autem, qua nescio quid humidi conciliant orientales, tunc subolebam, cum vim salium in Carthami tincturam experiebar. Tum enim salini quid in orientali animadvertere mihi videbar, cum praefertim carthamus thuringicus, bene ablutus et acido salis communis conspersus, vix ab orientali discerni possit. Atque tunc cupiditate

incert-

o) Reichards Land; und Garten; Schatz IV. pag. 94.



incendebar, modum accipiendi, quo utuntur in Aegypto. Postquam multos perquisiveram commentarios eorum qui in Aegypto peregrinati sunt, nec quidquam inveneram, incidi in *Hasselquistium* p), qui a *Linneo* edoctus, praeter antiquitatis rudera, rusticorum et artificum opera etiam adiit. Is solus est, quem scio, qui hac de re aliquid utile retulit; neque diffiteor, me voluptatem cepisse, qui conjectura non aberraverim.

“Corollas, inquit *Hasselquistius*, praeparandi modus hic est: „recentes colliguntur, collectae inter duo saxa premuntur, ut crudior succus exprimatur, qui recipitur; pressae in aqua fontana, quae „in Aegypto salita, lavantur plus una vice, quo ipso adhuc succus „acris restans eliminetur; lavatae pugillatim aqua eximuntur; pugillus quivis manu bene comprimitur et figuram a pressione manus „acceptam servat. Pugilli compressi supra tecta aedificiorum plana, „subjectis stragulis arundinaceis, expanduntur, huc usque coloris „citrei; expansi stragulis teguntur die, ne solis aestu cito et nimis „exsiccentur, nocte nudos relinquunt aëri et rori expositos. Rore „madefacti colorem mutant ex citreo in rubro-flavescentem (fulvum), „aëre nocturno subcalido sensim siccantur; quem in finem semper „adstantes homines saepiuscule situm pugillorum mutant, latus in- „ferius aëri exponendo et contra; siccati servantur usui et mercimonio a Gallis, Venetis, Florentinis et Anglis avide coëmto sub nomine *Saffranon*.”

Hinc igitur discant agricolae, carthamum qui quaerunt orientalem. Debebunt corollas decerptas bene abluere, exprimere, comprimere, et pugillos in stragulis arundinaceis, cujusmodi adhibent qui Isatidem et Rubiam tractant, aëri et rori expositos, sensim ac pede-

p) Vid. ejus itinerarii interpretationem germanicam, quam cel. *Gadebusch* debemus, pag. 522.

pedetentim ficcare. Quem succum expressum Hasselquistius *crudio-rem* vel *acrem* dixit, is haud dubie is est, cui luteus color inest. Salinum quod in orientali animadverti, ex aqua falsa resedit. Neque quidquam negotii erit etiam nostratibus, falsugine uti ad abluendum carthamum, si inde aliquid lucri accedere possit. Equidem aquam falsam, etsi ea Aegyptii, inopia aquae purae coacti utuntur, tamen etiam nostratibus commendo, cum non solum ejus ope luteus color facilius abluitur, sed carthamus etiam humidior servetur, qui revera mihi aliquid pulcritudinis perdere videtur, si penitus exarescit; quam ob rem a mercatoribus et infectoribus in cellis subhumidis recte conditur, ita tamen, ne situ mucorem contrahat. Neque acidi salis communis vis in carthami colorem, nocere videtur.

His argumentis cum mihi prorsus persuasum erat, posse non solum carthamum optime coli nostris ab agricolis, sed ita quoque parari, ut ad pulcritudinem orientalis quam proxime accedat, volebam periculum facere ejusdem usum extendendi. Infectores quidem ad unum omnes in eo consentiunt, posse carthamum ab iis folis adhiberi, serica qui tingunt; nec esse operae pretium adhibere colorem flosculorum luteum, quippe qui nec pulcer, nec satis sit sature. Sed experimentis didici, posse etiam lanas utroque colore bene tingi, etsi ruber ille serica optime, et lintea melius ac lanas inficit.

### *De colore luteo.*

Prima, quae feci experimenta, naturam atque usum spectarunt coloris lutei, qui opè aquae purae facile extrahitur. Octo drachmis carthami utriusque et orientalis et thuringici adfudi lothones  $9\frac{1}{4}$  aquae fontanae, quae parcam tantum topi calcarei quantitatem fovet. Post horas 24 expressi carthamum per lintheum. Tinctura, quam ita dabat carthamus orientalis, in vitro translucebat colore fere nigrescente, saltem obscuriore, quam thuringici tinctura, quae colore fulvo erat,



erat, ut cerevisia nostra paululum turbulenta esse solet. Postquam octuplam aquae purae quantitatem addideram, color orientalis similis ei erat, quem vinum gallicum habet, quod his in terris bibere solemus, quippe quod saccharo ad candelam liquefacto tingitur. Neque color non manebat pulcre luteus, quando tinctura erat ratione aquae adfusae, uti **I: 155**; atque tunc orientalis colorem vini mofellani prae se ferebat. In quacunque tamen proportionem tinctura thuringici magis erat lutea quam orientalis. Post horas **24** deposuerat thuringicus multo maiorem quantitatem materiae terrestres fulvae quam orientalis

**I.** Adfudi tincturae utrique aliquot guttas *olei vitrioli albi*, quo facto multa spuma lutea exoriebatur, et tincturae spirabant odorem bituminosum, earumque color magis rufescebat; et thuringicae quidem maxime, uti cerevisia turbulenta. Horis **24** elapsis magna copia sedimenti colore fusco collecta erat, quale etiam lateribus vitri adhaerebat, quod tamen facile secedebat.

**2.** Aliquot guttae *acidi nitri* sive *aquae fortis* reddebant tincturas magis fulvas, et maxime quidem thuringicam. Ascendebant multi vapores. Horis **24** interjectis subsederat materia colore luti vulgaris, cujus tamen copia in orientali erat minor. Liquor, qui superfedeat, mutabatur in colorem nigrescentem fere, quando aliquot guttae solutionis alcalinae addebantur.

**3.** Adfuso *acido salis communis* color per vitrum magis nigrescens videbatur, quam ope aliorum acidorum; sed panni inficiebantur colore pallidiore. Atque hoc modo color tincturae luteae thuringicae prorsus similis evadebat colori orientalis, cui nullum acidum admixtum erat. Quae res mihi primum conjecturam injecit, inesse jam orientali aliquid *acidi salis communis*, quod verum esse postea reperi. Post **36** horas sedimentum erat fulvum, quod totum,  
post

post liquorem dejectum, solutione alcalina solvebatur in liquorem nigrescentem.

4. Succus acidus *mali citrei* etiam colorem eodem plane modo mutabat, ut in charta etiam pallidior videretur. Erat etiam sedimentum ei ex acidis mineralibus omnino simile.

5. Quando quartam partem *olei tartari per deliquium* instillabam, color obscurior evadebat, et sedimentum, quod fiebat, sola aqua non solvebatur, sed statim aqua adfusa fundum vasis petebat; acido autem nitri solvebatur ita, ut paululum modo insoluti maneret.

6. Solutio *nitri depurati* colorem tincturarum non multum mutabat, sed post horas 24 sedimentum thuringici magis luteum erat, quam orientalis liquoris.

7. Solutio *aluminis* hassiaci non statim tincturas mutabat nec quidquam praecipitabat, sed post horas 24 subsederat materia coloris pulcre fusci, quae sedimento ex acido vitriolico non absimilis erat, nec aqua solvebatur, sed aqua adfusa fundum vasis petebat. Quod si tincturae cum aluminis solutione mixtae admiscebatur solutio depurata cinerum clavellatorum, oriebatur copiosum sedimentum colore fulvo.

8. *Boracis* solutio nihil statim mutabat, sed post horas 24, quando sedimentum (quod totum aqua solvi poterat) factum erat, liquor magis ad colorem mali citrei accesserat.

9. Spiritu *salis ammoniaci* cum calce viva parato tinctura orientalis magis rufescere videbatur, etiam tunc, quando ratione aquae adfusae erat uti = 1: 12; quo facto similis erat cerevisiae liquidae. Post horas 24 sedimentum lutescens.



IO. Solutio filtrata *vitrioli caerulei*, quod vulgo *cyprium* vocatur, illico totum liquorem turbidum reddebat colore olivarum salitarum, cujusmodi colore etiam copiosum sedimentum post horas 24 erat. Liquor supernatans etiam tunc chartam colore luteo tingeat, sed qui paululum viridescebat. Quando liquori, *vitrioli* solutione addita, admiscebam solutionem filtratam cinerum clavellatorum, totus adsumebat colorem aurantium. Quo facto omne quod subsederat, postquam aridum factum erat, materiam reddebat, quae facile aqua dissolvitur, et a pictoribus bene adhiberi possit. Facile etiam recipit solutionem gummi, ut possit usurpari ab iis, qui vario colore chartas geographicas, litteris translucentibus, distinguunt.

II. Solutio saturata *sacchari Saturni* statim efficiebat multum sedimentum colore aurantio, floccis valde crassis atque magnis, qui subito decidebant, quo facto erat liquor fulvus atque pellucidus. Existebat interdum in superficie tincturae, quando guttae solutionis saturninae instillabantur, nubecula viridis, quae mox evanescebat.

12. Solveram ante annum *flannum* aqua regis, quae solutio post aliquot menses materiam vel calcem praecipitabat, quae strata habebat variis coloribus, magis vel minus cinereis vel nigrescentibus. Post annum, cum solutionem servaveram loco temperato, tandem omne sedimentum erat iterum dissolutum ita, ut in fundo vitri nihil praeter paucam pulveris nigri quantitatem jaceret. Hujus solutionis aliquot guttas adfudi tincturae carthami luteae, quae statim turbulenta evadebat, et sedimentum dabat particulis teneris colore luti vulgaris. Liquor supernatans erat pellucidus colore vini generosi et fortis.

Ex his etiam experimentis facile intellexi, carthamum Thuringicum multo majorem et saturatiorem habere quantitatem coloris lutei, quam habet orientalis; dare etiam illum majorem copiam sedi-

menti, quam orientalem; itemque tincturae utriusque colorem luteum pallidiorem simulque multo gratiorem fieri, addito acido sive minerali sive vegetabili, maxime vero acido nitri; cum e contrario sal alcalinum colorem reddat obscuriorem ac minus gratum, vel eum potius destruat.

*Balneum frigidum coloris lutei.*

Ad omnia experimenta adhibui pannum laneum ejus generis, quod *weißer Flanell* vocatur.

1. Tincturae luteae e  $7\frac{1}{2}$  drachmis carthami orientalis et  $\frac{3}{4}$  ℥ aquae frigidae fontanae *q*) immersi pannum nullo modo antea praeparatum, eumque postea arefeci, iterumque immersi, quam operam saepius repetii, quo facto pannus fatis luteum colorem, qui paululum modo virescere videtur, accepit. Idem evasit color, etiamsi tinctura vetustate jam male olere atque mucorem adeo contrahere coepisset.

2. Solvi drachmas octo cremoris tartari et drachmas quatuor aluminis aqua fontana. Deinde injeci pannum et in cacabo aeneo, qui stanno bene obductus erat (quo vase semper usus sum), per tres horae quadrantes coxi. Quo facto pannum ita praeparatum et manu expressum in eandem tincturam luteam per noctem immersi, qui altero die colorem assumpsit plenum fere malorum citreorum.

3. Pannum, qui in eadem salium solutione per aliquot dies jacuerat, et crystallis multis jam obsitus erat *r*), eidem tincturae luteae

*q*) Carthamum maceratum expressi per linteum.

*r*) Nihil nocere salium crystallos, quibus pannus obductus erat, monuit

jam cel. *Pörner, Versuche und Bemerkungen zur Färbekunst*, vol. II. p. 54.



teae jam ad experimentum secundum adhibitae immerfi. Postquam manserat per noctem loco calido in isto balneo, extraxi pannum, et ablui eum aqua frigida. Color erat plenior, quam is, quem contraxerat experimentis antecedentibus. Atque hic color pertinacissimus et durabilis est. Namque nihil mutatur sapore si abluatur vel frigido vel calido; neque si cum sapore per horae quadrantem coquitur. Atque adeo nec aqua fortis cum dupla aquae quantitate mixta hunc colorem adgressa est, quem propterea maxime commendare infecto-ribus non dubito.

4. Pannus per noctem maceratus solutione aluminis (solvi  $2\frac{1}{2}$  drachmas aluminis unciis duabus aquae), deinde bene expressus, sed madidus adhuc, quando saepius immittebatur tincturae luteae carthami orientalis, per octo dies quae jam steterat, colorem induebat gra-tum et bene saturatum.

5. Pannus per 24 horas maceratus acido falis communis aqua diluto ( $\nabla: \mp \text{falis} = 4: 1$ ), deinde manu expressus, aqua frigida ablutus, et statim quinquies immerfus recenti tincturae luteae carthami thuringi-ci, colorem luteum induit valde gratum et lenem, qui nec ad auran-tium nec ad viridem accedit. Neque abluatur hic color aqua.

6. Huic colori prorsus similis est is, quem habet pannus, qui per horam submersus fuit in tinctura thuringica, cui tantum acidi fa-lis communis admixtum erat, quantum liquori saporem paululum acidum conciliare poterat.

7. Eidem similis est pannus per aliquot horas qui jacuit in oleo vitrioli albo aqua diluto ( $\nabla: \mp \text{vitri.} = 30: 1$ ), deinde expressus, aqua frigida ablutus, et tincturae recenti thuringicae saepius immerfus.

8. Neque abſimilis eſt, etſi pallidior, pannus, qui eodem modo ante tincturam maceratus eſt per horam in ſucco acido malorum citreorum.

9. Quando pannus per 24 horas maceratus in ſaturata nitri depurati ſolutione, poſtea ablutus, in recentem tincturam thuringicam immittebatur, deinde extractus, ſtatim expreſſus, aqua frigida abluebatur, color fere ſtraminis pallidioris erat.

10. Vireſcit pannus magis vel minus, quando tincturae adjicitur plus vel minus ſolutionis filtratae vitrioli caerulei cyprii; ita ut hoc modo multae coloris viridis varietates exprimi poſſint, quae omnes durabiles ſunt. Color etiam viridior exoritur, quando pannus praemaceratus per noctem ſolutione filtrata ejusdem vitrioli (vitrioli drachmae 6 et aquae fontanae lothones 14), et extractus bene abluitur, atque tunc aliquoties tinctura lutea imbuitur.

11. Alia coloris viridis varietas, quae ad caeruleſcentem accedere videtur, elicitur, quando tincturae luteae, (qua pannus, eadem vitrioli caerulei ſolutione praemaceratus, poſtquam ablutus eſt, imbuitur), admisceſtur depurata cinerum clavellatorum ſolutio, dum ſal alcalinum guſtu percipiatur.

12. Quando vitrioli viridis Goſlarienſis lotho I ſolvitur duodecim lothonibus aquae, et pannus hac ſolutione per horas 24 praemaceratus, deinde bene ablutus aqua frigida, et tinctura lutea imbuitur, color incaneſcit, et vix aliquid lutei retinet, adeo ut accedere videatur ad colorem lini graſſi apricatione nondum candefacti. (*Gris de lin* vocant Galli).

13. Ad camelinum colorem (*chameau*) ſatis gratum ac lenem vergit pannus, quem ſolutione vitrioli martialis Goſlarienſis filtrati  
(I Co-



(I lotho vitrioli et I2 loth. aquae) per noctem maceravi, atque deinde bene ablutum imbui tinctura lutea thuringica, cui aliquid solutionis cinerum clavellatorum admiscui.

14. Si pannus solutione cremoris tartari bene imbuitur, aqua frigida abluatur, et tinctura lutea thuringica inficitur, color exstat straminis pallidioris.

15. Infusum filtratum gallarum turcicarum additum tincturae luteae thuringicae reddit colorem similem stramini pallido, qui valde placet. Videtur itaque gallarum infusum, vel succus vegetabilis adstringens, eodem modo mutare tincturam luteam, quo mutatur ab acidis s).

*Balneum calidum coloris lutei.*

1. Carthamum thuringicum, unde semel jam aqua frigida multum colorem luteum elicueram, iterum maceravi aqua frigida per horas 24, atque expressi per linteum. Hac cum tinctura coxi pannum nullo modo praeparatum per quadrantem horae, deinde eum expressi, et, postquam multam aquam fortem tincturae ebullienti instillaveram, unde multa spuma lutea exoriebatur, denuo injeci pannum, quem extraxi simulac semel vel iterum ebulliverat liquor. Color erat pulcerrimus, vividus ac satur aurantiis simillimus. Satis etiam firmus est, quippe qui nec aqua pura nec sapone aufertur. Hanc equidem rationem inspectoribus summo opere commendo.

2. Magis etiam placet, immo optimus omnium est color panni, qui per horas 48, solutione cremoris tartari maceratus, postea cum eadem

s) Huc pertinent quae disputata sunt *Kungen zur Färbekunst*, vol. I. a cel. *Pörner, Versuche und Bemerkungen* pag. 471.

eadem tinctura lutea, quam ad experimentum antecedens adhibui, coctus est. Vividissimus est color ad similitudinem mali citrei.

3. Coxi unciam unam carthami orientalis cum 28 lothonibus aquae, deinde carthamum per linteum expressi. Hujus decocti summi lothones novem, quibus infudi unciam unam acidi salis communis. Hoc cum liquore si per aliquot tantum temporis momenta pannus nullo modo praeparatus coquitur, color dilutus et vividus citrinus existit. Sed cum diutius vel per semihoram coquitur, color abit in alium austerum maxime fuscum. Quam ob rem ii recte monent, qui ad justum coctionis tempus adtendendum esse infectores, monent.

4. Ejusdem decocti lothonibus novem admiscui drachmam unam vitrioli caerulei cyprii. Huic liquori Carthami ebullienti indidi pannum non praeparatum, qui redibat colore viridi, sed diluto, cui vix aliquid lutei inest.

5. Eodem fere colore viridi praeditus est pannus, quem per octo horas praemaceravi solutione filtrata 6 drachmarum ejusdem vitrioli caerulei cum 14 lothonibus aquae, quemque postea arefactum, sed non ablutum, coxi per quadrantem horae cum decocto semiunciae carthami orientalis et quadrantis librae aquae. Pannus extractus, postquam paululum aruerat, abluebatur aqua frigida. Hoc modo effectus est color viridis fere graminis.

6. Eidem decocto semiunciae carthami orientalis et quadrantis librae aquae injeci semiunciam cinerum clavellatorum depuratorum, deinde cum hoc liquore coxi per decem temporis minuta pannum, qui solutione  $2\frac{1}{2}$  drachm. vitrioli caerulei et duarum unciarum aquae per octo horas praemaceratus atque postea arefactus erat. Hic pannus cum redibat e balneo et bene abluebatur, colorem habebat fuscum paululum modo virescentem.

7. Prae-



7. Praemaceravi pannum per 12 horas solutione semi-lothonis vitrioli viridis Goslariensis in sex lothonibus aquae. Eundem postea coxi cum tinctura lutea, parata sine coctione ex una uncia carthami thuringici et semilibra aquae frigidae. Postquam per quadrantem horae coxerat, ablui eum aqua frigida, et color viridis quidem erat, sed magis fuscus, cujus gradus varia coctionis duratione mutari potest.

8. Septem lothonibus ejusdem tincturae, qua ad experimentum antecedens usus sum, injeci duos scrupulos ejus salis ammoniaci, quem optimum conficiunt *Gravenhorstii* Brunsvigae. Postquam coctione sal solutum erat, imbui liquore pannum nulla solutione praemaceratum. Postquam liquor cum panno per decem temporis minuta ebulliverat, color panni erat malis citreis simillimus.

9. Praemaceravi pannum solutione  $2\frac{1}{2}$  drachm. aluminis et 2 unciarum aquae frigidae. Quem, cum antea arefactus et multis crystallis obsitus erat, coxi cum tinctura, quam coctione confeceram ex semiuncia carthami orientalis et  $\frac{1}{4}$  ℥ aquae. Color erat vulgaris luteus isque bene satur.

10. Tinctura lutea cum parva admixta quantitate cinerum clavellatorum depuratorum infecit pannum non praeparatum, quo cum ebullivit, quemque postea arefactum bene ablui, colore luteo quidem, sed pallido straminis diluto, at grato tamen.

11. Pallido etiam colore, sed camelino potius (*Chameau*), qui paululum rufescere videtur, infectus est pannus, quem coxi cum tinctura, admixta parva cinerum clavellatorum et aluminis quantitate. Hicce color varia salium ratione vario modo mutatur, sed quilibet gratus est, et satis tenax videtur.

12. Commendat *Hellot* infectoribus, pro coloribus luteis, praeparationem panni tingendi solutione quatuor unciarum aluminis et  
unius

unius unciae tartari, quam etiam laudat celeb. *Gadd* (in *Actis holmiens.* an. 1767). Cujus ut possim etiam experimentum facere, solvi semiunciam aluminis et unam drachmam cremoris tartari *t*) octo lothonibus aquae, qua cum solutione pannum coxi. Hunc postea arefactum per semihoram coxi cum tinctura, ex una uncia carthami thuringici cocta cum 28 lothonibus aquae, quo facto color pulcre luteus fere aurantius contigit.

13. Tincturae coctione paratae ex semiuncia carthami orientalis et  $\frac{1}{4}$  ℥ aquae, instillavi solutionem jovialem, cujus mentionem jam injeci, ea ratione, ut tinctura (massam seu volumen dico, non pondus) ad solutionem jovis uti 18:1. Per decem temporis minuta cum coxerat cum panno, color ei exstiterat pulcre luteus ac satur.

Haec sunt experimenta quae luteam tincturam adhibendi feci. Potest materia lutea et frigida aqua et coctione extrahi; sed optima mihi ratio ea videtur, carthamum per 24 horas aqua frigida praemacerare, et postea eum pedetentim nec diu concoquere, deinde exprimere per linteum. Quodsi sola aqua frigida extrahitur materia tingens, potest etiam iterum ex eodem carthamo, ope aquae frigidae, fatis magna copia novae tincturae, quae primae non absimilis est, confici.

Probant experimenta, nequaquam esse inutilem colorem carthami luteum, quem ad modum putarunt adhuc omnes infectores, et qui tincturam docuerunt. Optime eo inficiuntur lanae, ut nullus dubitem, quin possit nostris a civibus, qui militum nostrorum vestes vario colore luteo tingunt, adhiberi pro *ligno isto luteo* (*Gelbholz*), quod

*t*) Et si infectores tartaro solent uti commendat, cujus minor quantitas colorum efficit non solum eosdem, sed pulciores etiam.



quod ab exteris emunt. Major lutei coloris copia carthamo inest, quam ligno isti, quod ipse expertus sum; quo etiam accedit, ut carthamus, non arbor ista, a nostratibus coli possit *u*).

Balneo et calido et frigido uti licet infectoribus, sed omnes colores saturiores fiunt coctione et vividiores, si ad justum coctionis tempus adtenditur, cum leniores et magis diluti sint colores balnei frigidi.

Carthamus, unde materia lutea extracta est, potest commode servari per longum tempus ad rubram tincturam; quam quidem ad lanas quoque idoneam esse, jam jam demonstrabo. Debet nimirum carthamus, simulac colorem luteum amisit, diligentissime exprimi, et alcalino sale cinerum clavellatorum consterni, quo facto bene subactus vase omnino clauso conditur. Hac ratione poterunt ii, qui lanas inficiunt, si carthami parte rubra uti nolunt, carthamum a se jam ad luteam tincturam adhibitum, iis servare ac vendere, qui ferrica tingunt, et alioquin ipsi luteum colorem, quo non utuntur, eluere debent.

Neque confici non potest e carthami et tinctura et decocto pigmentum illud, quod pictoribus nostris vocatur *Schüttgelb*. Infuso carthami orientalis, quod vetustate jam mucorem ac malum odorem contraxerat, injeci calcem vivam, quae jam dilabi inceperat, sed linguam adhuc urebat. Exoriebatur odor alcali volatilis satis vehemens, et sedimentum erat pigmentum eodem colore ochrae, quam ex Hassia quaerunt milites nostri pro vestibis purgandis vel colorandis. Color magis luteus fit, quando carthamus cum calce viva coquitur.

*De*

*u*) Bonum tamen hujus ligni praedera venduntur pro 4 aut  $3\frac{1}{2}$  thaleris. tium est. Bremae hodie centenaria por.

*Comm. Soc. Goett. T. IV.*

P

*De colore rubro.*

Rubrum colorem<sup>x</sup>), qui, resinosae cum sit naturae, addito sale alcalino extrahitur, antequam ad tincturam ipsam adhibui, feci quaedam experimenta, quae me eo dirigere possent, quae et hic referre operae pretium erit.

I. Carthamo orientali si infunditur aqua, extrahitur luteus tantum color, sed si *spiritus vini* rectificatissimus infunditur, tingitur is colore rubescente, quo vinum generosum praeditum esse solet, sed ita diluto ut chartae vix colorem inducat. Mutabatur is spiritus vini color, simulac aqua frigida fontana addebatur, in turbidum colorem pallidum fere straminis pallidissimi. Oriebantur nubeculae albae, quibus tandem subsidentibus, spiritus iterum pellucidus evadebat. In cochleari argenteo, quando supra carbonibus iste spiritus coloratus evaporabat, cochlear obducebatur colore rufescente fere igneo, qui facile aqua abluabatur. Quae omnia etiam accidebant, quando ei carthamo, qui ope aquae frigidae omni luteo antea privatus erat, infundebatur vini spiritus; quam ob rem is in solum colorem rubrum agere videtur.

2. Carthamum orientale bene ablutum, quo aqua non amplius tingebatur, et bene expressum consternebam depurato alcali cinerum clavellatorum. Post quinque horas addebam aquam fontanam, usque ad consistentiam pulmenti, et cum saepe subegeram pulmentum, expressi carthamum per linteum purum. Liquor iste expressus alcalinus per vitrum translucebat colore fusco (*dunkel braunroth*). Chartam induebat colore aurantio, qui, quando oblinebatur acido mali citrei, statim transibat in pulcherrimum colorem roseum.

3. Re-

<sup>x</sup>) Modum vulgarem carthamum ad serica colore rubro inficienda adhibendi, docent optime *Hellet* in *Sär*:

*beskunst* p. 380, et *Macquer* in *Pariser Schauplatz der Künste* vol. 3, p. 316.



3. Restituunt tinctores liquori isti ex carthamo colorem rubrum, quem sal alcali fere destruxit, ope succi *acidici citrei*, quo sal alcalinum saturatur. Debent adhibere vas capacissimum, quoniam effervescentia exoritur vehementissima, quae vas totum spuma replet. Haec vero effervescentia non oritur statim vel subito, sed tunc demum, quando tanta acidii copia admixta est, quanta liquoris adsit *y*); potest tamen agitatione liquoris accelerari. Post saturationem mox subsidet materia praecipitata tenerrima, quae carmini colore praedita est.

4. Quando una pars *acidii salis* additur partibus quatuor hujus liquoris alcalini (mensuram dico cochlearis), exoritur statim vehemens effervescentia, et tres partes eiusdem mensurae quatuor istas partes liquoris omnino saturant. Liquor ita saturatus colore est magis fusco, quam fuit ante saturationem. Ejusdem coloris erat etiam magna sedimenti copia, quae mox decidebat, atque tunc liquor omnem tingendi vim perdidit. Major est ergo praecipitatio et plenior, quae fit acido salis, quam acido vegetabili.

5. *Oleo vitrioli albo* liquor alcalinus omnino saturatur, si ratio est acidii ad liquorem, mensura cochlearis, uti 1 : 30. Spuma et liquor

*y*) Quanam est causa hujus lentae effervescentiae? Num major aquae copia, quae salis alcalini solutionem nimium diluit (qua de causa equidem dubito), an materia resinosa, quae alcali involvit, an potius phlogiston, quod ex igne sal alcalinum intravit, an agunt potius omnes hae causae simul quodammodo? Alkali maxime causticum cum acido, propter *acidum pingue*, non effervesce, credunt *Meierus vom Kalke* pag. 48 et 51, et

*Pörner l. c. I, p. 143. Conf. F. Böhmii dissert. Examen acidii pinguis, praeside Spielmanno, Argentorati 1768. Pertinent etiam huc quae habet Marherr von Verwandschaft der Körper interpretationis germanicae, quam Baldinger nostro debemus, pag. 30, de majori acidii affinitate cum phlogisto, quam cum sale alcalino; qui inde causam deducit, cur alcohol, acido salis foetum, acre et fumans, cum alcali fixo vix effervescat.*

quor sunt colore sanguinis recentis, sicut etiam materia praecipitata. Chartae optimae ut etiam panno efficitur hoc liquore color, qui revera ad colorem ex malorum citreorum acido paratum accedit. Quod post saturationem adiicitur acidum vitriolicum, destruit colorem rubrum redditque lutescentem; quem ad modum gossypium optime colore rubro a Turcis infectum, tandem lutescit in acido nitri z).

6. Octava vel decima pars *aquae fortis* dat colorem fere lateritium. Post praecipitationem, quae statim evenit, liquor omni fere tingendi virtute orbatus est.

7. Liquori alcalino si *aluminis* solutio affunditur, nulla statim percipitur effervescencia neque praecipitatio, et color nascitur aurantius. Sed si plus solutionis aluminis additur, liquor effervesceat, et color ruber redit. Fit etiam praecipitatio, qua facta color quidem adhuc paululum rubescit, sed pellucidus est.

8. Addito *vitriolo caeruleo cyprio* abit totus liquor in spumam viridem, quae tandem in fluidum viride deliquesceat.

9. Filtrabam post aliquot dies, cum praecipitatio facta erat, liquorem alcalinum acido malorum citreorum saturatum, per chartam bibulam, quae pulcerrimo colore roseo tingebatur, qui aqua ablui non poterat. Quin etiam si chartam perfundebam acido nitri, vel acido salis communis, color roseus quidem statim abibat in lutescentem, sed redibat roseus, quando postea multa aqua chartam abluabam. Idem accidit et panno, qui eodem liquore tinctus est; redit ei color roseus, quem acida illa sustulerunt. Vitrioli autem spiritus non tollit colorem rubrum, qui manet, etiam si diu in acido

z) Conf. quae hujus rei experimenta enarravi in *Physikalisch-ökonomischer Bibliothek* vol. 4, p. 88.



acido isto jacuerit pannus. Oleum tartari per deliquium destruit colorem prorsus, ut nunquam redeat.

*Balneum frigidum coloris rubri.*

1. Quando carthami vel orientalis vel thuringici, modo, quo infectores utuntur, colorem luteum ablui, et postea carthamum depurato sale alcalino cinerum clavellatorum confravi, atque inde expressi colorem rubrum, eumque acido citreo reduxi, accepit pannus nullo modo praeparatus, postquam saepe imbutus est, pulcherrimum colorem roseum. Hic saturatior fit, si pannus saepius imbuitur balneo novo.

2. Pulcrum quidem, sed non eundem colorem roseum nactus est pannus, si, pro acido malorum citreorum succo, adhibui acetum vini. Neque istud acetum omnium purissimum atque maxime concentratum, quod paravit mihi, pro sua erga me amicitia, *Westendorf a)*, medicinae doctor Wismariensis experientissimus, eundem dedit colorem, ac acidum citreum. Atque adeo fugacissimi sunt colores omnes qui aceto efficiuntur. Quas ob causas infectoribus consentio, qui ad hanc tincturam solum acidum citreum commendant. Vel hinc etiam intelligitur, interesse discrimen satis magnum inter acida vegetabilia, quae ad artem tinctoriā adhibentur.

3. Liquor acido citreo saturatus pannum, praemaceratum solutione  $2\frac{1}{2}$  drachm. aluminis in duabus uncis aquae, infecit colore ferre aurantio non ingrato.

4. Eo-

a) Vid. IO. CHRISTOPH. WESTENDORF diff. de optima acetum concentratum ejusdemque naphtham conficiendi ratione, utriusque affectionibus ac usu medico Göttingae 1772.

4. Eodem liquore, quem ad experimentum primum jam semel adhibueram, imbui pannum qui coxerat cum 2 drachmis cremoris tartari et 4 drachmis aluminis; color exstitit carneus, qui non ingratus erat.

5. Saturavi liquorem alcalinum oleo vitrioli albo, eoque saepe imbui pannum laneum non praeparatum, quem, quotiescunque extraxi, acido citreo ablui. Inde exortus est color roseus, pulcerime satur, qui ad similitudinem coloris experimenti primi proxime accedit. At labor non levis est, cum saepius imbuendus atque acido citreo abluendus sit pannus. Hunc in tingendi modum non improbabilem, qui parcam et liquoris carthami et acidi citrei copiam requirit, incidi, cum in memoriam redibant, quae pag. 116, n. 9 a me enarrata sunt.

6. Carthamum thuringicum, quem semel jam expresseram cum sale alcalino, iterum commiscui cum eodem sale atque iterum expressi. Neque enim simul exprimi potest omne, quod rubri coloris inest. Acidi citrei paucas modo guttas addidi, usque dum effervescentia inceperat. Hocce liquore infeci pannum solutione  $2\frac{1}{2}$  drachm. aluminis in duabus aquae unciis praemaceratum. Color oriebatur roseus, sed obscurior. Sed quando pannum ita infectum saepe abluibam solutione aluminis, color diluebatur et fiebat carneus.

7. Color etiam roseus, sed ad aurantium vergens existeret, quando liquore alcalino, acido citreo saturato, imbuebatur pannus praemaceratus acido salis communis aqua diluto ( $\nabla : \text{sal.} = 4 : 1$ ). Color periisse videbatur, quotiescunque pannus e balneo eximebatur, sed revertebatur, quando pannus aëri libero expositus arefcebat.

### *Balneum calidum coloris rubri.*


I. Quando cum liquore carthami sive orientalis sive thuringici, oleo vitrioli albo saturato, coquitur pannus non praeparatus, oritur color



color ad aurantium ac lateritium colorem magis vel minus vergens, pro ratione quantitatis acidi vitriolici et pro varia coctionis duratione. Pallidior evadit color, sed non ingratus, si pannus, quando e balneo exemptus est, acido citreo abluatur. Neque huic colori sapor nocet.

Et si jam tempore excludor plura faciendi experimenta, tamen vel haec demonstrant, posse etiam lanas pulcerrimis coloribus rubris infici, imprimis si acidum vel citreum vel vitriolicum adhibetur. Gratissimi sunt colores, qui sine coctione exprimuntur, quo balneo frigido qui uti volunt infectores, ii operam properare debent. Nam praecipitatione prorsus facta, tinctura frigida non bene procedit, praesertim si adhibitum est acidum citreum. Qui calido uti volunt balneo, ii optime adhibent acidum vitriolicum, sed tunc neque liquor omnino debet esse saturatus acido isto, neque debet cum panno diu ebullire; alioquin color abit in aurantium, magis lutescentem, et pannus ipse corroditur.

Quae feci experimenta, ea omnia probarunt, colorem rubrum prorsus eundem inesse carthamo cuicunque et orientali et thuringico, neque differre eos copia coloris rubri, sed potius abundantia coloris lutei. Hoc mihi persuasum habeo, posse etiam nostris ab agricolis coli atque parari plantam ita, ut ab orientali nequeat distingui; posse etiam eandem et rubro colore, et luteo maxime, inficere lanas. Lintea quidem omnium optimo colore rubro infici posse flosculis carthami, ea de re nullus dubito propter experimenta, quae feci, quae quidem hic referre longum est.



ABRAH.



ABRAH. GOTTHELF KAESTNER

DE

PLANETAE, DECLINATIONEM  
ET PARALLAXIN CONTINVO MV-  
TANTIS, DIVRNO, AD PARALLELVM  
AEQVATORI REFERENDO.

PRAELECTA

DIE III APRIL. CIOICCLXXIII.







Quae motu diurno circa nos ferri videntur astra *a*), singula describunt circulos aequatori parallelos, si adfixa veluti superficiei sphaerae coelestis fingantur; planetae vero dum motu suo proprio vel recedunt ab aequatore, vel ad illum accedunt, illo motu proprio, cum diurno qui omnibus quae in coelo apparent communis est, conjuncto, helices in superficie sphaerica describere videntur, quarum singulae partes non possunt non diversimode, ad parallelos aequatori, inclinari.

Hujus inclinationis ratio habenda est, cum filum in foco tubi expansum, ad motum diurnum planetae dirigitur: Tunc enim illi filo perpendiculare, non pars est veri circuli horarii, per polum trans-

eun-

*a*) Prop. I.









euntis, sed cum hoc vero horario angulum continet, quantum continet, pars diurni planetae quae in tubo spectatur, cum parallelo aequatoris. Ex hoc igitur angulo, verus planetae horarius et quae ab illo pendent sunt investiganda.

Ad computandum hunc angulum duo requiruntur; quantum planeta, illo tempore quo in tubo spectatur, declinationem suam mutat, et quantum eodem tempore motu sphaerae versus occidentem promoveatur. Hi duo arcus, cum exigui sint, pro lineis rectis haberi possunt et triangulum rectangulum constituunt, cuius hypotenusa est ipsa via planetae in tubo apparens, angulus vero hypotenusae, cum secundo arcuum quos nominavi, est qui quaeritur.

Est vero motus planetarum prouti in sphaera coelesti apparet proprius, ita comparatus, ut in duas partes resolvi possit, quarum una mutat planetae ab aequatore distantiam, altera illum ab occasu versus ortum promovet, exceptis rarioribus casibus, planetae retrogradi aut stationarii.

Altera haec pars, cum opposita sit motui communi quo omnia versus occidentem volvuntur, ab illo subducenda est, et sic habetur quantum planeta dato tempore motu sphaerae versus occidentem promoveatur.

Ita luna, motu suo proprio, hora una temporis medii, versus orientem progreditur circiter minutis gradus primis XXXII; secundis LVI; motus vero communis, eodem tempore, datum sphaerae mobilis punctum transfert gradibus XV; minutis primis II, secundis XXVIII. A quo numero si prior subducatur, colligitur, motu ex communi et suo

proprio conjuncto, ferri lunam versus occidentem hora una, gradibus XIII cum femisse.

Declinatio vero lunae die una, interdum ad gradus sex potest variari.

Ex quibus duobus conjunctis colligitur, diurnum lunae cum parallelo aequatori, angulum continere, qui cum maximus est, gradum unicum vix superat.

Solis vero diurnus, cum parallelo, non majorem tribus minutis primis et XXXIX secundis angulum continet.

Hic angulus diurni planetae cum parallelo, data die idem est, quocunque diei tempore observatio instituitur.

Quae de illo, olim Astronomi docuerunt, emendare aut augere multum non potui, nisi quod principia evidentius explicaverim quam factum legi ab aliis, et formulas dederim quibus calculus non majori opera quam vulgo fit, accuratius tamen subducatur.

Erant autem haec praestruenda disquisitioni paulo difficiliori.

Planeta, terrae propinquus ex superficie terrae spectatus, refertur ad locum sphaerae coelestis, diversum ab illo ad quem referretur eodem momento spectatus ex centro terrae.

Eo locorum discrimine, (*Parallaxin* appellant) efficitur, ut aliae altitudines, declinationes, cet. appareant ex ipso loco observatoris, quam appariturae essent ex centro terrae.

Igitur planetae diurnus, ob parallaxin, alius apparet, quam appariturus esset ex centro.

Et



Et angulus huius diurni propter parallaxin apparentis, cum parallelo, data die non constans est, sed variatur, ob parallaxin pro alia altitudine aliam.

Qui angulus, cum ut facile intelligitur, non multum differre possit, ab eo de quo ante dixi, qui ex centro terrae appareret, investigari potest utriusque anguli differentia, et priori illi debite adjici.

b) Antequam hoc fiat, inquirendum est, quantum in dato circulo verticali, propter parallaxin varientur, planetae altitudo, declinatio, angulus horarius, et ille quem circulus horarius cum verticali continet, parallacticum dicunt.

Quae investiganti, theorema astronomiae sphaericae se obtulit, quod et elegantia sua commendatur, et usu de quo post dicam, in re praesenti.

Si fingamus, planetam in aequatore positum esse, et in eo tota die manere, ut nullo motu proprio feratur versus polos, manifestum est, ex terrae centro spectati declinationem observari nullam, apparere vero posse aliquam ex superficie, propter parallaxin.

Hanc, unice propter parallaxin apparentem declinationem, reperi constantem fore, si parallaxis, ut fit, continuo cum altitudine varietur.

Igitur planeta, cujus diurnus verus esset aequator, ob parallaxin videretur describere circulum aequatori parallelum. Is circulus, respectu poli sublimis, situs est ultra aequatorem, in distantia, quam exprimit productum ex parallaxi horizontali in sinum elevationis poli.

Post-

Posthaec c) investigavi ut ante dixi, quid adjiciendum sit, diurni ex centro terrae spectati, angulo cum parallelo, ut habeatur, angulus diurni ob parallaxin apparentis, cum parallelo. Id, brevitatis causa *correctionem* appello. Cujus formulam cum obtinuisssem calculo satis prolixo, et in quo nunquam exigua neglexi, nisi simul ostenderim recte illa negligi, animadverti, redire hanc correctionem, ad variationem, quam angulus parallacticus in dato circulo verticali, patitur ob parallaxin.

Unde porro colligitur, parallelas fore portiones exiguas diurnorum, quae simul spectarentur, altera ex centro terrae, altera ex superficie.

Et adeo, si diurnus ex centro apparens sit aequator, eum qui ob parallaxin apparet, fore parallelum aequatori, omnino ut ante ex eo repereram, quod planetae in aequatore positi, parallaxis declinationis constans sit.

Ita formula prolixiore calculo eruta, si casui huic particulari applicetur, dat verum aliunde notum. Quem consensum, examinis speciem esse, nemo ignorat.

Formulam ipsam quam reperi, tradidit Mayerus olim noster, in illo scripto in quo explicat quibus modis mutuos macularum lunarium positus definiverit, et quae inde de lunae circa axem suum revolutione collegerit d).

Demon-

c) Prop. III.

d) Ueber die Umwälzung des Mondes um seine Axe u. s. w. 9 Abschnitt. Kos-

mographische Nachrichten und Sammlungen auf 1748; 125. S. der Samml.



Demonstrationem ait se omittere, quod nimium prolixa futura fit. Eam nunquam edidit, an scripta ab eo superfit ignoro.

Igitur, vel ea re operae pretium me fecisse existimem, quod verum esse Mayeri adfertum ostenderim.

Magis vero adhuc me impulit, quod contradicere Mayo vidi virum qui inter Astronomos nostri saeculi micat

. . . Velut inter ignes

Luna minores.

Dominus de la Lande, quem quaestionis astronomicae judicem difficile sit recusare, et qui inprimis Mayerum magni se facere saepius professus est, nihilominus, hoc in negotio *certo errasse Mayerum* pronuntiat, in prima Astronomiae suae editione *e*); mitius in secunda, *videri sibi quod Mayerus erraverit f*). Mayeri formulae aliam substituit, quam pro *exacta* edit. Non igitur potui facere quin illam cum Mayeri formula conferrem.

De illo angulo de quo initio dixi, quem cum parallelo aequatori continet, planetae declinationem mutantis diurnus, ex centro terrae visus, nulla lis est.

Parallaxeos effectus soli sunt, quos diverso modo astronomi hi computant.

Dom. de la Lande, primum hos effectus quaerit, quos ubi reperisse se existimat, quae mutationi declinationis debeantur docet, denique, quomodo haec conjungenda sint, regulas tradit.

Muta-

*e*) Astronomie; par Mr. de la Lande, Paris; 1764 art. 2028. *f*) Par. 1771. art. 2539.

Mutationi declinationis debetur angulus, observatori qui in centro terrae constitutus esset considerandus, tota die idem manens; multo major illo angulo qui ob parallaxin nascitur, et alio in terrae loco alius est, singulisque momentis variatur. Igitur praestabat, angulum qui declinationi variabili debetur, primo loco ponere, et illum, angulo a parallaxi nato corrigere. Poterat etiam haec duo formula algebraica brevissime complecti, cujus quanta, prouti positiva aut negativa essent, indicarent quomodo jungendi sint anguli. Dom. de la Lande, quod non probarent grammatici, exceptionem primo loco tradidit, regulam secundo. Calculum etiam analyticum non ubique ubi id fieri poterat adhibuit, forte quod elegantius, et magis perspicue credidit praecepta se verbis exprimere. Quam in re cuiuslibet liberum est iudicium; methodi exemplar certe noluit esse dom. de la Lande Astronomiam suam, in qua ubique conspicias, disiectae membra Vraniae.

Ferri potest, qui non optimo ordine docet, dummodo vera doceat. Igitur jam, quomodo emendet Mayerum Dom. de la Lande, enarrandum est.

Cogitat g) duo circulos verticales, satis sibi propinquos, ut ab uno illorum ad alterum, tempore paucorum minutorum, quatuor verbi causa, luna deferatur.

In primo horum circulorum signat locum lunae apparentem, adeoque jam adfectum parallaxi, altitudini lunae in illo verticali debita.

Per

g) v. hic Prop. V.



Per hunc lunae locum apparentem ducit arcum, qui cum inter verticales illos propinquos intercipiatur, pro recta haberi potest, aequatori parallelum.

Illum ait fore, illi tempori respondentem portionem diurni lunae apparentis, si interea nec parallaxis mutaretur, nec declinatio.

Iam quaerit, quantam mutationem interea subeat parallaxis. Eam signat in verticali secundo, et ad hoc punctum rectam ducit a loco lunae apparente in verticali primo.

Hanc rectam vocat *parallelum apparentem*, et quaerit quantum angulum contineat, cum illa de qua ante dixi aequatori parallela, eo angulo corrigit viam lunae ob parallaxin apparentem.

Summa igitur quaestionis huc redit:

Ponatur lunae declinatio non mutari; id hic licet, si quod nascitur a mutatione declinationis separatim consideretur.

Spektetur luna in eo loco sphaerae coelestis, ad quem refertur, ob parallaxin illo momento obtinentem.

Haec parallaxis fingatur brevi tempore eadem manere, luna vero hoc tempore, motu sphaerae coelestis, in alium verticalem deferri.

Viam quam hoc tempore describere luna videretur, parallelam fore aequatori, expressis verbis pronunciat Dom. de la Lande.

Qua in re cum illo sentire non possum.

Nam ut ante dixi, luna in aequatore posita, ob parallaxin consueta lege *mutatam*, describere videretur viam aequatori parallelam: igitur non potest aequatori parallela esse, via quam describeret parallaxi *non mutata*.

Prae-

Praeterea, generalius inquirens *h*), quem angulum, cum parallelo aequatori, contineat via lunae, apparitura si parallaxis non mutetur, reperi, eam tribus solum casibus parallelam esse posse aequatori, si luna sit in meridiano, vel in verticali primario, aut si observator sit, ubi credibile est nunquam fore observatorem, in polo terrae, hoc est in loco, per quem transeuntes singuli circuli maximi, simul sunt meridiani et verticales primarii.

Itaque Dom. de la Lande aequatori parallelum pronuntiat, quod aequatori parallelum non est, et quaerit, viae ob parallaxin apparentis angulum, non cum parallelo aequatori, sed cum via quae apparitura esset, si parallaxis non mutaretur, nunquam vero apparet, quoniam parallaxis perpetuo mutatur.

Quid induxerit Dom. de la Lande, ut fumeret, viam lunae aequatori parallelam apparituram, si parallaxis non mutaretur, id certo explicare non ausim, cum hujus fui adsumti, rationem nullam reddiderit. Ex figura qua utitur id colligo *i*), duo elementa circulorum verticalium propinquorum ex quorum uno luna in alterum transit, sumsisse illum pro rectis parallelis, quod si liceret, omni vitio careret rationium suum: Haec autem elementa non sunt parallela, sed inclinantur ad se, angulo cujus magnitudo exprimitur, si angulus quo inclinantur ad se circuli verticales, ducatur in sinum altitudinis. Exiguus est hic angulus, sed non negligendus hic, ubi omnes anguli de quibus quaeritur exigui sunt. Itaque quantum video, Dom. de la Lande, in duabus rectis, non exacte parallelis, sed ad magnam distantiam convergentibus, partes aequales sumit, et per harum partium terminos ductas rectas, exacte parallelas fore existimat.

Post

*h*) Prop. III.

*i*) Prop. V. §. 38.



Post docui, quomodo angulus ille quem Dom. de la Lande computat, junctus angulo quem cum parallelo aequatori contineret diurnus, si parallaxis non mutaretur appariturus, veram correctionem efficiat *k*).

Denique ordinem calculi trigonometrici ostendi, pro inveniundo angulo quem cum parallelo continet diurnus ob parallaxin apparens *l*), Et exempla etiam computavi, unum a Mayero exhibitum *m*), duo a Dom. de la Lande *n*).

Consentiunt vero, tot diversis modis investigatae, et exemplis applicatae formulae, omnes in confirmanda et illustranda Mayeri sententia, in destruenda Dom. de la Lande emendatione.

Inventum Dom. de la Lande, num alio in loco usum suum tueri posset, quem in praesenti negotio omnino nullum habet, ea de re iudicium mihi non sumo.

Mayerum, quod id ignoraverit, non recte versatum esse in definiendis maculis lunaribus contendit Dom. de la Lande *o*).

Post Mayerum nulli astronomorum patientia fuit, macularum lunarium observationes, quales ille habuit, repetendi *p*). Igitur, si exantlatis tantis laboribus, ut phrasi Iurisconsultorum utar, formula cecidit, doleamus non Mayerum, sed ipsam selenographiam. Contra, si, quod a me factum esse existimo, ostendatur, recte rationes subduxisse Mayerum, idem, qui motus lunares accuratius computare docuit, etiam

*k*) Prop. VI.      *l*) Prop. VII.

*m*) Prop. III. 33.

*n*) Prop. V. 20. Prop. VII. 15.

*o*) Astron. 3190 ed. II.

*Comm. Soc. Goett. T. IV.*

*p*) Cum haec scriberem nihil adhuc mihi innotuerat de iis quae praestitit Dom. Lambert. v. Ac. R. Sc. Pruss. Ephemerides pro anno 1776.

etiam ut faciem lunae melius noscāmus, praestitit Germanus, noster olim collega et amicus.

### PROP. I.

Fig. 1. Si planeta, declinationem mutans, spectetur ex centro terrae; reperire angulum diurni ejus cum parallelo aequatori.

*Sol.* 1. Sit Z Zenith, P Polus boreus; Dato momento, planeta ex centro terrae spectatus referatur ad sphaerae punctum A: Igitur sunt complementa, PA declinationis, quam pono borealem, ZA altitudinis; dicantur vero, declinatio  $\delta$ ; altitudo  $\eta$ ; elevatio poli  $\epsilon$ ; angulus horarius ZPA =  $\tau$ ; angulus parallacticus ZAP =  $\sigma$ ;

2. Post aliquod tempus, planeta ex centro terrae referatur ad sphaerae locum C; Igitur interea visus est descripsisse diurni partem AC.

3. Hoc tempore labente, crevit declinatio quantitate  $y = OC$ , si sit PCO horarius sub finem ejus temporis, et PO = PA.

4. Tempus breve sumo, ut possit figura OAC haberi pro triangulo rectilineo ad O rectangulo.

5. Illo tempore angulus horarius decreverit quantitate APC =  $\zeta$ ; Pono itaque planetam in hemisphaerio orientali.

6. Illam anguli horarii mutationem, cogitandum est, nasci ex conjunctis motibus, communi versus occidentem, proprio versus orientem.

7. Itaque AO =  $\zeta \cdot \cos \delta$ ; et, dicto OAC =  $\alpha$ ; est

$$\tan \alpha = \frac{y}{\cos \delta \cdot \zeta}$$

Erit vero angulus hic satis parvus, ut ipse poni possit loco tangentis suae.

Quod



Quod ita intelligitur; Ponatur planeta declinationem suam satis velociter mutare, forte aliquot gradibus inter duas proximas suas culminationes; Angulum vero horarium inter has culminationes mutat integro circulo. Igitur haec declinationis mutatio semper exigua est prae mutatione anguli horarii. Parte autem parva, temporis inter illas culminationes fluentis, tum declinatio, tum angulus horarius mutantur uniformiter.

Est igitur etiam  $y$  parvum prae  $\zeta$ ; et adeo prae  $\cos \delta \cdot \zeta$ , cum planetae non accedant adeo prope ad polum, ut  $\cos \delta$  fiat valde parvus.

9. Posset forte ad polum satis prope accedere Cometa, et si idem declinationem vehementer mutaret, non liceret pro illa, angulum permutare cum tangente.

10. Angulus hic, a recto subductus dat  $PAC$ ; additus recto  $PCA$ ;

11. Ipsa vero  $AC = \sqrt{y^2 \mp \zeta^2 \cos^2 \delta}$  vel  $= \zeta \cdot \cos \delta \cdot \sec \alpha$ .

*Variatio altitudinis, per variationes declinationis et anguli horarii.*

12. Ex Comment. novor. T. III. pag. 126; lemm. 11; habetur differentiando

$$d\eta = \frac{(\sin \varepsilon - \sin \eta \cdot \sin \delta) \cdot d\delta - \cos \varepsilon \cdot \cos \delta \cdot \sin \tau \cdot d\tau}{\cos \delta \cdot \cos \eta}$$

sunt autem hic

$$\begin{array}{c|c|c} d\delta & d\tau & d\eta \\ y & -\zeta & x \end{array}$$

$$\text{Unde } x = \left( \frac{\sin \varepsilon}{\cos \delta \cdot \cos \eta} - \tan \delta \cdot \tan \eta \right) \cdot y \mp \frac{\cos \varepsilon \cdot \sin \tau}{\cos \eta} \cdot \zeta$$

13. Igitur in triangulo rectilineo CAK ad K rectangulo, dantur  $x$ , et hypothenusa (11) Unde dantur anguli CAK; ACK; et hinc etiam diurni anguli cum verticalibus ZAC; ZCA.

14. Si non mutaretur declinatio, diurnus congrueret cum parallelo, et manentibus reliquis iisdem, altitudo cresceret quantitate

$$\frac{\cos \epsilon. \sin \tau}{\cos \eta}. \zeta = \sin \sigma. \zeta.$$

15. Scilicet angulus KAO =  $90^\circ - OAZ = \sigma$ , et ducto per O circulo verticali, quod eius cadit inter O et AK productum, est excessus altitudinis puncti O supra altitudinem puncti A, qui excessus definitur formula ultima art. praec.

*Computatio anguli (7) ex dato motu proprio planetae.*

16. Quae sit ratio  $y: \zeta$  (8) ostensum est, ea scilicet quam habet variatio declinationis inter duas culminationes, ad circulum integrum, vel variatio quaevis dato temporis spatio contingens, ad mutationem anguli horarii eodem temporis spatio contingentem. Itaque duarum illarum quas exiguas sumsi quantitatum, ratio exprimitur, per rationem duarum multo maiorum, aequae ut differentialium ratio per rationem quantitatum finitarum.

17. Motu igitur, ex communi et proprio composito, horae spatio deferatur planeta per angulum L; illo autem tempore mutet declinationem quantitate K, erit  $y: \zeta = K: L$  et

$$\tan \alpha = \frac{K}{L. \cos \delta}$$

18. Ita habetur in partibus decimalibus sinus totius, tangens anguli, vel ipse angulus exiguus.

19. Si



19. Si vero hic angulus pro tangente sua acceptus, quaeratur immediate in partibus circuli; significet ei longitudinem minuti secundi in partibus radii, et erit numerus secundorum respondentium ipsi

$$a = \frac{K}{L \cdot \cos \delta \cdot e}$$

20. Vel, numerus minutorum primorum, eidem angulo respondentium

$$\frac{K}{L \cdot \cos \delta \cdot 60 \cdot e}$$

*Horum applicatio ad lunam.*

21. Cum lunae tempus periodicum aequetur mediis diebus 27; hor. 7; min. 43 = 39343 minutis: erit motus eius medius una media

$$\text{die} = \frac{1440 \cdot 360^\circ}{39343} = 13^\circ, 176$$

$$\text{hora} = 32^I, 94 = 32^I 56^{II}, 4$$

quae facile computantur, per logarithmos.

Iidem numeri exhibent incrementum medium, diurnum, et horarium, rectascensionis lunae.

22. Iam, ex tabulis quibus comparantur partes aequatoris et tempus medium, colligitur, hora media, ferri lunam

motu communi versus occidentem  $15^\circ 2^I 28^{II}$

proprio versus orientem  $32 \quad 56$

---

Itaque ambobus coniunctis

fertur versus occidentem

$14 \quad 29 \quad 32$

Unde in (17) vero satis propinque statuitur  $L = 14^\circ, 5 = 870^I$

23. Sit declinationis lunae mutatio die vera =  $h$  minutis primis gradus; parum vero interest, an eadem mutatio contingere ponatur die media. Igitur  $K = \frac{1}{24} h$  et ex (20) est numerus minutorum primorum, ipsi  $\alpha$  respondentium

$$\frac{h}{24.870. \cos \delta. 60.e}$$

Ubi  $24.870 = 20880$ . Iam

$$\log. 20880 = 4,3197305$$

$$\log. 60.e = -3,5362739$$

$$0,7834566$$

respondens numero 6,073

24. Est ergo ille numerus minutorum primorum, fere  $\frac{h}{6. \cos \delta}$

25. Hac formula (24) utuntur Mayerus loco quem infra citabo, et Dom. de la Lande Astr. 2031 ed. I, 3543 II; et hic quidem numeris quibusdam non tam exacte acceptis ac ego illos sumsi, idem tamen colligit.

26. Ea autem formula in usu ipso crediderim commodiorem fore quae simul exactior est

$$10 \pm \log h - (0,7834566 \pm \log \tan \cos \delta)$$

qua habetur logarithmus numeri minutorum primorum, angulo quae sito respondentium.

27. Similiter cum sit

$$\log. 20880 \pm \log e = 0,0053054 - 1$$

est logarithmus numeri secundorum ipsi  $\alpha$  respondentium

$$11 \pm \log h - (0,0053054 \pm \log \tan \cos \delta).$$

28. Cui sunt tabulae, tangentes angulorum parvorum per singula minuta, secunda exhibentes, ut Gardineri, quas auctiores edidit



edidit R. P. Pezenas 1); ille non maiori opera utetur hac formula

$$\operatorname{tang} \alpha = \frac{h}{20880. \operatorname{cof} \delta}$$

29. Exemplum fit  $\delta = 20^\circ$ ;  $h = 6^\circ = 360''$

$$\text{est } \log 20880 = 4, 3197305$$

$$\log \operatorname{cof} \delta = 0, 9729858 - 1$$

---


$$4, 2927163$$

$$10 \mp \log h = 12, 5563025$$

---


$$\log \operatorname{tang} \alpha = 8, 2635862$$

$$\text{Unde angulus} = 1^\circ 3' 4''{,}7$$

$$\text{Idem reperitur} = 1 \quad 3 \quad 4, \quad 5$$

ex formula (27).

30. Est vero angulus hic maximus, cum variatio diurna declinationis, et ipsa declinatio, singulae sunt quam fieri possunt maximae. Eo consilio finxi hoc exemplum, ut intelligatur, vel tunc, cum haec duo singula satis magna sunt, angulum parum excedere gradum.

Ceterum notum est, maximam planetae declinationem, non coniunctam esse, cum variatione maxima declinationis. Igitur, fractionis tangentem definientis (28) vel minor quam (29) sumsi erit numerator, vel maior denominator.

31. Igitur exemplum docet, angulum vix excedere posse gradum integrum; et hinc tuto semper in ipsis secundis definiri formula (27).

Nam arcus gradus unius differt a tangente sua  $0''{,}366$ ; a sinu suo  $0''{,}182$ , ut facile computatur logarithmorum ope, regula quam docui in libro: *Astronomische Abhandlungen; I Sammlung; 3 Abhandl.* §. 610.

Si

1) *Tables de Logarithmes* cet. Avignon 1770.

Si eadem variatio diurna declinationis ponatur contingere, cum ipsa declinatio est  $= 0$ ; reperitur  $\alpha = 59^{\circ} 16'$

*Eadem applicata ad solem.*

32. Si motus medius solis diurnus statuatur  $59^{\circ} 8'$ ,  $5$ ; horarius  $2^{\circ} 23'$ ,  $7$ ; pro sole colligitur  $L = 15^{\circ} 0' 4'$ ; Variatio diurna declinationis est circa aequinoctia fere  $24'$ . Igitur  $\tan \alpha = \frac{1}{900}$ ; qui angulus reperitur  $3^{\circ} 49'$ . Tantum ad parallelum inclinari potest diurnus solis, cum maximo angulo inclinatur, circa aequinoctia.

*Situs horarii apparentis.*

33. Si filorum in foco tubi ad rectos se decussantium, alterum dirigatur iuxta motum diurnum fixae, alterum habebit situm horarii veri;

Hic autem, si prius dirigatur iuxta planetae viam apparentem AC: alterum cadet super AQ; circulum maximum ipsi AC perpendicularem; qui dicatur horarius ob *declinationem mutabilem apparens*.

Continebit autem cum vero; angulum  $QAP = \alpha$ .

34. Apparens hic observatione datur, et hinc verus colligendus est. Quo faciunt sequentia.

35. Semper ponitur C versus occidentem, respectu A puncti.

36. Praeterea, sumit figura, C situm esse versus polum boreum, respectu O puncti;

Hoc est: crescere declinationem borealem, sed decrescere australem; quae duo haec unica formula complectitur: A prima culminatione ad secundam, planetam accedere ad polum boreum.

37. His



37. His duobus (35; 36;) positis, apparens horarius cadit ad ortum respectu veri, et adeo verus ad occasum respectu apparentis; five planeta spectetur in orientali hemisphaerio, five in occidentali.

38. Haec cum formula (7) ita cohaerent.

Angulus APC, semper significat angulum horarii cuiusdam cum alio versus occidentem prioris sito; eamque ob causam semper est positivus.

39. Si  $\zeta$  spectetur tanquam variatio anguli horarii ZPA; considerandum est, hunc angulum  $= \tau$  positivum aut negativum valorem nancisci, prouti ZA cadit respectu meridiani versus ortum, aut versus occasum. Est vero  $\zeta = -d\tau$

40. Itaque, ipsius  $\zeta$  valor positivus, qui significat decrementum anguli horarii orientalis, five positivi, significabit incrementum occidentalis five negativi.

Haec, ut intelligatur, semper esse  $\zeta$  positivum.

41. Positivus etiam semper est cosinus declinationis, licet ipsa declinatio fiat australis, hoc est negativa.

42. Sed  $y$  negativum est, si ab una culminatione ad alteram planeta recedat a polo, vel decresciente declinatione boreali, vel crescente australi.

43. Tunc cadente C remotius a polo quam A; cadet apparens horarius ad occasum respectu veri, seu verus ad ortum respectu apparentis.

Hoc igitur continget, si tang $\alpha$  valor prodeat negativus. Nam et K (17) et h (23) significabant incrementa declinationis boreae aut  
*Comm. Soc. Goett. T. IV.* S decre-

decrementa australis, et sic in hypothefi oppofita nancifcuntur valores negativos.

44. Igitur cadit horarius  
verus ad occafum apparentis, fi planeta accedit ad pol. bor.  
. . . . . ortum . . . . . recedit a pol. bor.

## PROP. II.

Invenire variationes angulorum, parallaftici et horarii, item declinationis, ob parallaxin.

*Sol.* 1) Sit parallaxis horizontalis  $=\pi$ ; erit parallaxis altitudinis;  $AB = \pi \cdot \cos \eta$ , angulus parallafticus *ob parallaxin apparens*  $= PBZ$ ; angulus horarius, eodem modo intellectus  $ZPB$ .

2. Variatio declinationis habetur ex aequatione I articuli 2 differtationis *de parallelo ftellae ob refractionem apparente*, cet. exhibitae Comment. Nov. T. III p. 122. Eius lemmata cum hic etiam fim adhibiturus. citabo illam brevitatis cauffa, fub titulo: *differtationis praecedentis*. Eft igitur ex eius loco citato;  $\cos \alpha \cdot \cos \varepsilon = \sin \delta$ , fecit  $\sin \varepsilon \tan \eta$  cuius pars finiftra eft confans; Igitur differentiando partem dextram et ponendo differentiale  $= 0$ ; obtinetur

$$d\delta = \left( \frac{\sin \varepsilon - \sin \eta \cdot \sin \delta}{\cos \eta \cdot \cos \delta} \right) \cdot d\eta = \cos \sigma \cdot d\eta$$

3. Hic igitur, cum altitudo vera ob parallaxin abeat in apparentem minorem, eft  $d\eta = -AB$  et

$$d\delta = -\cos \sigma \cdot \cos \eta \cdot \pi$$

qua quantitate, fed figno  $-$  in  $+$  mutato, PB excedit ipfam PA.

4. Igitur, ex diff. praec. art. 6, eft hic

$$d\sigma = -\tan \delta \cdot \sin \sigma \cdot \cos \eta \cdot \pi$$

5. Ca-



5. Capiatur  $PM = PA$ , est  $BM = AB. \cos \sigma$  (3)

6. Angulus  $APB$  potest computari ex triangulo sphaerico  $APB$ ; ope vulgaris trigonometriae sphaericae. Est vero  $PB - PA = BM$ ; unde

$$(\sin \frac{1}{2} APB)^2 = \frac{\sin \frac{1}{2} (AB \mp MB) \cdot \sin \frac{1}{2} (AB - MB)}{\cos \delta \cdot \cos (\delta - MB)}$$

Est vero arcuum in numeratore occurrentium maximus, gradu minor, cum maxima parallaxis, lunae horizontalis, sit circiter gradus unius. Igitur possunt hi arcus sinuum loco substitui; quo facto et scripto  $\cos \delta$  loco  $\cos (\delta - MB)$  habetur

$$APB = \frac{\pi \cdot \cos \sigma \cdot \sin \sigma}{\cos \delta} = \frac{\cos \epsilon \cdot \sin \tau \cdot \pi}{\cos \delta}$$

7. Haec omnia possunt brevius multo obtineri, considerando  $AMB$  figuram, tanquam triangulum rectangulum ad  $M$  rectangulum, in quo  $BM$  est variatio declinationis;  $B$  fere  $= \sigma$ ; et  $\frac{AM}{\cos \delta}$  mensura

anguli  $APB$ ; non inutile tamen iudicavi eadem calculo solo investigare.

*Formulas etiam valere pro planeta in aequatore aut in horizonte.*

8. Ea de re quaerere posset, cui in mentem veniret, adhibita esse differentialia altitudinis et declinationis, quae his casibus, prae ipsa altitudine aut declinatione non evanescunt:

Sed is considerabit omnia deducta esse ex aequationibus inter arcuum et linearum trigonometricarum differentialia. Hae autem aequationes verae adhuc manent, arcubus etiam evanescentibus.

Sit pro angulo  $W$ ;  $dW = \frac{d \sin W}{\cos W} = d \tan W \cdot \cos W^2$  et est

adhuc, si sit  $W = 0$  adeoque  $dW$  nascens angulus, hic nascens angulus aequalis sinui suo, et tangenti suae.

10. Hinc intelligetur, quid pro  $\delta = 0$  fieri debeat in (2) ubi habetur  $\cos \delta = - \sin \epsilon \cdot \tan \eta$ . Scilicet in differentiatione cogitandum est, *nasci* declinationem, quae in ipsa aequatione nulla est.

11. Ad haec attendere opus non est illi, qui formulas ex figurae consideratione (7) deducit. Sed ut recte intelligatur usus calculi analytici, talia hic monere supervacuum non iudicavi.

*Formulae pro planeta in aequatore posito.*

12. Tunc est  $\cos \sigma = \frac{\sin \epsilon}{\cos \eta}$ ; et adeo declinationis variatio ob parallaxin (3)  $= - \sin \epsilon \cdot \pi$ .

13. Quam cum non ingrediantur quae a tempore diei pendent, angulus horarius et altitudo; hoc theorema inde colligitur:

Planeta in aequatore positus fingatur proprium motum habere solum iuxta aequatorem, nullum versus polos; ut *verus* eius diurnus sit ipse aequator.

Hoc adsumto, diurnus planetae propter parallaxin *apparens*, erit circulus aequatori parallelus, distans ab aequatore versus polum australem quantitate  $\sin \epsilon \cdot \pi$

Ita hoc casu constans est parallaxis declinationis, variabili ut decet, parallaxi altitudinis.



14. Anguli parallactici mutatio hoc casu evanescit (4), indicio illam prae reliquis mutationibus fieri exiguam.

15. Anguli horarii mutatio fit  $(6) = \pi \cdot \operatorname{cof} \eta \cdot \sin \tau$

### PROP. III.

Invenire angulum quem continet planetae diurnus ob parallaxin apparens, cum parallelo aequatoris.

*Sol.* 1. In fig. 3, quae iisdem litteris notata sunt ac in figg. 1, 2; eadem significant.

2. Sit praeterea, planetae ex centro terrae ad C relati, parallaxis altitudinis CD; Itaque, diurni planetae portio quae observatori in centro terrae posito esset AC; observatori in superficie constituto, apparet BD.

3. Capiatur PE = PB; et ducatur BE parallelus aequatori, erit EBD =  $\beta$ ; angulus quem quaero.

4. Cum facile intelligatur, fumi posse figuram DEB pro triangulo rectilineo ad E rectangulo, patet haberi hunc angulum repertis DE; BE.

#### *Pro DE*

5. Ex Prop. II, 3; et diff. praeced. art. 2 aequat. III; habetur PB — PA

$$= \left( \frac{\sin \varepsilon}{\operatorname{cof} \delta} - \operatorname{tang} \delta \cdot \sin \eta \right) \cdot \pi$$

6. Hinc eliminetur sinus altitudinis, ex diff. praec. art. 2. aequat. II; et habebitur eadem PB — PA

$$= (\sin \varepsilon \cdot \operatorname{cof} \delta - \operatorname{cof} \varepsilon \cdot \sin \delta \cdot \operatorname{cof} \tau) \cdot \pi$$

S 3

7. Quod-

7. Quodsi in hac formula, loco  $\delta$ ,  $\tau$ , scribantur  $\delta \mp y$ ;  $\tau - \zeta$ ; abit illa in  $PD - PC$ . Qui dicatur formulae valor secundus.

8. Sunt igitur valores

$$\text{secundus} = PD - PC$$

$$\text{primus} = PB - PA$$

---


$$\text{Sec.} - \text{prim.} = PD - PB - (PC - PA)$$

9. Est vero  $PA - PC = \mp y$ , quod si sit positivum, planeta ad polum accedente (Prop. I. 36) facile colligitur fore etiam  $PB \succ PD$ ; adeoque

$$PB - PD = y - (\text{val. sec.} - \text{val. prim.})$$

10. Itaque formula (6) differentietur more consueto; scriptis saltem  $\mp y$ ;  $-\zeta$ ; loco  $d\delta$ ;  $d\tau$ ; Differentiale ita repertum; subducatur ab  $y$ ; habebitur  $PB - PD = DE$ .

11. Est vero differentiale

$$\begin{aligned} & - (\sin \epsilon. \sin \delta \mp \cos \epsilon. \cos \delta. \cos \tau). y \\ & - \cos \epsilon. \sin \delta. \sin \tau. \zeta \end{aligned} \bigg) \cdot \pi$$

12. Vel etiam

$$- (\sin n. y \mp \cos \epsilon. \sin \delta. \sin \tau. \zeta). \pi$$

13. Igitur

$$DE = y \mp (\sin n. y \mp \cos \epsilon. \sin \delta. \sin \tau. \zeta). \pi$$

*Pro angulo DPB*

14. Est hic angulus  $= \zeta \mp APB - DPC$ ;

15. In valore ipsius  $APB$  (Prop. II. 6;) per declinationem et angulum horarium expresso, factis iisdem mutationibus, quae fieri iubet (7), habetur valor ipsius  $DPC$ .

16. Ita-



16. Itaque valor APB, differentiatus eodem modo ac formula (10), praebebat differentiale, quo subducto a  $\zeta$ , habetur angulus DPB,

17. Igitur

$$DPB = \zeta - \frac{(\sin \tau. \operatorname{tang} \delta. y - \operatorname{cof} \tau. \zeta). \operatorname{cof} \epsilon. \pi}{\operatorname{cof} \delta}$$

*Pro BE*

18. Est illud  $\operatorname{cof} PB. DEB$ ; sed ex

Prop. II, 3: propter  $PB = 90^\circ - \delta \mp BM$  est  $\operatorname{cof} PB = \operatorname{cof} \delta \mp \sin \delta. \operatorname{cof} \sigma. \operatorname{cof} \eta. \pi$

$$DPB = \zeta - \frac{\sin \tau. \operatorname{tang} \delta. \operatorname{cof} \epsilon. y. \pi}{\operatorname{cof} \delta}$$

$$\mp \frac{\operatorname{cof} \tau. \operatorname{cof} \epsilon}{\operatorname{cof} \delta} \zeta. \pi$$

---


$$BE = \zeta. \operatorname{cof} \delta \mp \sin \delta. \operatorname{cof} \sigma. \operatorname{cof} \eta \left. \begin{array}{l} \mp \operatorname{cof} \tau. \operatorname{cof} \epsilon \\ - \sin \tau. \operatorname{tang} \delta. \operatorname{cof} \epsilon. y \end{array} \right) \zeta \cdot \pi$$

negligendo producta ex tribus quantitibus exiguis.

19. Ex diff. praec. art. 2; est

$$\operatorname{cof} \sigma. \operatorname{cof} \eta. \sin \delta = \frac{\sin \epsilon. \sin \delta - \sin \delta^2 \sin \eta}{\operatorname{cof} \delta}$$

$$\operatorname{cof} \tau. \operatorname{cof} \epsilon = \frac{\sin \eta - \sin \epsilon. \sin \delta}{\operatorname{cof} \delta}$$

20. Igitur

$$BE = \zeta. \operatorname{cof} \delta \mp \sin \eta. \operatorname{cof} \delta. \zeta \left. \begin{array}{l} - \sin \tau. \operatorname{tang} \delta. \operatorname{cof} \epsilon. y \end{array} \right) \cdot \pi$$

*Pro*

*Pro angulo  $\beta$* 

$$21. \text{ Fac } M = \text{cof} \epsilon. \sin \delta. \sin \tau$$

$$N = \sin \tau. \text{cof} \epsilon. \text{tang} \delta$$

et ex 13; 20 erit

$$\beta = y \mp (\sin \eta. y \mp M. \zeta). \pi$$


---


$$\zeta. \text{cof} \delta \mp (\sin \eta. \text{cof} \delta. \zeta - N. y). \pi$$

22. Dividendo numeratorem et denominatorem per  $\zeta. \text{cof} \delta$ , habetur

$$\beta = \alpha \mp \left( \sin \eta. \alpha \mp \frac{M}{\text{cof} \delta} \right). \pi$$


---


$$1 \mp (\sin \eta - N. \alpha). \pi$$

23. Id vero fit quam proxime

$$\alpha \mp \left( \sin \eta. \alpha \mp \frac{M}{\text{cof} \delta} \right). \pi. (1 - (\sin \eta - N\alpha) \pi)$$

$$=$$

$$\alpha \mp \frac{M}{\text{cof} \delta} \Bigg| \cdot \pi$$

$$N \alpha^2 \Bigg|$$

24. Quod ducitur in  $\pi$ , est  $\text{cof} \epsilon. \sin \tau. \text{tang} \delta. (1 \mp \alpha^2)$  sed ex Prop. II. 31; est  $\alpha$  vix unquam maior gradu; unde in partibus radii minor est quam 0,02 et quadratum eius minus quam 0,0004; quod itaque hic tuto negligitur.

25. Tandem ergo

$$\beta = \alpha \mp \text{cof} \epsilon. \sin \tau. \text{tang} \delta. \pi$$

26. Partem quae cum  $\alpha$  coniuncta constituit angulum  $\beta$ ; vocabo *correctionem*.

Est



Est vero haec correctio *positiva*, si planeta sit in hemisphaerio orientali, et declinationem habeat borealem; vel si sit in occidentali et habeat declinationem australem; *negativa* si planeta sit orientalis australis, vel occidentalis borealis.

Haec inde intelliguntur, quoniam declinatio australis, et angulus horarius occidentalis habentur pro negativis.

27. Ex Prop. II. intelligitur quando  $\alpha$  sit positivus vel negativus, et ita habetur qualis sit  $\beta$ .

28. Manifestum vero est, correctionem fore parvam prae  $\alpha$ ; et hinc  $\beta$  fore positivum aut negativum, prout est  $\alpha$ .

29. Indicat vero  $\beta$  negativus, cadere BD remotius a polo quam BE.

30. Unde, PB cadet ad occidentem vel orientem perpendiculari in DE, diurnum ob parallaxin apparentem, prouti  $\beta$  est positivus aut negativus, omnino ut Prop. I. 449.

*Correctio comparatur cum anguli parallaëici variatione  
ob parallaxin.*

31. Est haec variatio, in Prop. II. 4; repertum  $d\sigma$ ; Cum vero sit  $\cos n. \sin \sigma = \cos \epsilon. \sin \tau$ , est correctio  $= -d\sigma$  seu

$$\beta = \alpha - d\sigma$$

*Parallelas censeri posse vias, quae ex centro terrae appareret,  
et quae ob parallaxin apparet.*

32. Est utique CAZ Fig. 1  $= 90^\circ - \sigma - \alpha$ ; Unde eius contiguus CAB; fig. 3 est  $90^\circ \pm \sigma \pm \alpha$ ;

*Comm. Soc. Goett. T. IV.*

T

Sed

Sed DBA fig. 3 est  $90^\circ - \sigma - d\sigma - \beta$

Qui duo anguli constituunt summam semicirculo aequalem.

Unde, neglectis quae hic negliguntur, est AC ipsi BD parallela.

Itaque, si lunae diurnus ex centro terrae spectatus esset aequator, diurnus ob parallaxin apparens, esset parallelus aequatori.

Omnino ut Prop. II 13.

*Exemplum.*

32. Mayerus diurni Lunae, Noribergae 1748; d. 15. Iul. 13 hor. ver. 30 min. ob parallaxin apparentis, angulum quaesivit cum parallelo vero. Sumit vero ex ephemeridibus astronomicis quas tunc Berolini edebat Acad. Reg. Sc. Prusica;

$$\begin{aligned}\delta &= 6^\circ 40^I \\ \pi &= 58,5 \\ h &= 5 \quad 59 = 359 \\ \varepsilon &= 49 \quad 27 \\ \tau &= 46\end{aligned}$$

Igitur, ex Prop. I 27;

$$\begin{array}{r} \phantom{\log \text{tab} \cos \delta = } 0,0053054 \\ \log \text{tab} \cos \delta = 9,9970535 \\ \hline \phantom{\log \text{tab} \cos \delta = } 10,0023589 \\ 11 \pm \log h = 13,5550944 \\ \hline \log a = 3,5527355 \end{array}$$

qui respondet numero secundorum

$$3570,5 \quad \text{Ergo } a = 59^I 30,^{II} 5$$

$$\text{Porro; } \log \cos \varepsilon = 0,8134303 - 1$$

$$\log \sin \tau = 0,8569341 - 1$$

$$\log \tan \delta = 0,0677522 - 1$$

$$\log \pi = 1,7671559$$

$$\log \text{ correctionis} = 0,5053725$$

$$\text{Correctio} = \pm 3^I, 201 = 3^I 12^{II}, 06$$

Igitur



$$\begin{array}{rcl}
 \text{Igitur } \alpha & = & \mp 0^{\circ} 59^{\text{I}} 30^{\text{II}}, 5 \\
 \text{correctio} & = & \mp \quad \quad 3 \quad 12, \quad 0 \\
 \hline
 \beta & = & \mp 1 \quad 2 \quad 42
 \end{array}$$

Tanto angulo, PB cadit versus occasum perpendiculari in diurnum ob parallaxin apparentem.

34. Mayerus eadem formula usus, numeros tamen adhiberi posse iudicavit minus exactos. Ita sumfit (Prop. I; 24)  $\frac{359}{6} = 60$  et ipsum  $\frac{359^{\text{I}}}{6. \cos \delta} = 60^{\text{I}}$ ; correctionem vero computavit  $3^{\text{I}}$  unde obtinuit angulum, dimidio circiter minuto primo a meo differentem.

Scilicet, parcere voluit divisione paulo operosiore. Unde intelligetur non inutiles esse formulas meas Prop. I. quae logarithmis utuntur, ubi omnia facile et exactius computantur.

35. Angulum quem reperit, vocat *horarii veri cum apparente*; verum vocans PB; apparentem, perpendicularum in BD. His vocibus uti nolui, quoniam ipse PB mihi iam est *horarius ob parallaxin apparentem*.

36. Ceterum duae partes ex quibus coniungitur  $\beta$ ; apud Mayerum signa habent opposita, iis quae ego illis tribuo. Prima pars, five  $\alpha$ , ipsi est positiva aut negativa, prouti mihi est negativa vel positiva; et simili modo correctio.

Hoc unde Mayerus habeat dicere non possum, cum formulam nudam ediderit. Suspikor vero ipsum considerasse: cum luna appropinquat polo boreo, rectum PAC; paralleli cum horario vero, decrementum quantitate OAC ob mutatam lunae declinationem. Itaque hunc angulum, cum decrementum est, negativum appellavit, unde posi-

tivus fit, cum est incrementum recti, luna tendente ad polum australem.

Ceterum, cum singula quae Mayerus positiva appellat mihi negativa sint, et contra, patet regulas easdem prodire, five formulae meis signis accipiantur five Mayeri. Est vero ufui loquendi magis conveniens, ea appellare positiva, quae ego sic appellavi.

### PROP. IV.

Fig. 4.

Fingatur astri declinatio non mutari; ut sit  $PA = PC$ ;  
ad A parallaxis altitudinis sit  $AB = \phi = \pi. \cos \eta$ .

Fingatur ad C eadem parallaxis altitudinis,  $CS = \phi$ . Itaque astri  
via apparens efficitur BS.

Sit BV parallelus aequatori. Quaeritur  $VBS = \gamma$

1. Parallaxis declinationis, ad A est  $\phi. \cos \sigma$ ; ad C  $= \phi. \cos \sigma - \phi. \sin \sigma. d\sigma$ ; cum  $\phi$  non mutetur. Itaque cum sit

$$PB = 90^\circ - \delta \mp \text{parall. decl. ad A}$$

$$PS = 90^\circ - \delta \mp \text{parall. decl. ad C}$$

---


$$PB - PS = \mp \phi. \sin \sigma. d\sigma = VS$$

$$2. \text{ Est vero } \gamma = \frac{VS}{BV}$$

$$3. BV = BPS. \sin BP.$$

$$4. BPS = \zeta - SPC \mp BPA$$

$$5. \text{ Ex Prop. II. 6. habetur } BPA = \frac{\cos \varepsilon. \sin \tau. \phi}{\cos \delta. \cos \eta}$$

Hoc



Hoc ita differentietur, ut nec declinatio nec parallaxis altitudinis varientur, solus angulus parallaëticus. Differentiale erit CPS — BPA;

$$6. \text{ Ergo } \text{BPS} = \zeta - \frac{\phi \cdot \cos \sigma \cdot d\sigma}{\cos \delta}$$

$$7. \text{ Sin PB} = \cos (\delta - \phi \cos \sigma) = \cos \delta \mp \phi \cdot \cos \sigma \cdot \sin \delta.$$

$$8. \text{ Itaque } \gamma = \frac{\sin \sigma \cdot \phi \cdot d\sigma}{\zeta - \phi \cdot \frac{\cos \sigma \cdot d\sigma}{\cos \delta}}$$

$$\left[ \zeta - \phi \cdot \frac{\cos \sigma \cdot d\sigma}{\cos \delta} \right] \cdot (\cos \delta \mp \phi \cos \sigma \cdot \sin \delta)$$

9. Dividantur, numerator et denominator per  $\zeta$ ; et denominator qui tunc prodit habebit duos factores, quorum quilibet, partem secundam habebit parvam prae prima; nam  $\cos \delta$ , pro corporibus parallaxin habentibus nunquam fit parvus. Ita habebitur vero proxime

$$\gamma = \frac{\sin \sigma \cdot d\sigma \cdot \phi}{\zeta \cdot \cos \delta}.$$

10. Est vero, differentiando diff. praec. §. 2, aequ. III.

$$\begin{aligned} \sin \sigma \cdot d\sigma &= \frac{(\sin \varepsilon \cdot \sin \eta - \sin \delta) \cdot d\eta}{\cos \eta^2 \cos \delta} \\ &= \frac{\cos \varepsilon \cdot \cos \alpha \cdot d\eta}{\cos \eta \cdot \cos \delta} \end{aligned}$$

Intelligendo per  $\alpha$ , hic azimuthum, non OAC Prop. I.

Item  $\sin \sigma \cdot \cos \delta \cdot d\tau = -d\eta$ ; Unde, propter  $\zeta = -d\tau$ ; est  
 $\sin \sigma \cdot \cos \delta \cdot \zeta = d\eta$

Denique  $\phi = \cos \eta \cdot \pi$ .

11. Quibus omnibus substitutis habetur ex (9)

$$\gamma = \frac{\cos \epsilon. \cos \alpha. \sin \sigma}{\cos \delta} \cdot \pi$$

Hic observandum est cosinum azimuthi intelligi  $\cos PZA$ ; et adeo negativum esse, si verticalis in quo est luna, cum quadrante meridiani a vertice ad austrum tendente contineat angulum acutum.

*Casus quibus  $\gamma = 0$ . Si evanescant,*

12. I)  $\sin \sigma$  in meridiano

II)  $\cos \alpha$  in verticali primario

III)  $\cos \epsilon$  sub polo.

Casus III continetur sub primis duobus. Observatori enim in polo constituto; quodlibet astrum semper est in aliquo infinitorum meridianorum, et semper in aliquo infinitorum circulorum primariorum.

*De astro in aequatore posito.*

13. Si  $\delta = 0$ ; est  $\cos \alpha = -\tan \epsilon. \tan n$ , et  $\cos n = \frac{\sin \epsilon}{\cos \sigma}$

unde  $\gamma = -\sin n. \frac{1}{2} \sin 2\sigma. \pi$ .

## PROP. V.

Explicare et examinare, correctionem quam ob parallaxin adhibendam docet Dom. de la Lande.

Fig. 5. 1. Dom. de la Lande Astron. 2028 ed. I. 2539 II; rationes ita subducit, verbis eius latine reddit.

2. Sit DE arcus aequatoris gradus unius, respondens quatuor temporis minutis, LB paralleli portio eodem tempore circulum horarium transiens. Hoc autem tempore, recesserit luna ab aequatore quantita-



titate BC; five ob parallaxis mutationem, five ob mutationem declinationis verae; erit igitur in C, cum fuisset in B, si haec mutatio non contigisset, et ita, loco paralleli LB, percurrit spatium LC. Hic arcus LC est *parallelus apparens* et arcus ei perpendicularis *horaryus apparens*, huius respectu mensuratur differentia adscensionum rectorum, filo iuxta lunae parallelum apparentem directo; Angulus igitur horum duor. circular. aequatur angulo CLB, apparentis paralleli et veri, in quo definiendo, errasse Mayerum iudico, sequens autem formula exacta est;

3. Sit LB, verus lunae parallelus aliquot minutorum spacio; L locus eius apparens primo momento in verticali DL; ducta LB ipsi DE parallela, esset B lunae locus apparens in verticali EB, si nihil mutatae essent parallaxis altitudinis et vera declinatio lunae.

4. Si vero parallaxis altitudinis, interea decrevit quantitate BA, luna non descripsit parallelum LB, sed apparentem LA. Is, cum priore continet exiguum angulum ALB, quem quaeremus.

5. Est vero  $\sin BLC = \frac{BC}{BL}$ , quae fractio ipsum angulum in decimalibus radii exprimit.  $ABC =$  angulo parallactico quem dico B; igitur  $BC = AB. \cos B$ .

6. Parallaxis altitudinis est  $p. \cos h$ ; dictis parallaxi horizontali  $p$ ; altitudine  $h$ ; eius variatio est  $p. dh. \sin h = AB$ .

7. Sed  $dh = BL. \sin B$ . Ergo  $AB = p. BL. \sin h. \sin B$ .

8. Et  $BC = p. BL. \sin h. \sin B. \cos B$ .

9. Et  $\text{angulus} = p. \sin h. \sin B. \cos B$ . Huc usque exhibui ratio-  
cinia Dom. de la Lande.

10. For-

10. Formula (9) utitur Dom. de la Lande; potest vero ea commodius ita exprimi  $\frac{1}{2} p. \sin h. \sin 2 B$ .

11. Hic angulus ex sententia Dom. de la Lande est quem continet diurnus ob parallaxin apparens, sive ut loquitur Dom. de la Lande *parallelus apparens*, cum parallelo vero, posito ipsam planetae declinationem interea non mutari.

12. Nam, quae ex declinationis mutatione oriuntur, deinde separatim considerat (v. Prop. I. 25).

13. Locus primus planetae, L; cum etiam sit apparens, observatori, planetam ex superficie terrae spectanti, evidens est, et illum locum non esse, ad quem referretur planeta ex centro terrae, non esse A fig. 3. sed B fig. 3.

14. Ut igitur ex fig. 3. habeatur, apta Dom. de la Lande; sint in fig. 6 et 3 eadem quae iisdem litteris notantur; sed fingatur declinatio vera constans, igitur AC fig. 6. parallelus aequatori; Porro in fig. 6 ut in fig. 4. fit  $CS = AB$ ; parallaxi altitudinis non mutata; Itaque in fig. 6. erit BS diurnus *qui appareret*, parallaxi altitudinis non mutata, BD diurnus *apparens* ob hanc parallaxin mutatam, et fig. 6; cum fig. 5; quae est Dom. de la Lande ita cohaeret

fig. 5. | vertic. per L | vertic. per A | L | B | A | ALB

fig. 6. | vertic. per B | vertic. per D | B | S | D | DBS

15. Igitur quaestio haec est: Si planeta declinationem non mutans, ob parallaxin spectatur in B; in verticali ZB; haberet autem in verticali propinquo ZC eandem parallaxin altitudinis, quam habet in verticali ZB, num via eius apparens ab uno verticali ad alterum BS, esset parallela aequatori?

16. Quae-



16. Quaestioni, in casu particulari planetae in aequatore constituti, respondetur: *non esse BS parallelam aequatori.*

Hoc enim casu, *parallela aequatori est, via planetae ob parallaxin altitudinis, perpetuo cum altitudine lege consueta mutatam apparens.* (Prop. II. 13).

17. Neque alias BS est parallela aequatori (Prop. IV) nisi casibus enumeratis Prop. IV, 12.

18. Itaque formula Dom. de la Lande (9) exhibet, planetae cuius declinatio non mutatur, diurni ob parallaxin apparentis, angulum cum diurno qui ob parallaxin appareret, si brevi tempore non mutaretur parallaxis altitudinis.

Qui angulus omnino diversus est, ab angulo diurni propter parallaxin apparentis cum parallelo aequatoris.

19. Ceterum, Dom. de la Lande, usus est formula sua, in illo ipso casu, ubi adeo facile est animadvertere eius LB fig. 5; non esse parallelum aequatori, lunae scilicet in aequatore positae.

*Exemplum.*

20. Sumit, Dom. de la Lande, ed. I §. 2030, Parisiis lunam observatam esse, cum est in aequatore, distans a meridiano angulo  $45^{\circ}$ ; altitudinem habens  $27^{\circ} 44'$  parallaxin vero horizontalem  $60''$ ; Hinc computat angulum parallacticum qui ipsi est  $B = 31^{\circ} 42'$ , ipsum igitur ALB fig. 5;  $= 12^{\circ} 30''$ .

21. Exempli huius computum paullo accuratius instituere operae pretium iudicavi, quoniam illo quaedam praecedentium illustrantur; facilior etiam est, propter declinationem nullam.

Fig. 6. 22. Sumo igitur

altitudinem ad A =  $\eta$  =  $27^{\circ} 44^1$

elevationem poli  $\epsilon$  =  $48^{\circ} 50^1 14$

$\pi$  = 1

$\delta$  = 0

23. Pro angulo parallactico ZAP est  $\cos \sigma = \frac{\sin \epsilon}{\cos \eta}$

Hinc reperiō ZAP =  $31^{\circ} 43^1 48^{11}$

24. Ex adfumentis, computantur parallaxes

altitudinis AB =  $53^1 6^{11}, 4$

declinationis MB =  $45^{\circ} 10, 1$

25. Cum in triangulo ZBP; dentur singula latera

ZP =  $41^{\circ} 9^1 46^{11}$

ZB =  $63^{\circ} 9^1 6, 4$

PB =  $90^{\circ} 45^1 10, 1$

habetur

ZBP =  $31^{\circ} 43^1 52$

Qui cum faltem 4 fecundis excedat ipsum ZAP (23) hoc calculo, illustratur Prop. II. 14. Et ipsum hoc exiguum discrimen pro parte inde venire potest, quod in usu tabularum partibus proportionalibus opus fit, et geometrico rigore anguli nunquam computentur.

Nam si eundem angulum computem ex proportionē  $\sin PB : \sin$

PA =  $\sin ZAP : \sin ZBP$ , habetur  $\sin ZBP = \frac{\sin 31^{\circ} 43^1 48^{11}}{\sin 89^{\circ} 14^1 50}$

unde ZBP =  $31^{\circ} 43^1 59^{11}$

26. Iam, ut viam apparentem BS fig. 5. obtineam, sumo cum ipso Dom. de la Lande, illam describi eo tempore quo angulus horarius variatur gradu uno; ut fit APC =  $\zeta$  =  $1^{\circ}$

27. Est



27. Est vero incrementum altitudinis ducto AK horizontali, AC.  $\sin KAC = \zeta. \sin \sigma$  in hoc casu declinationis constantis; unde habetur  $= 31^{\circ} 33^{\circ} 11, 3$ , et altitudo ad C;  $= 28^{\circ} 15^{\circ} 33^{\circ} 11, 3$ , pro cuius ultima parte, absque errore in parallaxibus computandis sensibili fumere licet  $30^{\circ} 11$ .

28. Angulum parallacticum ZCP ex formula (23) reperio  $31^{\circ} 16^{\circ} 28^{\circ} 11$ .

29. Ad C est parallaxis altitudinis  $CD = \pi. \cos 28^{\circ} 15^{\circ} 30^{\circ} 11 = 52^{\circ} 51^{\circ} 11$

30. Computetur hinc parallaxis declinationis ad C; est igitur, exprimendo CD per secunda 3171

$$\log CD = 3,5011906$$

$$\log \cos ZCP = 0,9318088 - 1$$

---


$$3,4329994$$

qui logarithmus omnino idem est cum ante reperto pro parallaxi declinationis ad A, (24) ut decet (Prop. II. 12.)

31. Est igitur in hoc exemplo BD lunae via ob parallaxin apprens, parallela aequatori a quo distat versus austrum quantitate MB (24)

Et adeo hic coincidunt BE; BD, fig. 3.

32. Sumatur  $CS = AB$  (24) et ducto PS computabitur CS.  $\cos$  Fig. 6.  $ZCP = 2723^{\circ} 11, 4 = 45^{\circ} 23^{\circ} 11, 4$ , parallaxis declinationis, locum habitura pro luna in C constituta, si eius parallaxis altitudinis eadem esset quae est in A.

$$\begin{array}{r} 33. \text{ Unde } PB = 90^{\circ} 45^{\circ} 10^{\circ} 11, 1 \\ \quad PS = 90 \quad 45 \quad 23, \quad 4 \\ \hline \quad SV = \quad \quad \quad 13, \quad 3 \end{array}$$

V 2

34. Ex

34. Ex Prop. IV. 14. hic computatur  $SBV = 12^1 29^{11}, 3$  negative accipiendus, hoc est cadens a parallelo aequatoris, non versus boream ut sumit fig. 4. sed versus austrum.

35. Scilicet, astri declinatione vera manente  $= 0$ , angulus paralleli cum diurno apparituro si non mutaretur parallaxis altitudinis, eadem formula definitur, qua Dom. de la Lande definit angulum diurni ob parallaxin debite mutatam apparentis, cum illo quem appariturum dixi. (Prop. IV, 13. Prop. V, 10.)

36. Haec autem formula hoc casu non ostendit, *quantum diurnus apparens inclinatur ad parallelum* (haec enim inclinatio nulla est (Prop. II. 13); sed: *quantum diurnus apparens, inclinatur ad appariturum*, qui appariturus, *non est* parallelus aequatori.

37. Edidit Dom. de la Lande Astr. 2030 ed. I. tabellam, anguli inter diurnos, apparentes et apparituros, pro elevatione poli Parisina, et variis a meridiano distantis, lunae in aequatore positaе. Illius qui usus esse possit, ex dictis intelligitur. Lunae in aequatore manentis, apparens ob parallaxin diurnus est aequatori parallelus. Quem cum illo angulum contineat diurnus appariturus, sub hypothese cui nullus locus est in rerum natura, id docet tabella.

38. In secunda editione, non habetur exemplum (20) sed aliud §. 2541 lunae extra aequatorem positaе, hoc utar Prop. VI. Tabella tamen (37) repetitur §. 2542, quod moneo ne quis credat exemplum mutasse Dom. de la Lande, quod aliter iam sentiat, de formula sua applicanda ad lunam in aequatore positam.

*Excutitur argumentum pro sententia Dom. de la Lande.*

39. Dom. de la Lande in figura sua (fig. 5.) rectas habet DL, EB; parallelas, Quae si tales ponantur, videtur ratiocinium ita posse subduci:

Sit



Sit Luna in aequatore in D, et, neglecto motu in declinationem, ponatur describere arcum DE.

Ob parallaxin vero, appareat in L, eo momento quo ex centro terrae apparet in D, ut sit DL parallaxis altitudinis illi momento debita.

Fingatur parallaxis haec constans esse dum luna transit ex D in E; Itaque capiatur  $EB = LD$ , ducta LB est via lunae apparitura si parallaxis maneret constans.

Si vero sint DL, EB, parallelae et aequales, non possunt non etiam LB, DE, esse parallelae et aequales.

Itaque LB, lunae via quam dixi apparituram, parallela est aequatori.

40. Huic ratiocinio, ne facram formulam Q. E. D. subscribam, id unicum me impedit, quod videam, DL, EB, eo rigore qui hic requiritur in exiguis angulis inveniendis, non esse parallelas.

41. Ut ea de re generalius et apertius constet, sumatur in fig. 3; BTCA pro figura plana, quod utique licet, et quaeratur quo angulo ad se inclinentur BA, TC;

42. Est vero dicto angulo  $BZT = w$ ;  $AK = w. \cos n$ ;  $BT = w. \cos(n - p) = w. \cos n \mp w. p. \sin n$ .

Possunt utique BA, TK, sumi pro aequaliter inclinatis ad BT, cum non sint exacte perpendiculares, propter parallelas AK; BT, inaequales.

Cogitetur ductum ex K in BT perpendiculum, id in recta BT interceptiet inter punctum in quo huic rectae occurrit et ipsam KT; partem  $\frac{1}{2}. w. p. \sin n$ . Ea divisa per KT, dat angulum  $\frac{1}{2}. w. \sin n$ , quo ad hoc perpendiculum inclinatur KT.

Ipsae ergo TK, BA, productae continent angulum w. fin  $n$ .

Et cum BT constituunt triangulum aequicrurum cuius crus quodvis est  $= \frac{\cos (n - p)}{\sin n} = \cot n \mp p$

43. Cum in fig. 4. omnia sint eadem cum fig. 3. nisi quod AC sit aequatori parallela in fig. 4; patet et in illa continere BA, TC, exiguum illum angulum, adeoque capta  $CS = AB$ ; etiam ipsas CA, SB, non esse exacte parallelas, sed parvum quemdam angulum continere:

44. Imo ex Prop. III. 32 statim intelligitur non esse parallelas AC, BS, quoniam tales sunt AC, BD, sed productas SB, CA, concurrere sub angulo  $= SBD$ .

45. Eundem angulum methodo multum diversa reperi. Consideravi triangulum, rectilineum cuius basis est AC, crura inaequalia sunt, rectarum BA, TC, ad occursum productarum, partes inde a basi, angulus basi oppositus est (42) repertus.

Huius trianguli computavi angulum ad basin C, formula analytica, quam exhibui in libro *Astronomische Abhandlungen* I. Abh. 55.

Deinde, ex formulis differentialibus angulorum, quaesivi quantum hic angulus varietur, quovis crure trianguli aucto quantitate  $CS = AB$ .

Haec anguli variatio utique est angulus quem continent productae SB, CA; et eius quantitatem reperi  $= SBD$ .

Ita calculus satis prolixus dedit quod brevius ostendi posse deinde didici.

46. Cum



46. Cum ipsis AC, BS, fig. 4. respondeant LB, DE fig. 5. perspicuum est, has non esse parallelas. Scilicet in casu fig. 3. DE, LB sunt parallelae (Prop. III. 32.)

*Cur hic in fig. 4. considerandus sit VBD angulus?*

47. Posita, ut fit in fig. 4. AC aequatori parallela, utique est BD parallela parallelae aequatori. (Prop. III. 32) et tamen per B, ductus est BV arcus paralleli aequatori.

Scilicet parallelus aequatori per punctum aliquod sphaerae, est perpendicularis horario ad id punctum ducto.

Hoc sensu est AC in parallelo aequatori per A.

48. Ducto vero horario PB, non perpendicularis est BD fig. 4. Nam  $CAB = 90^\circ \mp \sigma$ , cum quo angulo duo rectos efficit DBA; est vero  $PBA = \sigma \mp d\sigma$ , unde  $PBD = 90^\circ \mp d\sigma$ , recto minor in casu figurae (Prop. II. 4.)

49. Itaque ducto fig. 4. BV perpendiculari in PB est utique  $VBD = 90^\circ - PBD = -d\sigma$  omnino ut vult Prop. III; 31; cum hic sit  $\alpha = 0$ .

50. Si vero fit AC fig. 6. arcus aequatoris ipsius, evanescet  $d\sigma$  (Prop. II. 4) et huius fig. 6. BD, parallela ipsi AC (Prop. III. 32) censetur horario PB perpendicularis, coeuntibus BD, BV. non vero est perpendicularis horario, BS, sed cum illo continet angulum recto maiorem, illo quem computare docet Dom. de la Lande (9).

51. Ex relatione fig. 5 et 4 (14) intelligitur angulum, illo quem dixi rectum excedentem, continere LB, fig. 5. cum horario ad L ducto, adeoque minus recte ab illo sumi pro parallela aequatori.

52. Ita

52. Ita indivulso nexu cohaerent omnia, in illa sententia, a qua diversam proposuit Dom. de la Lande.

## PROP. VI.

*Angulus quem computat Dom. de la Lande, debite iunctus angulo  $\gamma$  Prop. IV. efficit veram correctionem Prop. III. 26.*

1. In fig. 4. quae ex Prop. IV. nota est, cape CD parallaxin, debitam altitudini in C; adeoque ipsa CS minorem in casu quem figura exhibet. Ducta BD est via lunae apparitura, si mutaretur consueta lege parallaxis, maneret autem declinatio. Itaque angulus DBS est ille quem computat Dom. de la Lande (Prop. V. 18) signis quibus ille utitur (ib. 9; 10) in mea translatis est hic angulus  $\frac{1}{2}\pi$ .  $\sin \eta$ .  $\sin 2\sigma$ . Dicam illum  $\lambda$ .

2. Itaque ex Prop. IV; est  $VBD \text{ fig. 4} = \gamma \mp \lambda$ .

3. Differunt autem BD fig. 4; et BD fig. 3; si cetera omnia eadem sint, eo, quod  $\alpha$  Prop. I. positum sit  $= 0$  ut fig. 3 abierit in fig. 4.

4. Itaque EBD fig. 3 est VBD fig. 4, auctus angulo  $\alpha$ .

5. Hoc est (Prop. III; et Prop. praef. 2)  $\beta = \alpha \mp \gamma \mp \lambda$ .

6. Id calculus confirmat modo qui sequitur.

Addantur valores  $\gamma$  Prop. IV; 10; et  $\lambda$  praefens; est  $\gamma \mp \lambda =$

$$\left( \frac{\cos \varepsilon. \cos \text{azimuthi}}{\cos \delta} \mp \sin \eta. \cos \sigma \right). \sin \sigma. \pi$$

Eliminentur cosinus, azimuthi, et anguli parallactici, et id quod ducitur in  $\sin \sigma. \pi$  reperitur  $\tan \delta. \cos \eta$ .

Igitur  $\gamma \mp \lambda = \tan \delta. \cos \eta. \sin \sigma. \pi = -d\sigma$  (Prop. II; 4)  $= \beta - \alpha$  (Prop. III; 31).

7. Pro



7. Pro luna in aequatore, est (Prop. IV; 13; Prop. VI; 1)  $\gamma = -\lambda$  et VBD fig. 4;  $= 0$  ut decet (Prop. V. 16).

## PROP. VII.

*Ordo calculi trigonometrici, ad inveniendum  $\beta$  Prop. III.*

1. Sumo data quae habentur ex Prop. I. II.
2. Itaque AO (Pr. I. 7) OC (ib.) reperto OAC (ib. 17) pro luna (ib. 28). Item AC (Prop. I; 11).
3. Propter PAO rectum;  $PAC = 90^\circ - \alpha$ , unde  $CAZ = 90^\circ - \sigma - \alpha = ACK$ .
4. Ergo  $KA = \zeta \cdot \text{cof } \delta \cdot \text{sec } \alpha \cdot \text{cof } (\sigma \mp \alpha)$   
 $KC = \zeta \cdot \text{cof } \delta \cdot \text{sec } \alpha \cdot \text{fin } (\sigma \mp \alpha)$   
 dicatur  $KC = dn$
5. Angulus AZK dicatur  $w$ ; est  
 $w = \zeta \cdot \text{cof } \delta \cdot \text{sec } \alpha \cdot \text{cof } (\sigma \mp \alpha) \cdot \text{sec } n$
6. Iam transeundo ad effectus parallaxis; In fig. 3. dantur ZB; ZD; complementa altitudinum  $n - p$ ;  $n - (p \mp dp)$  dicta  $AB = \pi$ .  $\text{cof } n = p$ ; et  $CD = \pi \cdot \text{cof } (n \mp dn) = p \mp dp$  ubi si crescat altitudo,  $dp$  est quantitas negativa.
7. Agatur BT horizonti parallela, elementum circuli per B horizonti paralleli; et sunt altitudines, punctorum: B; T;  $= n - p$ ; D;  $= n \mp dn - p - dp$ ; unde  $DT = dn - dp$ .
8. Item  $DT = \text{cof } (n - p) \cdot w$

9. Sit  $DBT = \theta$ ; datur

$$\text{tang } \theta = \frac{dn - dp}{\text{cof } (n-p) \cdot w}$$

10. Datur  $ZAP$ ; et eius variatio ob parallaxin (Prop. II. 4).

$$\text{Unde } ZBP = \sigma \mp d\sigma$$

$$\text{Sed } TBE = 90^\circ - EBZ = ZBP.$$

11. Item  $DBE$ ; vel  $\beta = TBD - TBE$ .

12. Ergo datur  $\beta = \theta - (\sigma \mp d\sigma)$ .

13. Hae formulae immediate aptantur, declinationi boreali crescenti, et planetae in hemisphaerio orientali posito. Australis declinatio, ut notum est, negativa censetur. In hemisphaerio occidentali negativus est  $\tau$ ; item  $\sigma$ . (Prop. III, 31).

14. Subiicere haec volui, quoniam Dom. de la Lande, ed. I, §. 2930, II. 2541; afferit: idem fere quod formula eius exhibet, reperi-  
tum iri, si computentur parallaxes, pro duobus momentis, exiguo intervallo, v. c. quatuor minutorum distantibus. Haec prolixius non explicat, mihi vero videtur, eam methodum ducturam ad calculos quorum seriem in hac Prop. exhibui.

### *Exemplum huius calculi.*

15. Die 20 Oct. 1763, hor. 6; min. 30; pomer. sint lunae parallaxis horizontalis  $\pi = 54^1 2^{11} = 3242^{11}$ ; altitudo vera  $n = 14$ ; declinatio  $\delta = 5^\circ 36^1$ ; locus observationis Lutetiae, ubi elevatio poli  $\epsilon = 48^\circ 50^1 12^{11}$ .

Numeros hos habet Dom. de la Lande, Afir. ed. II, 2541.

16. Ex



16. Ex ephemeridibus constat, lunam tunc fuisse in hemisphaerio occidentali.

17. Ex datis computavi angulum horarium  $\tau = - (75^{\circ} 51' 42'')$  negativum sumo quia occidentalis est; Dom. de la Lande eius anguli gradus solos indicat, neglectis partibus.

18. Item parallacticum angulum  $\sigma = - (40^{\circ} 57' 43'', 3)$  etiam negativum (13). Huius anguli minuta secunda neglexit D. de la Lande.

19. Parallaxin altitudinis  $AB = p$ , reperio  $52' 25'', 7 = 3145'', 7$ .

20. Ex ephemeridibus Viennensibus 1763, inter meridies eius diei et sequentis, crescit declinatio lunae borealis, gradibus 5; minutis primis 33; secundis 28; quod incrementum  $= 20008''$ ; unde (Prop. I. 28);  $\alpha = 55' 9''$ ; positivus.

21. Distantia occidentalis lunae a meridiano, crescat gradu uno, est  $d\tau = - 1^{\circ}$  negativum ob quantitatem negativam crescentem, unde (Prop. I. 12) —  $d\tau$  seu  $\zeta = \mp 1^{\circ}$

22. Ex 2; 20 habetur

$$\log AO = 3,5542248$$

$$\log OC = 1,7596244$$

$$\log AC = 3,5542807$$

$$\text{unde } AO = 3582'', 8$$

$$OC = 57, 49$$

$$AC = 3583, 3$$

33. Est ergo

$$\sigma = - (40^{\circ} 57' 43'', 4)$$

$$\mp \alpha = \mp \quad 55 \quad 9$$

---


$$\sigma \mp \alpha = - (40^{\circ} 2 \quad 34, \quad 4)$$

negativus, cuius ergo finus negativus est, cosinus positivus.

X 2

24. In

24. In calculo numerum minutorum secundorum, partem ultimam huius anguli constituentium, statuam 30; ne tempus perdam quaerendis partibus proportionalibus.

Similiter numerum secundorum in  $\sigma$ , statuam 40.

25. Pro KC (4)

$$\begin{aligned}\log CA &= 3,5542807 \\ \log \sin (\sigma \mp \alpha) &= 0,8084436 - 1 \\ \hline \log KC &= 3,33627243\end{aligned}$$

Unde  $d\eta = -2305^{11}, 2 = - (38^1 25, 2^{11})$  negativum ob  $\sin (\sigma \mp \alpha)$  negativum; scilicet tantum decrefcit altitudo lunae.

26. Unde cum effct  $ZB = 76^\circ$   
est  $ZC = 76 \ 38^1 25^{11}, 2$

27. Hinc habetur ad C; parallaxis altitudinis

$$\begin{aligned}CD &= 3154^{11}, 2 = 52^1 34^{11}, 2 \\ \text{et ex (19); } dp &= \mp 8,5\end{aligned}$$

29. Et ex (25; 27;)  $d\eta - dp = - (38^1 33^{11}, 7) = -2314^{11}$

30. Ex (15; 19) est  $\eta - p = 13^\circ 7^1 34^{11}, 3$

31. Item ex Prop. II. 4;

$$\begin{aligned}\log (\cos \eta. \pi) &= \log p = 3,4977171 \\ \log \sin \sigma &= 0,8166036 - 1 \\ \log \tan \delta &= 0,9914514 - 2\end{aligned}$$

$$\log d\sigma = 2,3057721$$

Unde  $d\sigma = \mp 202^{11}, 2 = \mp 3^1 22^{11}, 2$  positivum quia formula eius Prop. II. 4; praefixum habet signum negativum hic vero  $\sin \sigma$  est negativus.

23. Igi-



$$32. \text{ Igitur } \sigma = - (40^{\circ} 57^{\text{I}} 43^{\text{II}}, 3)$$

$$d\sigma = \mp \quad 3 \quad 22, \quad 2$$


---

$$\sigma \mp d\sigma = - (40 \quad 54 \quad 21, \quad 2)$$

33. Iam ex (4)

$$\log. CA = 3,5542807$$

$$\log \cos(\sigma \mp \alpha) = 0,8839888 - 1$$


---

$$\log KA = 3,4382695$$

$$\log \sec n = 0,0130959$$


---

$$\log w = 3,4513654 (5)$$

$$\log \cos(n-p) = 0,9885041 - 1$$


---

$$\text{Summa} = 3,4398695$$

$$10 \mp \log 2314 = 13,3643633 (29)$$


---

$$\log \tan \theta = 9,9244938 (9)$$

$$\text{Unde } \theta = - (40^{\circ} 2^{\text{I}} 40^{\text{II}})$$

$$- (\sigma \mp d\sigma) = \mp \quad 40 \quad 54 \quad 21$$


---

$$\beta = \mp \quad 51 \quad 41 \quad (12)$$

*Huius exempli calculus ex formula Prop. III, 31.*

$$33. \text{ Erat } \alpha = \quad 55^{\text{I}} \quad 9^{\text{II}}$$

$$- d\sigma = - (3 \quad 22)$$


---

$$\alpha - d\sigma = \beta = \quad 51 \quad 47$$

34. Unde elucet egregius consensus Prop. III; et VII.

*Calculus huius exempli secundum formulam Dom. de la Lande.*

35. In Prop. V. 10; est

$$\text{hic} \left| \begin{array}{c|c} p & B \\ \hline 3242^{11} & 40^{\circ} 57' 43^{11}, 3 \end{array} \right| \begin{array}{c} h \\ 14 \end{array}$$

negligendo conditionem quod parallacticus angulus negativus sit.

$$\text{Ergo } 2B = 81^{\circ} 55' 26^{11}, 6 \text{ et}$$

$$\log \frac{1}{2} p = 3,2097830$$

$$\log \sinh = 0,3836752 - 1$$

$$\log \sin 2B = 0,9956695 - 1$$

---


$$2,5891277$$

$$\text{respondet } 388^{11}, 2 = 6' 28^{11}.$$

36. Eundem valorem obtinet Dom. de la Lande adhibitis (Prop. V. 9) logarithmis cosinus et sinus anguli  $40^{\circ} 57'$

*Calculus secundum Prop. VI.*

37. Ex formula  $\sin \text{azimuthi} = \frac{\cos \delta \cdot \sin \sigma}{\cos \varepsilon}$  computo azimuthum  
 $= - (82^{\circ} 23' 20^{11} \mp)$  negativum quia sinus eius negativus est (18).  
 Eo signo vero id faltem indicatur, esse azimuthum occidentale.

38. Perspicuum est ex iis quae de luna sumuntur (15), angulum acutum repertum (37) cadere ab austro versus occidentem; illum igitur angulum, cuius cosinus in Prop. V. 11 dicitur  $\cos \alpha$ ; obtusum esse, et adeo id quod ibi dicitur  $\cos \alpha$  est negativum.

Qua de re si quis dubitet, facile experiri potest an positivum an negativum sit, id quod loco quem dixi appellatur  $\cos \alpha$ . Eius enim  
 valor



valor exhibetur in differtat. praeced. art. 1, aequat. I. In cuius valoris numeratore, si adhibeantur numeri praesentes (15), facile logarithmorum ope reperitur  $\sin \epsilon. \sin \eta = 0,1821$ ; Est vero  $\sin \delta = 0,097$ . unde constat valorem illum esse negativum.

Quod si angulus ZPA fig. 1. circuli verticalis versus orientem cadentis, cum quadrante meridiani in quo est polus, dicatur azimuthum; ita vero intelligitur in aequatione I. art. 1. diff. praec. cogitari potest hic angulus crescere usque ad  $180^\circ$ , cadente tunc verticali in meridianum: si post, promoveatur verticalis versus occidentem, angulus quem dixi fit duobus rectis maior, et habet sinum negativum, cosinum etiam negativum, quamdiu minor est tribus rectis. Hic est casus exempli praesentis.

Haec in transitu monere volui, ut intelligatur quomodo formulae analyticae adhibendae sint, his neglectis in errorem inducturae.

39. Iam igitur ex Prop. V. II;

$$\log \cos \text{azim} = 0,1220974 - 1$$

$$\log \cos \epsilon = 0,8183679 - 1$$

$$\log \sin \sigma = 0,8166036 - 1$$

$$\log \sec \delta = 0,0020777$$

$$\log \pi = 2,2111226$$

---


$$\text{Summa} = 2,2698086$$

$$\text{Unde } \gamma = \mp 186^{\text{II}}, 12 = \mp 3^{\text{I}} 6^{\text{II}}$$

Positivus hic valor est, quoniam sinus anguli parallactici, et cosinus azimuthi ambo negativi sunt.

40. Quan-

40. Quantitas ipsius  $\lambda$ , reperta est (36), sed est illa negativa (Prop. VI. 1) propter angulum parallacticum negativum.

$$\begin{aligned} 41. \text{ Itaque } \gamma &= \mp 3^{\text{I}} 6^{\text{II}} \\ \lambda &= -(6 \ 28) \end{aligned}$$

---


$$\gamma \mp \lambda = -(3 \ 22)$$

Exacte =  $d\sigma$  (33). Omnino ut docet Prop. VI. 6.

Itaque ex Prop. VI; 5, reperitur  $\beta$  idem ac (33).

42. Ita correctionem Dom. de la Lande, ego adhiberem, si adhibere illam vellem. Quae de eius usu ipse praecipit, rectius apud eum leguntur.







Fig. 12.




Fig. 13.




Fig. 14.




Fig. 15.



Fig. 16.




Fig. 18.







Fig. 17.













---

ALB. LVD. FRID. MEISTER

DE

HERONIS FONTE EDVCENDIS EX  
PVTEO AQVIS ADHIBITO,

SIVE

DE HYDRAVLO PNEVMATICO SCHEM-  
NITIENSI

COMMENTATIO

PRAELECTA

DIE IX IAN. MDCCCLXXIII.

---

**A**nnus est et quod excurrit, cum in confesso Vestro verba feci de Hydraulo, qui est, si rationes musicas demseris, siphon aërem, beneficio aquae incumbentis compressum, expellens. Hodie item de Hydraulo sermonem instituam, sed qui sit siphon aquam, beneficio aëris incumbentis compressam, expellens. Alter auribus demulcendis repertus fuit; alter divitiis è terrae gremio eruendis. Illum ingeniorum fecunda olim protulerat Graecia; hunc nostra aetate protulit auri ferax Hungaria. De illo consulendi erant Herones, Vitruvii, Athenaei, Claudiani; de hoc audiendi sunt Hoellii, Bodae, nobiles Bornii. Nempe est, ut planius agam, inter machinas, quae metallis in vicinia

*Comm. Soc. Goett. T. IV.*

Y

Schem-

Schemnitii exercendis inferviunt, Hydraulus aquam educens, quem ob aëris adminiculum, machinam pneumaticam dicunt. Constituunt illam binae arcae: clibanos a formae similitudine dixeris, pnigeos cum Vitruvio, ab aëris et aquarum compressionibus. Tubis et nariibus sunt instructae, ceterum clausae, intercedente vero longiori fistula inter se iunctae. Alter clibanus, isque major, constituitur in loco superiori, minor alter in inferiori. Uterque per vices aqua et aëre ita impletur, ut, dum aqua subdialis in superiorem influit, aërem inde expellat in inferiorem, aëri compresso locum concedat aqua putealis, qua hic plenus erat, et in convenientem altitudinem expellatur.

Hujus organi brevem descriptionem continet, quae nuper prodiiit, sylloge machinarum Schemnitensium; uberiores vero peculiaris libellus, calculo ejusdem machinae dicatus *a)*. Quem cum primum inspexi, statim subiit mirari eximiam organi simplicitatem, quod nullis rotarum conversionibus, nulla vectium reciprocatione, nulla tignorum perticis junctorum oscillatione, quin ne embolo quidem, indigeret ad aquas ex puteo exprimendas. Hinc non poteram non plausu prosequi felix Hoellii ingenium, qui, inter plurimas alias easque utilissimas machinas, hujus quoque ideam animo concepisset et ad effectum perduxisset. Licebit enim ad hunc auctorem retulisse rem, de cujus jam non origine, sed effectum, sollicitus ero; quamquam his non absimilia hinc inde in libris, qui pneumatica et hydraulica tractant, vidisse

*a)* Kurtzgefasste Beschreibung der bey dem Bergbau zu Schemnitz in Nieder-Hungarn errichteten Maschinen. Verfasst von Nicolaus Poda S. I. Herausgegeben von Ignatz Edlen von

Born. Pragae 1771.

Berechnung der Luftmaschine, welche zu Schemnitz von Ios. Karl Hoell erfunden und (1753) erbauet worden, von Nicólaus Poda. Viennae 1771.



disse mihi videor; quod eo magis vero simile est, cum tota machina nihil aliud sit, quam ab Herone dictus fonticulus. Accidit vero, cum porro legissem, ut quaedam plane contra expectationem meam relata deprehenderem. Quae qualia sint, paucis accipite.

Primo quidem effectus, qui de machina praedicabatur, procul aberat ab eo, qui juxta mechanicae leges convenire videbatur organo tam simplici, quod frictione solidorum corporum plane careret, et ab attritu fluidorum, temporis quidem aliquam, altitudinis vero et molis expressionum jacturam pateretur nullam. Cum enim aquae subdialis, ex summo receptaculo seu castello in siphonem influentis, moles et lapsus unice insumantur in aquae putealis molem, in altero siphonis crure, ad certam altitudinem elevandam: consequens esse videbatur, ut et altitudines et moles utrinque fere essent aequales; nisi quod altitudini aquae elevatae tantillum decedere debebat, quantum ad locum aquae elabenti praebendum sufficeret; in quantitate autem tantundem desiderari, quantum aquae influentis, incuria administrantium, per rimas et nares elapsum fuisset. Quae longe secus eveniunt. Nam illapsu aquae subdialis, per quadraginta orgias, aqua putealis non altius assurgere dicitur, quam ad decimam sextam orgiam; et tamen illius insumuntur quadraginta sex amphorae, ut hujus obtineantur una et viginti. Quod si itaque causam et effectum ex ponderibus in altitudines ductis aestimare velimus, illa ad hunc erit in ratione numerorum 40. 46: 16. 21, aequali fere 5,5: 1. Operae pretium erit disquirere, utrum haec tanta potentiae jactura organi ipsius genio, an constructionis vitio, debeat.

Secundo, ex tabula laudati libelli, ad paginam 39 obvia, si recte eam intelligo, adparet, auctorem calculi rationes ita subduxisse,

Y 2

ut

ut aqua largior per viginti duas orgias descendens, possit tollere minus aquae volumen per quadraginta et amplius orgias; item, quae labitur ex altitudine quadraginta orgiarum, possit exprimere aquam ad sexagesimam usque altitudinis orgiam. Et sane in aliis machinis solenne est, qua potentia pondus in altitudinem sublatum est, eadem dimidium ponderis tolli potuisse in altitudinem altero tanto majorem. Verum paullo attentior organi Schemnitienſis consideratio docet, illius rationes aliter esse comparatas; nempe ita, ut in computo altitudinum aquae expressae, non volumina, sed itidem altitudines aquarum descendentium, plane ut in siphone, debeant spectari.

Tertio, vasorum forma, si rite construatur, eam virtutem habere visa est doctissimo auctori, ut vel altius evehat pristinum aquae volumen, vel aequae alte majora volumina. Cujus asserti ratio a re tormentaria petita esse videtur. Nempe in eruptionibus aëris, ex incendio pulveris nitrati tormento inclusi, dubium non est, quin effectus in globum projiciendum partim pendeat a ventris, qui pulverem pyrium recipit, deformatione. Haec enim multum conferre potest, ut momenta virium, quae ex infinitis fere singulorum granorum explosionibus quasi contrahenda sunt, in breve tempusculum et in commodum corporis percutiendi locum conspirent; ne, si cunctanter serpat incendium, alia non profint globo jamdum exploso, alia male eundem feriendo motui potius obsint. Videndum igitur est, utrum idem obtineat in aquarum expressionibus; et quae forma organi, illis vel augendis, vel concitandis, vel etiam ad aequabilem celeritatem reducendis, maxime conducere possit.

Quarto denique loco, dum epilogum auctoris de virtutibus et naevis hujus organi perlustro, varia mihi visus sum animadvertere, quae  
ad



ad illas augendas et ad hos minuendos vel tollendos facere possint. Huc pertinent aquae ad maiorem, quam unde lapsa est, altitudinem expulsio; ejusdem ex locis, pro machinae collocatione justo deprefioribus, extractio; automaticae organi, ad singulos haustus, mutationes, quae operarum ministeria antea requirebant; et quae sunt reliqua.

Inde nata est, quam Vobis offero, commentatio; non inutilis, si quid conferre possit ad perficienda et augenda instrumentorum, aut laborum, quibus metalla exercentur, compendia.

## PROBLEMA I.

Altitudinem definire, ad quam Hydraulus pneumaticus aquam possit exprimere.

### *S o l u t i o .*

Caussa surgentis aquae est actio compressi aëris; et altitudo surgentis aquae pendet a gradu compressionis. Aëris vero compressio oritur ab aquae descensu; et gradus compressionis eodem modo pendet ab altitudine descendente aquae. Hinc dubio omni caret, quaecunque fuerit aëris compressio, quoniam utrinque aequalis est, altitudines quoque descendente et ascendente aquae fore aequales; quin posse, in casu aequilibræ, utramvis, respectu alterius, vel pro ascendente vel pro descendente haberi.

## COROLLARIUM I.

Si quis rem totam, et quae deinceps dicentur, facilius perspicere cupiat, juvabit clibanos organi juxta se collocatos animo sistere. Fig. I.

Is enim situs effectum plane non mutat, quatenus hic dicitur aquae supra alterum clibanum ascensus; neque caussam, quatenus est aquae in alterum clibanum descensus. Quin, utroque vase in unum coëunte, par erit ratio; nisi quod jam aqua subdialis cum colluvie montana miscebitur, aut potius eadem aqua, quae descendit, iterum adscendet; cum antea, post singulos haustus, delapsa et munere suo functa aqua ex superiori clibano emitteretur; et, ante singulos haustus, extrahenda aqua in clibanum inferiorem immitteretur. Ita vero Organum ad simplicissimam siphonis inversi, et receptaculo aliquo, quod secedenti aëri locum praebeat, instructi speciem redactum, clare ostendit, utriusque rationem convenire.

### COROLL. 2.

Ex consideratione siphonis illud etiam patet, multitudinem aquae in ductum deferentem irruentis, hoc est ductus ipsius amplitudinem, nihil plane posse, neque ad altitudinem aquae elevandae augendam, neque ad celeritatem, qua ex crure paullulum deminuto effluit.

### COROLL. 3.

Fig. 3. Ubi altitudinum differentia = E, in situ utriusque arcae satis magna est; praeter illam differentiam inter altitudines aquae descendens et ascendens, quae effluxui locum praebet, alia orietur ab inaequali pressione atmosphaerae. Hanc differentiam fore, ad differentiam situs, in ratione specifica gravitatis aëris, qui nos ambit et aquae, ex hydrostaticis facile colligitur. Sit ergo altitudo descensus = a, ascensus = a — x, differentia situs utriusque arcae = b, ratio inter gravitatem aëris et aquae = 1 : n; erit  $x : b = 1 : n$ , et  $x = \frac{b}{n}$ . Ubi simul hoc apparet, illam differentiam x, non pendere ab altitudine descensus



fus  $a$ , vel adscensus  $a - x$ , sed mere ab intervallo  $b$ , et a valore  $n$ , qui pro aëris conditione, atmosphaerae altitudine, regionis situ, putei profunditate, quin et aquae natura, variat quidem, sed ita, ut differentiarum  $x$ , varietas inde orta fere possit negligi. In monte Cordilleras, ut hoc exemplo utar, Dn. Condamine notavit barometri altitudinem 15 pollicum, quae fere dimidium est altitudinis mediae 28  $\frac{1}{2}$  pollicum. Quod si ergo interim sumamus, gravitates aëris specificas esse in ratione compressionum, et has in ratione elasticitatis: consequens erit, ut gravitas specifica aëris, ad radicem montis, fuerit duplo major, quam aëris in summo jugo. Hinc valor litterae  $n$  variat intra simplum ac duplum. Est vero gravitas specifica aëris, qui nos ambit, ad gravitatem aquae, fere in ratione 1:800; hinc in monte altissimo ut 1:1600. Potest itaque variare differentia  $x$ , intra valores  $\frac{b}{800}$  et  $\frac{b}{1600}$ ; quae tota vix in censum venire meretur, quando quidem altitudo  $b$ , aut putei profunditas, raro 800 pedes aequabit; qui unius fere pedis differentiam conficerent.

## COROLL. 4.

Quod si igitur usus postulet, ut aqua putealis altius tollatur, quam aqua subdialis defluit; hoc nullo alio modo obtineri potest, quam ita, ut organum multiplicetur, aquamque resumat et gradatim altius tollat. In simplici organo frustra sunt, qui, aucta aquae descendentis mole, hoc est columnae aquae impendentis crassitudine, vel quocunque alio modo plus aquae consumendo, fieri posse sperant, ut vel tantillum aquae educendae, libratam altitudinem superet.

## COROLL. 5.

Conversa vero ratione, si aquarum expressiones multum defecerint a descensus altitudine, et nullo modo, ut ad confinia usque differentiae

rentiae  $x$ , in Corollario 3 definitae, accedant, producto hac parte siphone cogi se passae fuerint; liquido constabit, hoc non organi indole, sed structurae vitio, aut quocunque fortuito impedimento, contingere.

### COROLL. 6.

Quidquid siphoni aquam exprimenti decedit de longitudine, hoc est de orificii supra clibanum inferiorem altitudine; hoc accedit ad aquae proficientis celeritatem. Pendet enim illa celeritas ab excessu altitudinis in utroque siphonis crure; et sunt diversae aquarum proficientium celeritates inter se in ratione subduplicata illorum excessuum,  $C: c = \sqrt{D}: \sqrt{d}$ . Hinc si usurpari possit altior descensus aquae, quam qui expressionis altitudini sufficiat; in temporis lucrum plane non erit negligendus. Quo enim celerius peraguntur singuli haustus, tanto plures in dato temporis intervallo sibi succedere poterunt.

### COROLL. 7.

Fig. 3. Nihil impedit, quo minus vasum, quod aquam exprimit, altius collocatum sit, quam alterum, in quod aqua administrata influit. Ita fonticulus Heronis orietur. Problema vero convertetur in similitudinem illius casus, quo partem aquae ex fonte descendentem adhibemus in id, ut pars reliqua altius tollatur, quam fontis situs permittere videatur. Qui fane usus, in metallorum puteis aqua liberandis, non postremus est; ubi saepe accidit, ut aquarum in machinae usum collectarum castella inferiori, quam cryptarum metallicarum aditus, sita sint loco. Quae cum ita sint, arca aërem exprimens, quam hactenus superiorem diximus, melius dicetur major; altera, quam inferiorem diximus, rectius minor.

COROLL.



## COROLL. 8.

Si fistula, quae aquam prius exprefferat, jam aquam accipiat, altera vero, quae prius aquam acceperat, jam exprimat; vasorum etiam vices mutabuntur et in alteram speciem convertetur organum. Quod si autem aqua, per alterum crus, non exprimatur ab aëre incluso compressiori, sed injiciatur ab aëre externo compressiori; per alterum vero crus non influat suo pondere, sed effluat: tum inversum in aliam speciem dici poterit organum. Plane ut siphon vel erigitur, vel invertitur. Quatuor itaque omnino organi erunt species. Sit  $E$ , situs altitudo vasis  $A$ , aërem exprimentis, supra vas  $B$ , aquam exprimens; sit  $R$ , altitudo castelli supra vas  $A$ ; sit denique  $r$ , altitudo emisarii supra vas  $B$ . Prima organi species habet valores  $\pm R, \pm E, \pm r$ ; secunda  $\pm R, -E, \pm r$ ; tertia  $-R, \pm E, -r$ ; quarta  $-R, -E, -r$ . His accedunt quatuor species, ubi valores  $R, r$ , oppositi sunt, nempe  $\pm R, \pm E, -r$ ;  $\pm R, -E, -r$ ;  $-R, \pm E, \pm r$ ;  $-R, -E, \pm r$ ; quarum vero nulla alia virtus est, quam ut naturalis, sive effluxus seu illapsus aquae, acceleretur. Ubi denique  $E = 0$ , ad  $\pm R, \pm r$ , oritur siphon inversus; ad  $-R, -r$ , siphon erectus; ad  $\pm R, -r$ , simplex fistula, illapsu superioris aquae inferiorem eo potentius expellens; ad  $-R, \pm r$ , fistula, elapsu inferioris aquae superius adfluentem eo potentius attrahens.

## COROLL. 9.

Quod si vasorum altitudo  $P, p$ , prae multo majori columnarum  $R, r$ , altitudine, in censum non veniat; summae velocitates  $c$ , quibus aquae exprimuntur ex orificio fistulae  $r$ , pendent a differentia  $R - r$ . Hinc ubi  $R$ , majus est quam  $r$ , ad valores  $\pm R, \pm r$ , et eo magis ad  $\pm R, -r$ , erit illa differentia et inde pendens  $c$ , valoris positivi;

ad  $-R$ ,  $-r$ , multo magis ad  $-R$ ,  $+r$ , erit valor  $c$ , negativus. Ubi vero  $R$ , minus est quam  $r$ , bini casus contra evenient; nempe  $+R$ ,  $+r$ , efficit jam  $c$ , negativum;  $-R$ ,  $-r$ , autem  $c$ , positivum; bini casus  $+R$ ,  $-r$ , et  $-R$ ,  $+r$ , valorem  $c$ , eodem, ut ante, signo afficiunt, prior positivo, posterior negativo. Innuit vero positiva celeritas  $c$ , aquam ex fistula  $r$ , effluere; negativa, aquam in illam influere.

## PROBLEMA II.

Datis organi mensuris et reliquis conditionibus, molem aquae ad singulos haustus expressae definire.

### *S o l u t i o.*

Fig. 3. Ponamus arcarum figuram prismaticam; superioris, seu genera-  
& 4. tim majoris quae aërem exprimit, basin  $= Q$ , altitudinem  $= P$ ; inferioris, sive in genere minoris aquam exprimentis, basin  $= q$ , altitudinem  $= p$ ; altitudo columnae aquae descendantis sit  $= R + P$ , ejusdem excessus supra altitudinem arcae superioris  $= R$ : altitudo columnae surgentis aquae sit  $= r + p$ , ejusdem excessus supra altitudinem arcae minoris  $= r$ . Minor clibanus ejusque tubus, sursum ferens aquam, sint aqua pleni, intercedente inter utrumque valvula seu assario, quod caveat, ne aqua expressa relabatur. Major clibanus ejusque tubus aquam deferens, ut et tubus, qui aëris inter utrumque clibanum commeatui inservit, sint aëre naturali pleni. Lumina fistularum, seu quod sperni possint prae multo majoribus clibanorum luminibus, seu brevioris calculi causa, neque hic neque deinceps in censum venient. Idem dicendum est de mutationibus, quae ab aëris percussu elasticitate et inertia, in velocitates aquae descendantis et ascendantis, redundant. Quae ut neglegi possint, non in



in ipso motu machinam considerabimus, verum ita, ut aquae descensus, in quolibet dato temporis vel altitudinis puncto, sistatur, donec aër in eum statum redierit, qui quieti et aequilibrio aquae evectae conveniat. Quo facto demum in hujus altitudinem, molem, et in reliquos effectus inquiretur.

Cum primum itaque aqua subdialis majorem arcam influere incipit, aër quidem in angustius spatium cogitur; verum neque ingredi minorem arcam, neque valvulas aperire et aquam ex siphone exprimere ante potest, quam vires sustentandae columnae  $r$ , pares nactus fuerit. Quod ubi factum est, quoniam ex hypothesis est  $R > r$ ; aqua pergit influere in vas majus, aërem subinde magis comprimere, ejus partem in vas minus intrudere et aquam inde expellere, donec vel aequilibrio motus finiatur, vel aqua omnis expressa sit.

1) Ad aequilibrium pervenietur, siquidem aquae superficies in vase majori eo usque assurgat, et in vase minori eo usque desinat, ut altitudines columnarum aquae, supra illas superficies, fiant aequales.

Sint illae altitudines  $= r \pm x$ ; erit altitudo aëris in majori vase  $= x \pm r - R$ , et in minori  $= x$ ; et spatium, quod aër compressus omnino occupat, si tubum intercedentem negligamus, erit jam aequale  $x \cdot q \pm (x \pm r - R) \cdot Q$ . Atqui hoc spatium ad alterum  $P \cdot Q$ , quod ab initio repleverat aër in naturali expansione, debet esse in ratione columnarum aquae  $m : m \pm r \pm x$ , hoc est,  $x \cdot q \pm (x \pm r - R) \cdot Q : P \cdot Q = m : m \pm r \pm x$ . Hinc quaeritur valor  $x$ , per aequationem quadraticam affectam

$$x^2 \cdot (Q \pm q) \pm x \cdot (Q \pm q) \cdot (m \pm r) \pm (r - R) \cdot (m \pm r) \cdot Q \pm x \cdot (r - R) \cdot Q - P \cdot Q \cdot m = 0.$$

Indequae constat de quantitate aquae expressae  $= x \cdot q$ .

Vel quia, in proportionis praecedentis termino postremo, valor  $x$ , negligi potest, sine magna rationis mutatione; erit brevius

$$x. q \pm (x \pm r - R). Q : P. Q = m : m \pm r;$$

unde  $x = \frac{P. Q. m \pm (R - r). (m \pm r). Q}{(m \pm r). (Q \pm q)}$ ; et quantitas aquae expres-

fae  $x. q$ , proxime aequalis

$$\frac{P. Q. m. q \pm Q. q. (R - r). (m \pm r)}{(m \pm r). (Q \pm q)}$$

2) Ubi vel aqua repletum est vas majus ante, vel aqua exinanitum vas minus ante, quam ad aequilibrium res pervenit; nunquam eo perveniet. In hoc itaque casu, altitudo aëris in vase majori non erit  $= x \pm r - R$ , sed notabitur litera  $y$ . Altera vero analogia, inter aëris volumina et aquarum columnas, hic pariter locum habebit, ut in primo casu; nempe  $x. q \pm y. Q : P. Q = m : m \pm r \pm x$ . Hinc valores  $x, y$ , comparabuntur inter se aequatione quadratica

$$\begin{aligned} x^2. q \pm x. y. Q & \pm y. Q. (m \pm r) \\ & \pm x. q. (m \pm r) - P. Q. m = 0 \end{aligned}$$

### COROLLARIUM I.

Subtracto  $x. q$ , a  $p. q$ , innotescet, quantum aquae putealis, post singulos hauustus, in vase exprimente remaneat. Quae res in se quidem nihil incommodi habet. Si quis tamen illud vas, ad singulas expressiones, vacuefieri cupiat; per valorem  $x$ , vasis etiam altitudinem  $p$ , quaesitam esse putato. Vel, si haec ipsa altitudo  $p$ , et illi aequalis  $x$ , data est; quaerat quid mutare velit, ejusque valorem ex formula Problematis, debito modo ordinata, eruat.

COROLL.



## COROLL. 2.

Si quaesito  $x$ , addatur  $r - R$ ; innotescet altitudo aëris, qui post singulas expressiones in vase majori residuus est. Potest illa ad nihilum decrescere, citra machinae aut effectus damnum; verum non in negativum valorem transire, nisi aquam in vase majori abundare et in vas minus exprimi voluerimus, quod sane effectui, qui quaeritur, contrarium foret. In casu priori debet esse  $x = R - r$ , quod in formula problematis substitutum, efficit hanc

$$(R - r)^2 \cdot q \mp (R - r) \cdot (m \mp r) \cdot q - P \cdot Q \cdot m = 0$$

Quae porro juxta illam literam ordinanda est, cujus valor, ceteris omnibus datis vel assumtis, liber est et quaeritur. Verbi causa:

$$r = \frac{R \cdot (R \cdot q \mp m \cdot q) - P \cdot Q \cdot m}{(R \mp m) \cdot q}$$

## COROLL. 3.

Ut post singulas expressiones, aëris inclusi et aquae utrinque suspensae aequilibrio finitas, clibanus major aqua, minor aëre, plenus sit, debet esse  $x = p$ , et  $x \mp r - R = 0$ , hinc  $p \mp r = R$ . Verum si porro quaeratur, quibus ad vasa ipsa mensuris opus sit, ut aër naturalis in majori compressus, minus repleat; valore  $r = R - p$ , substituto in formula Corollarii 2, prodit aequatio  $p \cdot q \cdot (m \mp R) = P \cdot Q \cdot m$ , quae monstrat, capacitates clibanorum debere esse in ratione columnarum aquae  $m$ , et  $m \mp R$ ; vel, ubi per aëris explosionem finitur expressio, in ratione  $m : m \mp r \mp p$ . Nulla itaque datur vasorum inter se ratio, quae in omni casu hoc praestet, quod quaesitum est; sed cuilibet altitudini  $R$ , speciatim erit accommodanda. Ita, si  $R$ , fuerit  $= m$ ; erit  $P \cdot Q : p \cdot q = 2 : 1$ .

## COROLL. 4.

Si minor clibanus, pro modo majoris, nimis parvus est, consequens erit, ut in singulis haustibus non tantum aquae evehatur, quantum, pro modo virium aquae descendens, exprimi potuisset. Ergo expressio ipsa non finietur per aequilibrium aquae et aëris inclusi, verum per hujus, ex fistula vasis minoris, eruptionem. Exinde verendum est, ne operarum culpa subinde accadat, ut in majorem clibanum, ubi is superior est, plus aquae irruat, quam ille capere possit, hinc in inferiorem, praeter rem, descendat aquae portio abundans. Quae quidem, nisi caveatur, eo usque ingruere potest, ut, repleto inferiori vase, per ejus tubum assurgat et, loco putealis aquae, effluat et inutiliter profundatur omnis. Nempe si vas inferius nimis sit angustum, et ob id ipsum nimis parvum; accidet, ut aër omnis eo contineri nequeat, hinc pars illius exprimatur in fistulam surgentem, eoque ipso columnam aquae, in ea suspensam, efficiat minorem quam  $r \mp p$ . Cum ergo fuerit  $r \mp p \leq R$ , quin et in multis casibus ubi  $r \mp p > R$ ; illa columna minor erit, quam columna descendens; hinc posterior aquam in fistulam aëris communem exprimet, inde in vas inferius et sic porro in tubum, unde effluet.

## COROLL. 5.

Si inferior clibanus, nempe is qui aquam exprimit, pro modo superioris aërem exprimentis, nimius est; in singulis haustibus non omnem aquam, qua plenus erat, exprimet. Hoc factum esse videtur in clibano Schemnitensi, ubi inferior est ad superiorem fere in ratione 2: 5, b) cum respectu altitudinis  $R$ , vel alterius  $r$ , ad quam expressio-

nes

b) Berechnung der Luft-Maschine, in notis ad §. 9.



nes fiunt, aequantis 16 orgias, seu 96 pedes, illa ratio debebat esse  $m:m \mp r = 32:128 = 2:8$ . Differt itaque inferioris clibani, quae nunc est, magnitudo, ab ea, qualis esse debebat, pro ratione numerorum 8 et 5. A nimia illa superioris vasis, respectu inferioris rite definiti, parvitate, sive ex sola angustia seu aliunde oriatur, periculum timendum est, illi simile, quod in praecedente Corollario indicavimus. Nam si aqua repletum erit vas superius; aër compulsus in inferius, partem modo hujus occupabit. Atqui, si fuerit  $R \geq r \mp p$ , quin et in multis casibus, ubi  $R < r \mp p$ , columna aquae minus alta quam  $r \mp p$ , non poterit ferre pressionem altioris columnae  $= R$ ; hinc loco cedit, et aquae ex superiori vase aditum dabit in inferius. Hoc ipso increfcet altitudo descendentis columnae ultra  $R$ , ante quam inferior columna ad eandem pertigerit.

### COROLL. 6.

Generatim Corollaria 4. et 5. ostendunt, in casu ubi  $R = r \mp p$ , hoc est, ubi columnarum altitudines tota altitudine vasis inferioris discrepant, ne minimo quidem a ratione vasorum  $m:m \mp R$  recedi posse. Ubi ergo  $R > r \mp p$ , ratio nulla periculum profusae aquae evitare poterit, nisi vel vigilantia operarum, vel automatica aliqua structura succurrat. Ubi vero  $R < r \mp p$ , ibi recedere poterimus ab ista ratione; tanto quidem liberius, quo magis  $R$ , ab  $r \mp p$ , recedit. Verum tum vas superius non aqua implebitur totum. Verbi causa, sit  $R \mp t = r \mp p$ ; aqua in altitudine  $P - t$  subsistet, ubi vasorum spatia vel rite erunt constituta, vel non nimis male. Verum, ubi inferius adeo angustum est, ut aërem huc usque ex superiori descendentem non ceperit; consequens est, ut jam aëris pars in tubum  $r, p$ , ingressa sit et aquae columnam minorem quam  $r \mp p$ , effecerit; hinc descen-

dens

dens columna praevalebit et ad aequilibrium nunquam perveniet. Quod ne contingat, satis est, si sit  $p. q \mp t. Q: P. Q = m: m \mp r \mp p = m: m \mp R \mp t$ ; hoc est, vasum  $p. q$ , quod in hypothese  $R = r \mp p$  debebat esse exacte aequale  $\frac{P. Q. m}{m \mp R}$ , sufficit jam, si sit  $= \frac{P. Q. m}{m \mp R} - t. Q - \frac{t. p. q \mp t^2. Q}{m \mp R}$

## COROLL. 7.

Respectu eorum, quae in praecedente Corollario dicta sunt, convenit, ut sit  $R < r \mp p$ ; sed ob alias rationes debet esse  $R \mp P > r$ , hoc est,  $R > r - P$ . Hinc valor  $R$ , variabilis est intra limites  $r \mp p$ , et  $r - P$ .

## PROBLEMA III.

Reperire, quantum aquae influere in clibanum majorem ante possit, quam aqua ex fistula clibani minoris effluere incipiat.

*S o l u t i o.*

Ad hunc effluxum requiritur, ut aër compressus columnae  $r$ , aequilibrium, augmento elateris sui, superet. Est autem  $m$ , altitudo aquae, naturali atmosphaerae pressioni resistens; hinc aëris pressio, quae insuper columnam aquae  $= r$  sustineat, ad naturalem pressionem Fig.5. erit in ratione  $m \mp r: m$ . Cum autem vis aëris augeatur in ratione inversa spatii, in quod ille comprimitur; patet, spatium  $z. Q$ , quod occupat aër inclusus eo momento, quo aqua effluere incipit, esse ad spatium, quod ab initio occupaverat, ut  $m: m \mp r$ . Atqui hoc spatium erat tota majoris arcae cavitas  $= P. Q$ ; hinc  $m \mp r: m = P. Q: z. Q$ ; et  $z =$



$$z = \frac{m \cdot P}{m \mp r}; \text{ et quantitas aquae ingressae } (P - z) \cdot Q \text{ est aequalis}$$

$$\frac{P \cdot Q \cdot r}{m \mp r}.$$

## COROLL. I.

Quod si jam columna aquae descendens aequae alta fuerit, quam quae hujus descensu evehenda est, hoc est, si  $R \mp z$  fuerit aequale  $r$ ; tum aqua plane nulla exprimetur. Hoc vero accidit, ubi  $m \cdot P = (r - R) \cdot (m \mp r)$ , vel, quod perinde,  $R \mp \frac{m \cdot P}{m \mp r} = r$ , et caveri nullo alio modo potest, quando quidem valores  $r$ ,  $R$ ,  $m$ , dantur, quam mutata altitudine vasis  $P$ ; aut si haec praescripta fuerit, mutato illius situ et inde pendente valore  $R$ .

Idem jam apparet ex formula Problematis 2. Ubi, si  $m \cdot P$ , ponatur aequale  $(r - R) \cdot (m \mp r)$ ; ultimum membrum evanescit et obtinetur aequatio  $x = - (Q \mp q) \cdot (m \mp r) - (r - R) \cdot Q$ , quae ob  $r > R$ , innuit valorem  $x$ , negativum, hoc est, aquae non expressio- nem, sed relapsum.

## COROLL. 2.

Si contigerit, ut  $R \mp \frac{m \cdot P}{m \mp r} < r$ ; iterum ne sustineri quidem poterit columna  $r$ , sed desidat necesse erit, nisi valvula intercedens hoc impediat. Nempe in hoc casu, ob nimiam parvitatem altitudinis  $R$ , ne possibilis quidem est valor  $z$ , qui compressioni quaesitae satisfaciat.

## COROLL. 3.

Casus ubi, ad sustinendam columnam  $r$ , plane non opus sit ingressu aquae in vas superius, ita concipiendus est, ut sit  $z = P$ . Tum for-

mula  $\frac{m \cdot P}{m \mp r} = z$ , mutatur in hanc  $\frac{m}{m \mp r} = 1$ ; quae innuit, altitudinem  $r$ , debere esse nullam.

## PROBLEMA IV.

Aquæ subdialis, in singulas expressiones infumendae, modum investigare et cum aqua expressa comparare.

### *S o l u t i o.*

Fig. 3. Ex Problemate 2. patet, aquam, quae vas majus ingreditur,  
& 4. affurgere ad altitudinem  $P - x - r \mp R$ , dum aqua in vase minori deprimitur spatio  $p - x$ ; sunt ergo volumina aquarum in ratione  $(P - x - r \mp R) : x$ . q. Ex quo patet, rationem illam pendere ab omnibus organi mensuris. Datis itaque vel assumtis reliquis omnibus, et valore  $x$ , per Problema 2. quaesito, de ratione utriusque voluminis aquae facile constare poterit.

### COROLL. I.

Si ceteris omnibus, praeter unicum valorem, verbi causa  $Q$ , datis, quaeratur quemadmodum ille constituendus sit, ut, pro quantitate aquae expressae, quam minimum aquae influentis infumatur; res eo redit, ut  $\frac{(P - x - r \mp R) \cdot Q}{x \cdot q} = y$ , sit minimum. Ubi facile

apparet, quoniam  $x$ , quoque datum esse censetur, valorem  $y$ , eo minorem fieri, quo minor sit basis  $Q$ . Verum haec decrescere nequit infra valorem, qui reddat  $x = \frac{P \cdot Q \cdot m \mp Q \cdot (R - r) \cdot (m \mp r)}{(Q \mp q) \cdot (m \mp r)}$ , perea

quae in Problem. 2. dicta sunt; hinc  $Q = \frac{x \cdot q \cdot (m \mp r)}{P \cdot m \mp (R - r - x) \cdot (m \mp r)}$   
perti-



pertinebit ad structuram, quae, pro data expressae aquae quantitate  $x. q$ , minimum aquae infumat.

### COROLL. 2.

Facilioris calculi causa quaestionem accommodemus hypothefi Corollarii 3, Problematis 2, ubi  $p. q. (m \mp R) = P. Q. m$ , et ratio valorum ipsa est ratio aquae infumtae et aquae expressae. Hic postulatur, ut sit  $\frac{P. Q}{p. q}$  minimum. Est autem  $\frac{P. Q}{p. q} = \frac{m \mp R}{m}$ ; quod est minimum ad  $R$ , minimum. Ergo constat, in hac hypothefi nullum artificium adhiberi posse, quo aquae infumendae parcatur. Verum pendet quodammodo aquae infumendae quantitas, pro constanti elevandae quantitate, ab hujus altitudine. Nam in proportionem  $p. q : m = P. Q : m \mp R$ , quoniam constans est ratio inter  $P. Q$  et  $m \mp R$ , valor  $P. Q$  pendet a valore  $m \mp R$ , hinc a solo  $R$ , quoniam  $m$  quoque constans est. Vel si differentia inter utramque aquam quaeratur, est illa ad aquam expressam in ratione altitudinis  $R$  ad  $m$ ; hoc est, excessus aquae infumendae, supra aquam exprimendam, sequuntur exacte rationem altitudinum expressionis. Hoc sensu dici potest, quo plus aquae infumitur, tanto altius exprimi posse aquam putealem; sed addamus etiam, tanto altius illam uberiores aquam infumtam descendere debere; pariter enim, cum illo ipso valore,  $R$  increfcit.

### COROLL. 3.

Si aër non comprimeretur, hoc est, si sua natura in angustius spatium cogi non posset; futurum erat, ut ad quamlibet altitudinem  $R$ , tantundem aquae efflueret, quantum influit. Et in hoc solo casu producta ex massis in spatia percurfa fere sunt aequalia; nisi in quantum

vasorum altitudines  $P, p$ , inter altitudines  $r, R$ , intercedunt. Tanto vero magis ab hac aequalitate recedunt, quo magis aër pressioni cedit, hoc est, quo altius est  $R$ , et  $r \mp p$ . Sed ne quis diutius quaerat, quo modo in reliquis casibus pars potentiae infumtae perire possit, recordetur, post singulas expressiones aërem compressum ex carcere suo emitti. In ventum itaque abit illa potentiae pars, quae ex aqua descendens excessu, supra expressae molem, in aërem collecta fuerat. Deinde illud etiam cogitandum, aquae expressae columnam non mensurandam esse a fistulae orificio, sed a summa altitudine, ad quam illa profiliens pertingat. Quae cur impar sit descensus altitudini, ratio nota est, nec in organo nostro peculiaris.

#### COROLL. 4.

Quaeritur, quo casu aqua infumta aquae expressae aequalis sit, nempe  $(P - x - r \mp R) \cdot Q = x \cdot q$ ? Fiat  $R = r$ , erit  $(P - x) \cdot Q = x \cdot q$ , et  $x = \frac{P \cdot Q}{Q \mp q}$ . Qui valor introductus in formulam Problematis 2; exigit  $P \cdot Q \mp Q \cdot r \mp q \cdot r = 0$ . Quod est impossibile, quando quidem  $P, Q, r, q$  positivas quantitates designant.

#### PROBLEMA V.

Quae potissimum prismatis species et proportio, in arcarum formas describendas, conveniat, definire.

#### Solutio.

Cylindricam firmitas machinae concilianda suadet. Altitudines minuere, bases augere, quantum structurae, loci et reliquorum conditio



ditio patiatur, idem est, ac effectum machinae augere. Etenim respectu superioris vasis datur altitudo  $R \mp P$ ; hinc quo minor sumitur  $P$ , tanto major efficitur  $R$ . Est autem  $R$ , altitudo columnae, cui respondet compressio ultima aëris et inde pendens altitudo aquae exprimendae  $r \mp p$ . Respectu inferioris vasis datur superficies colluviei putealis. Quo minor itaque sumitur  $p$ , tanto major obtineri poterit altitudo  $r$ , ad quam usque aqua exprimi possit; quandoquidem  $r \mp p = R$ . Quod si autem altitudo  $r$ , minor praescripta sit, neque augeri possit; eum effectum habebit altitudinum  $p$ ,  $P$ , parvitas, ut aquae effluentis velocitas augeatur, indeque tempori parcatur.

### COROLLARIUM I.

De constanti, aquae elevandae aut infundendae, volumine Problema intelligendum esse, liquido apparet. Quo dato, dantur vasorum spatia. Quorum fundis ea magnitudine assumtis, quae effici, collocari, tractari possit; hinc dijudicandum erit, quo usque altitudo vasorum minui possit.

### COROLL. 2.

Celeritas effluentis aquae sequitur rationem subduplicatam altitudinum  $R - (r \mp p)$ . Inde calculo investigari possit, quantum celeritatis accedat ex decremento altitudinum  $P$ ,  $p$ , vasorum. Nam summa horum decrementorum aequalis est augmento altitudinis lapsus, cui expressae aquae celeritas debetur.

### COROLL. 3.

In clibanis machinae Schemnitienfis, diverso consilio usus esse videtur eorum artifex. Superior quidem diametrum habet altitudini

fere aequalem; verum inferioris diameter paene dimidium aequat altitudinis. Illud vero perplacet, ex pluribus tympanis super impositis, quorum numerus si res ita ferat augeri possit, coagmentatos esse. Fundum superiorem in sphaerae portionem convexum esse, firmitatis certe causa non attinet. Non enim periculum est ne infringatur, sed ne diffiliat. Cujus rei metu, si a planitie fundorum recedendum esset, certe non convexos et intumescentes, sed concavos et recedentes, fingere par erat.

## PROBLEMA VI.

Utrum alia, quam prismatis, figura melius conveniat Hydraulici libanis, dispicere.

### *S o l u t i o.*

Ante omnia scopus praefiniendus est, ad quem obtinendum mutatio illa facere debeat.

Ac primo quidem sufficiens firmitas, quae et in prisma vel cylindro facile obtinebitur, me non movet.

Deinde potentiae augendae, vel majoris effectus causa, siue is in quantitate, seu in altitudine, exprimendae aquae reponatur, frustra inquiri in formarum argutias, exinde patet, quod aëris vis, ad quam hic omnia referuntur, non a spatii, in quod comprimitur, forma pendet, sed ab ejusdem parvitate.

Tertium occurrit, aequabilis in expressionibus fluentis aquae celeritas. Haec obtinebitur, si constans, inter altitudines crurum siphonis, differentia obtineri possit. Atqui hoc plane impossibile est; cum quaecunque fuerit vasorum forma, in uno surgat aquae superficies, eo  
ipso



ipso quod in altero defidit; hinc crus alterum minus siphonis crescat, eo ipso quod alterum majus decrescit. Differentiae itaque continuo minuantur necesse est, donec evanescant et ad aequilibrium res perducatur. Hinc et celeritates continuo decrescunt, lege, in quam inquirere non attinet.

Quarto loco quaeri potest, quae vasorum forma singulorum hau-  
stuum celeritates augeat? Si spatiorum, quae aër occupat, a compres-  
sionibus mutationes negligamus; differentiae crurum siphonis in vasis  
prismaticis, hoc est altitudines lapsus quibus celeritas effluxus debe-  
tur, secundum eandem legem decrescunt, juxta quam decrescunt vo-  
lumina aquae in minori vase, vel augentur in majori. Ergo res eodem  
loco est, quo foret, si aqua simpliciter ex prismate efflueret. Quod si  
vero, loco hujus prismatis, concipiatur vas aliquod coni inversi spe-  
cie, sed ejusdem altitudinis et capacitatis; consequens erit, ut per  
idem foramen citius diffluat aqua, quam ex prismate. Idem in orga- Fig.6.  
no nostro continget, si arca major conoidis, basi suae insistentis, spe-  
ciem habeat, minor vero conoidis inversi. Tunc enim aqua ita effluit,  
ut maximae ejusdem portiones pertineant ad magnas lapsus altitudi-  
nes, minimae autem portiones pertineant ad parvas lapsus altitudines.  
Quod secus erat in prismate. Ita, verbi causa, tota portio  $d g h i$ , ex  
conoide effluxit, ex prismate vero ejus tantum pars  $n e f m$ , antequam  
altitudo lapsus minueretur parte  $= 2. e f$ . Consequens erit, ut totus  
aquae haustus ex conoide  $i h k$ , citius exprimatur, quam ex prismate  
 $i f l k$ .

### COROLLARIUM I.

Haec plane conveniunt cum iis, quae in Problemate 5. adstru-  
cta sunt; nempe utile esse, ut spatia arcae superioris, quantum fieri  
possit,

possit, deprimantur ad basin, pro collocanda arca, datam  $ih$ ; spatia autem inferioris arcae, quantum fieri possit, eleventur versus superficiem aquae putealis datam  $ih$ . Ad idem tendunt conoides. Sed cum longe difficilior sit eorum constructio; non est, ut nos poeniteat formae cylindricae.

### COROLL. 2.

Autor libelli saepe citati *c*), inter cetera, quibus Hydraulum pneumaticum perfici posse sperat, commendat coni truncati inversi figuram, in vase inferiori, cylindro surrogandam. Consilium ipsum non improbo; rationem, quod ita aut plus aquae, aut tantundem altius, exprimi possit, non assequor. Verum enim vero, quod superiori etiam vaso inversi coni speciem tribuit, quo potentia augeatur, quoque basis aquae, cujus columna aërem comprimit, continuo increseat; equidem nec consilium ipsum probo, neque ejus rationem. Contra fieri debere, in problemate adstruximus; rationem vero, ab autore allatam, refellit hoc, quod aucta basi aquae, tantundem augetur aëris basis; si ergo prior auget aquae vim, posterior tantundem auget aëris resistantiam. Ubi enim aequali fronte pugnatur, neutri parti prodest, sive extendatur frons uterque, sive contrahatur.

### PROBLEMA VII.

Quibus modis caveri possit, ut ne aqua, in vase majori, abundare et inde in minus descendere possit.

#### *Solutio prima.*

Caveri potest vigilantia operarum, quae naribus occludendis et recludendis praeficiuntur. Verum duplex ad eam rem consideratio requi-

*c*) Berechn. der Luftmasch. §. 21.



requiritur. Ubi enim clibanus aquam exprimens justo minor est, videre debent, ut cum primum aër mixtus aquae, cum majori strepitu eructari incipit, nares fistulae, quae aërem defert, extemplo obturentur. Ubi autem superior, aërem exprimens, clibanus justo minor est, aquae autem lapsus multum excedit adscensum, non expectandum erit illud indicium, sed fluxus inhibendus, simul ac constet, clibanum superiorem in eo esse, ut aqua scateat.

### COROLLARIUM.

In machina Schemnitienſi aëris proruptio ſignum dare dicitur; nescio quam recte. Cum enim aqua ſubdialis, alternis vicibus, mox per viginti duas, mox per quadraginta orgias, descendat et per ſedecim tantum adſcendat; praeterea vero inferior clibanus, ſi vel maxime tubi aquam ſurſum ferentis cavitatis non computetur, reſpectu ſuperioris juſto major ſit: videtur fieri debere, certe in altiori aquae deſcenſu, ut ſuperior clibanus aqua ante ſcateat, quam inferior aërem emitte- re poſſit. Et ſane addit autor ſaepe laudatus (Coroll. 2. §. 18), non exſpectari, donec inferior omnem aquam expreſſerit; et refert, fieri interdum, ſi nares cunctanter obturentur, ut vas inferius aqua ſubdiali repleatur et ita hauſtus unus pereat.

### *Solutio ſecunda.*

Si tota aëris compreſſio fiat in arca majori, nec aëri aditus in minorem aperiatur ante, quam aquae ſubdiali aditus in priorem praecluſus ſit. Ita ſine omni periculo vel turba exſpectabitur, donec omnis expreſſio, ſive aquae ſeu aëris etiam, peracta fuerit.

## COROLL.

Hac methodo utitur autor libelli laudati; verum, ut ipse innuit §. 15, facilioris tantum calculi causa, cum altera methodus, nempe usitata, praestet. Praestat scilicet, cum celeritate administrationis, tum quantitate haustus expressi. Uno enim eodemque tempore, quo major arca aqua impletur, minor evacuatur; quod secus est, ubi haec separatim fiunt. De haustus quantitate, in peculiari problemate, quod statim sequetur, videbimus.

*Solutio tertia.*

Si fistula, quae aërem defert, curvata in modum siphonis, ad eam altitudinem  $y$ , adscendat supra vasum majus, ut  $R - y$ , fiat minor quam  $r + p$ ; periculum nullum erit, ne aqua defluat in vasum minus. Verbo, minuenda est altitudo  $R$ , ita tamen, ut reliqui valores omnes maneant. Non spernenda haec videtur ratio, cum modicos sumtus requirat, et ad quamlibet altitudinem  $R$ , insertis fistulae portionibus, facile accommodetur.

*Solutio quarta.*

Modus facillimus erit, ut loco epistomii, in fistula pneumatica ab autore hydraulici usurpati, in ipsa arca orificio fistulae adstruatur operculum valvatum ita, ut, dum aqua eousque adscenderit, operculum ab ipsa aqua sublevetur et spiraculi ostio applicetur.

## PROBLEMA VIII.

Quantum aquae exprimatur, ubi aëri compresso aditus in clibanum minorem non prius conceditur, quam aqua subdialis in majorem influere desit.

*Solutio.*



*S o l u t i o.*

In hoc casu aquae expressae volumen aequale est augmento spa- Fig. 7.  
tii, quod aër in majori vase compressus, dum iterum relaxatur, in  
minori occupat. Quod augmentum unice pendet a differentia altitudi-  
num aquae descendentes et adscendentes. Sit ergo spatium aëris, a co-  
lumna aquae =  $m$ , compressi, aequale  $P. Q$ ;  $Q. w$ , sit spatium aëris a  
columna aquae  $R \mp w$ , compressi;  $w. Q \mp v. q$ , spatium aëris a columna  
aquae  $r \mp v$ , compressi. Est itaque I)  $Q. P : Q. w = m \mp R \mp w : m$ ;  
et quia valor  $w$ , in ratione  $m \mp R \mp w : m$ , negligi potest, brevius  
 $w = \frac{P. m}{m \mp R}$ . Deinde II)  $Q. P : Q. w \mp q. v = m \mp r \mp v : m$ ; et  
quia iterum valor  $v$ , in ratione posteriori negligi potest, erit brevius  
 $q. v = \frac{Q. P. m}{m \mp r} - Q. w$ ; ubi valore  $w$ , substituto prodit  $q. v = \frac{Q. P. m}{m \mp r}$   
 $- \frac{Q. P. m}{m \mp R}$ , vel  $q. v = \frac{Q. P. m. (R - r)}{(m \mp r). (m \mp R)}$ .

## COROLLARIUM I.

Valor iste  $q. v$ , comparetur cum valore  $x. q$ , Problematis secundi;  
et apparebit, utra methodus, in casu aliquo dato, ad singulos haustus  
plus aquae exprimat. Vel comparetur cum valore  $q. p$ , si organum sim-  
pliciter exprimere possit, quantum in vase minori continetur aquae. Ita  
in organo Schemnitienfi est  $R = 22$ ,  $r = 16$ ,  $Q. P = 117750$  digitis cu-  
bicis,  $m = 5, 33$ ; hinc  $q. v = 6462$ , cum sit  $q. p = 48230$ . Ad al-  
terum  $R = 40$ , est  $q. v = 15584$ .

## COROLL. 2.

Iuxta Problema est  $Q. w : q. v = \frac{Q. P. m}{m \mp R} : \frac{Q. P. m. (R - r)}{(m \mp r). (m \mp R)}$ ;  
unde  $Q. w : q. v = 1 : \frac{R - r}{m \mp r} = m \mp r : R - r$ , et  $Q. w \mp q. v : q. v =$   
Bb 2  $m \mp R :$

$m \pm R : R - r$ . Quoniam vero volumen aëris  $Q.w \pm q.v$  non multum excedit molem aquae, quae expelli potuisset juxta methodum consuetam; hinc volumina aquarum expressarum, in utraque methodo, sunt in ratione  $m \pm R : R - r$ . Verbi causa in organo Schemnitienfi, ad lapsum aquae altiore, est  $R = 40$  orgiis,  $r = 16$  orgiis,  $m = 5, 3$  orgiis; hinc illa ratio  $= 45, 3 : 24$ . Usitata itaque methodus fere altero tanto melior est, quam altera, si vel maxime non curemus temporis jacturam.

### COROLL. 3.

Si organi ea conditio sit, ut, ad singulos haustus, major clibanus totus aqua impleatur, minor totus aëre; erunt volumina aquarum, diversa methodo expressarum, in ratione  $v:p$ ; vel quia tum  $R - r = p$ , erunt in ratione  $\frac{Q. P. m. (R - r)}{(m \pm r). (m \pm R)} : q. (R - r)$ , hoc est,  $Q. P. m : q. (m \pm r). (m \pm R)$ . Vel quia  $Q. P. m = q.p. (m \pm R)$ , ex Probl. 2. Coroll. 3; erit illa ratio,  $p.q. (m \pm R) : q. (m \pm r). (m \pm R)$ , brevius  $p : m \pm r$ .

### PROBLEMA IX.

Mutationes definire, quae Hydraulo in genere, speciatim aquae expressae et infusae voluminibus, ut et aequilibrio, contingant ex mutatione valorum  $E, R, P, r, p, Q, q$ .

#### *S o l u t i o.*

Introductis, in formulam Problematis secundi, valoribus ejusdem partis variatis, constabit, quae inde contingant mutationes voluminis  $x, q$ , aquae expressae et voluminis  $(P - x - r \pm R)$ .  $Q$  aquae in-



impensae (vid. Probl. 4). Ex comparatis autem inter se valoribus  $x$ , et  $p$ , colligi poterit, utrum expressio per aquae in machina residuae aequilibrium finiat, an per explosionem compressi aëris; prout vel  $x = p$ , vel  $x < p$ , vel  $x > p$ ; ejusque valor vel positivus est, vel negativus.

Verum juvabit in haec figillatim inquirere. Ponamus itaque, normae loco, machinam, in qua post expressiones clibanus major sit plenus aqua, minor plenus aëre, hinc  $p. q. (m \mp R) = P. Q. m$  (Problem. 2. Coroll. 3.); et videamus quid futurum sit, si ab hac aequalitate, mutatis successive singulis valoribus, recedatur.

1) Differentiam, inter situs altitudines utriusque vasis, mutationes afferre, vidimus in Problematis primi Corollario tertio; verum, ex rationibus ibi allatis, hic quoque negligentur, vel, quod perinde est, constans valor  $E$ , adhibebitur.

2) Sit  $R$ , mutabile. Ac primo a valore  $= r \mp p$ , deficiat, fiatque  $< r \mp p$ ; consequens erit, ut non omnis ex vase minori aqua, nec omnis ex vase majori aër, exprimatur. Fiat porro  $R \leq r - \frac{m \cdot P}{m \mp r}$ ; aqua plane nulla exprimetur (Problema 3. Coroll. 1. et 2.). Secundo, crescat  $R$ , supra valorem  $r \mp p$ ; expressio debito citius peragetur et post illam, nisi caveatur, aër explodetur.

3) Sit  $P$ , variabile. Ac primo incre scat; consequens erit, ut aëris explosio fiat, et ut plus aquae infumatur, quam juxta normam requiritur. Posterius in reliquis etiam casibus accidit, ubi ad hujus similitudinem, post aquae expressionem, vas superius aëris compressi partem adhuc continet. Sit enim spatium, quod ille occupat,  $= g$ ;

tantum aquae impendendae accedat necesse est, quantum aëris naturalis in illud spatium  $g$ , redactum fuit; nempe quod sit  $= \frac{g \cdot (m \mp r \mp p)}{m}$

Secundo, decrescat  $P$ ; consequens erit, ut non omnis aqua ex vase minori exprimatur, nisi nova ex vase majori succedat; quod est praeter rem. (Problem. 2. Cor. 5.)

4) Sit  $p$ , variabile. Primo, crescente  $p$ ; eadem aquae summa et exprimetur et infumetur, quae in regula; verum non omni aqua liberabitur vas minus; inutiliter itaque auctum est. Decrescente autem  $p$ ; iusto minus aquae exprimetur; res ad aequilibrium non perducitur; plus iusto aquae impendetur (vid. membrum praecedens); aqua superioris vasis, nisi caveatur, redundabit. (Probl. 2. Coroll. 4.)

5) Sit  $r$ , mutabile. Dum decrescit; expulsionum celeritates augentur; fit aëris explosio et aquae, in minorem clibanum, descensio. Dum  $r$ , increscit; minuitur celeritas; si creverit  $r$ , usque ad valorem  $R - p$ , nulla fit aquae expressio.

6) Sit  $R$ , et  $P$ , variabile;  $R \mp P$ , constans. Aucto  $R$ , (hinc tantundem deminuto  $P$ ); non omnis aqua exprimetur ex minori vase; superius autem, nisi caveatur, abundabit. Decrescente  $R$ , (hinc tantundem aucto  $P$ ); plus aquae infumitur, minus expellitur, quam in regula. Ubi vero  $R$ , eousque decreverit, ut sit  $R \mp \frac{m \cdot P}{r \mp m} \leq r$ ; aqua plane nulla expelletur. (Problem. 3. Coroll. 1 et 2.)

7) Sit  $r$ , et  $p$ , variabile;  $r \mp p$ , constans. Crescente  $r$ , (tantundem imminuto  $p$ ); quantitas aquae expressae minuitur; plus iusto aquae infumitur (vid. membrum tertium); vas superius exundat; aër  
explo-



exploditur. Decrescente  $r$ , (tantundem crescente  $p$ ); plus aquae exprimitur; sed vas minus praeter rein auctum est; nec liberatur ab aqua; superius exundat.

8) Sit variabile  $Q$ . Aucta hac basi  $Q$ ; aërem omnem compressum non capiet vas minus, verum portio ejus in spatio  $g$ , majoris vas supererit. Ergo, ut in membro tertio, plus aquae impendendum est; isque excessus aequalis est  $\frac{g \cdot (m \mp r \mp p)}{m}$ . Ceterum vas minus omnem aquam exprimit. Basi  $Q$ , imminuta; vas minus non ab omni aqua liberabitur; superius, nisi caveatur, effluet.

9) Sit mutabile  $q$ . Aucta basi  $q$ ; aliquanto plus aquae exprimitur, quam juxta normam; res ad aequilibrium non perducetur. Basi  $q$ , imminuta; minus, quam poterat, aquae expressae obtinebitur; vas superius exundabit.

Generatim ab aucta basi  $Q$ , cuncta eodem modo sequuntur, quo a basi  $q$ , imminuta; et a basi  $Q$ , imminuta, eodem modo, quo a basi  $q$ , aucta.

### COROLLARIUM I.

Praecipuas mutationes, speciminis loco, persecutus sum, quatenus a valoribus  $R, P, r, p, Q, q$ , figillatim mutatis oriuntur. Quae futurae sint, binis, ternis, quaternis, quinis valoribus variatis intra certos limites, definire velle, difficilius multo quam utilius fore existimo.

### COROLL. 2.

Quae hic allata sunt, omnia multo luculentius perspicientur, si Fig. 8. constructa fuerit, juxta aequationem Problem. 2. n°. 2, curva aliqua,   
cujus

cujus abscissae sint  $r \pm x$ , maxima  $r \pm p$ ; applicatae vero  $R \pm y$ , maxima  $R \pm P$ , minima  $R$ . Abscissae, propter nimis angusta fistularum lumina (Problem. 2.), primum lente crescunt, nec prius valorem  $r$ , superant, quam applicatae a valore maximo  $R \pm P$ , jam deficere inceperint. Id, quod significat situs punctorum  $\theta$ , et  $\lambda$ . Deinde, in casu figurae, abscissae pergunt crescere, postquam minimus valor  $R$ , contigit applicatis. Hoc declarat situs puncti  $\zeta$ , qui efficit  $\epsilon \zeta < r \pm p$ . Ergo vas majus aqua implebitur ante quam minus aqua vacuum sit. Posito  $A\alpha = \alpha\beta$ ; quoniam applicatae porro crescunt, abscissae vero decrescunt, expressiones aquae non desinent in aequilibrium. Sit  $A\alpha = \alpha\delta$ ; hoc indicabit, expressionem finiri per aequilibrium, eo tempore, quo clibanus minor nondum aqua vacuus est. Sit  $A\epsilon = \epsilon\zeta$ ; clibanus major aqua plenus erit, cum minor inanis est; et ad aequilibrium res erit perducta. Sit  $A\eta = \eta\theta$ ; aequilibrium continget (in casu figurae) ante quam columna expressa, sit aequalis  $r$ ; ergo nulla profiliet, ex fistula, aqua. Et quae sunt reliqua.

## PROBLEMA X.

Data altitudine descensus  $R \pm P$ , et ascensus  $r$ ; Hydraulum pneumaticum ita construere, ut 1) ad singulos haustus vas majus aqua impleatur totum, vas minus aqua liberetur; 2) ut, post singulas expressiones, columnae aquae utrinque residuae cum aëre compresso in aequilibrio sint.

### S o l u t i o.

Vi secundae conditionis debet esse  $R = r \pm p$ . Assumto itaque, pro lubitu, valore  $p$ , ita tamen ut sit  $r \pm p < R \pm P$ ; et subtracto  $r \pm p$ , a dato  $R \pm P$ , residuum erit  $P$ . Vel assumto valore  $P$ , ita tamen,



men, ut cum subtractus erit a dato  $R \mp P$ , residuum  $R$ , sit  $>$  dato  $r$ ;  $R - r$ , erit quaesitum  $p$ . Postquam definitus est valor  $P$ , et  $p$ , quaerendae sunt bases  $Q$ , et  $q$ , vi conditionis primae, ex analogia  $P.Q: p.q = m: m \mp R$ . Ubi iterum alterutra basium  $Q$ , vel  $q$ , pro lubitu poterit assumi.

### COROLLARIUM.

Si praeterea detur affluentia aquae subdialis, quantumque illius per singulas horas vel dies impendi possit; vel si detur affluentia aquae putealis, quantumque illius per singulas horas vel dies educendum sit: datur alterutrum horum  $P.Q$ , vel  $p.q$ , et alterum ex analogia quaeri poterit, simul ac de valore  $R$ , sigillatim constiterit. Sit itaque porro praescripta area alterius fundi, verbi causa  $Q$ ; definita erit altitudo  $P$ ; hinc et altitudo  $R$ ; unde si subtrahatur datum  $r$ , residuum erit  $p$ , (ob  $R = r \mp p$ ). Qui valor  $p$ , substitutus in analogia  $P.Q: p.q = m: m \mp R$ , ostendit basin  $q$ . Eodem modo procedendum est, si  $p.q$ , datum fuerit et  $p, q, P, Q$ , quaesitum.

## PROBLEMA XI.

Aquae et aëris admissiones et emissiones, quae ab operis curandae erant, automaticaе structurae beneficio curare.

### *Solutio prima.*

Ex plurimis modis, quibus hoc effici possit, is quem statim exponam, non indignus visus est, cujus, data occasione, periculum fiat; licet, ob siphonis notam indolem, adhiberi nequeat, nisi altitudo  $r \mp p$ , ad quam usque aqua exprimitur, sit minor 32 pedibus.

Fig. 9. Majori clibano  $b d$ , addatur siphon  $\alpha \beta \mu \nu$ , qui surgat in altitudinem  $\beta d$ , aquae exprimendae altitudini  $r \mp p$ , proxime parem. Ita enim fiet, postquam aqua fere omnis expressa est, quae exprimi poterat, ut siphon, jam ad summum repletus, incipiat aquam ex crure  $\mu \nu$ , emittere. Et sane omnis aqua, quae in receptaculo seu castello machinae usibus colligitur, porro diffuat, nisi obturetur orificium  $\kappa$ , per quod defluit in vasum majus. Hujus rei gratia, aqua ex  $\nu$ , defluens excipitur a vecte aliquo  $\gamma \epsilon$ , cochlearis speciem referente, circa axem  $\gamma$  versatili, qui aquae mole depressus, ope fili  $\eta \theta$ , deducit operculum  $\delta \kappa$ , quod item in verticillo  $\delta$ , mobile est, et a pondere imposito sublatum antea erat ab orificio  $\kappa$ . Obturato jam illo orificio, aqua nihilo secius effluere pergit ex siphonis majori crure  $\mu \nu$ , effluxum adjuvante aëris in vasibus compressione, donec et siphon et clibanus  $b d$ , aqua vacuus sit. Tum vectis palmula, a superfusae aquae pondere libera, non amplius sufficit operculo ad orificium  $\kappa$ , deprimendo et adglutinando; recedit itaque, vi ponderis in altero brachio adpenso, et aquae subdiali denuo aditum, ad influendum, praebet.

Sed videndum etiam est, quid in vase minori contingat. Scilicet expressio ipsa solito more fit, et aqua, in fistula exprimente post expressionem residua, ope platysmatii impeditur, ne in arcam recidere possit. Ex quo itaque aëris compressio, per aquae ex majori arca defluxum, eousque decrevit, ut altitudini aquae, ex receptaculo coluviei putealis in arcam minorem descendentis, impar sit; haec denuo descendit, aërem inde in arcam majorem repellens ejusque locum in minori occupans. Quod ubi factum est, aëre denuo ab aqua subdiali compresso, et aquae puteali incumbente, assarium cavet, ne haec aqua in receptaculum putei potius, unde profecta est, quam in altitudinem, ubi emitti possit, exprimatur.

COROLL. I.



## COROLL. I.

Ita constructo organo, in fistula, quae arcas jungit, neque nares neque valvae requiruntur. Verum et in structura, qualis nunc est, tum demum requiruntur, cum organi vices, juxta methodum Problematis 8, alternant. In fistula, quae aquam ex puteo in arcam defert, platysmatio opus esse, modo dictum est. Sed quid opus sit epistomio et peculiari ministro, qui illi ad singulos haustus aperiendo et claudendo praeficiatur, equidem non perspicio. Opus autem utroque esse, visum est artificii machinae Schemnitienfis.

## COROLL. 2.

Dici quodammodo potest, aërem organi non mutari, sed qui ab initio inclusus erat, eundem alternis vicibus comprimi et relaxari, descendere in arcam minorem, et ab illa regredi in majorem.

## COROLL. 3.

Quoniam multum interest, ut post singulas expressiones, tum siphon  $\alpha\beta\mu\nu$ , tum arca  $b d$ , aëre liberentur; quo certius hoc obtineatur, spiraculum aliquod, vesica pertusa interius obtectum, in fundo arcae superiori aperiri poterit; quod, tempestive admissio in arcam aëre, cavabit, ne siphonis fluxus ab aëre incluso nimis rarefacto sistatur.

## COROLL. 4.

Si tempusculum aliquod intercedere conveniat, inter veteris aquae emissionem et novae admissionem; vectis, quem cochlearis nomine insignivimus, vasculo aliquo pertuso instrui poterit ita, ut, postquam jam fluere desiit aqua ex siphone, plenum adhuc sit vasculum, nec nisi tempore aliquo interjecto, per parvum in fundo foramen, aqua sensim liberetur.

*Solutio altera.*

Totius rei cardo in eo vertitur, ut epistomium aliquod commune, quod alterna vice aquae immisionibus et emissionibus inserviat (a decussando Kreuzhahn dicitur), ope pulsabuli alicujus, modo dextrorsum modo sinistrorsum conversi, et manubrium epistomii, casu suo, vicissim ferientis (Fallhammer), convertatur ratione automatica; ita quidem ut, cum primum aqua arcam majorem implevit, malleus decidat et emissarium aperiatur, immissarium obturet; simul ac vero postrema aqua effluxit, extemplo malleus contrario ictu effluxum sistat, influxum permittat. Pulsabuli conversiones reciprocas efficit adscensus et descensus tympani alicujus, quod aquae arcam ingressae innatat, ab ea ad fundum usque superiorem arcae evehitur, deinde, aqua effluente, sensim desidit, dum fundo inferiori insistat.

## COROLLARIUM I.

Totam structuram, per singulas partes, ad unguem percernere nihil attinet. Multa sunt, quae artifex diligens, ex rei praesentis utilitate, tutius et melius aestimare et ordinare possit, quam is, qui rerum formas ex ingenio in chartam conjicit, ignarus saepe, juxta cum ignarissimis, quantis curis et tricis implicet, formula sua, artificis laborem. Ne tamen hunc plane deservisse videar, de praecipuis membris strictim agam.

## COROLL. 2.

Epistomium decussatum, cum suis naribus et manubrio, item pulsabulum cum suis ornamentis, tympanum denique, inclusa esse arcae majori et in ipsa aqua versari, post ea, quae in Problemate dicta sunt, vix est ut moneam. Poterat fieri alio modo; verum utilius  
visum



visum fuit, arcae latera et fundum, plane nullo alio foramine pertundi, quam quod aquae immittendae et emittendae pateat.

### COROLL. 3.

Epistomium sit cavum, ut in altero manubrii situ a b, aqua admiffa utrinque influat in arcam ex orificio a, et  $\alpha$ ; in situ autem manubrii  $\alpha \beta$ , item aqua per utrumque orificium a, et  $\alpha$ , effluat ex arca.

### COROLL. 4.

Tympanum c  $\times$  f, five ex ligno seu ex aere cavum fieri placuerit, Fig. II. dimidium aquae ejusdem voluminis ponderet; pondus tantum sit, quantum ad pulsabulum tollendum sufficit. Ponamus septuaginta libras sufficere; totidem aequabit pondus tympani; aquae autem pondus illius duplum; ergo tympani magnitudo duos pedes cubicos aequabit. Altitudo fere aequalis sit dimidiatae vasis altitudini.

### COROLL. 5.

Pulsabulum ita adornetur. Manubrium mallei g e, haeret in Fig. IX. axe g h, alicujus cylindri, in cheloniis suis versatili. Cylindrum ambiunt et tenent tres catenae ejusdem longitudinis. Media d, d, d, religatur ad oram inferiorem tympani; binae alterae c, c, et  $\alpha$ ,  $\alpha$ , ad oram ejusdem superiorem. Ita autem faciendum est, ut, dum tympanum ad summam fere pervenerit altitudinem, malleus sit erectus et in casum praeceps. Item, cum tympanum, in descensu suo, fere tangit fundum arcae, recte divisa erunt tempora, si malleus iterum relevatus in rectum situm, lapsui in oppositam partem proximus sit. Longitudo catenae ne sit minor quam cylindri perimenter. Esto vero aequalis tympani altitudini, addita dimidiata peripheria cylindri. Ergo

tympani altitudo ne sit minor dimidio peripheriae. Et peripheria ne sit major quam vasis altitudo.

### COROLL. 6.

Fig. 10.  
& 12.

Malleus vel feriat ipsum epistomii manubrium  $ab$ ; vel, si opus sit aliquo angulo  $\beta$   $a$   $b$ , majori, verbi causa recto vel obtuso, praestabit fere, malleum  $ge$ , illidere in peculiare aliquod manubrium  $g\kappa$ , cujus conversio sit ipsius mallei conversioni concentrica; a quo deinde, ope anconis  $\kappa\beta$ , convertatur manubrium  $a\beta$ , epistomii. Ita, ad mediocrem angulum  $\kappa g k$ , angulus conversionis epistomii  $\beta a b$ , multo major describi poterit; vel vicissim; pro varia utriusque manubrii et anconis ratione.

### COROLL. 7.

Fig. 13.

Possunt, aequilibrarii causa, bina tympana, hinc inde juxta cylindrum, constitui.

## PROBLEMA XII.

Hydraulum pneumaticum ita construere, ut aquam ex puteo profundiori extractam et arcae inferiori immixtam, ex ea porro altius exprimat.

### Solutio.

Fig. 14.

Ex variis modis, quibus hoc obtineri possit, eum seligam, qui organi indoli analogus sit. Nempe, si a fundo arcae inferioris descendat fistula in puteum altitudinis  $t$ ; suffecerit, fistulam, quae ex arca majori aquam emittit, altius descendere quam  $p \pm t$ , ut, dum illa emittitur, aqua putealis surgat et in arcam minorem immittatur. Sed tum major arca ea magnitudine esse debet, quae aërem naturali rarior-

rem,



rem, et in summa compressione volumini  $p.q$ , aequalem, capiat. Est vero spatium, quod in summa expansione occupat, ad illud, quod in summa compressione occupavit, in ratione inversa columnarum aquae, quibus compressio respondet; nempe  $P.Q: p.q = m \mp p \mp r: m - p - t$ .

### COROLLARIUM I.

Non video quid impediatur, quo minus haec extractio aquae ex puteo cum expressionibus, in ea ipsa machina, conjungi possit, cujus automaticas rationes posterior Problematis II. solutio exposuit. Nam in priori obest siphonis hydraulici altitudo, pedum 32 limite circumscripta, quo minus crus  $\mu\nu$ , quousque opus est, descendere possit; obest valvula aëris, in superiori arcae fundo, quo minus aër inclusus rarefieri possit.

### COROLL. 2.

Vel sic organum, quod aquam ex puteo respirando hauriat, inutile esse, ubi puteus 32 pedibus altior est, vix est ut moneam. Quamdiu enim extrahit aquam, a specie siphonis inversi, quem in expressionibus imitatur, transit in speciem erecti, ultra 32 pedes nunquam assurgentis.

## PROBLEMA XIII.

Hydraulum pneumaticum ita exstruere, ut aquam putealem altius tollat, quam aqua subdialis descenderat.

### *Solutio prima.*

Hoc in simplici organo, per aquae descendantis largiorem pro- Fig. 15.  
fusionem obtinere velle, tam frustra est, quam si quis speret, aquam  
sponte

Iponte sua exituram ex puteo esse, dummodo a fistula satis angusta, in largiorem et latiore putei aquam demissa, ad id invitetur. Dubium itaque non est, quin organum toties repeti debeat, quoties altitudo  $r$ , ad quam perducitur aqua putealis, continet aquae descensum  $R$ . Ita gradatim evehetur ad debitam altitudinem aqua putealis.

### COROLLARIUM I.

Verum hoc quaeri potest, utrum detur aliquod in hac repetitione compendium, quo minus necesse sit, totum apparatus repeti. Et sane, cum in uno apparatu duobus receptaculis et duobus vasis compressoriis et lacu, in quem aqua expressa emittatur, opus sit; statim subit illa cogitatio, posse in secundo apparatu castellum et arcam majorem primi iterum adhiberi, nec opus esse ut repetantur: lacum vero emisfarium primi apparatus, in secundo vices gerere receptaculi seu putei. Ita et ad sequentes apparatus uno tantum receptaculo et uno vase exprimente opus erit: generatim totidem receptaculis et totidem vasis, quot sunt apparatus, addito uno. Ergo eorum numerus  $= 1 + \frac{r}{R}$ .

Deinde etiam respectu fistularum facile patet, non opus esse, ut quae aërem in vasa exprimentia deferunt, a primo vase originem ducant; sed sufficere, ut a prima fistula, in vasum infimum descendente, reliquae proxime exeant.

### COROLL. 2.

Verum, ad compendia Corollarii praecedentis usurpanda, tantum requiritur diligentiae, tum in structura, tum in administrandi ordine, ut eorum theoriam praxis nulla admittat. Primo enim, quoniam aër in communi vase compressus, fere aequalem, in vasorum omnium expressiones, vim exserit; sequitur, ut expressionum altitudines



dines  $r'$ ,  $r''$ ,  $r'''$ ,  $r''''$ , et sic porro, additis columnis aquae, atmosphaerae sustinendae paribus, aequales sint. Illae atmosphaerae altitudines et illis collibratae aquarum columnae  $m'$ ,  $m''$ ,  $m'''$ ,  $m''''$ , dum a puteo ascendimus, sensim quidem decrescunt; verum, cum et aëris compressi pondus, in altero crure, sensim minuatur et hinc aër, licet ab aequali aquae columna  $R$ , compressus, in vase tamen primo maiorem vim exferat, quam in secundo, tertio et reliquis; facta compensatione, erunt fere aequales summae  $r' \pm m$ ,  $r'' \pm m$ ,  $r''' \pm m$ ,  $r'''' \pm m$ , hinc et altitudines  $r'$ ,  $r''$ ,  $r'''$ ,  $r''''$ . Sed quaecunque demum fuerit illa lex, quam series harum altitudinum observat, ponamus cognitam esse et perspectam, et videamus quid futurum sit, si quid in vasorum magnitudine et collocatione, vel in fistularum altitudine, contra legis normam peccetur. Si una ex altitudinibus, verbi causa  $r''$ , justo minor fuerit; consequens erit, ut, expressa omni aqua ex vase  $B''$ , insequatur aër, rimamque nactus elabatur per fistulam  $F''$ , insequente aqua subdiali per fistulam  $E''$ , et cuncta turbante. Si autem  $r''$ , fuerit justo majus; consequens erit, ut non omnis aqua ex vase  $B''$ , exprimatur; hinc quae eodem tempore in receptaculum  $D''$ , denuo succedit, non omnis descendere poterit in vasum  $B''$ , sed partem etiam fistulae  $E''$ , implebit. In sequenti haustu tanto minus deplebitur vasum  $B''$ ; succedens vero aqua in receptaculo  $D''$ , ob residuam ex priori haustu, nimis angustum locum praebente, non continebitur, sed restagnabit et in puteum relabetur. Similia accidere necesse est, nisi vasa  $B'$ ,  $B''$ ,  $B'''$ ,  $B''''$ , exactam magnitudinis rationem obtineant.

### COROLL. 3.

Ergo repudianda sunt speciosa illa Corollarii primi compendia, et loco unius vasis  $A$ , praegrandis, omnem scilicet aërem, qui com-

*Comm. Soc. Goett. T. IV.*

D d

pressus

pressus vasa cuncta B, repleat, capientis, totidem construenda sunt, quot vasis B, opus erit; intercedente, inter singula vasa A, et B, fistula peculiari pneumatica E; et, inter vasa B, et D, intercedente fistula peculiari hydraulica F.

#### COROLL. 4.

In hoc organo multiplici, productum ex aquis insumtis et lapsus altitudine, ad productum ex aquis expressis et tota expressionum altitudine, eandem rationem habent, quam in simplici organo.

#### *Solutio secunda.*

Altera methodus ita differt, ut non aqua putealis, verum subdialis, repetito organo gradatim evehatur ad eam altitudinem, unde delapsa aquam educendam uno haustu exprimat. Id quod tribus potissimum modis obtineri potest, quos in singulis Corollariis obiter explicabo. Reliqua ex figuris adjectis facile colliguntur.

#### COROLL. I.

Fig. 16. Primus modus fere convenit cum methodo solutionis primae. Loco unius clibani A', praegrandis, in ceteros omnes B', B'', B''', B'''' aërem exprimentis, hic etiam praestat, totidem privos construere, quibus aqua subdialis figillatim administretur. Aquae impen-sae et expressae, habito ad altitudines respectu, eandem rationem servant, quam in organo simplici; idem dicendum est de ratione inter tempora et aquae expressae moles. Eadem aqua, quae ab initio in vas B', influxerat, inde exprimitur in receptaculum D', et defluit in vas B'', et sic



et sic porro per omnia receptacula D, et per omnia vasa B, gradatim evehitur a descendentibus, ex castello in clibanos A', A'', A''', A''', totidem aquae columnis. Dum enim descendit prima columna in vasum A', aqua evehenda ascendit primum gradum; dum descendit secunda columna in vasum A'', aqua quae primum gradum ascenderat, jam porro evehitur supra secundum; et sic porro.

### COROLL. 2.

Secundus modus ratione effectus non differt a primo; sed di- Fig.17.  
versum, in aquae admissiōibus et expressiōibus, ordinem servat. Nam descensu primae ex castello columnae, aquae portio ex castello in vas primum B', influens, per unum gradum evehitur. Verum non porro ascendit haec ipsa aquae portio, sed relapsu suo ex duplici altitudine, aliam aquae partem, ex castello in vas secundum B'', delapsam per duos gradus evehit. Haec itidem relabitur ex triplici altitudine, et novam aquae portionem per tres gradus attollit; et ita porro. Interim dum haec fiunt, secunda, tertia, quarta columna, ex castello defluerunt, et subinde novos, qui praemissis ordinata vice succedant, aquae haustus expresserunt. Vasa B', B'', B''', B''', in castelli regione sita sunt, et ab illo proxime aquam accipiunt.

### COROLL. 3.

Tertius modus ita differt, ut aqua, quae jam in gradum aliquem Fig.18.  
evecta erat, altiori relapsu, non noviter haustam, ut in praecedenti modo, sed sui partem tantundem evehat, quantum ipsa relapsa est. Quae pars denuo delapsa altius, sui particulam aequae ad posteriores gradus

gradus provehit. Ita aqua elevanda fenſim quidem ad minorem molem redigitur, ſed altitudine tanto citius increſcente. Niſi comprefſioni cederet aër, aquarum volumina decreſcerent in ratione  $1, \frac{1}{2}, \frac{1}{4}, \frac{1}{8}$  etc; altitudines vero expreſſionum creſcunt fere in ratione inverſa  $1, 2, 4, 8, 16$  etc. vel  $2-1, 4-1, 8-1, 16-1, = 1, 3, 7, 15$ , et ſic porro.





# COMMENTATIONES

HISTORICAE ET PHILOLOGICAE.

*Comm. Soc. Goett. T. IV.*

\* A

# COMPTON'S

THE NEW YORK PUBLIC LIBRARY

5

1870-1871





CHRISTIAN GVIL. FRANC. WALCHII  
HISTORIA  
RERVVM IN HOMERITIDE  
SECVLO SEXTO

CVM

A REGE IVDAEO CONTRA CHRISTIANOS  
TVM AB HABESSINIS AD HOS VLCISCENDOS GESTARVM.

---

*PARTICVLA PRIOR.*

---

RECITATA

DIE VII AVG. CIOCCCLXXIII.

---



INTER Homeritas, quos, nostis, magnam Arabiae felicitatis partem, ad fauces maris Erythraei adjacentem, coluisse, seculo a Christo nato sexto insignes contigisse rei cum publicae et civilis; tum sacrae et religiosae conversiones vicissitudinesque: Christianos a rege Iudaeo misere afflictos et vexatos, sed

ab Habessinīs in pristinam libertatem vindicatos, totamque provinciam suae potestati subiectam; imperium denique ad Persas fuisse translatum, nostra aetate vix quidem crediderim quempiam ignorare. Rerum, tum gestarum, memoria quamvis, si testium, quos audire possumus, numerum et auctoritatem reputaveris, diligentissime posteris fuerit commendata; nihilominus fateri nos oportet, obscuram eam esse et multis difficultatibus, quas eorundem testium in enarranda eventorum serie explicandisque horum causis, dissidia, in effe- rendis peregrinis nominibus, aut temporum notis et rationibus de- signandis negligentia adferunt, valde perturbatam et confusam. Nec mirandi est causa, recentiore aetate viros praecclare doctos, qui eam- dem ex historiarum monumentis repetere, aut nova luce collustrare sibi sumserunt, sententiarum et conjecturarum discrepantia multa miscuisse novisque molestiis implicasse; alios vero ne dignam quidem eam iudicasse, cujus facerent mentionem, licet alias Christianorum persecutiones sedulo conquissiverint et enarraverint. Haec quum observarem, jamdiu animum meum tenuit desiderium, renovandi quasi studia, quae in hoc argumento difficili explicando ab aliis col- locata sunt: diversos fontes, ex quibus omnia hauriuntur, investi- gandi, et quae ex singulis discuntur, accurate secum conferendi: re- centiorum historiae orientalis, Arabicae, Aethiopicae; aut christia- nae interpretum observationes colligendi: omnia denique, si modo fieri possit, inter se aptandi et colligandi, ut quae vere evenerint, horumque causae et series certa, aut probabili auctorum fide cogno- scantur. Ad hoc munus colendum efficiendumque excitatus nuper fui oblata mihi opportunitate, legendi nonnulla Arabica rerum Ho- meriticarum monumenta, quibus magnam partem aut plane carue- runt, aut nimis negligenter usi sunt, qui idem ante me susceperunt consilium a).

ITA

a) quum factorum, quae *Homeritae* varia non modo et inter se sunt diver-  
seculo VI. experti sunt, monumenta sa, sed etiam per bina fere secula sen-  
sim



ITA vero institutam disputationem, ut dicendi initium a monumentis, quibus insignes illae gentis Homeritarum conversiones memoriae mandatae fuerunt, eorumque differentia faciam; deinde singulas historiae particulas colligam, hoc quidem servato discrimine, ut quae omnibus quasi communia videantur, ab his, quae singulis sunt propria, distinguantur: denique quae ad illustrandas, aut secum conciliandas narrationes, aut falsa a veris certaque a dubiis discernenda pertineant, adjiciam observationes.

NISI

sim et pedetentim e bibliothecis eruta, ad eruditorum manus pervenerunt, fieri non potuit, quin antiquiores scriptores multa ignorarent, quae patrum nostraque memoria investigata sunt. Accidit praeterea, ut quos conjungi et secum oportet comparari, harum rerum scriptores viri docti a se invicem separarent singulique suos quasi duces sequerentur, hincque contra veritatem sententias dicerent. BARONIUS cum his, qui eum compilare consueverunt, et PAGIO, solis usus est scriptoribus Graecis; ABRAHAMVS *Ecchellenfis*, EDVARDVS POCOKIVS, HUMPHR. PRIDEAUX, BARTH. HERBELOTIVS solis Arabicis. Nostra demum aetate salutari consilio cogitari coepit de conferendis variorum testium narrationibus. Adponamus clarissimorum virorum nomina, qui laudabiliter in explicanda harum rerum memoria versati sunt. Princeps eorum jure suo censetur JOSEPH. SIMON AS-

SEMANNVS cum *biblioth. oriental. tom. III. part. 2. p. 599. sqq. tum dissertat. num.*, quibus PETRI RAHEBI *chronicon orientale*, nova a se Latina versione donatum editumque inter *Byzantinos* historicos, quos Veneti collegerrunt, auxit, *quarta p. 279.* Hunc exceperunt Anglicani *historiae universalis conditores tom. XVI. p. 317. edit. Germanic. DAVID KOCHERVS*, qui ad *fastos Habessinorum sacros*, a se Latine conversos et per partes in *excerpt. Italicae et Helveticae litteraturae pro anno MDCCLX. editos, tom. II. p. 233.* diligentissime de his rebus commentatus est, et ill. IOANN. DANIEL RITTER in operis *Guthriani* versione *Germanica tom. V. vol. 2. p. 272. sqq.* Praeter hos pauci fuerunt, qui breviter rem attingerent, v. c. MICHAEL LEQVIEN *orient. christian. tom. II. p. 663. et 427.* PAVLL. ERN. IABLONSKIVS *institut. histor. christ. antiquior. p. 185.*

NISI omnia me fallant, duplex esse videtur *fontium*, ex quibus colligi de his rebus debent omnia, quorum notitia ad nos pervenit, genus; alterum ex his est *historicorum*, sive ex instituto, sive accepta occasione ea narraverint; alterum vero alia amplectitur monumenta, quae repetunt et confirmant ab illis dicta.

SCRIPTORES, quos testes harum rerum habemus, sunt vel Graeci, vel Syri, vel Arabes; omnes vero aetate, dignitate et auctoritate multum differunt. *Graecis* primum locum tribui, decet, non quod aliis magis perite et scienter de hac re dixerint, aut ceteros fide antecellant, sed quod illi a nostris primi lecti fuerint et usurpati.

I- Quo quidem nomine ante omnes collocanda sunt *acta martyrii S. Arethae et sociorum*, quae graece scripsit SIMEON *metaphrastes*; latine conversa ediderunt ALOYSIVS LIPOMANNVS b) LAVR. SVRIVS c), CAESAR BARONIVS d). Norunt omnes, SIMEONIS nomine inscriptos multos de martyrum sanctorumque vitis circumferri commentarios, qui ne hac quidem laude, licet valde exigua sit, digni censeantur; hos vero, qui de S. *Aretha* agunt, inter germanos ingenii SIMEONIS fetus recte referri, LEO ALLATIVS e) iudicavit, quem IOANN. ALB. FABRICIVS f) sequutus est, notavitque, Graeca, quibus aegre caremus, servari in bibliothecis Caesarea et Coisliniana. Longa vero est et copiosa SIMEONIS narratio, quam licet sine dubio ex vetustioribus monumentis desumeret (ita vero esse ex iis, quae posthaec adferam, certissime colligetur) suo more tamen et temporis, quo vixit, vitio, variis commentis de miraculis, adparitionibus, vocibus caelitus auditis et similibus auxit.

Nulla

b) vit. sanctor. tom. VI.

p. 309. et 327. edit. MANSII.

c) vit. sanctor. tom. V. p. 946. sqq.

e) de script. Simeon. p. 126.

d) annal. eccles. ann. DXXII. §. 23.

f) biblioth. Graec. vol. VI. p. 514. et

sq. et ann. DXXIII. §. 16. sqq. tom. IX. vol. IX. p. 58.



Nulla enim modo fieri potest, ut BARONIVM g) audiamus, nimis magnifice de *actis Arethae* sentientem adfirmantemque, *metaphrasten* nullam aliam iis navasse operam, quam ut ea ex auctore integerrimae fidei exscriberet. Cui recte quidem contradixit ANTONIVS PAGIVS h) multaue ficta a martyrum laudatore et fabulosa his contineri confessus est; nos vero ita esse, certissimis intelligimus argumentis, si haec *Arethae* acta cum aliis et antiquioribus ejusdem martyrii monumentis, quae PAGIVM latuerunt, comparamus. Praeter haec puriora et sinceriora *Arethae* exstare acta, testatus est MICHAEL LEQVIEN i), quae si in lucem protulisset, magnam certe iniisset doctorum virorum gratiam; dedit tamen eorumdem initium, quod in meos usus convertendi, nanciscar opportunitatem. Quamvis igitur difficile sit et arduum negotium, perinde in *Arethae*, ac aliorum martyrum gestis, a *metaphrasta* exaratis, discernendi vera a falsis, hoc est, quae is ex fontibus in suos rivulos deduxit, ab ineptis commentis, quae ad amplificandas ornandasque martyrum laudes sine teste, sine fide finxit; fieri tamen potest, ut nisi certa, probabili tamen conjectura sentiamus, quaenam nullam quasi habeant mendacii suspicionem, quaeve ab hac liberari nequeant, modo si, cum quibus ad mentiendum commoveri potuerit, causas consideremus; tum quae is solus enarraverit, sejungamus ab iis, quae aliorum consensu confirmantur.

II. PROCOPIVS inter Graecos aetate principatum tenet. Scripsit is sub Iustiniano primo de bello, ab hoc contra Persas gesto, commentarios usus quae est occasione, quam legationes, ab imperatore primum ad Almundarum Saracenorum regem, deinde ad Homeritas et Auxumitas, hoc est, Aethiopes, sive Habessinios missae k) praestite-

g) *ann.* DXXII. §. 22. p. 309.

h) *critic ann.* DXXII. §. 5.

i) *orient. christian. tom.* II. p. 429. 663.

k) quae ex PROCOPII de bello Persico

historia ad hunc locum pertinent, leguntur *libr. I. cap. 17. p. 50. et cap. 20. p. 60. tom. I. oper. edit. Paris.*

stiterunt, de gentibus illis earumque moribus, et novissimis reipublicae vicissitudinibus, multa enarrandi memorabilia, quae ad nostrum argumentum referri debent, ab aliorum vero narrationibus summopere discrepare videntur.

III. Cum PROCOPIO eodem tempore vixit NONNOSVS *l)* functusque est legatione illa ad Aethiopas, Homeritas, Saracenos aliosque orientis populos, cujus historiam ipse conscripsit. Quae licet temporum injuria sit perdita, legit tamen eam PHOTIVS *m)*, et more suo nonnullas particulas, ex eadem decerptas, nobis servavit.

IV. Post hos THEOPHANES in annalibus, quos condidit, rerum Byzantinarum, mentionem fecit eorum, quae inter Homeritas gesta sunt, ita ut facile intelligamus, usum eum esse *Arethae* actis vetustioribus, et nonnihil ab illis, quae metaphrastes usurpavit, diversis *n)*. Qui hunc sequuti sunt, IOANNES MALALA *o)*, GEORGIVS CEDRENVS *p)* et IOANNES ZONARAS *q)*, qui pauca et quasi disiecta historiae membra referunt, et qui ceteris copiosior est et manifeste ex actis *Arethae* sua hausit, NICEPHORVS CALLISTVS *r)* obaetatem, qua floruerunt, inter auctores fide nostra dignos vix numerari queunt; nisi vetustiora monimenta descripsisse censeantur. Descripserunt certe, sed num sine errore, sine perturbatione rerum, sine negligentia id egerint, posthaec videbimus. Multo minus Latinus ille *historiae miscellae s)* scriptor tantae est auctoritatis, ut testem eum habeamus eorum, quae ipse ut ex Graecis desumeret, necesse est.

HIS

*l)* de NONNOSO vid. FABRICIVM *B. Gr. vol. VI. p. 239. 839. et vol. IX. p. 382.*

*m)* *biblioth. cap. 3. p. 6.*

*n)* *chronogr. p. 144. et 158. edit. GOARI.*

*o)* *chronograph. part. II. libr. XVIII. p. 52. edit. Venet.*

*p)* *histor. compend. tom. I. p. 364. edit. GOARI.*

*q)* *annal. libr. XV. cap. 5. tom. II. p. 59. edit. DUFRESNE.*

*r)* *histor. eccles. libr. XVII. cap. 6. tom. II. p. 739. edit. FRONT. DVCAEI.*

*s)* *libr. XVI. p. 116. edit. MVRATORI tom. I. part. I. S. R. I.*



HIS vero secundo loco accedunt *Syri*, quorum de Homeritarum rebus narrationes nostra demum aetate IOSEPHI SIMON. ASSEMANNI *t)* opera in lucem productae fuerunt. Necessse est, ut quales sint testes novi, antea inauditi, paullo adcuratius cognoscamus.

I. Princeps eorum recte habetur SIMEON *Betharsanensis*, qui ceteros facultate vera cognoscendi, superavit. Reliquit *epistolam de martyribus Homeritis, ad Simeonem, Gabulae abbatem u)*, ex cuius initio discimus, primum scriptam eam fuisse anno Graecorum DCCCXXXV. d. XX. Canuni, qui Latinorum januaro respondet; deinde, Simeonem una cum *Abrahamo* a Justiniano, sive potius Justino I. *x)*, ablegatum fuisse ad Mundarum, regem Arabiae, ut conciliarent pacem et foedus cum hoc inirent: denique, quum in castra ejus venissent, adfuisse legatos regis Homeritarum et hujus *ad Mundarum litteras* adtulisse. Atqui has litteras jussu *Mundari*, audientibus legatis imperatoris lectas *y)*, recitat SIMEON, quibus rex Homeritarum res a se contra Aethiopus civesque christianos, maxime Negransenfes, gestas uberius exponit. Quodsi haec cogitamus, quanta in iis inesse debeat auctoritas, quanta fides testimoniorum, quae de suis actis edidit, facilis sane est conjectura: nihilominus qui sine partium studio consideratius epistolam regis Homeritarum legerit, eum sane oportet dubitare, num vere is ea scripserit, quae SIMEON scripsisse eum testetur. Etenim non solum ultra quam a rege illo Judaeo exspectari potest, de martyribus copiose et uberius agit; sed etiam ea tradit, quae nimis iisdem honorifica sunt et gloriosa, quaeve nullus Christianorum hostis unquam edixisse, credendus est. Quare nec ASSEMANNVS *z)*, nec KOCHERVS *a)* dissimularunt, litteras

*t)* tom. I. *biblioth. orientalis*.

*u)* p. 364.

SEMANNVS *loc. cit.* p. 362.

*y)* p. 372.

*x)* *Justiniani* nomen pro *Justino*  
a Syris et Arabibus poni, monet AS-

*z)* p. 368. *not. 4.*

a) laudata supra *commentatione* p. 240.

*Comm. Soc. Goett. T. IV.*

\* B

ras has Homeritae sibi videri a SIMEONE nonnullis additamentis auctas. Addo vero, alia ejusdem epistolae loca aequali jure mihi esse suspecta. Mirandi certe est causa, regem Judaeum in suis sceleribus aperte gloriari et litteris ad alium regem datis se fraudatorem et perjurum ipsum prodere. Nihilominus haec epistola non est solus fons, ex quo SIMEON sua deduxit. Addit enim *b)*, se reducem in terras Naamanis, alius Arabum reguli, invenisse ibi legatum regis Homeritarum, a Iudaeo illo occisi, huncque quum expers esset omnium, se absente in patria gestorum, hominem mercede conductum Negranam misisse, ut quae vere contigerint, sibi renuntiaret *c)*. Quae hic retulit de caede civium Negranensium, ita SIMEON litteris consignavit, ut mirum sit, talem nuntium tam copiose et ornate enarrasse, et qui facti fuerint, sermones fideliter expressisse; nisi et huic narrationi decoris quid opera SIMEONIS accessisse, fueris suspicatus. Denique nec clausula epistolae SIMEONIS hoc loco omit- tenda est, qua se illam eo consilio dedisse significat, ut summa, qua Judaeus ille rem christianam adfecerit, injuria ad notitiam patriarchae Alexandrini perveniret, hic vero Aethiopiae regem ad ulciscendum facinus excitaret *d)*. Quae jam observavi, sufficere mihi videntur recto de auctoritate SIMEONIS ferendo judicio, quo quidem caveatur, ne quaevis ab eo prolata uno eodemque loco habeantur.

II. Sequitur IOANNES, *Asiae* episcopus, eidem aetati sup- par *e)*, auctorque commentariorum historicorum, in quos non modo SIMEONIS epistolam retulit, sed etiam eidem partim praemisit, partim subjecit, quae ad rerum ista tempestate in Homeritide se- riem pertinent. Has quidem annalium, quos IOANNES condidit, parti-

*b)* p. 373.

*c)* p. 373.

*d)* p. 378.

*e)* mortuum enim IOANNEM esse anno seculi sexti LXXVIII. testatur AS- SEMANNVS *B.O. vol. II. p. 90.*



particulas cum dicta SIMEONIS epistola solus servavit DIONYSIVS patriarcha, sub finem seculi octavi clarus f), ex cujus chronico sum-  
sit et luce donavit ASSEMANVS g).

ACCEDIMVS tertio ad Arabes. Facile expectatur, ut quae ad gentem Homeriticam pertineant, rerum memoria in annalibus illorum posteris commendetur. Nostis vero, collegae, quamvis insignis sit historicorum Arabicorum numerus eorumque monimenta satis multa in praestantissimis Europae bibliothecis adserventur; admodum tamen pauca ex his litterarum formis expressa, et plerosque viros doctos, qui illis usi sunt, satis habuisse, discerptas particulas modo Latine, modo Gallice describere. Id etiam nostrae historiae accidit, ut, quae de illa a variis Arabicis scriptoribus prodita sunt, ex codicibus manu exaratis breviter recenserentur. Qua quidem opera omnium primus functus est EDVARD. POCOKIVS h) qui ex commentariis ABVLFEDAE, ALGJANNABII, ACHMEDIS IBN JOSEPH aliorumque, seriem regum provinciae Yemanae, hoc est, Arabiae felicitis, Hamyariensium siue Homeriticorum, composuit et breviter strictimque enarravit, quae ibi de nostris rebus erant relata. Eodem fere tempore ABRAHAMVS Ecchellensis edidit *supplementum chronici orientalis* et simili ratione se ex ISMAELE SCIAHIVSCIAH, MASHVDIO, BENSANNA aliisque hausisse fassus est, quae narra-  
verit i); nihilominus eum sibi haud temperasse, quin adderet, quae Arabes haud scripserunt, clarissimis exemplis intelligitur. Post POCOCCIVM et ABRAHAMVM, BARTHOLOMAEVS HERBE-  
LOT k) ex instituti sui rationibus non potuit non adferre, quae in Arabum monumentis de Homeritici imperii reiue christianae fatis in-  
venit,

f) vid. EVMDEM loc. cit. p. 98 sqq.

h) *specim. histor. Arabic.* p. 55.

g) tom. I. p. 359. et p. 379. Eadem monumenta Syriace exhibet illustr.

i) *part. I. cap. 10.* p. 145. edit. Venet.

MICHAELIS *chrestomath. Syr.* p. 16. sqq.

k) *biblioth. orientale.* p. 12. et 475.

venit, sed admodum dispersa et Gallice conversa. Quamvis igitur fas sit, gratiam habere viris doctis, quorum diligentiae id acceptum ferimus, ut et servatam esse ab historicis Arabicis nostrarum rerum memoriam, sciamus, et magnam eorum, quae hi prodiderunt, partem habeamus cognitam; tamen, nisi legendi eorum monumenta data fuisset copia, omnia dubia, confusa et incerta nobis ut sint, necesse est. Magno igitur beneficio litteras orientales auxit et praeclarissima his nostris studiis paravit praesidia ALBERTVS SCHVLTENS, quod primus nonnulla Arabicae historiae monumenta litterarum formis describi curavit, ex quibus longe plura et uberiora discimus. Qualia illa sint, ipse vir summus *l)* latius exposuit addiditque, sibi propositum esse, ex his aliisque Arabum scriptoribus integram et absolutam *regni* Yemenensis, sive Yostanidarum, scribendi historiam, cui procul dubio excusi illi libelli accessissent. At morte impeditus, spem fefellit, et horum exempla, nullo titulo, nulla praefatione ornata, perpetuae quasi obscuritati fuerunt relicta. Accidit vero, ut nuper illustris noster IOANNES DAVID MICHAELIS, amici Belgae benevolentia libellos obtineret, qui non modo eorum memoriam ab interitu vindicavit *m)*; sed etiam mihi humanissime eorundem usum concessit. Accedere ergo mihi licuit ad ipsos fontes, ad quos alii aditu adeo interclusi fuerunt, ut vel ipse eruditus KOCHERVS *n)* conqueratur, carere se lectione *Taberitae*, aut MESVDII, quorum uterque nunc in nostris manibus est. Operae vero pretium est, de singulis his monumentis haec ad vos referre.

I. Collectionis hujus initium facit *historia imperii vetustissimi Iostanidarum in Arabia felice*, ex ABULFEDA, scriptore seculi christiani XIV. sed fidei laude nobilissimo. Quos ille magna cura ex vetustioribus

*l)* epistola I. ad Menkenium, edita Lugd. Bat. anno MDCCXLIX. 4. p. 115. *m)* in der oriental. und exeget. Bibl. part. IV. p. 142. sqq.

*n)* loc. cit. p. 261.



bus monumentis collegit, historiae Arabicae commentarios, constat, a IOANNE IAC. REISKIO Latine conversos prodire coepisse, sed haec eorum pars cum ceteris, quae ad res Muhamedis aetate superiores referuntur, fuit praetermissa.

II. Deinde sequuntur *historia imperii vetustissimi Joctanidarum in Arabia felice*, ex HAMZA IBN ELHASAN nn) *Hispananensi*, qui seculo X. floruit,

III. et *historia imperii vetustissimi Joctanidarum in Arabia felice* ex NUWEIRIO, itidem seculo XIV. claro o), de cuius auctoritate SCHVLTENSIVS p) jam disputavit.

IV. Quam excipit *historia everfi imperii Joctanidarum in Arabia felice* ex *Taberita*, sive ex commentariis ABV GIAFAR MOHAMMED IBN JEZID *Taberita* desumpta, qui sub initium seculi X. floruit et inter praestantissimos historiae Arabum scriptores communi fere eruditorum iudicio numeratur q).

V. Tandem ad nostros usus pertinet *historia everfi regni Joctanidarum in Arabia felice*, ex MESOVDI, sive MASHVDI, qui eodem decimo seculo medio vitam deposuit r), libro: *prata auri et fodinae gemmarum*, descripta.

Quamvis fides scriptorum Arabicorum in enarrandis rebus suae gentis antiquioribus, hoc est, Muhamedis aetatem superantibus, valde du-

nn) de hoc legas REISKII *prodi-* q) conf. POCOKIVM *specim. histor.*  
*dagm.* ABVLFEDAE *tabulae Syriae*, a *Arabic.* p. 383. HERBELOTIVM p. 866.  
cl. KOELERO editae, subiecta, p. 230 sq. et Anglicanae *histor. universalis* recen-

o) Conf. de illo HERBELOTIVM p. tioris, Germanice editae, tom. II. p. 304.  
674. et REISKIVM *loc. cit.* p. 232.

p) *epist. I. ad Menk.* p. 115.

r) vid. HERBELOTIVM p. 564.

de dubia et suspecta multis esse videatur; nec negare velimus, suis vitiis illos laborare, admodum negligentes eos esse in designandis temporum notis et annorum numeris s); mirificam prode eorum omnium, quae ad populos extraneos pertinent, ignorantiam, et delectari fabulis, quas suae genti gloriosas esse putant: tamen si consideraveris referre eos, quae a maioribus tradita acceperunt, cur omnem quasi illis fidem denegari oporteat, uti cel. REISKIUS sibi aliisque persuaderi cupit, nullam quidem adsequor causam. Hoc certe loco magnam auctoritatem illis, opinor, recte tribui. Narrant enim res, quae proxime a temporibus Muhamedis abfuerunt, quas vere contigisse, aliorum testimoniis, licet nonnihil discrepantibus, confirmatur, quas in Arabia felice gestas, Arabes non modo nosse aliisque melius nosse, sed etiam in annales suos referre earumque memoriam posteris commendare oportuit. Quare non solum digni sunt, qui cum Graecis et Syris comparentur, sed iisdem quoque tum praeferantur, quum ea tradant, quae illi manifeste negligentius exprimant, v. c. nomina regum, aut illustrium Arabiae virorum, aut urbium, quae ex solis Arabibus recte discuntur. Sic et vix dubito, feriem regum, qui sibi successerunt, domesticis scriptoribus, licet paullo recentioribus, magis perspectam fuisse exteris hominibus, qui hujus generis res enarrare, ne sibi quidem proposuerunt, sed breviter eas attigerunt et perstrinxerunt. Haecenus de Arabibus.

Quum multa, quae ad nostrum locum spectant, ab Habessinibus sive Aethiopibus acta fuerunt, gravis sane dolendi est causa, nullos hujus gentis scriptores in nostris esse manibus, quos consulamus. Ignorare quidem Aethiopus clarissima haec majorum suorum facinora, ne quis suspicetur, impediatur, necesse est, aliis, quae postea commemorabo, monimentis; caremus tamen historicis Aethiopum, qui

s) chronologiam Arabum maxime ipso, quem SCHVLTENSIVS edidit, esse incertam, fatentur ABULFEDA in libello p. 10. 11. et HAMZA p. 40. 41.



qui data opera regum suorum gesta in commentariis retulerint. Quae enim IOBVS LVDOLPHVS *t)* adtulit, ea partim ex BALTH. TELLEZIO, qui Graecos sequitur, partim ex Arabibus Pocokianis desumfit.

Quinam igitur praecipui sint rerum a me indagandarum fontes, intelligitis. Pauca de *altero* eorum genere dicam, quo ea complecti libet earumdem monimenta, quae piorum hominum, ob christianam religionem a Judaeo Homeritarum rege necatorum, memoriam commendant. Quo pertinent cum ipse *Coranus*, de cujus testimonio infra uberius differendi, exspecto opportunitatem; tum *martyrologia* christiana, ex quibus *Graeca* sine dubio ex *Arethae* actis, supra laudatis ea, quae proferuntur, desumserunt, horumque auctoritatem, quam orientalis ecclesia iis tribuit, testantur. In *menaeis u)* et *anthologia x)* celebrantur *Arethas* a Judaeis occisus, et mulier una cum filiolo carminibus sacris, sed sine tali historica martyrii narratione, qualem *menologium* BASILII *y)*, seculo IX. confectum et ab ANNIBALE ALBANO, patre purpurato, primum Graece editum, exhibet, manifeste ex dictis *Arethae* actis repetitam. Simillimum huic esse videtur *menologium* bibliothecae Vindobonensis, ex quo PETRVS LAMBECIUS *z)* particulam, ab aliis satis laudatam, descripsit. Ex Graecis transiit *Arethae* et sociorum CCCXL. tempore Justini, sub *Dunaan* Judaeo tyranno et christianae mulieris ejusque filii commemoratio in *martyrologium Romanum a)*, ea vero, quae de *sancto Elebaan b)* ibi leguntur, unde desumta sint, quisquis *metaphrastae* vitam *Arethae* consuluerit, facile divinabit. Simili modo *Habessinorum* sacri fasti martyrum Arabiae faciunt mentionem. Bina martyrologia Aethio-

*t)* *histor. Aethiop. libr. II. cap. 4. §. 22.*

*u)* d. 24. Octobr.

*x)* edito Venetiis ann. MDCXXI.  
d. 24. Oct.

*y)* tom. I. p. 139.

*z)* de *biblioth. Caesar. libr. V. p. 132.*

*a)* p. 472. edit. BARONII.

*b)* p. 476.

Aethiopica et carminibus expressa, exstant typis exarata, alterum, quo LVDOLPHVS usus est, alterum, hoc antiquius, quod per longum tempus in bibliotheca Bernensi quasi sepultum jacuit *c*); opera vero DAVID. KOCHERI, in lucem fuit revocatum, ita ut magna ejus pars Latine conversa et eruditissimis commentariis illustrata eamdem viderit. Utrumque martyres Nagraenses praedicat; neutrum, si ab horum numero, in Bernensi expresso, discesseris, nostro argumento lucis aliquid adfert. Denique et ASSEMANVS *cc*) bina *Armenorum* menaea publici juris fecit, quae itidem martyres hos Ne-graenses celebrant, nihil vero, praeter numerum, nobis tradunt argumenti historici.

Quae haecenus exposui, ea quidem quantus sit monumentorum, quae rerum Homeriticarum ad hunc locum pertinentium, memoriam servarunt et ad nostram usque aetatem propagarunt, numerus, quanta sit testium multitudo, quos audiendi facta nobis sit copia, satis docent. Atqui tot testes in enarrandis singulis casibus eorumque causis, in factorum serie ordinanda, in exprimendis temporum, quibus singula evenerunt, notis tantum abest, ut consentiant, ut non modo diversa, sed etiam sibi contraria enarrent. Id quod ut facilius cognoscatur rectiusque dijudicetur, eorum enarrationes secum invicem comparabo.

*Primo* vero loco ea ponere libet, in quibus insignis est scriptorum concordia.

I. seculo a virginis partu sexto Homeritis imperasse regem, Judaicis sacris additum, tradunt *acta Arethae*, IOANNES *Asiae d*),

SIMEON

*c*) de utroque legas, quae KOCHERVS in praefatione commentatus est, tom. I. excerpt. Ital. ann. MDCCLX. p. 213.

*cc*) B. O. tom. III. part. I. p. 648. 653.

*d*) IOANNEM Homeritas *Indorum* nomine significare, recte monet ASSEMANVS B. O. tom. I. p. 359.



SIMEON *Betharfanensis*, ABVLFEDA, HAMZA *Hispahanensis*, NVWEIRIVS, *Taberita*, MESOVDIVS, ALGIANNABIVS apud HERBELOTIVM, *menologium* BASILII et *Romanum*.

II. Hunc christianos summopere vexasse, ut eos ad deferendam religionem christianam et Judaicam amplectendam cogeret et insignem eorum numerum mortis poena atrocissime adfecisse, testantur iidem omnes et cum his Graecis THEOPHANES, CEDRENVS, ZONARAS, NICEPHORVS;

III. Simili modo iidem omnes, si ab ABVLFEDA discefferis, qui brevitatis studio haec omisit, referunt, urbem *Negranensem* a Judaeo occupatam ejusque cives christianos misere fuisse necatos. Accedunt vero his, quibus martyrum horum fit mentio, *menaea*, *anthologium*, *martyrologium* Aethiopicum utrumque, et *Corani* locus infra notandus.

IV. Regi huic Arabum, siue Homeritarum Judaeo bellum intulisse regem Aethiopum, siue Auxumitarum, siue Habessinorum (communia enim haec esse unius ejusdemque populi nomina, neminem fugit,) felicissime pugnasse, ita ut Homeritidem in suam potestatem redigeret, Judaeus vero vitam amitteret, narrant *aḥa Arethae*, PROCOPIVS, THEOPHANES, IOANNES *Asiae*, HAMZA *Hispahanensis*, NVWEIRIVS, *Taberita*, MESOVDIVS.

V. Aethiopiae regis auspiciis Homeritarum reip. administrandae praefectum fuisse *Abrahamum* christianum, uno quasi ore fatentur, *aḥa Arethae*, PROCOPIVS, IOANNES *Asiae*, Arabes apud ABRAHAMVM *Ecchellensem*, POCOKIVM et HERBELOTIVM, et *Schultensiani* ad unum omnes.

HAEC ergo nobis videntur supra omnem dubitationem posita esse, quod in singulis aut consentiunt universa, quae adfunt, monimenta; aut si nonnulla de iis tacent, v. c. THEOPHANES de *Abrahamo*,  
*Comm. Soc. Goett. T. IV.* \* C filen-

silentii caussa ex consilii, quod quisque sibi propositum habuit, rationibus aut orationis terminis ita patet, ut nefas sit eodem abuti ad aliorum fidem obtrectandam.

DEINDE notare libet particulas narrationum, de iisdem rebus diversas et sibi contrarias.

I. Quo nomine usus sit rex ille Iudaëus, qui tantum tamque immane erga christianum nomen odium conceperit animo eoque inflammatus, Homeritidis incolas civesque inprimis *Negranenses* crudelissime sit persecutus, omnino inter se dissentiunt. Nomen regis omittunt PROCOPIVS, SIMEON *Betharsanensis*, *menologium* BASILII, *menaea*, *anthologium*, *martyrologium* Aethiopicum utrumque et CORANVS. Num simili modo id praeterierit, an male regem Homeritarum *Dimionem* (دیمون) quem nominat, ab illo, qui christianos vexaverit, et ab Aethiope regno vitaeque privatus fuerit, discerni voluerit IOANNES *Asiae*, dubia est et ad alium locum reseruanda quaestio. *Acta Arethae* adpellant eum *Dunaamum*, quae prope sequitur *martyrologium Romanum*, ubi *Dunaan* legitur; THEOPHANES vero scripsit Δαμναρος. Neque Arabes sibi constant, nec repugnant. Qui ex illis brevitati student, satis habent, scribere *Du-Nowas* sive *Dsunowas* (ذو-نواس) Sic Arabes apud POOCKIVM et HERBELOTIVM, sic ABULFEDA, et HAMZA *Hispahanensis* qui addit, dictum eum fuisse a *cincinno gemino*, qui per humerum ejus utrumque fluctuabat e). Nomen ei fuisse *Zeraa Ibn Caab* (زرعة بن كعب) cognomen *Dsu-Nowas*, ob *cincinnos*, scripsit NVWEIRIVS f). *Taberita* g) vero non modo *Zeraa Dsu-Nowas* eum vocavit; sed etiam, paucis interpositis, adjecit, eum, quum suscepisset religionem *Judaicam*, nomen *Josephi* (يوسف) adsumpsisse. MESOVDIVS denique h) a ceteris omnibus discedit regemque illum nuncupat *Josephum Dsu-Nowas filium Zeraa*.

II. Pari

e) p. 36. 37.

f) p. 78. 79.

g) p. 104. 105.

h) p. 140. 141.



II. Pari modo de nomine regis Aethiopiae, qui bellum cum Homeritis gessit christianisque pristinam reddidit libertatem diffident harum rerum auctores. Arabes quidem illud ad unum omnes silentio praetermittunt. Suffecit illis nuncupare regem *Abeffinorum* (الحبشة) uti HAMZAE aliisque, uti *Taberitae*, *Nagasium* (النجاشي) quod quidem apud Arabes commune esse regum *Aethiopiae* nomen, satis notum est. In *Aethiopum* monimentis nomen *Calebi* cum ferre, LV-DOLFVS i) et KOCHERVS k) testantur. Ex *Syris* unus quidem IOANNES *Asiae* regi *Aethiopiae*, sive *Auxumitarum*, nomen fuisse *Aidug*, (أيدو) scripsit; *Graeci* vero mirifice a se invicem discrepant; ut nulla conjectura adsequi possimus, quaenam fuerint variationis causae, quaenam origo. Ελεβαας scribit NONNOSVS; Ελεβαα THEOPHANES l) Ελεβααμ monologium LAMBECHII: Ελεβααν, αἰθα *Arethae*, menologium BASILII, martyrologium Romanum, Αδαδ, THEOPHANES, m) Δαυιδ solus NICEPHORVS. Omnibus denique adversatur PROCOPIVS, qui *Aethiopiae* regem Ελλιδεαιον, adpellavit et de eo eadem fere enarrat, quae de *Elesbaano*, aut *Aidugo*, aut *Calebo* ceteri prodiderunt.

III. Retineamus *Dsu-Nowasi* et *Elesbaani* nomina, quorum illud auctoritate Arabum nititur, hoc prae aliis recentioris aevi usu est receptum. Antequam igitur *Dsu-Nowasus* christianos persequi instituisset, quaenam gesta fuerint, denuo ita enarrant historici, ut non solum a se invicem discedant, sed etiam sibi adversentur. Arabes quidem omnes, *Pocokiani*, ABULFEDA, HAMZA, NVWEIRIVS, *Taberita* et MESOVDIVS consentiunt, successisse *Dsu-Nowasum* in locum regis *Lachnia Dsu-Shanathir*, (لكنية ذو شناتير) eo modo, quem postea ex eorum narrationibus repetam, utrumque ex Homerita-

i) *histor. Aeth. libr. II. cap. 4. §. 39.* l) p. 144.  
et *commentar. p. 232.* m) p. 158.  
k) *loc. cit. tom. II. p. 248.*

ritarum gente fuisse et *Dfunowasum* populi voluntate regnum occupasse. De rebus, quae inter Homeritas et Aethiopus, aut Romanos acta fuerint, ad unum omnes silent. Ex Syris tradunt IOANNES *Asiae*, n) *Dimionem*, regem Homeritarum eundemque Judaeum necasse nonnullos mercatores Romanos mercibusque spoliatis, commercia abruptisse, causamque facinoris hanc esse voluisse, quod Romani Judaeos vexare et opprimere consueverint; hoc quidem aegre tulisse Aethiopem, quod christiani per Arabiam in Aethiopiam proficiscerentur: indixisse igitur *Dimioni* bellum: eum superasse: praefecisse Homeritis regem quemdam christianum, cujus nomen ut ignoraverit, necesse est; hoc vero mortuo, Homeritas elegisse alium regem itidem *Judaeum*, qui christianos vexaverit. Confirmatur hoc postremum litteris regis Homeritarum, quas SIMEONEM *Betharsanensem* recitare, dixi. Ibi enim rex ille fatetur, o) se, mortuo rege, ab Aethiope constituto, regiam dignitatem sibi adripuisse, usumque esse opportunitate temporis hiberni, quo Aethiopes a traiciendo mari impedirentur. Quae de mercatoribus occisis Syrus narrat, repetunt THEOPHANES, CEDRENVS, MALALA, hac tamen lege, ut ne perinde binos reges Homeritarum Judaeos, christianis inimicos a se invicem discernant, nec christianum quemdam, ab Aethiopibus constitutum, inter illos medium collocent. Nimia eorum brevitatis causa est, cur tuto, quatenus vere negaverint, quaeve ignoraverint, aut modo tacuerint, definire nequeamus. *Acta Arethae* p) res satis copiose narrant. Vnum perinde norunt Homeritarum regem, atque Arabes, *Dunaanum*, sed hunc varia et diversa cum Aethiope, produunt suscepisse bella: ad tributa huic ferenda fuisse coactum; sed quum pacta cum *Elesbaano* violasset, in proelio victum fugatumque: hoc facto *Elesbaanum* rediisse in Aethiopiam, relicto tamen exercitu in Homeritide;

n) V. ASSEMANNI *B. O. tom. I.*

. 359.

o) *ibid.* p. 365.p) apud BARONIUM *ann. DXXII.*

§. 23.



ritide; *Dunaanum*, denique hunc exercitum adgressum caesisse et provinciam recuperasse, animumque ad christianos vexandos impulisse.

IV. Quamvis inter omnes conveniat, atrocia crimina contra christi cultores commisisse regem illum Homeritarum-Judaeum; de causa tamen immanis odii admodum inter se dissentiunt. Quodsi vera narravit IOANNES *Asiae*, a longo tempore christianos Homeritis invisos esse oportet ob Romanorum Judaeos vexandi studia. Ex *actis Arethae* colligi fas foret, *Dunaanum* cives suos christianos ex odio Aethiopum, qui illi adem'erant regnum, nunc recuperatum, tot tantisque malis adfecisse. Nihilominus eadem *acta* cum Syris aperte testantur, *Dunaanum* communi cum Judaeis erga Christum religionisque christianae formam omnem fuisse animo nec consilium ei fuisse, ulciscendi injurias, a Romanis Judaeis, aut sibi ab Aethiopibus illatas, sed christianos omnes vi et suppliciis ad commutanda christiana sacra cum Judaicis cogendi. Confirmantur haec a nostris Arabibus, quorum testimonia digna certe sunt, quae considerentur. HAMZA *Hispananensis* haec scripsit: q) est autem *Dsunowasus* ille celebris ille dominus fossae, quique in *Jemanensi* regione homines ad Judaicam religionem compulit. Nempe descenderat *Jathrippam*, (يثرب) hoc est, ut SCHVLTENSIVS monuit, *Medinam*, quum illac iter haberet, eique adriserat *Judaismus*. Tum instigarunt eum *Jathripenses* *Judaei*, ut bello adgrederetur *Negranensem* civitatem atque christianos vexaret qui sedem ibi habeant, cetera: NVWEIRIVS: r) sic regnum adeptus *Dsu-Nowas Zeraa* hicce atque in absoluto imperio confirmatus, cultum idolorum repudiavit religionemque Judaicam amplexus caedibus grassari coepit adversus eos, qui in *Jemanensibus* provinciis fidem Jesu filii Mariae — — — sectarentur eique obsequi detrectarent. Eum in finem quoque oppidum *Negran*, ubi *Abdalla* filius *Althamiri* cum sociis suis religionem christianam profitebantur, se contulit iisque injunxit, ut Judaicam fidem susciperent. Simili modo

Tab-

q) p. 36. 37.

r) p. 80. 81.

*Taberita*, cujus verba posthaec dabimus, nullam commemorat persecutionis christianorum causam, praeter nimia Judaicae religionis propagandae studia.

V. Hujus vero vexationis rationes a nonnullis enarrantur diligentius et copiose, ab aliis breviter strictimque. Quae hi omittunt, non possunt illis contrariari. Alii tamen, qui diversa narrant, sibi repugnare videntur. Singularum igitur narrationum exhibebimus summam brevem

I. Litterae quidem, quas regem illum Judaeum ad Almundarum scripisse, SIMEON *Betharfanensis* auctor est, haec nuntiant: s) regem, occupato regno omnes christianos ad Judaismum cogere tentasse: *ducentos octoginta* sacrorum ministros una cum Aethiopibus, ad templum relictis, occidisse et aedem in synagogam convertisse: deinde ad occupandam urbem *Nagran* (𐤍𐤒𐤍) cum XII mille viris accessisse eamque, quum per aliquod tempus frustra oppugnasset, fraude tandem et jurejurando, salvos fore cives, si se dederint, cepisse: Pauli episcopi, jam vita defuncti; ossa, ipsum templum cum sacerdotibus aliisque, qui eo se receperant, combussisse: ceteros urbis proceres, quum nollent christo renuntiare, suppliciis dedisse; similiter feminas una cum virginibus deo-dicatis flammis periisse, tandem Rumam (𐤓𐤓𐤍) futuri proxime regis conjugem ejusque filias post edita admiranda constantiae in retinenda christiana religione documenta, capite fuisse truncatas: his denique actis regem impuberibus parci mandasse. Nuntius vero Negrana redux omnia confirmavit haecque adjecit: t) caesos fuisse *trecentos quadraginta* urbis optimates eorumque principem *Aretham*, filium *Calebi*, (𐤀𐤓𐤈𐤌 𐤒𐤀𐤋𐤁𐤏) ac maritum Rumae; (𐤓𐤓𐤍) regem jussisse eos ad torrentem, qui appellatur *Wadjo*, (𐤈𐤓𐤔𐤐) duci ibique primum *Aretham*, deinde cete-

ros

s) ASSEMANNI *B. O. tom. I. p. 366. sqq.*t) *ibid. p. 373*



ros ferro occidi eorumque corpora in fluvium abjici: puerulum denique maluisse cum matre mori, quam cum rege Judaeo manere; servatum tamen hunc fuisse et cujusdam curae commissum. De quo infante IOANNES *Asiae* multa adjecit, a nostro loco aliena.

II. Harum quidem rerum magna pars a Graecis repetitur, non sine additamentis, nec sine varietate. Ex *actis Arethae* x) discimus. *Dunaanum* recuperata provincia jussisse omnes interfici, qui Christum verum Deum esse confiterentur: y) urbem *Nagran*, frustra obsessam doloso jurejurando redegisse in suam potestatem: primarios ejus cives et in his *Aretham*, qui eidem imperaverit, conjecisse in vincula: post effossum et concrematum *Paulli* corpus, rogum fuisse instructum et statim civitatis et ejus, quae est circumcirca, sacerdotes et monachos et deo consecratas virgines, quin etiam feminas, quae vitam debebant monasticam, simul in eam coniectos, et flammis consumptos: His interemtis, cives et *Aretham* tentat ad Judaeorum sacra perducere, modo minis, modo praemiis promissis: quum nihil effecisset, illos quidem in custodia retinuisse; in aliam autem multitudinem, quae collecta erat ex omni genere et aetate praenuntiasse mortis sententiam: deinde uxores et liberos vincitorum, quum nollent voluntati ejus cedere, jussisse gladio occidi, atque in his viduam, cujus nomen non exprimitur; insequuto die *Aretham* cum sociis ad quemdam torrentem, qui vocatur *Odias*, ductos ipsisque capita amputata. Addit quoque exemplum constantiae, a femina quadam et filiolo ejus editum; ac, quum *Dunaanus* abstinuisset a caede civium, multa eorum millia in servitudem redacta et dispersa fuisse. Ceteri Graeci, V. C. THEOPHANES, notata jam brevitate usi, *Aretham* ejusque socios a rege Judaeo occisos esse, referunt.

## III.

x) apud BARONIUM loc. cit.

y) quae hic adjiciuntur a methaphrasa, neminem ex his fuisse, quin metu

tyranni mandato morem gereret, subobscura sunt et pugnant cum iis quae SIMEON Betharsanensis narravit.

III. Graecorum *menaea*, item *anthologium* servant memoriam *Arethae* a Judaeo occisi, et *mulieris*, sine adposito nomine ejusque *filioli*, jam monui. Vberius *menologium* BASILII facinus recitat: *Aretham* vocat *πρωτον* urbis Negrae: regem Judaeum testatur, commisso periurii crimine, eam cepisse et omnes christianos *utriusque sexus* interfici voluisse. *Aretham* hominem senem, gladio fuisse sublatum. Eadem ferè narrat *martyrologium Romanum*; addit tamen, *Aretham* supplicii socios habuisse *trecentos quadraginta*. Ex martyrologiis Aethiopicis Bernense definit numerum MMMMCCLIII. *martyrum Na-granensium*; *Armenorum* vero *menaea* eundem augment. Alterum *decem mille*, alterum *decem mille ducentos* numerat martyres.

IV. Quamvis haec a *Dfunowaso* in christianos crudelissime acta ab Arabibus ut diligentius exponantur, vix expectari possit; tamen sedulo eorum memoriam posteris servarunt. Suo more, id est, breviter ABULFEDA z) rem attingit, quae vero de *Dfunowaso* scripsit: *hic quotquot ad Judaismum transire nollent, projecit in foveam igne ardentem indeque dominus foveae adpellatus est, eadem de christianis capienda esse, ex iis, quae adjiciam, intelligitur. Apertius HAMZA a) de hac re loquitur: illos itaque videlicet cives urbis Negran (نجران) illinc invasit eosque objecit foveis, quas in terra effossas largo igne succendit. In has detruxit, qui in christianismo perseverarent. Invento hocce ingentem christianorum numerum absunxit. NVWEIRIVS b) verbis, paulo ante recitatis, haec subjunxit: cum in finem quoque oppidum Negran, ubi Abdalla filius Althamir (عبد الله بن الشامير) cum sociis suis religionem christianam profitebantur, se contulit iisque injunxit, ut Judaicam fidem susciperent. Remuentibus illis Abdallam Ibn Althamir gladio occidens, reliquis ingentem succendit rogam eosque illuc dejecit. Hi sunt socii foveae quos deus in Alcorano commemorat, his verbis — — — non evasisse ex iis nisi paucos admodum. Simili modo Taberita: c) Dfunowasus ille est,*

z) p. 10. 11.

a) p. 38. 39.

b) p. 80. 81.

c) p. 106. 107.



est, inquit, qui fossam effodit in urbe Negrān atque christianos exscidit. Nempe Negranae supererant, qui religionem tenebant Jesu filii Mariae ad doctrinam evangelii: homines virtute et probitate florentes, quibus e secta eorum antistes (رئيس) praeerat Abdalla Ibn Althamir. Illuc cum copiis suis ex Homeritis reliquisque Jemanae tribubus, profectus Dfunowasus eos congregari jussit, simul ad religionem Judaicam eos invitans, optione iis data, ut vel caederentur, vel in eam intrarent. Praeoptarunt occidi. Effodit itaque fossam et partim igne eos combussit, partim gladio trucidavit, foedissima in eos exempla edens. Occisa viginti ferme millia. MESOV-DIVS d) tandem breviter ait: hujus Dfunowasi, historiam commemoravimus alio loco libri nostri et quid perpetraverit cum sodalibus fossae et quomodo eos igne combusserit. Hi sunt, quorum mentionem fecit deus in Alcorano, quum ait, cet.

V. Arabes nostros testari audivimus, martyrum Negrānensium memoriam in Corano celebrari. NVWEIRIVS quidem et MESOV-DIVS expressis verbis ad carmen, illo contentum, provocant: ille recitat hoc integrum, hic praecipuam ejus particulam: ceteri foveae, sociorum foveae nomine tacite idem significant. Opportunitatem sic nobis praebent, de insigni antiquitatis monimento, quo nostrarum rerum haud obscure fit mentio, nonnihil interponendi. Omnino exstat particula corani e), qua malos increpat vates ille Arabs homines, qui foveam ignis paraverint suppliciorumque, quibus fideles adfecerint, fuerint testes et spectatores, neque ullam aliam fuisse hujus facinoris, tradit causam, quam quod miseri crediderint in deum omnipotentem; futurum vero esse praedicat, ut, qui hoc modo adflixerint pariter viros, ac feminas fideles, infernalis ignis poenam fubeant. Haec coranus: nulla tamen facta aut Dfunowasi, aut Negranae urbis, aut alius rei περιστασιως mentione. Quare nec mirandi est causa, Arabes corani interpretes inter se de vero hujus carminis sensu dissentire.

Si quis

d) p. 106. 107.

e) sur. LXXXV. p. 791. edit. MARACCII.

Si quis alias ejusdem explicationes, fabulis tamen commentisque simillimas scire cupiat, eum ad HERBELOTIVM *f*) ablegamus. Plerique tamen horum interpretum cum nostris aliisque historiae Arabicae scriptoribus, V. C. ALGIANNABIO, ab eodem Gallo laudato, faciunt nullumque aliud factum hoc loco innui contendunt; nisi *Dsunowasi* scelus nefarium et truculentum, in christianos Negranses editum. Ex illorum numero fuit IAHIAS, cujus commentarium exscripsit MARACCIVS *g*). Hic iisdem non modo verbis, quibus historici SCHVLTENSII usi sunt, rem recitat; sed etiam adjecit, octoginta homines utriusque sexus tum flammis fuisse traditos, et in his mulierem cum filiolo, quem ne loquela quidem facultatem habuisse, eandem tamen ad contradicendum barbaro illi regi per miraculum nactum esse, comminiscitur. Nec dubitavit ex nostratibus GEORGIUS SALE *h*) eodem modo locum interpretari. Plura iis, quae dixi, in Arabum monumentis de *Dsunowasi* facinore haud inveni relata; ita ut suspecta mihi sit fides ABRAHAMI *Ecchellensis* *i*), ex Arabibus narrantis, *Dsunowasum* sacramenta pedibus conculcasse et christianorum templa in stabula jumentorum convertisse.

VI. Quodsi sine partium studiis consideramus, quantus sit testium Graecorum, Syrorum Arabumque, tam christianis sacris ad dictorum, quam ab his alienorum numerus, qui gravissimis exquisitisque suppliciis christianos a Judaeo Homeritarum rege adstrictos fuisse uno quasi ore enuntiant, mirari sane nos oportet, quid sit, quod solus PROCOPIVS tanta flagitia tantaque crimina ignoraverit, neque aliam christianis injuriam factam esse commemoraverit *k*), praeter nimiam tributorum aut multitudinem, aut magnitudinem.

VI.

*f*) *biblioth. oriental.* p. 475.

*g*) *loc. cit.* p. 792.

*h*) *not. ad versionem corani Angli-*  
*canam* p. 486.

*i*) *supplem. chronic. oriental. part. I.*

*cap. 10.* p. 145.

*k*) *de bello Persico libr. I. cap. 20.*  
p. 60.



VII. DSVNOWASVM non satis habuisse, in christianos, suae potestati subiectos, faevire; sed missis etiam legatis *Almundarum*, Saracenorum regem esse adhortatum, ut imitaretur crudelitatis exemplum, silent Arabes ad unum omnes, tradunt vero SIMEON *Beth-arsanensis*, tradunt quoque sive repetunt potius *acta Arethae*.

VIII. Aethiopem tandem regem ulciscendi coercendique Judaei furorem cepisse consilium, consentiunt historici nostri omnes; quis vero primus hujus consilii fuerit auctor, quove modo ELESBAANVS gesta in Homeritide cognoverit et ad suscipiendum bellum contra *Dsunowasum* commoveri se passus sit, denuo dissentiunt. SIMEON *Beth-arsanensis* suas quidem litteras eo consilio scripsisse, testatur l), ut Alexandrinus patriarcha rem cognosceret et Habessinorum regi nuntiaret. *Actorum Arethae* auctor m) refert, legatos *Juslini* imperatoris, ad Almundarum missos, quum ad herum reversi essent, eidem omnia nuntiasse, hunc vero non modo *Asterium*, patriarcham Alexandrinum officii admonuisse, regem Aethiopiae ad arma Homeritis inferenda cohortandi, sed etiam litteras dedisse ad Aethiopem eumque rogasse, ut injurias Nagraenensibus factas ulcisceretur. Ceteri *Graeci* nihil habent, quod ad hunc locum referatur. Ex *Arabicis* scriptoribus HAMZA n) narrat, Jemanensem quemdam, cui nomen *Dsu Thaalebani* (ذو ثعلبان) ad regem Habessinorum, qui christianus fuerit, aufugisse et quid sceleris a *Dsunowaso* commissum sit, eidem nuntiasse: hunc per litteras de hac re cum Caesare Romanorum egisse et ab eo veniam petisse, exercitum in Arabiam felicem immittendi, quam facile impetraverit. NVWEIRIVS o) et *Taberita* p) eundem Arabem, quem *Douso Ibn Dsi Thalebani* (ذو سون بن ذي ثعلبان) appellant et ex clade Negrana evasisse commemorant, volunt, primum ad

Caesa-

l) apud ASSEMANN tom. I. p. 373.

n) p. 38. 39.

m) apud BARONIUM ann. DXXII.

o) p. 82. 83.

§. 66.

p) p. 106. 107.

Caesarem Romanum accessisse ejusque auxilia implorasse, at hunc quum excusari se cuperet ob nimiam locorum longinquitatem; litteras illi ad Aethiopem tradidisse, quibus eum ulcisci Judaei in christianos saevitiam jusserit. Quae si inter se comparantur, facile intelligitur, ex omnium sententia imperatorem Constantinopolitanum consiliorum Aethiopis non fuisse expertem.

VIII. Bellum ab Aethiope feliciter gestum fuisse, et Judaeum vitam cum regno amisisse itidem omnes conveniunt; ita vero inter se dissentiant, ut IOANNES quidem *Asiae* regem ipsum *Aidug* mare trajecisse, contra Judaeum pugnasse eumque occidisse et Judaeos suis opibus spoliasse, scribat, eumque *acta Arethae*, ubi numerus CXX. mille virorum et CXXX. navium, itidem nonnulla de *Dunaani* tuendi se et servandi studiis artibusque ejusque fuga et inventione adduntur, item PROCOPIVS aliique Graeci sequantur; *Arabes* paullo aliter rem enarrent. Nonnulli binos volunt Homeritarum reges, primum *Dfunowasum*, deinde *Dfugiadanum q)*, qui ultimus fuerit, ab Habessinibus caesos fuisse, quibus alii recte contradicunt. Consentiunt omnes, quotquot supersunt, *Dfunowasum* non ab hoste occisum, sed fuga salutem quaesivisse, at quum nulla hujus spes esset relicta, sese in mare praecipitem dedisse. HAMZA et NVWEIRIVS negant exercitum Habessinorum numerum septuaginta, *Taberita*, triginta millium excessisse. Adhaec exercitus ducem, testantur, non regem Aethiopiae, sed ejus ex fratre nepotem *Ariathum*, vel ut MESOVIVS scripsit, *Ariathum* patrem *Sachm* (أرياط أبو صحم). Mandata denique NVWEIRIVS, et *Taberita* referunt, quae Aethiops *Ariatho* dederit, ille quidem, ut omnes Arabiae felices incolas, Judaicis sacris addictos, interficeret; hic vero, ut tertiam partem virorum occideret; terrarum devastaret, mulierum denique liberorumque captivam abduceret.

IX. Re-

q) vid. ABVLFEDAM p. 12. 13. qui biam esse, monuit, et HAMZAM successionem *Dfugiadani* maxime du- p. 38. 39.



X. Redactae igitur in suam potestatem Homeritidi novum regem eumque christianum praefecisse *Aethiopem*, denuo omnes uno ore produnt scriptores. Quisnam ille fuerit, in varias partes abeunt. IOANNES quidem *Asiae Abrahamum* (ዓብራሕ), virum pium et christianum, a rege Aethiopiae regem Homeritarum creatum fuisse, scripsit r). *Acta Arethae* s) *Elesbaanum*, narrant, occupata regia *Pharè* rebusque sacris ibi constitutis, *Negranam* profectum esse ibique et sacra christiana, civibus vero servitute oppressis una cum aliis revocatis, pristinam libertatem restituisse filiumque *Arethae* ducem gentis sine dubio *Negranae*; Homeritarum vero regem *Abrahamum*, virum pium et christianum constituisse sicque in suum regnum rediisse, relictis decem millibus Aethiopum episcopo. Simili modo in *menologii* Viindobonensis loco, quem PETR. LAMBECEVS t) transcripsit, res enarratur. Solus PROCOPIVS u) e Graecis contendit, regis, cui Aethiopiae rex *Hellisthiaeus* Homeritarum regnum administrandum commiserit, nomen fuisse Εμισφαιον huicque tributum annuum impositum: quum ille in Aethiopiam reverteret, multos ex Aethiopibus in Arabia felice remansisse: ex quibus aliisque Homeritis collectam turbam, concitasse seditionem contra Emisphaeum eoque in castello incluso, alium elegisse regem Αβραμον, christianum quidem, sed servum viri Romani, qui in urbe Aethiopiae Adulide maritimam fecerat mercaturam: aegre id tulisse *Hellestheaeum* et tria millia militum contra seditiosos Homeritas misisse, at haec, occiso suo duce, in castra hostium transiisse: quo audito Aethiopem alium exercitum in Arabiam trajecisse; at hoc ab Homeritis caeso et fugato, prudenter se abstinuisse a persequendo *Abramo*, qui *Hellestheaeo* mortuo pactoque cum novo rege inito, regnum sibi vindicaverit. Magna haec inter

r) apud ASSEMANNUM loc. cit. §. 26. fqq.

p. 381.

t) libr. V. de biblioth. Caesar. p. 132.

s) apud BARONIVM ann. DXXIII.

u) de bello Persico libr. I. cap. 20. p. 60.

inter PROCOPIVM & Syros Graecosque aliosque discordia mirifice vexavit viros doctos, ignaros certe, PROCOPIO propius accedere Arabes nostros. *POCOKIVS* x) quidem ex historicis hujus gentis, quibus usus est, jam inter *Dfunowasum* et *Abraham* posuit regem *Ariathum*, ab Aethiopibus constitutum; sicque seriem exhibent *ABVLFEDA* y) et *IBN SCHENA*, cujus testimonium ex libro manu exarato debemus *KOCHERO* z); plura vero et uberiora enarrant alii historici a SCHVLTENSIO in lucem revocati. *HAMZA* a) nomen *Ariathi* penitus fileat, testatur tamen, *Abraham* successisse in locum prioris, ab Aethiope creati et ex gente Abessinorum orti. *NVWEIRIVS* b) his utitur verbis: *quum sic regnum Jemanae invasissent et occupassent Habassii, opes dispertitus est inter Aethiopes, nobilitate eminentes, exclusis, qui tenui essent conditione. Hac occasione Abraha (ابرهه) unus ducum Habassiorum, collectis copiis adversus Ariatum insurrexit eundemque bello persequens, suamet manu interemit. Ad hunc modum Abraha imperium Jemanense usurpavit.* Deinde tradit, *Nagasium*, hoc est, Aethiopiae regem aegerrime id tulisse et denuo comparasse exercitum, in Arabiam profectum; sed callide atque astute c) periculum *Abraham* a se avertisse et effecisse, ut *Nagasius* ei regiam dignitatem confirmaret. Simili modo *Taberita* d) *Ariatum*, scribit, per aliquot annos

x) *specim. histor. Arab.* p. 55.

y) p. 12. 13. Nomen regis illis ibi sine dubio errore scribae legitur *Arnat* (ارنات) pro *Ariath*. (اريثا) Simili vitio HERBELOTIVS scripsit *Arbat*. (ارباط) Scripturae Arabicae gnaris lapsus utriusque fons et origo facile patet.

z) *loc. cit.* p. 257.

a) p. 40. 41.

b) p. 82. 83. 84. 85.

c) Vix operae pretium est repetere artem, qua NVWEIRIVS aliique Abra-

ham tradunt usum esse. Quum iurasset Aethiops, se terram Abrahae aequae planam, ac montanam calcaturum suaeque manu crines, ex ejus fronte pendentes, tracturum sanguinemque fufurum esse, hic misit Aethiopi duos faccos pulvere ex campis et ex montibus impletos, capsulam, in qua crines suos nonnullos reposuerat, et lagenam, cum sanguine, cucurbitis elicitum, ut jurijurando satisfacere posset.

d) p. 110. 111. 112. 113.



nos Arabiam felicem gubernasse, quod *Abraha*, itidem Aethiops, ei eripere studuit. Quum ceterorum *Aethiopum* pars cum *Ariatho*, pars cum *Abraha* faceret, ventum est ad bellum; antequam vero praelium committeretur, *Abraha* certamen singulare cum *Ariatho* iniit; in quo hic a fervo *Abrahae* occisus est, *Abraha* vero leviora supercilii, oculi, nasi et labri vulnera accepit, ex quibus cognomen *Alaschram* (الاشحرم) hoc est, *fissuris notati* tulerit. Re delata ad Aethiopem, hic iratus est *Abrahae* et ulcisci ejus facinus declaravit. *Taberita* fraudem, qua *Abraha* Aethiopem decepit, repetit, additque, illum huic litteras scripsisse, quarum hoc est initium; o rex, *Ariatus nihil aliud fuit, quam servus tuus* (عبدك) *ut et ego, orta inter nos dissensio de tuo imperio* (امرك) *namque obedientia omnis tibi tantum debita.* Sic rediisse in gratiam Aethiopsis, qui regnum Arabiae eum retinere, passus sit, usque dum aliud mandatum ipsi dederit. Paullo brevius eadem enarrat MESOVDIVS e), ita tamen, ut *Ariatum* viginti annos in Arabia felice regnasse, testetur, antequam *Abraha* ei et regnum et vitam adimeret.

SUPERVUNT denique varia: quae ad nostrum argumentum accuratius et plenius illustrandum faciunt, sed singulis quasi historicorum, quos hactenus inter se contuli, generibus propria.

A *Syris* et *Graecis* ducamus initium. I. Ex his solis legationes imperatorum Romanorum ad gentes illas discimus, quas Arabes omnes aut ignorarunt penitus, aut silentio praeterierunt. SIMEON quidem *Betharsanensis* se ad *Mondarum*, (مندر) una cum *Abrahamo* presbyterum missum fuisse a *Justiniano*, sive *Justino*, testatur f) ut pacem foedusque conciliaret. Hunc *Alamundarum* sine dubio PROCOPIVS g) innuit, quem *Saracenorum* regem vocat ceterisque Arabiae φυλαρχοις, (hoc enim nomine, ex CICERONE jam cognito, utitur) Roma-

e) p. 142. 143.

f) apud ASSENANN tom. I. p. 364.

g) de bello Persic. libr. I. cap. 17.

Romanorum amicis superiorem et per quinquaginta annos rei Romanae insignia adtulisse damna, binosque eorum duces, *Demostratum* et IOANNEM, una cum eorum copiis captivos fecisse, testatur. Ibidem adjicit, *Justinianum*, *Aretham* quemdam *Gabalae* filium quamplurimis Saracenorum tribubus invicem conjunctis praefecisse eique regium nomen concessisse, ut *Almundaro* felicius resisteret. Idem *Procopius* h) alibi tradit Justinianum imperatorem de foedere cum Aethiopibus et Homeritis eo tempore, quo illis *Hellesthaeus*, sive *Elesbaanus*, his *Hemisiphacus*, sive *Ariatus* praefuerint, cogitasse et ad utrumque misisse *Julianum*, ut ab utroque auxilia contra Persas peteret; Aethiopibus praeterea id persuaderet, ut sericum ex India ad Romanos perferrent sicque sibi pararent pecuniam magnam, quam hoc mercis genere hostes, i. e. Persae Romanis auferre consuevissent; Homeritis, ut *Kaisum*, ab *Hemisiphaeo*, ob caedem sui cognati exilio multatum, revocari et Maaddenis *φυλαρχον* constitui paterentur. Breviter denique addit, *Abrahamum* quum confirmasset sibi regiam potestatem, saepius Justiniano bellum contra Persas suscipere, spopondisse; semel rei fecisse periculum, sed expectatione citius in suam rediisse provinciam sicque consilia imperatoris optato caruisse eventum. NONNOSVS i) quinque Romanorum legationes commemorat: primam sub *Anastasio*, ad *Aretham* (Αρεθα) qua functus fuerit Nonnosif avus; secundam, sub *Justino*, quam obiit *Abrames* (Αβραμης) Nonnosif pater, missus ad *Alamundarum*, ut binos belli duces, *Timostratum* et *Joannem*, quos ille tenebat captivos, liberaret: tertiam sub *Justiniano*, quae eidem *Abramae* commissa fuit, ut cum *Kaiso*, Saracenorum tribubus, *Chindinis* et *Maadenis* praeposito, de foedere pangendo ageret, qui et filium suum *Moaviam* obsidem ad imperatorem duci passus fuerit: quartam, *Nonnosof* mandatam, ut ipsum *Kaisum* ad imperatorem perduceret & ab *Auxumitis*, quorum rex *Elebaanus* fuit, et *Homeritis* nonnulla impetraret: quintam denique quam *Abrames* denuo suscepit idque effecit, ut *Kaisus*, relicta sua *φυλαρχία* fratribus,

Am-

h) loc. cit. cap. 20.

i) apud PHOTIVM eod. 3. p. 6.



*Ambro et Jezido*, Palaestinam gubernandam a Justiniano acciperet, in quam multitudinem subditorum secum abduxerit.

II. *Syrus* et nonnulli *Graeci* narrant foli, *Aethiopiae* regem illum a christianis sacris fuisse alienum, antequam bellum Homeritis inferret; immo voto de illis fuscipiendis victoriam sibi parasse eique satisfecisse, ita ut ab illo tempore *Aethiopes* christianam religionem profiterentur.

III. *Syri auctorumque Arethae* scriptor multa referunt, quae ad martyres Nagraenses laudandos eorumque virtutem commendandam pertinent. Quae quidem num justa fide, an more, a martyrologiorum auctoribus recepto, narrentur, hoc quidem loco, a quo aliena sunt, nulla opus est disquisitione.

IV. *Acta Arethae* copiosius et uberius expeditionem *Elesbaani* in Homeritidem factam enarrant, ceteris scriptoribus omnibus, quae magnam partem a veritate recedere, fuspicandi graves sunt caussae, cujus generis sunt vaticinia, miracula, adparitiones, voces caelitus demissae, similia.

V. Gravioris momenti sunt, quae eadem de rebus christianis inter Homeritas constitutis memoriae produnt *k*); *Elesbaanum* quidem, post caedem *Dunaani*, reversum esse in regiam civitatem *Phare* omniaque et patriarchae Alexandrino et Justino imperatori nuntiasse: illum misisse episcopum a se ordinatum, quem JOANNEM adpellatum fuisse, THEOPHANES testatur, qui templum, ab Elesbaano conditum, consecravit omnesque, qui erant in civitatibus et pagis Homeritarum, baptismo initiavit et ex illis presbyteros et diaconos constituit, deinde et aedem Nagraeae exstruxisse. JOANNES *Asiae* *l*) confirmat,

*k*) apud BARONIVM ann. DXXIII. §. 27. *l*) ap. ASSEMANNVM tom. I. p. 382. sq.

Comm. Soc. Goett. T. IV.

\* E

firmat, accepisse Homeritas ab Alexandrino episcopum: sed addit, accidisse id, antequam Alexandriae synodi Chalcedonensis decretum adprobarentur; quum vero episcopus ille mortuus esset, missum fuisse alium, ejusdem decreti placitis adhaerentem, quem rejecerunt Homeritae annorumque XXV. spatio frustra ab imperatore flagitarunt, ut sibi concederet praesulem suis opinionibus addictum, tandem contra leges sacras sibi ipsis constituerunt episcopum, sicque miseras seditiones et intestina bella esse exorta. Quae quum a me commemorantur, fieri nequit, quin breviter adjiciam celeberrimum *Gregentii*, archiepiscopi Homeritarum Taphrensis sub *Abrahamo* rege nomen. De quo non modo in Graecorum menaeis et martyrologiis multa narrantur; sed exstat etiam eius *disputatio cum Herbaso Judaeo*, Graece et Latine saepius edita, ex qua patet, *Abrahamum* studiosum fuisse, Judaeos opera *Gregentii* ad christiana sacra perducendi; nec defuisse consiliis ejus miracula. At haec satis nota sunt ex PETRO LAMBECCIO *m*), qui et *legum*, nomine *Abrahami a Gregentio* scriptarum, codicem, in Vindobonensi bibliotheca adservari, testatur, et IO. ALB. FABRICIO *n*), qui primus monuit, Slavonicam disputationis illius interpretationem Berolini exstare, ex cujus initio, ab eo relato id unum repeto, narrationem miraculorum *Gregentii* scriptam fuisse ab episcopo civitatis *Negran*. Addo potius, ex LEQVIEN commentariis *o*) disci diversum ab editis et *legum* et disputationis *Gregentii* exemplum; convenit tamen cum Caesareo in eo, quod GREGENTIVS mortuus sit, post *Abrahamum*, qui eodem anno, regni XXX. completo decessit, quum jam *Serbidus* filius *Abrami* regnandi fecisset initium. Dubiae certe sunt auctoritatis hae narrationes, vetustae tamen, nec a nobis hoc loco praetermittendae.

Simi-

*m*) de bibl. Caes. libr. V. p. 128. sqq.

*Ebr. tom. I. p. 353. et tom. III. p. 234.*

*n*) biblioth. Graec. vol. IX. p. 14. sqq.

*o*) orient. christian. tom. II. p. 664.

Adde IO. CHRIST. WOLFFII biblioth.



Simili modo Arabicis scriptoribus varia accepta ferimus, quae neque a Syris, nec Graecis commemorantur.

I. Quomodo *Dfunowasus* Homeritarum regnum sit consequutus et regi *Dsu Sjanathir* successerit, discimus ex HAMZA p). NVWEIRIVS q), *Taberita* r), turpissimis *Dsu Sjanathirum*, narrant, fuisse moribus et puerorum maxime amoribus deditum; quum vero aliquando *Dfunowasum* ex regia familia prognatum ad se evocasset, ut facinus in illum committeret, hunc magno animo illi cultro vitam ademisse.

II. *Dfunowasum* Judaicae superstitioni deditum fuisse, omnes, novimus, inter se convenire. Arabes nostri addunt, eum postquam regnum obtinuit, ad Judaeos transiisse. HAMZAE et *Taberitae*, qui breviter rem narrant, testimonia supra adtuli. NVWEIRIVS s) per miraculum, quod Judaei patnaverint, eum ad amplectenda illorum sacra commotum fuisse, scripsit.

III. *Ariatum*, quem Arabes volunt ab Aethiope ad occupandam Arabiam felicem missum fuisse, accepisse mandata, ut omnes, qui in *Jemana* religionem Judaicam foverent, occideret, idem NVWEIRIVS t) expresse testatur, uti dixi. *Taberita* u) eundem, memorat, regionem oppressisse et divexasse. Neutrum sine veritatis specie dici, facile intelligitur.

IV. In rebus, ad *Abraham* pertinentibus, uberiores esse solent Arabes. Ex his patet, regem illum omnino studiosissimum fuisse rei christianae inter Arabes conservandae et propagandae, adeo ut nec a persequendi alios ob sacrorum discrepantiam vitio sese abstineret.

Noluit

p) p. 36. 37.

s) p. 80. 81.

q) p. 78. 79.

t) p. 82. 83.

r) p. 104. 105.

u) p. 108. 109.

Noluit cives suos sacras illas ad Meccanum templum peregrinationes fuscipere, idque ut impediret templum christianum, cui *Taberita* expresse nomen (القلبيش) hoc est Graecum ἐκκλησια imponit, *Sanaae* (صنعا) exstruxit et ad hoc sacros fieri conventus iussit. Quum hoc moleste ferrent Arabes, accidit, ut quidam ex his clam aedem sacram ingressus alvum ibi deponeret. Cui facinori iratus, Meccanum templum, vetustissimis gentis religionibus celebratum, diruere decrevit suscepitque bellum, cuius eventus ejus spei planè fuit contrarius. Hujus belli, multis et incredibilibus miraculis collustrati, memoriam eo majore diligentia recolunt Arabes, quod eadem in *corano* x) fuit commendata. Inter alia multa narrant de *elephanto*, quo *Abraham* tum usus est, itidem in corani loco commemorato, et ad unum omnes, ABVLFE<sup>DA</sup>, y) HAMZA, z) NVWEIRIVS, a) *Taberita*que b) qui ex nostris omnium copiosissime belli historiam persequuti sunt, et MESOV<sup>DIVS</sup> c) testantur ex hac expeditione *Abraham* cognomen domini *elephanti* tulisse, alique addunt, inde *aeram elephanti* sumsisse initium. Sed haec ab aliis viris doctis abunde tradita et illustrata, d) nunc mittimus.

V. Ultimo denique loco ex solis Arabicis monumentis haurienda est regum, qui post *Abraham* Homeritas gubernarunt, notitia, quae nostro argumento nonnihil lucis adferre potest. Conveniunt igitur historici, quos SCHVLTENSIVS protulit, omnes cum *Pocockianis*; in locum *Abraham* successisse ejus filium *Jecsoum* (يحيى) hocque mortuo

x) cap. CV. p. 822. conf. Arabum commentarios a MARRACCIO adpositos.

y) p. 12. 13.

z) p. 40. 41.

a) p. 84-92.

b) p. 112-127.

c) p. 142. 143.

d) V. C. ABRAH. *Ecchellenfi supplem.*

*chron. oriental.* p. 145. EDVARD. PO-COCKIO *specim. histor. Arab.* p. 63. sq. HERBELOTIO *biblioth. orient.* p. 12. HUMPHR. PRIDEAVX in *vit. Muhamed.* p. 80. sq. versionis Gallicae: JOANNE GAGNIER *vie de Mahom. tom. I.* p. 70. sqq. et GEORGIO SALE *not ad coran.* p. 501.



mortuo alterum *Abrahae* filium, *Mafrouck*, (مسروق), conqueruntur vero de summis malis, quae Homeritae sub regibus Habessinibus perpeffi sunt. Ab his eos liberandi consilium cepit *Seiphus* filius *Dsi Jazan* (سيف بن ذي بزن) auxiliumque primum ab imperatore Romano, qui ob religionis communionem Habessinibus bellum indicere recusavit, deinde a Persis *e*) petiit, qui imperii Habessinorum in Homeritide finem fecerunt et provinciae praeposuerunt reges, sibi obnoxios. Tenuerunt vero eam Persae usque ad tempus, quo sub Muhamede Koreischitae eam occuparunt. Id unum ex *Taberita* f) repetere libet, crudelissime cum Habessinibus egisse Persas et *Seiphum*, ab illis constitutum regem. At haec nimis longe a nostro proposito sunt remota.

HACTENUS quatenus inter Homeritas gesta fuisse, nobis tradita sint, exposui: nunc et temporis quo singula evenerint, notas et vestigia, in diversis harum rerum monumentis impressas sedulo indagare libet. *Primum* de Syris et Graecis.

I. EX SIMEONIS *Betharsanensis* epistola nos discere, scriptam eam fuisse sub initio ann. Graec. DCCCXXXV. eumque una cum *Abrahamo* missum fuisse a *Justiniano* sive *Justino* I. supra jam dixi. Loquitur vero de regis Judaei in christianos furore cladeque *Negranensi*, tamquam de rebus ante admodum breve tempus commissis. Eandem *Justiniani*, sive *Justini* et postea *Justiniani* aetatem significavit JOANNES *Asiae*.

II. In

*e*) ex nostris Arabicis scriptoribus 94. 99. dedit. Comparari tamen de Persarum contra Habesinos bellum debent HAMZA p. 40. fqq. *Taberita* p. 128. ligentissime enarravit NVWEIRIVS, cu- fqq. et MESOVDIVS p. 144. fqq. jus historiam *Seiphi* SCHVLTENSIVS p. f) p. 134. 135.

II. In *actis Arethae* haec designantur tempora: anno *Justini* imperatoris V. Dunaanum Homeritis imperasse et contigisse necem Negransensem brevi tempore, antequam legati *Justini* ad *Almundarum* accederent. Initium vero eorundem *actorum*, sed puriorum, quod MICH. LEQVIEN dedit ff) hoc est: anno quinto imperii *Justini* — indictione II. *Antiochiae Syriae* anno DCCCXXXV. episcopatum gerente *Alexandrinum Timotheo*, *Hierosolymitanum Joanne*, *Constantinopolitanum Timotheo* et *Antiochiae Euphrasio*. *Timothei* Constantinopolitani, qui tum defunctus erat, nomen male legi, LEQVIEN jam monuit.

III. PROCOPIVS aperte testatur, quum *Justinianus* ablegaret *Julianum*, regem Aethiopum fuisse *Hellestheaeum*, Homeritarum *Hemisphaeum*, post legationem vero peractam accidisse, ut *Abrahamus* Homeritarum regnum in suam potestatem redigeret.

IV. NONNOSVS docet, *Aretham*, num Negransenfis ille significetur, an alius, certe quidem definiri nequit, cum ANASTASIO imperatore fuisse conjunctum: sub *Justino* missum fuisse *Abramem*, ad *Almundarum*, convenienter certe cum Syro: denique sub *Justiniano* Auxumitis adhuc praefuisse *Elesbaanum*.

V. THEOPHANES facinus Dunaanum, contra Negransenfes commissum, adscripsit anno Alexandrinorum DXV. (secundum aeram DIONYSII inde a septembri DXXII.) *Justini* imp. V. bellum vero ab Aethiopibus contra Homeritas gestum legationemque *Adadi* ad *Justinianum* ann. Alexandrino DXXXV. *Justiniani* XVI. Sic et CEDRENV'S alique, quorum exigua, aut nulla est auctoritas.

VI. *Justini* denique aevum aperte significant *Basilii* menologium et Vindobonense.

Deinde

ff) orient. christian. tom. II. p. 429.



*Deinde* Arabes sequuntur, quorum fidem in annorum quos regibus suis tribuunt, numeris exprimendis incertam et fallacem esse, licet ipse monuerim, nihilominus alias suppeditant temporum notas, neutiquam a nobis negligendas; sed diligentius colligendas et expendendas.

I. ABVLFE<sup>DA</sup> g) monet, Habessinorum in Homeritas imperio finem imposuisse regem Persarum *Cosroen Anouschirwan*, (سوسری انوشیروان) hoc est *Cosroen* I. Servavit praeterea carmen OM<sup>M</sup>IAE h), quo *Heraclius* (هرقل) imperator Romanus vocatur, a quo *Seiphus* auxilia petierit.

II. HAMZA i) expresse scripsit, *Dsunowasum* regnandi initium fecisse tempestate *Pherosis*, filii *Isdigerdis* (فیروز بن یزدگرد) et quum notasset dissensum historicorum in definiendo tempore, quo Habessini Jemanam tenuerunt, se ea narrare, quae in vetusto libro de *expugnationibus* legerit. Ibi vero traditum esse: Habessinos occupasse illam provinciam tempore *Cobadis*, filii *Pherosis* (قباد بن فیروز) et *Seiphum* in Persiam discessisse, sub *Cosroe*, filio *Kobadi*: Habassinos regnasse LXXII. annos, *Arnat*, five *Ariatum* XX. *Abraham* XXIII. *Jecsoum* XVII. *Mesruk* XII. Nec negligenda sunt, quae ipse addidit, *Muhamedis* natalem incidere in diem LV. a clade elephantis, ann. XLI. regni *Cosrois*.

III. NVWEIRIVS k) de *Abraha* testatur, eum regnum continuasse, usque ad tempora *Cosrois Anusshirwan*; paucis vero interpositis narrationem de expeditione *Abrahae Meccana* sic concludit l): *quinque et quinquaginta noctibus post Aethiopum hunc adventum, scilicet versus Meccam, natus est propheta dei, postquam viginti annos in regno Persarum transegisset Anusshirwanus.*

IV. Ta-

g) p. 12. 13.    h) p. 14. 15.    i) p. 40. 41.    k) p. 88. 89.    l) p. 92. 93.

IV. *Taberita m)* quatuor Homeritarum regibus Habessinīs, *Ariato*, *Abrahae*, *Jecsoumo* et *Mesrukio* tribuit annos LXXIII. *Cosroenque n)*, sine addito cognomine, Persarum regem fuisse, tradit, a quo *Seiphus* petierit auxilia.

V. MESOVDIVS o) initium regni *Abrahae*, sublato *Ariato*, refert ad tempora *Cobadi*; expeditionem vero ejus Meccanā post annum regni *Anuschirwani* XL. paullo post adventum *sodaliū elephantī*, vult, contigisse anno DCCCLXXXII. Alexandri M. anno autem aerae Arabum, cujus initium ducitur ad *festum Meccae perfidia violatum*, CCX. finem vero regni Habessinorum, quod LXXII. annos duraverit, annis regni *Cosrois* XLV. jam elapsis.


m) p. 126 127.

n) p. 128. 129.

o) p. 142. 143.







---

CHRISTIAN GVIL. FRANC. WALCHII  
HISTORIA  
RERVM IN HOMERITIDE  
SECVLO SEXTO

CVM

A REGE IVDAEO CONTRA CHRISTIANOS  
TVM AB HABESSINIS AD HOS VLCISCENDOS GESTARVM.

---

*PARTICVLA POSTERIOR.*

RECITATA

DIE IV DEC. CIOCCCLXXIII.

---

**Q**VANTVM in me fuit diligentiae, id cum in colligendis rerum Homeriticarum, seculo christianorum sexto gestarum monimentis, a Graecis, Syris et Arabibus ad nos transmissis, tum in comparandis inter se invicem, quas exhibent, de iisdem narrationibus collocavi, ut quisque facile intelligat concordiae discordiaeque illorum rationes. Quum viri docti antea conqueri consueverant, rerum istarum memoriam obscuram esse, dubiam et impeditam, vereor sane, ne quis nunc se multo incertiore esse credat, modo si singula testimonia, a me in unum locum congesta, consideratius expendat.

*Comm. Soc. Goett. T. IV.*

\* F

Num

Num fieri possit, ut concilientur secum, quae sibi repugnant; difficultates, quibus obstructa est factorum series, expediantur, et lucis quid iis, quae obscuritatem habent, adferatur, nunc periculum facere decrevi.

Quae ad universam gentis Homeriticae historiam, quam illustrandam suscepi, pertinent, nonnulla prius videntur explicanda, quam ad singulas ejus partes accedam.

Ipsas quidem populi origines nunc praetermitto. Majus momentum id habere videtur, quod omnium historicorum, quorum testimonia audivimus, consensu, immo expresso PROCOPII effato *a)* confirmatur, triplex eo tempore, quo haec evenerunt, fuisse sacrorum genus ab Homeritis cultum; alios quidem vetustissimis Arabum superstitionibus, alios Judaicae religioni, alios denique christianae addictos. Summa fuisse et mutua Judaeorum et christianorum in se invicem odia, luculentis, quae proposui, exemplis abunde comprobatur. Hos quoque, qui ficta colebant numina, malo erga illos animo fuisse et vicissim ab iis vexatos, ea certe docent, quae cum de conversione *Dfunowasi* ad Judaica sacra, tum de bello, ab *Abraha* adversus templum Meccanum gesto, in Arabum monumentis tradi, observavi.

QVOD ad priscum plurium deorum cultum, quem magna Arabum pars usque ad *Muhamedis* tempora constanter servavit, adtinet, in eo quidem copiose illustrando, meam collocandi operam, nulla est caussa. Etenim non intelligo, quid praesidii, aut lucis huic argumento adferendae inde exspectari queat; nec habere me, lubens fateor, quod aliorum et in his maxime IOSEPHI SIMON. ASSEMANNI *b)* doctissimis de hac re commentariis adjiciam.

— JVD AEO—

*a)* de bello Persico libr. I. cap. 20. XVIII. p. 249. de delubro Meccano

*b)* dissert. IV. chronico orientali ad- disputat.  
jecta, §. XIV. p. 247. Adde, quae §.



JVDAEORVM vero in Arabia felice tantam fuisse multitudinem, tantamque auctoritatem, ut magna incolarum pars eorum sacris, avitis patriisque derelictis, nomen daret adeoque inter reges Homeritarum essent, qui eadem amplecterentur, est sane, cur miremur. Origines quidem Judaismi inter Homeritas subobscurae esse videntur. Quae THEODORVS *Lector* c) scripsit, Ἰμμηρηνας, ita enim sine dubio *Homeritarum* nomen expressit, inde a reginae Sabaeorum ad Salomonem profectio Judaeos fuisse et ad idolorum cultum postea prolapsos esse, parum sunt verisimilia. Quamvis enim satis recte reginam ex illa regione, cujus incolae, primum Sabaei, deinde Homeritae dicti sunt, ad Salomonem venisse scribat, eam tamen ad Iudaeorum religionem fuisse perductam, aut populum suum perduxisse, nullis constat argumentis. Nec meliora dedit PHILOSTORGIVS. d) Originem quidem gentis per communem christianis scriptoribus errorem ducit a liberis Abrahami, ex Ketura susceptis, indeque morem circumcisionis, ab illa retentum, repetit; eam vero solis et lunae aliorumque numinum cultui superstitioso esse addictam tradit et addit; ἐκ ὀλίγων δὲ πλῆθος καὶ Ἰσδαιῶν αὐτοῖς ἀναπεφυρταί, sicque adcurate Judaeos ab aliis Arabiae felicis incolis discernit; quomodo tamen, aut quando id contigerit, ut Arabum pars ad Iudaeorum sacra accederet, ipse ignorasse videtur. In Arabum monimentis tradi, septingentis ante Muhamedem annis illud evenisse, monuit HERBELOTIVS e), testesque excitavit ALGIANNABIVM et ABVLFEDAM. Libelli, a SCHVLTENSIO editi, plura nos edocent, quae, operae pretium est, hoc loco a me colligi et proponi. ABVLFEDA f) *Harithum, Ibn Amrou* حارث بن عمرو ad Judaeam religionem transiisse scripsit eumque octavum ante *Dsunowasum* regem fuisse; nullam vero adjecit temporis notam. HAMZAE *His-*  
*paha-*

c) *histor. eccles. libr. II. §. 58. p. 526.* e) *in bibliothecae orientalis p. 475.*  
ed. READINGII Taurinensis.

d) *histor. eccles. libr. II. §. 4. p. 440.* f) *p. 10. II.*

*pahanensis* insigne exstat effatum g). Narrat enim de eodem *Harith* filio *Amrou*, eum aedem sacram *Meccae* vestivisse, deinde reversum in *Jermanam* cum duobus doctoribus *Judaicis*, *Judaismum* suscepisse atque ad communionem ejus homines vocasse. Hac occasione *Judaei* in *Jemanam* penetrarunt. Ex ejusdem sententia regnarunt

*Harith Ibn Amrou* annos LXXVIII.

*Morthid* -- -- -- XLI.

*Walijaa* -- -- -- XXXVII.

*Abraha* tempore *Saporis*, filii *Hormiz*.

*Sebhan* tempore *Izdegerdis*.

*Sapores* sine dubio intelligitur *secundus*, qui inde ab ann. christiano CCCX. per septuaginta annorum spatium Persarum regnum administravit. Hinc necesse est, ut initium cultus *Judaicae* religionis inter Arabes seculum secundum vix excefferit. Sed valde ambigua est hujus generis computatio, quae annorum numeris nititur, quibus in Arabum monimentis nihil est magis incertum, nihil magis fallax. NVWEIRIVS h) in componenda horum Arabiae regum serie discedit ab HAMZA; JVDÆORVM vero ita facit mentionem i), ut per longius spatium ibi habitasse videantur; at nec *Harithum* quidem illorum religionem professum esse, commemoret. Ex MESOVDIO k) tandem discimus, Romanorum imperatorem *Seipho*, auxilia petenti, hoc dedisse responsum: vos, Arabes, estis *Judaei*, *Habessin* vero christiani, unde intelligimus, quantus *Judaeorum* numerus, quantaque eo tempore in Arabia felice fuerit auctoritas. Quae omnia si cogito, facilis mihi videtur et probabilis coniectura, aetatem christi superare *Judaicae* religionis in illis terris propagationem, quae ex *Phariseorum*, profelytos faciendi studiis, a christo reprehensis, ortum traxit. Quid? quod vestigia *Judaeorum* in Arabia sedes habentium, in libris novi foederis invenimus, v. c. Act. II, 11. *Aretam* regem Arabiae, *Herodis Antipae* socerum, a JOSEPHO memoriae poste-

g) p. 34. 35.

h) p. 70. 71.

i) p. 60. 61.



posterorum satis commendatum et a PAVLLO 2 Cor. XI, 32. commemoratum, si quis forte crediderit, eundem esse cum Arabum *Harith*, ego quidem non valde repugnabo. Adversatur certe Arabum chronologiae, at levioris momenti esse hoc argumentum, quod obiciatur, fateantur omnes necesse est.

*Fuit Ebraei Arabiae rex, non in m. novum.*

ACCEDAMVS ad Arabes, christianis sacris addictos. Antiquissima est eorum in monimentis historiae ecclesiasticae memoria, a viris doctis, JOSEPHO SIM. ASSEMANNO *k)* et MICH. LEQVIEN *l)* diligentius explicata. Quae hi uberius commentati sunt, ea nulla est describendi causa; paucas tamen illis addere liceat observationes, nostro argumento adcommodatas. Primum quidem perinde fabulosa et ficta sunt, quae in *actis Arethae* leguntur, *Elesbaanum* post devictum Dunaanum quasi christianam religionem Arabiae intulisse; nisi suspicatus fueris, instaurationem rei christianae minus recte describi, de qua postea dicemus; ac minus probabilis nonnullorum coniectura, *Paullum*, Negranae episcopum a SIMEONE *Betharsanensi* celebratum, eundem esse, quem THEODORVS *Lector*, *Anastasium* ad Homeritas ablegasse, comminiscitur. Fuerunt enim christiani inter Homeritas ante *Elesbaani* adventum; fuisse vero illis ante *Anastasium* suos episcopos, vix dubitari potest. Deinde ex HAMZA *m)* profero testimonium de rege Homeritarum christiano ante Habessinorum tempora, cujus nullam ab aliis, memini, fieri mentionem. Sic enim ait: *imperavit deinde Abd-Culal, Ibn Mathub*, (عبدكلا ابن ماثوب) *Hic religionem christi amplexus fuit, eam tamen occultens, nec palam profiteri ausus.* Incidit vero ejus regnum in tempora *Hormuz*, sive *Hormisdæ II.* qui Persarum regnum sub initium seculi quarti tenuit. Denique breviter monere, libet, ex monimentis Syria-

*k)* in *bibliothec. orientali* tom. IV. p. 591-604. et laudata *diff. IV. chronic. orientali* subiecta, §. XXVIII. p. 269.

*l)* *orient. christian. tom. II.* p. 663. sq. *m)* p. 32, 33.

Syriacis, ab ASSEMANNO editis, christianos Arabes eo tempore nec cum Nestorianis fecisse, neque Chalcedonensis concilii decreta adprobasse, sed, si malis, eadem ignorasse. Nemo quidem id mirabitur, aut nimis praeceps inde colliget, eosdem ad familiam Euty-chianorum, aut monophysitarum pertinuisse, modo si consideraverit, inde a concilii Ephesini primi tempore per omnem fere orientis tractum, per Syriam, Palaestinam aliasque Arabiae vicinas provincias magnum exstitisse numerum virorum praeclare de rebus divinis sentientium, qui perinde a doctrina, cuius Nestorius infimulari solet, atque a disciplina Eutychis, sive Aegyptiaca essent alieni, nihilominus Chalcedonensem formulam, utriusque generis erroribus oppositam, reiicerent. Sed de hac re alibi satis dixi. Haftenus de Homeritarum religione variisque eius generibus.

HOMERITAS suos habuisse reges, omnium constat consensu, qui de illorum rebus aliquid memoriae prodiderunt. Varias quoque fuisse gentis Arabicae tribus, quibus modo *phylarchi*, modo *reges* praeerant, itidem cum aliis veterum testimoniis, tum exemplo *Almundari* constat, cuius saepius mentionem feci. Horum vero ea tempestate magna fuit potentia, ita ut maxime Persarum reges et Romanorum imperatores eorum amicitiam expeterent et cum illis foedera inirent. Legationes illae Romanae, quarum exigua nobis servata fuit a SIMONE *Betharfanensi*, PROCOPIO et NONNOSO memoria, dignae certe sunt, quae a nobis sedulo observentur. Ex iis enim, quae illi tradunt, luculenter intelligimus, partim Romanos magnam utilitatis spem ex religionis communione cepisse, quae illis cum Arabibus christianis et Habessinīs intercedebat, adeo ut facile credamus scriptoribus ecclesiasticis, qui imperatores christianae religionis in Arabia felice conservandae et propagandae maxime studiosos fuisse, subinde narrant, partim binas potissimum causas fuisse, quibus ad colendam cum illis populis amicitiam commoveri se passi sunt. Altera quidem haec fuit, ut Arabes opem sibi ferrent contra Persas, cum



cum quibus illis perpetua et gravissima erant bella, altera ut mercaturae commoditati et securitati consulerent. Arabum enim, quorum terra praestantissimis portubus erat munita, opera merces cum Aethiopicas, tum Indicas ad Romanos perlatas, nostri scriptores quidem docent, vellem tamen, hujus nundinationis rationes et vicissitudines paullo adcuratius ab illis fuisse expositas. Nunc addo, quamvis nec THEODORO credam, Homeritas sub Anastasio christo nomen dedisse, hoc tamen verisimile mihi videri, Homeritas christianos semper cum Romanis amicitiae foedere fuisse coniunctos. Neque omni hujus rei notitia caruerunt historici Arabici, qui Aethiopus haud infcio imperatore Romano in Arabiam profectos esse, tradiderunt.

De *Aethiopibus*, sive Habessinibus monendum, eos, priusquam bellum hoc contra regem Homeritarum Judaeum fusciperent, christianis sacris fuisse initiatos. Satis igitur mirari non possum, quid sit, quod JOANNES *Asiae*, THEOPHANES et qui hos sequuntur, *Helesbaanum* Aethiopiae regem ab iisdem fuisse alienum et ad eam non accessisse, nisi post victoriam de *Dunaano* reportatam scribant. Pugnat haec narratio contra testes, fide nostra maxime dignos, qui *Auxumitas*, hoc enim Aethiopum nomine utitur THEOPHANES, seculo IV. tempore Constantii et Athanasii, opera *Frumentii* et *Aedesii* ad salutarem doctrinae christianae cognitionem pervenisse eandemque constanter retinuisse adfirmarunt *n*); nec fieri potest, ut vana coniectura sine ulla monumentorum auctoritate fingamus, periisse quasi christianam religionem in Aethiopia, donec eam *Elesbaanus*, voto et victoria adductus revocaverit. Quamvis haec sententia placuerit ASSEMANNO *o*), cui subtimide KOCHERVS *p*) contradixit beneque

*n*) conf. LVDOLFVM *comm. ad histor. Aethiop.* p. 281. BERN. MONTFAVCONIVM *vit. Athanas.* p. 16. JVSTVM FONTANINVM *histor. litterar. Aquilei.*

p. 175. THOM. MAR. MAMACHIVM *origin. eccles.* tom. II. p. 469.

*o*) *biblioth. oriental.* tom. I. p. 359. not. 2.

neque monuit, fide JOANNEM *Asiae* non aequalem esse SIMEONI *Betharsanensi*; malo tamen cum ANTON. PAGIO *q*), JOBO LV-DOLFO *r*), MICHAELE LEQVIEN *s*) et JOANN. DAN. RITTERO *t*) ad fabulas illam narrationem abiicere, ex ignoratione rerum extranearum et perversis illis, gentium ad christum conversiones miraculis illustrandi, studiis ortas. Quisquis sine partium studio cogitaverit, non modo SIMEONEM *Betharsanensem*, suas litteras eo consilio scripsisse, ut *Alexandrinorum* sacrorum praesul calamitate Negransium cognita, Habessinorum, quos ille more Syrorum *Cuschitas* vocat, ad eam vlciscendam excitaret; sed etiam *aëtorum Arethae* auctorem simili ratione contendere, *Justinum* imperatorem eandem ob causam ad *Alexandrinum* patriarcham dedisse litteras, mihi facile concedet, ita conjunctum fuisse cum patriarcha Aethiopiae regem, ut illius consilia et admonitiones sufficere viderentur ad obtinenda, quae ab hoc expetebantur, rei christianae in Arabia vindicandae et instaurandae auxilia. Quonam vero vinculo credideris Aethiopem cum Alexandrino episcopo cohaesisse, aut arctius copulari potuisse, nisi religionis communione?

CONVENIENTER historiae veteri et certae *Alexandrini* hoc loco et postea fit mentio. Ex quo enim *Athanasius Frumentium* primum Aethiopiae episcopum constituit, arctissima fuit inter Alexandrinos et Habesinos societas, nec modo doctrinae et rituum sacrorum; sed etiam gubernationis ecclesiasticae communio, quam, nostris, nec nostra quidem aetate esse dissolutam. Quod vero *aëtorum Arethae* scriptor *Asterium* quempiam locum dignitatemque patriarchae Alexandrini tenuisse, tradit, id viros doctos mirum quantum exercuit.

*p*) commentat. saepius a me laudata, p. 246.

*q*) critic. in annal. Baron. ann. DXLI. §. 5. tom. IX. p. 623.

*r*) histor. Aethiop. libr. III. cap. 2.

*s*) orient. christian. tom. II. p. 641.

*t*) operis Guthriani, Germanice converſi tom. V. vol. 2. p. 272. sq.



cuit. Quum enim in tot, qui supersunt, pontificum Alexandrinorum catalogis, aut rerum, ab his gestarum, monumentis Graecis et Arabicis ne vestigium quidem nominis *Asterii* invenitur, eo autem tempore, quò *Elesbaanus* expeditionem Homeriticam suscepisse creditur, omnium consensu *Timotheus* III. sacra Alexandrina gubernasse legitur, ut magnam illam de veritate narrationis dubitationem tollerent, laborarunt. CAESAR BARONIVS u) credidit, *Asterium* fuisse praefulem, Alexandrinis, qui Chalcedonensibus decretis additi fuerunt, a *Iustino* datum, sed a scriptoribus, qui modo patriarchas monophysiticos enumeraverint, omissum. Fingi haec, vidit ANTONIVS PAGIVS x) maluitque *Asterii* nomen, haud inepta coniectura pro additamento habere, aliena manu actis *Arethae* inserto. Nihilominus BARONII sententia placuit JO. BAPT. SOLLERIO y), placuit quoque ASSEMANNO z), ita tamen, ut hic ex orientalibus scriptoribus excitaret testes, vere *Iustinum* Alexandriae constituisse *Apollinarem* orthodoxum episcopum, huncque cum *Asterio* eundem esse, divinaret. Mirandi est causa, hujus generis commenta ASSEMANNO potuisse excidere, quem ex Syrorum monumentis, a se editis, nosse oportuit, patriarcham, cum quo Aethiopes et Arabes tum egerunt, non fecisse cum Chalcedonensis concilii sectatoribus. Vanas et a veritate alienas esse has conjecturas, confidentius adfirmo, postquam ex MICHAELIS LEQVIEN commentariis a) didici, in codice manu scripto *Colbertino*, quo acta *Arethae* puriora continentur, numquam *Asterii*, semper *Timothei* nomen exprimi. In *menaeis* adpellari patriarcham *Proterium*, LAMBECIUS b) docuit et turpem errorem abunde confutavit.

CON-

- |   |  |
|---|--|
| u) <i>annal. ann.</i> DXXI. §. 40. <i>tom.</i> IX.        | z) <i>biblioth. oriental.</i> <i>tom.</i> I. p. 382. |
| p. 301.   | not. 2.  |
| x) <i>critic. ann.</i> DXXI. §. 18.                       | a) <i>tom.</i> II. <i>orient. christian.</i> p. 429. |
| y) <i>tract. de patriarch. Alexandr.</i>                  | et <i>indic.</i> p. XVI.                             |
| praemisso <i>tom.</i> V. <i>Jnl. actor. sanct.</i> p. 62. | b) <i>de bibliothec. Caesar. libr.</i> V. p. 130.    |
| <i>Comm. Soc. Goett. T. IV.</i>                           | * G  |

CONVERTO me ad res in *Homeritide* gestas, et primo loco de regibus illis disquirendum esse, puto, qui secum invicem pugnarunt. Audivimus testes, qui binos contendunt, Homeritarum reges fuisse, quos *Elesbaanus* Aethiops vicerit: alterum quidem *Dimionem*, alterum *Dunaanum*. His alii contradicunt: ignorant penitus *Dimionem* omniaque cum *Dunaan*o, sive *Dfunowaso*, acta fuisse, adfirmant. *Dfunowasum* enim Arabum cum *Dunaan*o Graecorum eundem esse, supra omnem dubitationem est positum. *Arabes* non solum omittunt *Dimionem*, cujus nomen solus servavit JOANNES *Asiae*; THEOPHANES enim aperte de *Damiano* refert, quae aliorum communi consensu conveniunt *Dfunowaso*, omittunt quoque regem ab Aethiope constitutum, in cujus locum successerit *Dunaan*us; sed etiam huic tribuunt regnum per tot annorum spatium continuatum, ut aut ipsi mentiri, aut falli SIMEON *Betharsanensis*, videatur. Qui *Syros* ceteris auctoritate superiores esse volunt, ASSEMANNVS, licet hic *Arabes* prorsus neglexerit, et KOCHERVS facile rem expediunt, quum solis *Syris* credendum esse, praecipunt. Secus me sentire, libens fateor. *Graeci*, tametsi ex SIMEONIS epistola, tamquam ex fonte sua hauserint, adeoque actorum *Arethae* scriptor, manifesto hoc loco discedunt a *Syro* et propius accedunt ad *Arabes*, quorum monumentis illi neutiquam usi sunt. Quae si mecum reputo, distinguenda esse, credo, quae SIMEON ipse narravit, perinde ab his, quae ex litteris regis Homeritarum recitat, ac ab iis, quae deinde JOANNES *Asiae* adjecit. *Dimionis* nomen nec SIMEON, nec regis epistola commemorant; neuter dicit, regem illum Judaeum occupasse provinciam, *Dimioni* cuidam ademptam. Caetera rectius inter se posse conciliari, si DIMIONEM repudiaveris, posthaec videbimus. Credamus igitur Graecis et Arabibus, qui nonnisi unum Homeritarum regem, *Dunaanum* sive *Dfunowasum* cum Aethiope dimicasse, tradiderunt.

IN *Aethiopis* hujus variis nominibus explicandis eorumque causis investigandis collocare curam, aut tempus perdere, nullum est operae



operae pretium. Id vnum habet aliquid momenti, ut de *Hellestheaeo* apud PROCOPIUM dispiciatur, num idem sit, atque aliorum Graecorum *Elesbaanus*. Negasse id, video, non modo BARONIVM c); qui primus suspicatus est, nomine *Hellestheaei* Elesbaani filium et successorem significari; sed etiam eandem sententiam adprobasse PAGIVM d), ASSEMANNVN e) adeoque KOCHERVN f), qui et nomen Aethiopicum hujus regis *Gebra-Meskel* ex LVDOLFO et factis sacris g) petiit, adposuit. Denuo fefellit viros doctos nimium, quae in martyrologiis leguntur, tuendi studium. Recte igitur illis se opposuit illustris RITTER h) et gravissimis argumentis confirmavit, *Hellestheaeum* PROCOPII nullo modo diversum esse ab *Elesbaano* aliorum. Verum quidem est, inde consequi, ut falsa sint, quae auctorum *Arethae* auctor aliique hujus generis scriptores de *Elesbaani* ad monachos discessu comminiscantur; atvero quis nesciat, tales vitae conversiones saepissime sine fide fingi a monachis et monachorum patronis? Praeter haec cogitent, quaeso, qui, ut *Elesbaanum* ad monachos transisse, aliis persuadeant, *Hellestheaeum* statuunt *Elesbaano* successisse, fabulam non solum PROCOPII; sed etiam NONNOSI auctoritate convelli.

VNAM tantum *Elesbaani* in Arabiam felicem tradunt profectio-  
nem *Arabes*; binas saltem JOANNES *Asiae*, priorem, ad vindican-  
dam necem mercatorum Romanorum, posteriorem ob caedem Na-  
granensium susceptam: sic et litterae regis Homeritarum apud SI-  
MEONEM *Betharsanensem* aperte significant, Aethiopem regnum te-  
nuisse, antequam is christianos vexaret. Diversa quidem hic a va-  
riis enarrantur, sed non sibi repugnantia, modo si regem Homerita-  
rum

c) *annal. eccles. ann.* DXXIII. §. 30.f) *loc. cit.* p. 259.d) *critic. ann.* DXXIII. §. 7.g) *conf. excerpt. Ital. ann.* MDCCLX.e) *biblioth. oriental. tom.* I. p. 382. *tom.* IV. p. 166.not. 2. et *tom.* IV. p. 602.

h) p. 283. sq.

rum credas, non de regno primum occupato, sed seditione facta recuperato loqui, nec ullam intelligo causam, cur haec interpretatio rejiciatur. Arabum silentium jure nobis nequit opponi. Brevissimum intervallum intercedere oportuit inter prius et posterius Elesbaani contra Dunaanum bellum. Quae si admittuntur, aliae quoque historiae particulae optime secum conciliantur. Credere possumus JOANNI, primi belli causam adtulisse injurias et impedimenta, a rege Judaeo mercaturae Romanorum objecta, maxime quod PROCOPIVS de nundinationibus Romanorum et Aethiopum testatur, NONNOSVS vero legationem sub *Anastasio* ad *Aretham* contigisse, narrat. Credere possumus, Aethiopem feliciter pugnasse, expulisse *Dunaanum* et praeposito Homeritis rege christiano, relictis ibidem praefidiis, rediisse; at quum rex ille citius e vita migravit, *Dunaanum* usum esse opportunitate, capiendi arma et non modo Aethiopes adgrediendi et occidendi, sed christianos etiam, horum amicos, vexandi. Ea vero, quae actorum *Arethae* auctor solus tradit, parum videntur credibilia; parum quoque habent momenti, quum in his, quae praecipua sunt facta, cum ceteris praeclare consentit.

DE atrocissima vexatione et direptione christianorum a *Dunano*, sive *Dsunowaso* peracta, quae narrantur, fere nullis implicata sunt difficultatibus. Pauca igitur ad eadem illustranda dicenda sunt. Quamvis concedamus, Dunaanum, quum res suas in pristinum locum restituisse sibi videretur, causis quoque civilibus commotum fuisse ad Homeritas christianos odio persequendos, credere tamen possumus non modo Arabibus, sed ipsius etiam litteris apud SIMEONEM *Betharfanensem*, et studia, quibus in religionem Judaicam tuendam et augendam ferebatur, et nominis christiani odium, Judaeis quasi proprium, animum ejus ad tanta facinora inflammasse, in quibus enarrandis mirifice consentiunt scriptores. Igne et ferro eum esse usum ad infantes occidendos, *Syri*, *Graeci* et *Arabes* uno quasi ore fatentur: iidemque conveniunt, non modo cives primarios, sed ple-



plebeios etiam, tam viros, quam feminas misere fuisse neci traditos. Quum Arabes diligentissimos fuisse, video, in commemorandis *ignis foveis*, quarum mentionem *Coranus* fecit, ex illis locum quemdam epistolae *SIMEONIS Betharsanensis* subobscurum lucis quid capere posse, suspicor. Ductos fuisse, scribit, ad torrentem, qui vocetur *Wadjo*, five uti *SIMEON Metaphrastes* legit, *Odias*. Doctissimus *Kochervs i)* eleganter monuit, vocem hanc esse Arabicam *وادي* idemque ac Syriacam vocem *ܡܕܝܢܐ* hoc est, *fluvium* et *torrentem* significare. Vix tamen probabile est, Syrum sine ulla causa hoc loco adjecisse vocabulum Arabicum non proprium, uti Grammatici loquuntur, sed adpellativum. Nec illa vox Arabica semper *fluvium*, sed saepius *alveum fluvii* denotat. Quamvis Arabes formulam in *corano* expressam, *الخدود* retineant, quae *foveam*, five *fissuram terrae longiorem* significat, nihilominus mihi videtur nuntius, cujus narrata *SIMEON* recitat, de eadem *fovea*, quam post *coranum*, tot Arabes celebrant, recte intelligi, hincque consequi, ut corpora ferro necatorum non in fluvium abjecta, sed flammis potius consumpta fuerint.

Ex epistola *Dfunowasi*, apud *SIMEONEM*, *actis Arethae*, et *Nuweirio* intelligimus, antequam ille *Negranam* oppugnaret, eum jam multos christianos crudelissime interfecisse et in his maxime viros sacri ordinis CCLXXX. una cum Aethiopibus, ad custodiendum templum constitutis. Nomen urbis, ubi haec gesta fuerint, hoc quidem loco tacent omnes. Vix vero est dubitandi causa, dicta esse de urbe *Taphara*, quam *Philostorgius k)*, ubi de conversione Homeritarum sub Constantio loquitur, *μητροπολιν τῆ παντος ἐθνους* adpellat ibique primarium christianorum templum a *Theophilo Ariano* consecratum fuisse testatur. De antiquissima hac urbe veterum testimonia collegit *Sam. Bochartus l)* et eandem esse

G 3

often-

i) p. 242.

l) *Phaleg. libr. II. cap. 30. p. 165.*k) *histor. eccles. libr. III. §. 4. p. 441. edit. Cadom.*

ostendit, quam Moses ספֿרה Gen. X, 30. dixit. Ex *Arethae* actis ubi *Phare* dicitur, iisque, quae LAMBE CIVS m) ex suis codicibus attulit, cognoscitur, isto aevo regum Homeritarum, etiam re christiana in pristinum dignitatis locum restituta, *Abrahae* sedem ibi collocatam et *Gregentium* episcopum fuisse. Lubens his addo egregium MESOV-  
DII locum n): reges *Jemanae* residere solebant incivitate *Daafar* ظفار  
ut *Dsi Siagrus* et gens *Dsi Colai*, exceptis paucis, qui aliis in urbibus re-  
federunt. Addit, vaticinium lapidi nigro in porta urbis fuisse inscri-  
ptum, futurum esse, ut imperium urbis et gentis teneant primum  
Homeritae, deinde Habessini, tum Persae, denique Koreischitae,  
h. e. Muhamedes, cui eventus par fuerit. Tristiora adhuc fata ex-  
perta est civitas *Negran*, sive *Nagran*, de quibus *Graeci*, *Syri*,  
*Arabes* et *Aethiopes* loquuntur. Nobilissimum fuit illius antiquiore ae-  
tate nomen, ab AMMIANO MARCELLINO, aliisque celebra-  
tum, uti jam KOCHERVS o) observavit. Magnam fuisse marty-  
rum multitudinem, nulla potest esse dubitandi causa; certum tamen  
eorum definire numerum quo minus audeamus, impedimur maxime  
scriptorum in hac re varietate. In his nemo maiorem nominis fa-  
mam virtutisque, qua pro christo vitam posuit, gloriam consequutus  
est *Aretha*. Eundem hunc esse, ac *Abdallam Ibn Althamir* apud NV-  
WEIRIVM et *Taberitam*, ego quidem pro certo habeo. Qualem is  
inter ciues suos locum tenuerit, difficilior est quaestio. Nuntius ille  
apud SIMEONEM *Betharfanensem*, quum de rege proxime futuro lo-  
quitur, parum abest, quin regium nomen *Arethae* tribuat. Hoc mi-  
nus probabile est; nec confirmatur loco PROCOPII, qui *Aretham*  
*Gabalae filium*, a Justiniano regem adpellatum fuisse, scripsit. No-  
ster enim ante *Justinianum* gloriosa illa morte functus est. Nihilomi-  
nus consentiunt omnes, *Aretham* nostrum in civitate *Nagranensi*  
tenuisse principatum. Quid quaeso obstat, quo minus eum inter  
φυλαρχες Arabiae numerandum esse censeamus? Eandem ob causam

m) loc. cit. p. 131.

n) p. 158. 159.

o) p. 238.



sam eundem eum esse, credo, *Aretham*, ad quem NONNOSI avus ab Anastasio ablegatus fuit. Cur *filius Calebi* dictus fuerit, ASSEMANNVS *p)* et KOCHERVS *q)* docte explicarunt. Nomen denique ejus, quod Syri ܐܪܬܐ scribebunt, idem esse cum Arabico اريط JOBVS quidem LVDOLFFVS *r)* divinavit; at falli eum, ex eo intelligitur, quod in Arabum monimentis, uti jam dixi, occurrit nomen ܐܪܬܐ Syriaco simillimum. Post *Aretham*, *Reuma*, illius non uxor, sed nurus, aliaque mulier cum puerulo multis communibusque *Syrorum*, *Graecorum* et *Arabum* laudibus ornatur. At his quid addam, non habeo. Quae scriptores nimis copiose enarrant, eadem quidem sibi invicem non adversantur. Discrepant quidem Syrus et Metaphrastes in constituenda suppliciorum serie, ordineque, quo martyres in iisdem perferendis se exceperint; discordia tamen non modo est levis momenti, sed facillime etiam auctoritate, qua *Syrus Graecum* praestat, componitur.

EIDEM Syro, SIMEONI quippe, licet soli, tamen lubentes credimus narranti, *Dsunowasum* ad *Almundarum* Saracenum et legatum misisse et litteras scripsisse, ut simili modo christianos vexaret. Recte jam monuit ASSEMANNVS *s)*, praeclare haec convenire cum his, quae de eodem ALMVNDARO PROCOPIVS et ex hoc EVAGRIVS *t)* memoriae mandarunt, eumque discerni, iussit ab *Almundaro* phylarcho, quem sub *Anastasio* baptismi ritu suscepto ad christiana sacra accessisse THEODORVS *Lector* *u)* narravit. Addere nunc liceat, comparatis inter se diligentius, quae PROCOPIVS de *Alamundaro*, SIMEON vero *Betharsanensis* et NONNOSVS de legatione *Justini* imp. ad eundem missa ita tradunt, ut omnia sibi sint consentanea, vix dubitari posse, quin causa, cur *Dsunowasus* ad *Al-*  
mun-

*p)* B. O. tom. I. p. 373. not. 3.

*q)* p. 241.

*r)* commentar. in histor. Aeth. p. 233.

*s)* B. O. tom. I. p. 364. not. 3.

*t)* histor. eccles. libr. IV. cap. 13. p. 359.

*u)* histor. eccles. libr. II. §. 35. p. 523.

mundarum scripserit, non solum ad vexandos christianos, sed etiam ad paranda sibi praesidia contra Romanos et Aethiopes, quos scelerum ultores futuros esse, metuebat, pertinuisse.

Levioris momenti esse mihi videntur dissidia historicorum in explicando modo, quo ad Aethiopem perlata fuit facinoris notitia, quod diversa quidem narrant, quae tamen secum minime pugnant; sed aequali jure pro veris haberi possunt et debent. Quae Arabes tradunt, nostra observatione inprimis digna sunt. Quamvis enim illos in eo errasse, credibile sit, quod Romanum imperatorem aut mandata, aut veniam saltem, bellum Homeritae inferendi, hoc est, facinorosi et seditiosi hominis coercendi saevitiam, Aethiopi dedisse, adfirmant, admodum tamen verisimile censeo, cum Arabes christianos a Romanis, quorum erant amici et foederati, expectasse auxilia, tum Constantinopolitanos nisi auctores, conscios tamen et adjuutores fuisse expeditionis Aethiopicae, maxime quod ab Almundaro, cum quo *Dsunowasus* conjunctus erat, usu didicerant, quanta mala sibi sint metuenda. Mirum autem est, in exponenda belli, quod Aethiops cum Homerita gessit, historia inter Syros Graecosque et Arabes tot deprehendi varietates; ita ut difficile sit, quis propius ad veritatem accedat, aut ab illa absit, probabili judicio definire. Ex illis, *Arethae* actis minima inest fides, quorum auctor in augendo Aethiopum numero modum excessit et de fuga ac morte Homeritae ea tradit, quae facile rejicias. Magis sibi ab his vitiis temperavit JOANNES *Asiae*; nec retulit, nisi quae vere contingere potuisse, aut vero simillima esse, omnes sentiunt, nemo certe negabit. Credo igitur illi, narranti, Regem Aethiopem ipsum duxisse exercitum in Homeritidem, et feliciter pugnasse. Nihilominus *Arabes*, licet in nonnullis fallantur, quae de mortis genere, quo *Dsunowasus* periit, tradunt, vera esse, suspicor.

VICTO igitur *Dsunowaso*, *Elesbaanus* Homeritas suae potestati subjecit remque eorum publicam reddidit tranquillam et pacatam.  
Qua-



Qualem vero ei induxerit formam, habet dubitationem. Qui *Graecos*, si ab uno *PROCOPIO* discefferis, et *JOANNEM Asiae* sequuntur eosque solos audire volunt, illi quidem existimant, Aethiopem genti armis superatae pristinam restituisse libertatem, rege tantum illis praeposito *Abraha*, et justo acrius *PROCOPIUM* erroris arguunt, quo ante *Abraham Hemisiphaeum* Homeritarum regem fuisse creatum hocque deposito, *Abraham* non voluntate Aethiopis, sed violentia regnum esse consequutum, scripserit. At vera esse, quae *PROCOPIVS* tradidit, recte vidit ill. *RITTER*, licet ignoraverit, quanta huic sententiae comprobandae praesidia in *Arabum* monumentis sint posita. Hi aperte narrant, regem *Aethiopiae* Homeritis non praefecisse regem; sed commisisse illos gubernandos *Ariatho*; quem non suo nomine, aut auctoritate; sed tamquam Aethiopis legatum provinciam administrasse, ex verbis *ABRAHAE*, quae dedi, intelligitur. Contra hunc *Ariathum*, quem *Hemisiphaeum* apud *PROCOPIUM* esse, patet, *Abraha* conspiracy fecit, tandemque regem *Aethiopiae* vi coegit, ut ipsi provinciam relinqueret. Hunc *Ariathum* ignorasse *Syrum* et alios Graecos, non miror. Quum a christianis accepissent summas *Abrahae*, regis Homeritarum, sed ex Habessinibus orti, laudes ob studia ejus, rem christianam ornandi et proferendi; nec temporis intervallo satis recte distinguerent, facillimo lapsu sibi persuaserunt, eundem *Abraham* ab *Elesbaano* fuisse regem constitutum. Neque inter se pugnant *PROCOPIVS* et *Arabes*. Hi quidem tacent de bellis, quae ille ab *Hellistheaeo* contra *Hemisiphaeum* suscepta, sed adversa fortuna gesta esse, narrat. At, quae tacent, non negant. Ignorat similiter, non negat, *PROCOPIVS* artem, qua *Abraha* usus est, ad fallendum regem *Aethiopiae*; nec repugnabo, si quis hanc particulam crediderit esse fabulosam. *PROCOPIVS* satis probabili ratione contendit, non ab *Hellistheaeo*, sed ab ejus successore, cujus nomen haud exprimit, per pactum *Abraham* impetrasse, ut voluntati ejus cederet, sicque vere regiam dignitatem obtinuisse. Nemo Arabum his contradixit: loqui solent de *Nagusio*, hoc est, *Aethiopiae* rege,

numquam addunt nomen ei proprium: per consequens potuerunt haec omnino non de Elesbaano, sed ejus filio voluisse capi.

VIR doctissimus, DAVID KOCHERVS x) quum legisset nonnulla fragmenta librorum Arabicorum, quos ipsi integros legimus, conjecturam fecit, Homeritam illum *Dsu-giadanem*, quem nonnullos Arabes ultimum regem Homeritarum dicere, ipse observavi, *Ariathum* sustulisse, et regnum patrium instaurare, tentasse, sed *Elesbaanum* eum mox vicisse eoque occiso, *Abraham* constituisse regem Homeritarum. At quominus recte ita statui credam, impedior non modo PROCOPII auctoritate, quam nollem sine caussa infringi; sed etiam Arabum consensu, qui *Ariathum* numquam a *Dsugiadane*, sed ab *Abraham* regno privatum esse, uno ore fatentur; contra ea *Dsugiadanem* aut penitus omittunt, aut haesitantes et dubii ultimum fuisse Homeritarum regem scribunt, antequam *Ariathus* provinciae praeesset. Sic *Abraham* primus regnum Homeritarum ex Habessinorum gente tenuit, illudque ad filios transmisit, usque dum nova seditione a *Seipho* excitata idem ad Persas transfret.

SYRI et Graeci praedicant et *Elesbaani* et *Abraham* studia et summam curam, rei christianae providendi eamque non modo in pristinum libertatis statum restituendi, sed etiam nova eidem conciliandi decora et ornamenta. Quum uterque ipse christianis sacris fuit addictus, facile, vera illos narrare, nobis persuademus. Ex *Arethae actis* et JOANNE *Asiae* discimus, Alexandrini patriarchae opera *Elesbaanum* usum esse. Qui meminerit, quam arcto vinculo ecclesia Aethiopica cum Alexandrina conjuncta fuerit, et in animum revocaverit, Alexandrinos inde a prima Eutychianarum controversiarum originibus diversa sensisse ab orientalibus et posthaec a concilio Chalcedonensi maxime alienos fuisse, ille omnia, quae JOANNES tradit, veritati

x) p. 260.



veritati convenire, fatebitur. Homēritae igitur acceperunt doctores sub *Elesbaano*, qui eandem cum Alexandrinis tenebant religionis formulam. At sub *Abraha Gregentius* Taphrensis episcopus secus sentiebat et Chalcedonensis synodi auctoritatem tuebatur. ASSEMAN-  
NVS y) quidem putat, *Gregentium* munere suo functum esse, ante illum, quem JOANNES *Asiae* Alexandria primum ad *Homeritas* missum fuisse, scripsit, quemque eundem esse, vix dubitari potest, cum *Joanne* apud THEOPHANEM. Atvero majori jure *Joannes* hic apud *Theophanem* idem habetur, quem *Elesbaanus* ab Alexandrino patriarcha obtinuit; hoc vero mortuo, successit *alius episcopus*, quem JOANNES *Asiae* itidem ab Alexandrino, sed qui fecerit cum Chalcedonensibus, ablegatum fuisse, recte testatur. Sub *Justiniano* enim per aliquod tempus sedem Alexandrinam occupaverat PAVLLVS z), qui omnino inter adseclas Chalcedonensis concilii numeratur. Hunc credo misisse *Homeritis* episcopum ejusdem secum factionis, cujus nomen quidem JOANNES *Asiae* silentio praeteriit; *Gregentium* vero significari, admodum probabile est. Ita quoque seriem episcoporum Homeriticorum disposuit MICH. LEQVIEN a), licet is, nescio qua ex causa, Syriaca monimenta neglexerit. Equidem non miror, *Abraham* passum esse, ut constitueretur sacrorum praeful, qui de dogmatibus, tum controversis, secus sentiebat, atque *Homeritae*. Prudenter sane vidit, consilium hoc admodum placitum esse *Justiniano*, quem *Gregentii* honori maxime consulere studuisse, JOANNES *Asiae* auctor est. Indigne vero et moleste tulisse *Homeritas* novam sacrarum conversionem, ita ut gravissimum dissidium inde duceret originem, idem JOANNES prodidit. At haec nimis remota sunt a nostro proposito. Breviter id unum addo, iis, quae christiani scriptores de *Elesbaani* et *Abrahae* in religionem christianam animo referunt, conciliari fidem et auctoritatem *Arabibus*, qui *Elesbaanum* vexari  
Judaeos,

y) B. O. tom. IV. p. 602.

tom. II. p. 433.

z) conf. LEQVIEN *orient. christian.*a) *loc. cit.* p. 663.

Judaeos, immo eos occidi voluisse; *Abraham* autem ceteros Arabiae felicis incolas, qui patria sacra retinebant et his maxime consecratum templum colebant, vi ad christianam religionem perducere, et ut hoc efficeret, idem templum destruere tentasse, tradunt. Aedem enim sacram, quam *Sanaae* condiderat, christianis sacris fuisse dedicatam, nemo certe vocabit in dubium. Nec minus, licet quaecumque de *Gregentii* actis circumferri solent, dubia, saltem cum falsis permixta sint, tamen vere docere videntur, *Abraham* magnam in eo collocasse curam et diligentiam, ut Judaeos quoque ad mutanda sacra et christiana amplectenda commoveret.

SUPEREST, ut et in temporis rationes inquiram. Historici, quos harum rerum testes habemus, haud neglexerunt, illius notas adponere, sed diversas, obscuras et nonnumquam sibi invicem contrarias. Quas interpretari et secum comparare nos oportet, antequam rectum de illis feramus judicium. SIMEON *Betharsanensis* annum Graecorum DCCCXXXV. hoc est *Dionysianum* DXXII. semel significasse, jam dixi. Sic et *acta* puriora *Arethae*, quae et patriarchas orientales tum viventes addunt. *Syri* et *Graeci* ad annos imperatorum Romanorum, Arabes ad annos regum Persiae, solus *Theophanes* ad annos aerae Alexandrinae omnia referunt. Propono igitur tabulam, in qua ad annos aerae vulgaris, sive *Dionysianae* redactae sunt diversae illae annorum notationes, additis auctorum, qui singulas exhibent, nominibus

Ann. Dionys. a. C. N.

CCCCLVIII. *Pheroxes*, filius *Isdegerdis*, Persis imperare coepit. Sub ejus imperio regnum *Homeritarum* tenuit *Dsunowasus*, HAMZA.

CCCCXCI. *Anastasius* imperator Romanus creatur. Sub hoc ablegatur *Nonnosus* ad *Aretham*, NONNOSVS

DI.



DI. Perfarum rex fit *Cavades*. Sub quo Habessini Homeritidem occupant, HAMZA

DXIII. *Joannes* praeficitur sacris *Hierosolymitanis*. *Acta Arethae* apud LEQVIEN.

DXVIII. annus *Justini* I. imperatoris primus. Eodem *Alexandrina* sacra gubernare coepit *Timotheus*. *Acta Arethae* apud LEQVIEN.

DXXI. *Euphrasius* constituitur episcopus *Antiochenus*, ibidem.

DXXII. Annus *Justini* imp. V. SIMEON *Betharsanensis* et acta priora *Arethae*. Alexandrinus DXV. THEOPHANES.

DXXIV. annus Graecorum, five Syro - Macedonum DCCCXXXV. SIMEON *Betharsanensis*.

DXXV. JOANNES *Hierosolymitanus* moritur.

DXXVI. Annus *Justini* nonus. Eodem moritur EVPHRASIVS.

DXXVII. Annus *Justiniani* primus

DXXXI. Initium regni *Cosrois* I. Perfarum regis. Arabes ad unum omnes.

DXXXV. *Timothei* Alexandrini obitus

DXXXVI. annus *Justiniani* XV. Alexandrinus DXXXV. THEOPHANES.

DLXXVIII. natalis *Muhamedis* NVWEIRIVS et MESOVDIVS.

DLXXVIII. *Cosrois* I. obitus.

DCX, Initium imperii *Heractii*. OMMIAS apud ABVLFE DAM.

Hanc igitur annorum seriem si consideratius expendimus, varias difficultates intelligimus, quas historicorum varietas in designandis temporum notis adfert. Ut felicius illis sublevemur, liceat nonnullas ponere sententias breves, quae, spero, fore, ut a rerum peritis mihi tamquam verae concedantur.

I. Quum Arabes non modo in annorum, quos cum Habessinīs Homeritarum regibus univēse; tum singulis, v. c. *Ariato*, *Abrahae* adscribunt, numeris definiendis admodum dissentiunt; sed etiam expressis verbis fatentur, se de his numeris nihil certi habere, omnes potius esse valde dubios et ambiguos, eos quidem a nobis penitus negligendos esse censeo.

II. Simili modo indignas esse, credo, nostra observatione et nostra diligentia eas temporum adnotationes, quae non modo ceteris omnibus contradicunt; sed etiam ineptias inferunt manifestas. Cujus generis est nonnullorum apud HAMZAM, opinio, sub *Pheroze*, Persarum rege *Dsunowasum* Homeritis imperare coepisse, et Arabis poetae commentum, ab *Heraclio* ab his contra Habesinos petita fuisse auxilia.

III. Graeci et in his maxime *Arethae auctorum* scriptores conjungere solent, et una quasi oratione comprehendere, quae diversis temporibus et interpositis fortasse longioribus intervallis evenerunt. Bene id monuit LEQVIEN.

IV. Discernendae sunt res, quarum tempora magno consensu scriptorum definita sunt, ab iis, quae magis incerta sunt.

V. Denique sine causa; sine fructu puto in definiendis eventorum annis laborari, quorum tempus latius patentibus terminis a veteribus



teribus scriptoribus significatur. Satis tum est, nosse periodum, consultum, abstineri ab annis singulatim exquirendis.

FUNDAMENTIS ita substructis nunc ipse ita duco rationes.

I. Certum est, sub *Justino* I. contigisse cladem Nagranensem et christianorum sub *Dsunowaso* vexationem omnem. Consentunt *Graeci* fere omnes, *SIMEON Betharsanensis*, *NONNOSVS*; nec repugnant *Arabes*, qui eam ad *Cavadis* tempora referunt.

II. Anno *Justini* quinto quum eadem evenisse *acta Arethae*, a *SIMEONIS metaphrasta* scripta, expressis verbis declarant, *BARONIVS* quidem et *PAGIVS* recte eadem ann. christ. aerae vulgaris DXXII. adscribunt. *SIMEON* vero *Betharsanensis* ponit ann. *Graecorum* DCCCXXXV. hoc est aerae vulgaris, DXXIV. quem quidem sequendum esse judicant *ASSEMANNVS* et *KOCHERVVS*. Atvero postquam *quintum* *Justini* annum in *actis Arethae* purioribus legi, ex *LEQVIEN* didici; in dubio relinquendum esse puto, num ann. DXXII. an DXXIII. an DXXIV. acciderit *Dsunowasi* persecutio. Certe nefas foret, utrosque terminos excedi.

III. *Elesbaani* profectionem in *Homeritidem* brevi post tempore adeoque sub *Justino*, contigisse, admodum probabile est. Nec repugnat *PROCOPIVS*, uti aliis visum est.

IV. Eidem vero *PROCOPIO* et *Arabibus* credi decet, *Abraham* non sub *Justino*; sed sub *Justiniano* regnum *Homeritarum* occupasse; quotnam vero annorum intervallo *Abraham* contra *Ariatum* sive *Hemisphaeum* feditio ab *Elesbaani* bello contra *Dsunowasum* disjuncta fuerit, definire non audeo. Nescio tamen, cur fides deneganda sit *Arabibus*, qui illam ante *Cavadis* obitum factam esse volunt.

V. Si-

V. Simili modo credo *Arabibus*, *Seiphum* sub exitu regni *Cosrois* Habessinios ex Arabia expulisse; fateor tamen, admodum turbatam esse harum rerum seriem. Neceffe enim est, ut aut expeditionem Meccanam anno Muhamedis natali contigisse; aut *Abrahamae* filios post eum per multos annos regnasse, aut *Cosroen* Homeritas sibi subjecisse, neges. At hoc lubens mitto, quae a proposito quidem meo nimis remota sunt. Nec operae pretium est, de iis disputare, quae de *Elesbaani* ultimis fati narrantur. Haec enim non ad Arabicae historiae particulam, quam illustrandam suscepi, sed ad res Aethiopicae pertinent.







MONVMENTORVM ETRVSCAE  
ARTIS AD GENERA SVA ET TEMPORA  
REVOCATORVM ILLVSTRATIO.

ET

NVNC QVIDEM SPECIMEN PRIVS ANTIQVIORVM.

COMMENTATIO

RECITATA IN CONSESSV

DIE XI SEPTEMBR. MDCCCLXXIII.

A

CHR. GOTTL. HEYNIO.

**J**am superiore commentatione, AA. prae me tuli *a*), videri mihi Etruscae artis reliquias ad quinque potissimum genera et classes revocari posse. I. Nonnulla enim Etrusca opera tam rudem et indoctam manum produnt, ut omne artis nomen antevertisse dicenda sint. II. et III. Sunt alia, in quibus prima artis incunabula, mox profectum aliquem, inprimis in materia operum tractanda et elaboranda, animadvertere licet, eaque Pelasgicas partim fabulas et religi-

*a*) In Diff. de fabb. relig. Graec. ab Etrusca arte frequentat. Tom. III. Comment. P. II. p. 34.

religiones referunt, partim Aegyptiae originis signa habent non obscura. IV. Successit inde ars paullo elaboratior, quae modo domestica argumenta prosequitur, modo Pelasgicas fabulas religionesque, veteremque artis indolem religiose fervavit; donec V. cum Graecanica elegantia sensim sensimque fabulae quoque Graecae Etruscum artificium occuparunt,

Quae tum in transcurfu attigi, ea nunc accuratius exponere singularumque rerum argumenta vel exempla in medium proferre, Vestra bona cum venia, AA. constitui. Vulgatus est a triginta inde annis virorumque doctorum, Gorii inprimis, Passerii et Comitissae de Caylus, opera illustratus sigillorum aliorumque monumentorum numerus satis magnus, quibus inter se comparatis licebit forte constituere nonnulla subtilius et ad rerum veritatem propius, inprimis historiae veterum aetatum investigatione curatior adhibita, iudicioque animi nulla opinionum caligine, quantum quidem in humanae naturae hac imbecillitate fieri potest, occaecato. Nam Gorii, viri de Etrusca antiquitate praeclare meriti, industria in nominibus et argumentis operum reperiendis et coniectandis plerumque occupatur, in declarandis vero fabulis et multo magis in Etruscis litteris, moribus et vitae institutis illustrandis, haud paullo subactius ingenium doctrinaeque copiam maiorem depromsit Passerius V. cl. ab illustri autem comite de Caylus multa sigillatim exposita sunt diserte et docte, quae opificum Etruscorum operam artisque indolem declarant. Quae quidem sub unum oculorum obtutum revocare, certa ratione et ordine disposita exponere, et historicis rationibus accommodare studui, ut rerum summam animo comprehendere in promptu esset, nec opus esset circumferre animum et oculos ad innumeras res diversis libris dispersim et sigillatim expositas. Quo ipso hoc assequuturum me esse spero, partim ut de memorabili hoc antiquitatis genere iis quoque, quibus haec tantum attingere licet, constet luculentius, partim autem ut ab iis, qui historias veteres tractant, monumentorum Etruscorum

usus



usus aliquis in posterum fieri possit ad mores, ingenia et instituta Etruscorum declaranda.

Primum igitur Etruscorum monumentorum genus aliquod deprehenditur impositum prorsus et rude vereque barbarum, in quo opificis imperitia in ipsa materia operis tractanda, multo magis in corporis membrorumque circumscriptione, partium proportionem, statum, gestum, incesum, in oculos intuentium incurrit; ita ut ea opera ab iis temporibus repetere necesse sit, quibus Etrusci, aut quique illi fuerunt, qui ea fabricati sunt, nullam adhuc artis notionem et iudicium haberent nullumque opus doctum et meliore arte factum oculis usurpassent. Sunt enim illa prima in figlino opere vel aere manus experimenta, quam nullum nec exemplum nec praeceptum regebat, instrumenta autem idonea destituebant. Ad ea itaque tempora eorum aetatem assurgere necesse est, quibus Etrusci cum populis magis, quam ipsi erant, per litteras et artes excultis commercia rerum haberent nulla; saltem societatem et notitiam interiorem nullam contraxissent. Concidunt itaque hoc uno rerum experimento, tanquam argumento certissimo, opiniones virorum doctorum variae de ortu artium inter Etruscos aliunde arcessendo et modo ab Aegyptiis, modo a Phoenicibus, modo a Pelasgis petito. Satis enim ipsa res declarat, prima artis rudimenta magistro et exemplo caruisse a). Etruscos ex populis barbaris pluribus confluisse videri alio loco exposui; nec

a) Cum exemplis haec declaranda sint, ea autem legentium animos rerum copia et multitudine distingere et a disputationis summa avocare possint, melius me facturum putavi, si ea in notarum spatia rejicerem. Ut adeo de rudi et indocto ejusmodi opere constet, inspiciat mihi aliquis sigilla aenea:

Musei Etrusci T. I. t. 1, 1. Janum eum edit Gorius, nimium de sigillorum ignotorum nominibus sollicitus et in iis comminiscendis interdum nimium ingeniosus. Aures ille consilio ac ratione grandiores ab artifice appositas arbitratur, ut preces exaudientem deum designaret. Enimvero arguit earum

nec Rasennas, qui Gallica forte stirpe oriundi Apenninos montes transgressi, partim prioribus incolis successerant, partim iis se adjunxerant, ullum artis vel elegantiae studium attulisse probabile fit. Pelasgi autem, et, qui ab his nomine saltem, si non genere et stirpe diversi succedere; Hellenes, cum in haec finitima primum loca mox in ipsam Etruriam immigrarent, feritate utique et inculta horridaque barbarie vix multum discreparunt a ceteris accolis. A Phoenicibus autem, etsi post Bochartum Mazochius aliique in nominibus Etruscorum ex Hebraico sermone deducendis tantopere desudaverunt, quod quidem mutuatos esse Etruscos satis constet, vel religionis vel artis monumentum commemorari potest nullum. Quod si tamen Phoeniciae artis vel maxime vestigia extarent, ad prima tamen rerum Etruscarum exordia, quantum intelligo, revocari ea nec possent. Si enim a Phoenicibus prima exempla, cumque iis adeo artium rationes et adminicula, quae jam tum inter Sidonios esse debuerent non contemnenda, accepissent Etrusci; non potuissent illi rudissima et ab omni humanitatis cultu aliena ista opera, quae ab iis profecta esse constat, procudere, sed statim ab initio proportionem partium, saltem tolerabilem et humanae formae assimilationem scitiorum, moris quoque et ritus nonnihil, a Phoenicibus traxissent. Idem iudicium valere debet adversus eos, qui ab Aegyptiis prima artis rudimenta accepisse pronuntiant Etruscos. Jam satis artibus ac litteris instructa erat Aegyptus illo ipso tempore, ad quod primas Etruscorum origines referre licet,

rum deformitas artificis imperitiam, qui aurem commodè effingere nequirit, non magis quam crura ac pedes aliasve corporis partes. Grandiores corporis partes pro reliqui corporis rationibus etiam in tot aliis operibus offendimus, in quibus artis iam profectus aliquis agnoscitur cf. ibid. t. 27. Aliud

figillum rude et inscitum exhibet t. 9, 5. Bina Musellius Antiqu. Reliqu. t. 5, 1. 2. ubi tertium ex Aegypto allatum videtur. Sed plura, eaque rudiora pleraque, Comes de Caylus vulgavit *Recueil* T. III. pl. 16. 17. V, pl. 33. 34. 35. 37. VI, pl. 23. 24. 30, 1. 2. VII, pl. 13. 14.



licet, ut, si ab iis simulacrorum formas et exempla petiissent, sumtu-  
ros eos etiam speciem eorum minus horridam fuisse probabile fiat.  
Aegyptium autem morem vel artem quae aemulentur Etruscorum  
opera mox videbimus, sed ea elaboratiora sunt, quam ut prima artis  
experimenta prodere videri possint.

Cernitur porro in aliis sigillis progressus aliquis opificii jamque  
peritia qualiscunque, ea tamen, quae proprio ac domestico homi-  
num studio parari solet, ut nec peregrini moris vestigia et indicia ap-  
pareant, nec magisterium meliorisve exempli aemulatio *b)*: ita ut  
haec quoque elaborasse videantur Etrusci, antequam peregrinae artis  
opera oculis subiecta haberent.

Inter haec dubitatio suboriri potest, sigilla haec et alia quo jure  
quaque ratione Etruscam potissimum manum arguere, ac non ad Um-  
bros magis, Pelasgos, Sabinos, Latinos, aliosve finitimos populos,  
inprimis que ad Gallos, qui Etruscos fines aliquando infederunt, re-  
ferenda videri debeant. Fluctuare etiam in multis iudicium, alia  
temere nec de causis idoneis pro Etruscis venditari manifestum est.  
Sunt tamen alia, in quibus luculenta vestigia Etruscae artis et moris  
sunt, quem in iis operibus agnoscere licet, de quorum patria certiori-  
bus

*b)* Vide v. c. Mus. Etr. t. 9, 2. in quo  
ipsius graphices inscitia summa cerni-  
tur, ut nec oculorum palpebras pa-  
tentes effingere noverit opifex, (cf.  
aliam t. 56. similem hac parte) orna-  
menti tamen studium non obscurum  
deprehenditur. Altera ibid. no. I. cor-  
pore est nimis exili, argutior tamen.  
Volumniam edidit Gorius. Ornatus  
capitis galeam cristatam referre vide-

tur. t. 22. Iupiter fulgurator. t. 27.  
Iuno ad Gorii arbitrium: signum ae-  
reum quod arte in ornamentis effingen-  
dis non caret, sed partium rationibus  
et numeris misere peccat. t. 53. Hebon.  
Tabulam 104. inter serioris aevi ludi-  
bria referre malim; nam peritia arti-  
fici defuisse non videtur; etiam iis  
similia duo signa Mus. Kirker. T. II.  
p. 11.

bus argumentis, inprimis litteris Etruscis, vestitu ornatuque corporis que statu habituque constat *c*). Ad haec, tanquam ad normam, iudicium de aliis dirigendum esse facile intelligitur. Usus quoque rerum longaue oculorum intentio variarumque monumentorum comparatio multum valet ad iudicium animi constituendum. Quod si tamen nonnulla sunt, quae utrum ad Gallos magis aliosve populos, illa aetate rudes et indoctos, referenda sint, dubitari potest: eo ipso intelligitur, verum esse, quod ab initio posui, a se ipsis Etruscos artium rudimenta petiisse non aliunde accepisse videri. Consentiant enim mirifice inter se in eandem speciem, et similitudinem mutuo referunt opera rudia et nulla adhuc arte expolita sive singulorum hominum sive plurium populorum *d*): nec nisi ex habitu forte ac vestitu notam *e*) accipiunt expressam satis et distinctam: usque eo dum expolire operis formam ac partes numerosque reddere rerumque varietatem sectari coepit ingenium rude nec dum ulla seu arte et praecepto seu exemplo et consilio politum. Sunt vero etiam sigilla nonnulla, quae cum Galliae veteris monumentis rudioribus conspirant: cuius generis aliqua afferuntur a Comite de Caylus, quae is ipse Gallis pronuntiavit esse propiora; *f*) alia ad Pelasgos et Aborigines spectare suspica-

*c*) Ita ornamenta vestium, crepidarum forma, armorum species &c. iudicium animorum saepe firmant. Crista cassidum interdum occurrit ingens et lamina ut credere licet aerea facta, quae radiis solis percussamirum in modum coruscare debuit. Vide Mus. Etr. t. 109. 110. 117. *Recueil du Cte de Cayl.* t. IV, 28, 3.

*d*) v. c. Gallica signa ap. Cayl. T. IV. pl. 125, 3. et aliud p. 407.

*e*) V. c. ut in sigillis in Sardinia inventis ap. Cayl. T. III. p. 127. quae ea-

dem sunt de quibus Winkelm. agit. Hist. Art. p. 124. sq. Siamensem aliquem ex Indis exhiberi putet aliquis T. I. pl. 31, 1. 2. Vetustatem omnino in dubitationem adduco sigilli Mus. Etr. t. 98, 1. 2. Bacchi T. VI. Cayl. pl. 28, 1.

*f*) Talis equuleus ex aere T. III. *Recueil* pl. 26. quem Gallis vindicat nummus apud eund. T. VI. pl. 104. 4. aliud exemplum v. T. VI, pl. 26, 1-3. Ad Gallos spectare suspicor militem, quem Gorius Indigetem prodit. t. 104.



picatur, g) quod ita se habere posse adeo improbabile non est: nam quidni Aborigines sive Aufones, et cum iis Umbros, multoque magis Pelasgos, qui non modo inter Rasennas habitarunt in eorum quae tandem nomen abierunt, sed et in Umbrorum, Sabinorum et Aboriginum finibus confederant, simili modo, ac rudes Etruscos, tractandae argillae et conflandi aeris experimenta fecisse putemus? Ita Juno Lanuvina apud Gorium cur non aequae artificem ex Latio auctorem habere potuerit, non video. Nam si characteris Etrusci aliquantum opificio inest, quid ni probabile fiat, finitimos populos, inter quos et ipsos Pelasgi confederant, ad eandem indolem et artem se comparare potuisse. Quandoquidem conjectura haec persequi necesse est, saltem circumspicienda sunt omnia, de quibus probabilis aliqua opinio concipi animo possit, nec, reliquis protinus omissis, adhaerendum est ex pluribus uni, quod non magis se probat ceteris. Ita ut Junonem, quae apud Gorium sequitur, Feroniam Etruscis asseram, argumentum desidero gravius. Sed omnino vanam et inutilem in rudibus illis signis interpretandis operam plerumque collocari arbitror, quoniam Etrusci, ut alii barbari populi, et ipsi Pelasgi (sup. T. III. P. II. p. 48) ab initio species vultusque et nomina deorum certa nulla habuere; quod non ita accipiendum erat, ut multi fecerunt, ut nulla forma adumbratum sed mente tantum et cogitatione conceptum numen coluerint; verum hominibus rudibus satis erat saxum, mirae inprimis formae vel coloris et magnitudinis, aut stipitem, terra fixisse; unde etiam ad seriores aetates nonnullis in civitatibus antiqua religione cultum fuisse saxum in coni vel tali speciem formatum legimus. Cum vero primum ad formam humanam fingeantur deorum signa, satis habebatur, caput imponere trunco, mox et reliqua membra rudi arte effingere, sed sine omni symbolo et attributo i),

Norat

g) v. Cayl. T. IV. p. 73. 74. cf. T. VI. pl. 23, I. 2. 3. 24, I. 2. 25, I. 2. et quae prorsus barbara et horrida adspectu sunt, T. VII, pl. 13 et 15.

h) Mus. Etr. t. 25.

i) Ex hac formae obscuritate natum suspicor, ut Romani, qui urbibus obfessis

Norat enim quaeque urbs suum deum, quaeque domus suum Genium vel Larem. Nec addita signis symbola videntur fuisse nisi temporum successu, seu multitudine deorum et signorum jam subnata, seu super deorum natura, numine et muneribus, argutantibus jam sagacioribus; et primo quidem casus, interdum singulorum hominum iudicium vel opinio, multa et varia insignia deorum suggessisse videtur; unde in vetustioribus signis insolens interdum et abhorrens a communi usu habitus ac status occurrit; donec ex multis pauca modo elegantius hominum iudicium seu artis ratio ususque servavit constanter, cetera repudiavit. De iis itaque sigillis, quae nullum habent adjunctum insigne, pronuntiare aliquid velle, temerarium videtur. Ut tamen deorum potius esse quam mortalium signa credamus hoc movet, quod antiquiorem aetatem, deorum imaginibus contentam, hominum memoriam nondum simulacris colere studuisse probabile fit. Ab superstitione enim orsa, ut deos, quos non videbat, effingeret, vita hominum serius ad virtutis honorem processit.

Ut per Graeciam et Etruriam, ita etiam Romae deorum vultus exprimere et ad formam humanam effingere non nisi post multas aetates ars ausa est: cum antea rudibus saxis et stipitibus sacra facerent, quod hinc ferioribus quoque aetatibus rusticam plebem sequutam esse tot poetarum locis constat. *Antiquos Romanos plus quam CLXX annos deos sine simulacro coluisse*, Varronis auctoritate constat *k*). Plutarchus

fessis deos evocabant, formula uterentur: *Si deus, si dea es*, Aliam difficultatem nominis Romani peregrino numini impertiendi saepe subortam in illa formula notare licet: *quocunque tandem nomine appellandus es*.

*k*) apud Augustinum de C. D. IV, 31. Eadem Plutarchus, ex Varrone

haud dubie, repetiit in Numa p. 65. B. et ex hoc Clemens Alex. ex hoc autem Eusebius in Praep. Evangg. Ad veterem Italiae simplicitatem et paupertatem etiam sacrificia verbena et farre fieri solita, non, ut idem Plutarchus et alii faciunt, ad philosophicas rationes revocanda sunt.



archus autem Numam quidem religiones ordinasse tradit, sed formam tribuere diis vetuisse.

Interpretati sunt hoc veteres plerique et traxerunt ad faniorem de deorum natura philosophiam, quam Numae tribuerunt, forte etiam propterea, quod a Pythagora, etsi is centum amplius post annos vixit, creditus fuit profecisse 1). Sed sufficit nunc, simulacra deorum post Numam et seriore aevo Romam esse illata. Si Varronis computum annorum sequimur, Tarquinii Prisci aetate ea innovatio facta est. Unde suspicio nascitur, ab Etruscis eum, qui gente Etruscus fuit, ea attulisse: adeoque hos jam tum veterem simplicitatem exuisse, ut signa deorum haberent ad formam humanam efformata. Numam autem non tam propria aliqua ingenii subtilitate excelluisse, quam finitimorum potius populorum instituta et inventa ad Romanos transtulisse, etiam ex eo conjecto, quod auspiciorum et auguriorum disciplinam Romam invexit. Aruspicina enim et augurium Etruscorum non modo, verum barbarorum plerorumque omnium animos tenuit, inprimisque Pelasgorum ac veteris Graeciae. Nihil adeo fuit, quod excogitaret Numa, nisi quod reip. gerendae magnam partem auspiciis et auguriis ita superstruxit, ut plebis animi deorum metu continerentur.

Dictum est de interpretatione lubrica et nominibus incertis veterum Etruscorum signorum, quorum pars non minus ad finitimos populos spectare potuit. Sed accedunt aliae quoque rationes, quae multo magis suadent, ne temere et parum explore de hoc antiquitatis genere pronuntiemus. Non modo enim finitimi, quod jam  
moni-

1) v. Excurf. ad fin. Comment. Lacedaemoniis esse conditas disciplinamque Laconicam eo traductam, deberi ex parte videtur.

monitum est, aliique barbari populi, remotarum quoque terrarum, in idem rude sculpturae genus conspirare potuerunt; potuerunt etiam signa nonnulla aliaque opera temporum successu a Gallis Germanisque terras illas populantibus importari; potuit tandem unaquaeque aetas, etiam cum artes praeclaro jam cultu enitescerent, habere artifices indoctos et imperitos. Solet omnino artium elegantia non facile nisi in urbe, regni capite, aut forte in una alterave civitate; efflorescere: interea in parvis oppidis vicisque, in remotis finibus, imperitia summa laborare videmus opifices. Quid impedit, quo minus indocta illa opera, quae vetustatis summae argumentum exhibere profite-mur, a serioris aetatis homine obscuro elaborari potuerint? quid si a tirone artis; qui nondum profectus ullos habebat? Scilicet fieri potest, ut hoc de nonnullis recte seu pronuntietur, seu dubitetur *m*). De omnibus tamen affirmari vix potest; habet enim in rudi signo etiam imperitia notas simplicitatis et vetustatis, cui melius exemplum defuit. Serioris aevi indoctus artifex imitatore se prodit etiam in horrido et agresti opere.

Sigilla haec vetusta et rudia, aerea partim sunt partim fictilia. In argilla primos homines artem expertos esse, ipsa res probabile facit, neque ex aere fundi potuit signum, cuius non ex argilla confectum erat exemplum. Mature tamen aeris tractandi ars inter Etruscos invaluisse videtur, quandoquidem illa ipsa sigilla horrida et indocta aeris tamen fundendi peritiam satis magnam produnt *n*). Si vero  
aes

*m*) Ex hoc genere v. c. est nudus et galeatus homo t. 11. Bacchus barbatus t. 53. idem Mus. Cort. 7. Miles armatus cum litteris Etr. ap. Dempst. t. 72. et in Acherontico Passerii t. 18, 1. 2. adde 3. Est autem artificum imperitia inprimis conspicua in Laribus

et Geniis, v. Mus. Etr. I. 100 sqq. et in militibus, quos Gorius heroes inscribit, t. 108. sqq. Adde Cayl. T. VI. pl. 34, 1. 2.

*n*) Sic Mus. Etr. t. 9, 2. studium et sollertiam artificis prodit singularem, maxime in ornatu: etsi caput nimis grande



aes jam tum tractare novit Etruria: quot non alias artes inter eos viguisse necesse est, sine quibus metalla nec effodi nec excoqui, nec fundi aut misceri possunt. Quas aeris fodinas Etrusci habuerint, nunc quidem ignoratur: nec mirum, quandoquidem, *et si metallorum omnium fertilitate nullis cedit terris Italia* teste Plinio, (lib. III, 20.) a Romanis tamen, ex quo illam armis vicerant, *interdictum fuit vetere consulto patrum* ne exercerentur, *Italiae parci jubentium*. Nec adeo mirum si Temesae quoque in Bruttiis nobiles illae aeris fodinae jam Strabonis aetate defecerant. (lib. VI. p. 25.) Interciderunt itaque metalla ab Etruscis frequentata. An nostris seculis veterum fodinarum vestigia reperiantur per Tusciam mihi non liquet: sed numerum earum satis magnum a *Targionio Tozzetto* V. cl. recitari video. Nec vero omittendum

grande ceteris partibus exilibus parum respondet; t. II. figillum minime scitum hominis nudi galeati pulcherrimum proficitur esse Gorius: nitorem et artem scilicet praedicari puto in temperando et fundendo aere, in proplasmate affabre et diligenter facto et feliciter expresso. Alia exempla sunt tripus t. 144. et alius 145. Juno t. 27. quae eadem in Mus. Corton. t. 5. occurrit: comparandum cum ea aliud apud Musell. t. 30. figillum, et alterum ap. Cayl. Rec. T. I, pl. 28, 1. 2. quod Ill. Comes admodum praedicat tanquam minus scitum et rude, sed fusione docta et elegante. Similem observationem super alio signo hominis armati affert T. VI. pl. 34. et T. II. pl. 13. 1. figillum edidit, quod cum digitis pōmum teneat, huic uni rei intentus opifex ceteros operis numeros tam

parum respexit, ut bini digiti omnem modum et mensuram excedant. Idem figillum, quod nec Ill. Comitem fugit, jam a Laur. Pignorio in Orig. di Padoua ad C. XI exhibitum est, unde disco in terra Adriatica illud paullo ante illa tempora (1625. editus est liber) fuisse repertum. Colonias autem Etruscorum in illis locis fuisse aliunde constat. Quae ibid. apud Pignorium exhibitae sunt duae icunculae aliae, altera in Mus. Etrusco repetita est t. CI, 2. Cf. apud Com. de Cayl. T. V. pl. 33. 34. 35. et To. IV. p. 37. ad tab. 25, 1. qua ille Aegyptiorum Harpocratem exhiberi putabat. Sed figillum nimis rude et indoctum est, quam ut Aegyptium opus ante oculos habere aut de symbolo silentii cogitare potuerit artifex. Huiusmodi Itali suam Angeronam; potuit et aliorum deorum is status esse.

dum illud, Etruscos olim tenuisse Campaniam aeris metallis divitem, et regiones Transpadanas, adeoque plures fodinas in Alpino tractu, agro Bergomate et aliis locis potuisse exercere.

Cum tam mature metallorum tractandorum notitiam habuerint Etrusci, mirum non est, si ea arte ipso usu et experimento firmata sequentibus aetatibus imprimis excelluerunt, maxime cum aereis signis adeo studerent, ut Volsiniorum urbs duo millia habuisse narrata sit o). Eo itaque perventum est, ut colossos quoque aere funderent; qualis Tuscanicus Apollo XX. pedum memoratur p): non contemnendae artis opus; siquidem una fusione illud elaboratum fuit. Sollertiam eos adhibuisse et diligentiam curamque mirabilem in capillis vestiumque plicis exprimendis, post Winckelmannum et Comitem de Caylus monere verbo satis est.

Cum signa, de quibus adhuc disputatum est, rudem et nulla externa disciplina vel exemplo adiutam artem prodant: progrediendum nunc est ad aliud genus, quod peregrinae artis vel fabulae vestigia habet nec obscura: et alia quidem Aegyptiacum exemplum et morem, alia antiquiorem Graeciam, seu Pelasgicum characterem, quem vocamus, referunt. Deprehenditur in his artis profectus aliquis, majus quoque elegantiae studium; sed utra alteris tempore antecedant, ambigi potest. Qui ab Aegyptiis adoptasse artem volunt Etruscos, non dubitabunt Aegyptii exempli opera antiquiori aevo assignare. Nec negari potest, esse in his nonnulla quae rudem antiquitatem redoleant. Nondum tamen ab hoc deduci me patiar, quin statuam, si semel ad morem Aegyptium se componere ab initio coepissent Etrusci, perstituros eos in eo more, saltem plurimum inde, etiam ex quo ab eo desciverant, retenturos fuisse: quod tamen aliter

o) Plin. XXXIV, 7 f. 16. Neque solum Arimini Olympiam missum ex alia ma-

teria factum arbitror ap. Pausan. V. 12.

p) Plin. ibid. f. 18.



aliter se habet; nec ullus est populus, qui characterem operum proprium ac diversum a ceteris populis tam constanter servaverit. Multo itaque probabilior et cum rerum, monumentorum historiarumque ordine et causis conspirans ratio haec esse videtur: ut Etrusci, cum artium primis rudimentis depositis sectari jam varietatem, et naturam rerum ad veritatem propius reddere, religionesque et ritus exhibere inciperent: proprio Marte, nec quicquam aliunde mutuati, sed suorum ingeniorum vi et impulsu, effinxerint et expresserint ea, quae ipsis occurrebant. Itaque partim ritus religiosos et civiles vitamque privatam suorum popularium exhibuerunt, partim Pelasgicas seu potius antiquae Graeciae fabulas, quae ipsis domesticae quasi et propriae factae erant, aere et marmore effinxerunt. Nam Pelasgi statim ab initio in multis Etruriae partibus confederant et cum Rasennis in eundem populum coaluerant, in nonnullis autem ciuitatibus inprimis maritimis, ut Agyllae, Pelasgi, paucis barbaris admixtis, sua instituta, sacra et religiones tantum non intactas servaverant *q*). Transierunt itaque etiam reliqui barbari ad religiones et fabulas Pelasgorum, pronique adeo et parati esse debuerunt ad eas quoque fabulas Graecas, quas insequentibus seculis ex Graecia apportabant vel adeuntes Etruriae littora mercatores vel Graecorum coloniae, quae per Campaniam et reliquam Italiam Siciliamque incolebant. Atque hinc naturali quodam rerum tractu et ordine procedere debuit omnis Etruscae artis indoles, et argumentum Graecis fabulis frequens, nec tamen Graeciae, inprimis elegantiae Atticae, semper respondens. Sed de his jam superiore commentatione actum est. Interea, arte jam satis partim proprio Marte, partim ad opera Graecorum artificum, quales illa aetas antiquior ferebat *r*), expolita, fuere artifices inter Etruscos, qui Aegyptia opera imitarentur. Exemplum passim in Gorio et apud

*q*) v. Comment. laud. To. III. p. Tarquinii prisca aetate, adeoque post  
38. 39. 40. Ol. XL. multumque ante artem inter

*r*) v. c. Cleophrantum, Corinthium Graecos efflorescentem.

apud Comitem de Caylus videntur s). Vestigia autem et argumenta Aegyptii moris spectantur cum in tota signorum specie et habitu, tum in corporum statu recto et parum variato, pedibus aut non aut parum disjunctis, manibus pendulis laterique applicitis: quae omnia in Aegyptiis maxime signis occurrere satis constat. Nec tamen ea Aegyptiis ita propria esse dixerim, quia multa ex iis communia esse arbitrer rudimentis artium, cujusmodi inter omnes populos ea esse necesse fuit. Nam incessus et motus corporum, et quae vitam actumque declarant, difficilius redduntur arte t). Itaque rudia signa ejus generis

s) Comes quidem de Caylus magnum talium sigillorum numerum passim exhibuit, *ex aere* quidem T. I. pl. 29, 2. T. II. pl. 14, 1. 15, 1. et 2. T. III. pl. 16, 3. 4. T. IV. pl. 24, 1. 2. 26, 1. 2. 27, 1. 2. 3. T. V. pl. 37, 40, 2. 3. 41, 1. 2. T. VI. pl. 24, 1. 2. T. VII. pl. 14, 1. 2. *argillaceum* T. II. pl. 24, 1. 2. 3. *vasculum ex argilla* T. I. pl. 29, 1. 32. et  *pictum vas* ibid. pl. 32. simile argumento gemmae Aegyptiae T. IV. pl. 14, 4. *ex marmore* typum seu formam anaglyphi ex aere fundendi T. V. pl. 36. et *gemma* cum Sphinge Aegyptia T. VII. pl. 21, 1. In Museo Etrusco exempli loco esse possunt tab. 5. quam Gorius Anchariam referre dixit, perperam, cum ejus simulacrum in pateris expressum nomine adiecto ipse exhibuerit t. 12. et 13. Aegyptiaci moris vestigia sunt in oris specie et corporis habitu; sed Etruscum artificem cum vestis tum calceamenta repanda produnt: Comparari

cum eo velim aliud signum Mus. Kirk. T. II. p. 15 quod tamen majorem elegantiam habere videtur: t. 113. vir armatus pedum statu notabilis, Tau quoque Aegyptium ex monili suspensum gestans. t. 101. puer bullatus involutus fasciarum spiris nonnullorum Aegyptiorum signorum more. Aerea patera in Mus. Kirker. T. II. p. 95. Isidis caput pro manubrio habet, cetera Etrusci moris.

t) In hanc sententiam interpretandum censeo Strabonem lib. XVII. p. 806 A. cum in templorum per Aegyptum alii parietes pictos esse narrat signis L. et LX. cubitorum, partim insculptis ingentibus simulacris ornatos, quae *Etruscis, et antiquis Graecis operibus similia* sint: ἀναγλυφὰς δὲ ἔχουσιν οἱ τοῖχοι οὗτοι μεγάλων εἰδώλων ὁμοίων τοῖς Τυρρηνικοῖς καὶ τοῖς ἀρχαίοις σφόδρα τῶν παρὰ τοῖς Ἕλλησι δημιουργημάτων. Observata etiam passim sunt vetera Graeca signa recto illo



generis nolim statim pro Aegyptiis venditari aut ad Aegyptiorum exemplum expressa pronuntiari. Sed in quibus paullo major follertia et peritia artis conspicitur, si modo ea morem, quem Aegyptus per omnia secula religiose servavit, studiose sectata deprehenduntur, ea demum ad Aegyptium morem et exemplum expressa equidem dicam. Ne vero ab Aegyptiis ipsis profecta credi possint, vetat modo ornatus et vestitus Etruscis proprius, modo motus aliisque corporis habitus, artisve indoles ab Aegyptiorum more diversa. Etsi alioqui fors ita ferre potuit, ut Aegyptiaca superstitione, inprimis Isiaca, per totam Italiam ferioribus aetatibus grassante, signa quoque Aegyptia in ipsam Etruriam inferrentur, et ab iis, qui Isiaca sacra amplexi erant, sepulcris adeo conderentur; quod Romae quoque, et aliis Italiae Siciliaeque locis factum *u*). Et ad hoc genus equidem non pauca signa referre malim, quae vulgo pro Etruscis habentur *x*). Nec vero late admodum pervagatum esse videtur Etruriam studium illud Aegyptii moris imitandi, sed inter pauca opera paucosque artifices substituisse. Forsitan nec ultra loca aliquot maritima illud processit. Nam civitates Etruriae moribus inter se et institutis non adeo conspirarunt: quin aliae aliis plus minusve Graecarum litterarum et religionum adsciverunt. Qua autem via, quo casu, quibusque temporibus Aegyptiae artis imitatio in Etruscos se insinuaverit, constitui nullo modo potest. Omnino enim, quae inter Aegyptum et Etruriam commercia

illo et duro corporis statu, quem Aegyptiis simulacris proprium esse aiunt. Sed Graeci et Etrusci, ex quo ab ipsis artis rudimentis discesserunt, variare formas et habitus statusque corporum studuerunt, Aegyptii vero antiquum morem superstitiose retinuerunt,

*u*) Succurrit nunc unum exemplum cellae sepulchralis in agro Soluntino

detectae, apud d' Orvill. in Siculis p. 43 sq.

*x*) Ita sigillum ex aere Mus. Etr. t. 17, 2. vereor ne Aegyptiae manus sit; item fragmentum Isidis vel Osiridis in Inscript. Etrur. T. I. t. 17, 1. cf. Mus. Etr. T. II. p. 21. Profiteor hoc idem de sigillis aliquot apud Ill. Caylum v. c. T. IV, pl. 24, 1. 2.

cia navigationis fuerint parum constat. Etruscos tamen Aegyptum adiisse probabilior est ratio, si Aegyptiorum morem cogitamus. Fuisse utique mutua commercia ex eo manifestum sit, quod Etruscorum tot signa et sculpta opera Aegyptium morem et ritum exhibent. Observata haec jam est Aegyptiae artis aemulatio a viris doctis; sed ii fere, praeunte Bonarrotio, viro doctissimo, (in Obsl. ad Dempster. §. 47.) originem Etruscorum Aegyptiam hinc conficere voluere: quod tamen ab omni rerum et historiarum fide et veri similitudine alienum est. Alii, inter quos Ill. Comes de Caylus *y*) referendus, artis saltem initia ex Aegypto repetita hoc ipso argumentó evincere voluerunt. Quod et ipsum parum probabile videri jam supra a me commemoratum est; nam si semel artis exemplum aliunde petiissent Etrusci, omni artis vestigio et elegantia rudimenta illa prima carere non potuissent. Sed, quod mihi speciem veri prae se ferre videtur, hoc esse aio: cum metallorum tractandorum, multoque magis argillae fingendae notitiam aliquam jam haberet Etruria: ecce allata sunt ex Aegypto figilla, quae, etsi non praecipua aliqua elegantia, tamen novitate placere poterant: ad haec comparaverunt se paucorum artificum ingenia; mox tamen ad nativum et domesticum morem redierunt.

Multo enim ingeniis accommodatiora ususque diuturnitate notiora erant argumenta ex Pelasgicis fabulis petita, quas ipsis proprias, ut supra diximus, reddiderat sedium cum Pelasgis communicatarum societas; eas que ita persequuti sunt, ut suum morem servarent in omnibus, nihil aliunde mutuarentur. Quae Etruscorum indoles etiam in architectura elucescit, quam ipsi propria ingeniorum vi condiderunt, non aliunde acceperunt. Satis enim constat Tuscanici ordinis simplicitatem esse summam, majorem quoque quam Dorici ordinis; vix autem simplicitatem regnare videas in eo, quod aliunde acceptum

*y*) Recueil To. I. p. 78 et passim alibi.



ptum et imitatione redditum est. Nec quicquam esse arbitror, quod veteris Etruriae ingenium magis commendet, quam hanc ipsam architectonices ad certas rationes constitutae laudem. Ad primas autem aetates ejus origines esse revocandas, ipsa simplicitas Tuscanici ordinis arguit, a qua serior aetas ubique recessit.

Pelasgicae, hoc est omnino antiquioris Graeciae, fabulae late regnant per Etrusca monumenta partim rudioris partim excultae aliquatenus et scitioris artis. Ne autem Etruscis illa sine causa idonea tribui dicat aliquis, recordandum est, inculptas esse magnae eorum parti litteras Etruscas et titulos, in quorum sententiis interpretandis cum multi passim viri docti vanas conjecturas et opiniones essent sequuti, felicior tandem operam collocavit Passerius, V. cl. Ad partem hanc litteratam comparare in promptu est alia opera non litterata, et similitudine eorum demonstrare communem cum illis originem. Refero autem ad hanc classem primo sigilla multa aerea vel fictilia, eaque plerumque satis rudia, quae deos vel heroes veteris Graeciae referunt, inprimis Herculem vel Bacchum: quibus tamen plerumque aliquid mutatum vel a Graeco more alienum adjunctum deprehenditur. Ita in Hercule exuviae leoninae tenui plerumque specie, exilibus plicis, comparent, ipse Herculis vultus recedit a communi herois specie; Bacchus barbatus et singulari habitu corporis, qualis etiam in numis passim occurrit 2).

Aliud

2) Herculis exempla videre licet: Mus. Etr. t. 73. et simile apud Cayl. Rec. T. VI, pl. 27, 1. alia apud Ill. Comitem T. I, 27, 1. Tom. II, 14, 2 et 6. 16, 1. 2. 17, 1. IV, 26, 5. at elegantiore opere III, 22, 5. 23, 1. 2. VII, 18, 3-4. Ejus generis nonnulla inter gladiatores retulit Montfauc. Tom. III. pl. 156. Rudissimum est signum T.

*Comm. Soc. Goett. T. IV.*

VII, pl. 13, 1. Comparandum est Gallici Herculis signum T. III, pl. 88, 1. 2. Aliud que signum apud Musell. t. 10. Mirum est exemplum Herculis barbati qui duo angues elidit T. III. 20, 1. Bacchus barbatus passim occurrit, v. c. Mus. Etr. t. 53. Cayl. T. IV, pl. 32, 3. 4. sed eundem in Aegyptiis monumentis multis deprehen-

\* L

dere

Aliud idque nobilissimum vetustioris Etruscorum artis et moris ad Pelasgicas religiones accommodati genus faciunt paterae ex aere vel argilla sculptae eſtymo fere opere, adjectis interdum litteris Etruscis, quibus de deorum nonnullorum nominibus et formis constare coepit. Sunt ex iis multae tam indocto opere, ut mirandum sit, argumenta tam docta et arguta rudis opificis ingenium effingenda sibi sumſiſſe. Effinguntur in plerisque dii veteris Graeciae et heroes, sed, si paucos excipias, fere sine attributis, nomine tamen appposito, quod signa sculpta interpretetur *a*). Major earum patellarum pars in Museo

dere viſus eſt Comes Ill. v. c. T. IV. pl. 91, 3. V, 25. 3. VI. 9, 3. VII, 5, 1. 6, 1. 7, 3. et in tabula Iſiaca: ut, quid de hoc numine ſtatuendum ſit, non habeam. Interdum lingua exerta occurrit, ut in Siculis, Neapolitanis aliisque numis is, quem Hebonem dicunt; ſed cum eadem lingua exerta Meduſam quoque repraeſentarunt v. c. Muſ. Etr. t. 31. et 85. In Gemmis Abraxeis nata hinc videtur ſpecies mira paſſim obuia v. c. Recueil T. VII, 8, 1.

*a*) Nobiliſſima ex aereis his pateris, ſeu verius patellis ad rem ſacram ſpectantibus, eſt *Cospiana* (variis locis exhibita, in Museo Cospiano p. 312. 313. Dempſt. t. 1. Diff. dell' Acad. di Cortona T. II. p. 93. Muſ. Rom. T. II. t. 23. optime Muſ. Etr. t. 120.) Jovem illa habet capite enixum Palladem, adſcriptis vocibus: *Tina. Thalna. Thana. Sethlanm*: argumentum ad oculorum animique iudicium parum gratum, quod melioris aevi ars non

facile frequentavit. Melius in lucerna apud Paſſer. in Lucernis vet. T. I. t. 52. Pallas iam enata Jovis ſedentis caput ſupervolat. Jovem iam enixum adſtantibus Minerva, Mercurio, et Apolline patera exhibet Muſ. Kirk. p. 75, 2. Alia patera eſt Gherardeschiſchia apud Dempſt. t. 2. cum Herculis apotheoſi, appoſitis litteris *Hercle. Menrva. Ethis* (ſ. Ebis, Hebe.) *Eris* (h. *Ἑρα*: Nomen *Cuprae*, quod Etruſcum eſſe Junonis Strabo prodiſt lib. V. p. 241. (369) nuſquam vidi occurrere.) Ficoronia cum apotheoſi Bacchi ib. t. 3. cum litt. *Tinia. Apulu. Tuems* (F. Therms, Hermes) ſervatur ea nunc in Museo Collegii Romani, et ſcitior ſtilo expreſſa eſt Muſ. Kirker. t. 21. p. 87. Ficoronia altera apud Dempſt. t. 4. (nunc in Museo eodem v. Kirker. p. 83. 2.) cum quatuor diis, adſcriptis verbis: *Laran. Turan. Munrva. Aplu.* Medicea ibid. t. 5. et Muſ. Rom. Cauſſei T. II. t. 25: Mercurius et Minerva



Museo Collegii Romani servata et curante Contuccio S. I. in *Museo Kirkerio* viriculo expressa est: Aliae in Dempsteriano opere a Bonarota, in Museo Etrusco a Gorio, nonnullae a Causeo, Caylio, Winkelmanno, vulgatae sunt. Ad idem genus fictilium operum referre licet

nerva (*Menerva. Thermè*) pedibus subjectum monstrum inspicientes, quod Gorgonem esse credo, sed inscite exsculptum; nisi Gigantum aliquem suspicari malis: aut forte nihil aliud est, quam extimae orae vel manubrii ornamentum, quale in Mus. Kirker. t. 1. in vase aeneo inspicere licet. Ansideiana patera Herculem Hydrae domitorem refert cum Minerva, perpetua ejus custode, ex priscorum poetarum, etiam Homeri mente: cf. Pausan. V, 17 f. et nostram de arca Cypseli commentat. p. 23. Adde Hesiod. Theog. 318. Adscriptum quoque: *Hercle. Menerva.* Mediceae plures sunt: una cum Meleagro et Dioscuris ap. Dempst. t. 7. cum litt. *Kastur. Pultuke. Melakre. Menle.* (Castor. Pollux. Meleager. Menelaus: cui qui locus sit ignoro) Alia ap. Dempst. t. 38. cum Alcestide in vitam revocata cum litt. *Vmaile. Ekse:* Eumeli qui Alcestidis filius fuit, et Herculis nomina interpretatur Passerius v. cl. Tertia ibid. t. 91. cum rapta a Peleo Thetide; adscripta sunt: *Pele. Thethis. Parsura.* Porro in pateris aereis occurrunt Mus. E. t. 86. Minerva cum Genio Feicali:

*Menrva. Lasa. Fekl.* (Lasa f. ex Lar, *ἀναξ*) Migravit haec patera in Mus. Kirker. p. 59. Alia Musei Gratianii apud Passer. To. III. Mus. Etr. 19. Tyronem exhibent a filiis agnitam; cum scriptione: *Peles. Flere.* (hoc rem consecratam vel votivam notat: Sacrum esto.)

Sine litteris aliae sunt et ipsae e nobilioribus: Mus. Etr. To. I. t. 89. t. 126, 1. 2. (in priore Meleager et Atalanta vatem de voto Dianae reddendo consulunt; in altera hac Dioscuros de communicanda immortalitate consultantes exhiberi dicas. Migravit ea in Mus. Kirker. p. 43.) t. 127. 128 et 129. quae etiam Mus. Kirker. p. 71, 1. visitur: similis fere paterae Dempster. t. 4. Alia in Mus. Romano T. II. 1, 21. occurrit: Judicium Paridis expressum esse volunt, quod parum probabile. Saltem t. 128 heroes, forte Theseus cum Pirithoo, sedent consultantes: qui consultantium status frequens est in pateris: v. c. Mus. Kirk. p. 71, 2. 83, 1. 87, 1, et in gemma Stofschiana heroum ad Thebas, et al. Verius hoc pronunties de rudi opere patellae Mus. Kirk. p. 51, 2. p. 63, 1. p. 67,

re licet vasa nonnulla vetustissimae artis modo exsculpto opere, modo picta: in quibus ipsa argillae tractandae ratio, inductus color, illitus vitreus splendor, chemica nonnulla experimenta inter eos frequentata aliasque artes tractatas arguunt, quas, si ista documenta abforent, isto aevo nemo facile inter homines innotuisse crederet.

Majora etiam variarum artium et notitiarum incrementa inter Etruscos probant gemmae scalptae, quarum artificium sine ferri tractandi scientia exquisitiore nec nisi inter homines artem scalpendi jam in aliis materiis expertos existere facile potuit; difficile est instrumentorum apparandorum inventum, nec ingeniosa sagacitate vacat adamantis in pulverem redacti vis ad terebrandas gemmas usu monstrante cognita. Attamen mature satis artem hanc tractasse videntur Etrusci artifices, si rudius multarum gemmarum opus et argumentum parum

p. 67, 1. Mus. Rom. Caussei t. 20. Paris cum Mercurio: litteris appositis sed male descriptis. In Inscr. Etr. To. I. t. 16. tres paterae extant ex Museo Andreinio: altera etiam in Mus. Etr. t. 92. Adde Mus. Rom. T. II. t. 19. 22. 26. (eadem Mus. Kirker. p. 47, 1.) t. 27. Actaeonem exhibens a canibus laniatum; si modo Etrusca est. Adde Cayl. Rec. T. IV, pl. 36, 1. 37, 1. et caelatam aliam VI. pl. 32. Mus. Kirk. p. 43. 2. 47, 2. p. 51. 55, 2. 75, 1. 79, 2. 91, 1. 2. 95, 1.

Rudioris operis et obscurioris argumenti, praeter nonnulla ex superioribus, imprimis sunt Mus. Etr. 81, 2. 82. (melius descripta Mus. Kirker. p. 63, 2. heroem vel deum feminae manum

iniicientem agnoscas, forte Bacchum Ariadnae) t. 83, 1. 91. 92. 121. (Mus. Kirker. p. 67) tres t. 186. Mus. Kirker. p. 39, 2. 59, 2. 79, 1. Caylus Rec. T. V, 46, 5. VII, 17.

Contra ferioris et exquisitioris exempla inspicere possunt paterae Mus. Kirk. p. 39, 1. (pugilatum Pollucis et Amyci exhibet, cum litteris, Romanis propioribus: *Poloces. Amaces. Lofna.*) et altera p. 55. ubi Hercules Junoni in gratiam adducitur a Jove; adscriptum: *Hertele. Jovei. Juno.*

Fictiles patellae opere ectypo pauciores servatae sunt: Mus. Etr. t. 85 cum Gorgonis capite: litteris detritis et obscuris: cum IV. deorum quadrigis Mus. Rom. T. II. t. 24.



rum scitum consideramus: nec tamen ad valde antiqua tempora referri posse artis origines, probabile fit partim ex iis ipsis, quae modo diximus, partim ex excisis in scarabaeorum formam gemmis *b*), quae in re exempla Aegyptiae artis in Etruriam illata sequuti esse videntur. Tentarunt tamen relicto prorsus *c*) Aegyptio exemplo sculpturam proprio Marte, quod tot gemmarum rude opus docet, in quo expressa est species aliqua non peregrina sed ad popularium opinionem et consuetudinem adumbrata: idque in iis ipsis gemmis intelligitur, in quibus ingenii et artis sese experientis vestigia apparent. Haec inter se comparata probabile faciunt, Etruscos, cum deficerent alii gemmarum proventus, gemmas opificibus suis petiisse ex Aegypto, neque inde alias, quam in scarabaeorum speciem excisas, fuisse exportatas. Ceterum in magna earum parte ipsa Etruscae sculpturae rudimenta deprehenduntur, ut modo artifex viriculi usum vix in circumductione linearum satis magnum haberet, modo parte operis non inscite efficta reliquas partes et numeros tractare non posset, ut v. c. quomodo caput effingeret, ignoraret, post reliquum corpus expressum *d*). Sunt pleraeque ex his gemmis insculptae, rarae ectypae. Fabulae

*b*) pro amuletis habitos hos scarabaeos tradunt: et recte, sed feriorum ea temporum superstitio: ideoque nec perforatas esse arbitror gemmas nisi ferioribus aetatibus:

*c*) Una est gemma apud Cayl. To. VII, 21. quae Sphingem exhibet, Aegyptio more.

*d*) Praeclare hoc genus artificii exposuit et exempla rudissimi operis plurima apposuit Comes de Caylus Rec. To. III, 20. 21. 24. T. IV, pl. 28 sqq. T. V, 38 sqq. VI, 25. 26. VII, 14. sqq. 23, 4. cum litteris, quas lego

*Pul. h. Puluke, Pollux. Paullo melioris operae v. To. II, pl. 18, 1. 2. 28, 1. 2. III, 16. 22. 23. 25. IV, 30. 31. (in hac n. r. heros caesum sodalem asportat: litterae incisae male redditae sunt: lego tamen Achele: in altera voce nomen Aiakis latet, qui Achillem caesum asportavit, quod late exponit Q. Calaber libr. III.) pl. 32. Porro IV, pl. 34, 1-5. in r. Hercules visitur Apollini tripodem auferens, argumentum quoque arae marmoreae Recueil de Marbres de Dresde n. 3. quod Comes III. vidit. adde aliam gemmam Mus.*

bulae Graecae passim in iis expressae sunt, nonnulla etiam argumenta domestica, etiam animantia, monstra; et alia quae ars in sculptura exhibere solet *e*). A rudimentis his processit ars ad ea opera, in quibus sculpturam elaboratam et exquisitam agnoverunt viri intelligentes; etsi nec partium symmetriam, nec delineationem scitam, nec plurium signorum doctam dispositionem, nec omnino elegantiam Graecanicam laudare possit aliquis. Cum tamen in earum parte Graeciae antiquioris fabulae et religiones expressae sint, probabile fit, eas gemmas tempore etiam antiquiore scalptas esse *f*). Ex hoc genere Stofschiana est, tantis laudibus a bono Winckelmanno, qui in

Etr. t. 99, 5.) T. V, 36, 5. VII, 19, 21. 22. 23. (hic n. 1. Pyrrhus Polyxenam mactat.) Singulare opus est hominis averfi et a tergo spectandi To. II, pl. 28. III, 21, 1.

*e*) cf. Goriuss T. II. Mus. Etr. p. 432 sqq.

*f*) Stofschiana illa Winckelmanni cura aere expressa est in fronte libri de Art. hist. actumque de ea p. 99 sqq. et in Descript. du Cab. de Stofsch. p. 344 redita etiam et exposita ab aliis, ut ab Antoniolo. Sardam cum Tydeo v. ibid. Descript. p. 348. it. Hist. Art. p. 100, 112. et p. 114. viriculo expressa est. Achatem Dehnii, v. cl. cum Peleo comas in labro lavante vid. p. 140. (etiam Cayl. Rec. To. VII, pl. 23, 2.) Ait Winckelmannus ad votum fluvio Spercheo super Achillis reditu factum respici: quod parum probabile. Malim dicere, lustrari Peleum a caede Actoris. Scarabaeus L. B. a Riedesfel Theseum sedentem exhibens, non

in inferis, sed a laboribus quiescentem, apud Caylum cernitur To. VI, pl. 36 (cf. T. VII, 23, 24) Eadem tab. n. 2. Diomedis equos stare putarunt: sed Achillem rogo impositum scitius interpretatur Comes laudatus. Mirum est in gemmis Etruscis non modo rudioribus sed et in melioribus tot occurrere formas hominum motu ac gestu violentiore, corpore nimis inflexo, projecto vel resupino; quod tamen et ipsum ad imperitiam linearis sculpturae referendum: vide Peleum, Tydeumque modo laud. Adde Cayl. Rec. T. II, pl. 15, 3. 21. VI, 26, 5. Achillem I, 30, 3. cujus pastam inter Stofschianas videre licet Descri. du Cab. p. 376. alius Achilles ocreas induens c. litt. Etr. *Achilles* T. II, 28, 3. et Mus. Etr. To. I, t. 199, 4. Adde To. II, 28, 4. III, 21, 4. et Mus. Etr. t. 198 ubi n. 4. cum lit. *Achele. Vluxe.*



in laudes immodicas plerumque pronus erat, celebrata: cum quinis ex septem heroibus, qui ad Thebas oppugnandas erant profecti.

Tandem ad tempora artis Graeca elegantia nondum excultae majorem anaglyphorum partem referendam arbitror, maxime in sarcophagis, qui magno numero in Dempsteriano opere et in Mus. Etr. aliisque passim locis exhibiti et expositi sunt, ut mihi adeo in iis conquirendis et recensendis compendium operae facere liceat.

*Epimetrum.*

Numae Pythagoraeque disciplina an quicquam ab Etruscis traxerit sup. ad p. 73

Cum, si non omnia, pleraque certe, quae de Numa rege, religionum auctore, narrata sunt, accepta potius incerta majorum fama, quam idonea monumentorum auctoritate firmata tradiderint Romani: liberum utique est, veterum monumentorum, priscae vitae, antiquiorisque historiae comparatione facta, quam Romani scriptores non instituerunt, sequi id, quod inter cetera maxime fit probabile.

Numae exquisitam divinarum humanarumque rerum scientiam tribuere Livium, Dionysium et Plutarchum, notum est: a ceteris, quae de istorum temporum barbarie et inscitia vulgo narrantur, magnopere ea abhorret. Ad ingenium viri frustra provocant. Itaque alterutrum accidisse necesse est, aut ut ad Numam auctorem retracta fuerint seriorum temporum instituta; quod in nonnullis factum esse, probari adeo idonea historiarum fide potest; aut ut ea aetate, qua Numa vixit, nonnulli Italiae populi ac civitates jam aliquo litterarum et artium cultu expoliti fuerint. Hoc alterum ut praeferam, me movet consensus aliarum rerum, quas ex iis temporibus, tanquam tabulas e naufragio, servavit vetustas. Refero inter has primo loco litterarum formas mature illatas in Italiam, picturas antiquissimas, quarum originem supra urbis Romae initia rejiciebat Plinius, Graecas colonias et orta hinc adeuntium Italiam Graecorum commercia, magnas Etruscorum per Italiam opes, et navigationis studia; tum ipsa vasa et signa artis Etruscae antiquissimae. Quae tot maturioris ingeniorum ex-

litio-

litionis vestigia per Italiam si apud animum reputo, suspicione me duci arbitror non vana, communem eam veteris Italiae, jam tum ad sapientiae studia conversae, fuisse disciplinam, quam Numae tanquam propriam ac singulari deorum munere datam celebravit antiquitas. Cumque omnino Magnae Graeciae coloniae maturiora habuerint melioris vitae initia, civitatesque bonis legibus constitutas, antequam in vetere Graecia, unde exierant, ulla civitas ad certam et justam formam esset descripta: proclivis sum in eam opinionem, ut has ipsas Magnae Graeciae civitates inprimis Etruscorum, qui jam tum XII. coloniis Campaniam frequentaverant, exemplo et auctoritate profecisse arbitrer. Cum autem ea, quae a Graecis Pythagoraea fuisse traditur, disciplina habuerit cum alia singularia et a reliqua Graecorum philosophia aliena, tum illud proprium, ut ipsis rerum actibus vitaeque publicae privataeque officiis maxime contineretur, utque auspiciis, ominibus aliisque divinae voluntatis significationibus plus tribueret quam rationibus idoneis probari posset: reputanti mihi, iisdem artibus institutis et opinionibus imbutam fuisse veterem Italiam, probabile fit, Pythagoram non tam excogitasse primum et invexisse in Graeciam Magnam disciplinam illam suam, quam potius invenisse eam communem illa aetate Italiae, adeoque Sabinorum, inque his Curium, inprimis vero Etruscorum, doctrinam et scientiam, quam ipse deinde plurimum locupletavit et immutavit, doctrinarum, quas exitinere per Asiam et Aegyptum facto reportavit, accessionibus. Commune quiddam inter Pythagoricam et Etruscam disciplinam animadvertisse videntur inter veteres illi, qui Pythagoram Tuscis oriundum tradiderunt: quod viri docti variis modis interpretati sunt, dum aut in nomine Tyrreno sunt argutati, (ut Diogenes Laert. VIII, 1. ubi v. loca a Menagio laudata, inprimis Clement. Strom. p. 300 D. et, qui eum exscripsit, Euseb. Praep. Ev. X, 4.) aut patrem Mnesarchum gente Tuscum fuisse crediderunt. (Plutarchi loco Sympos. VIII, 7. uti viri docti non debebant; verbis enim ibi ludere hominem Etruscum intelliget qui diligentius inspexerit.)

---

 IOAN-



---

IOANNIS PHILIPPI MURRAY  
ANTIQUITATES SEPTENTRIONALES  
ET  
BRITANNICAE ATQUE HIBERNICAE  
INTER SE COMPARATAE.

---

COMMENTATIO PRIMA  
DE RELIGIONE DISSERENS.

DIE III OCT. AN. MDCCLXXII.

---

In antiquitatibus hinc septentrionalibus illinc Britannicis, Anglicis potissimum hoc nomine comprehensis, atque Hibernicis satis multa haberi, inter quae singulari ratione conveniat, et quae affinitatem in quibusdam luculentam, in aliis reconditam magis prodant, haud difficulter animadvertet, qui ad easdem animum applicuerit. Quae cum historiae illarum gentium enodandae plurimum valeant, et sibi met vicissim non parum saepe lucis concilient: jam diutius apud me consilium agitavi, eadem accuratiori examine prosequi. Idque vobis, Collegae optimi, annuentibus, in hodierno confessu vestro, qua possum diligentia, praestare annitar.

*Comm. Soc. Goett. T. IV.*

\* M

§. I.

## §. I.

*Argumenti circumscriptio.*

Instituta autem indolemque diversarum gentium antiquarum inter se contendenti complura facile occurrent, quae sibi satis respondeant; neutiquam tamen a se invicem profecta dici possint, eorumque in censum referri, de quibus commentari suscepimus. Sunt enim horum alia, ad quae fere natura sua homines duci videantur, et ipsi etiam barbari, ex quo aliquantum mansuescere coeperint; alia, quae a terrae, quam inhabitant, conditione, coeli temperie, vivendique modo, ab utraque enato, tutius repetantur. Sunt quoque, quae speciem modo similitudinis prae se ferant, qua acutis etiam hominibus fraudi aliquando fuerunt. Igitur nec Tacito accessimus, Caledoniorum Germanicam originem, ex corporis habitu, colligenti *a*). Nec Camdeno dedissemus, Scotos a Gothis progenitos *b*), tametsi, comparatione inter utramque gentem instituta, miram in illis convenientiam monstrarit, ni ipsemet vel maxime, pro integritate sua, ab hac sententia postremum recessisset. Nec, aliorum exemplo, Numina Graecorum Romanorumque gentibus aequae septemtrionalibus adfingi patiemur *c*), licet eadem fere atque illi quibusdam Deorum suorum tribuisse videantur; utrique vero pestifero errore, per omnem orbem diffuso, et antiquissimam de uno Numine sanctissimo doctrinam pessime deformante. Removeamus potius ex quaestione nostra cuncta

*a*) *Vita Agricolae, cap. XI. Novi Comment. Soc. R. Goett. T. III. P. II, p. 59.*

*b*) *Britannia, Vol. I, introd. p. CXLVIII. Comm. cit. p. 65.*

*c*) Scite *Tacitus* de Naharvalibus, eos Deos, *interpretatione Romanorum*, Castorem et Pollucem memorare, de

*mor. Germ. cap. 43.* Aliis tamen locis, non eadem cautione, Romanorum Numina nostratibus tribuit. Iam *Saxo* perquam subtiliter contra eos, qui *Thor*um atque *Odin*um, *Jovem* et *Mercurium* re ipsa ducerent, disseruit. *Hist. Dan. ed. Steph. p. 103.*



ēta hujus generis, quae congerere, si ingenio indulgeatur, non adeo difficile, quamvis infulis Britannicis cum terris borealibus nihil unquam intercessisset commercii. Hisque finibus dissertationem circumscribamus, ut ea saltem illam ingrediantur, quae ejusdem originis vestigia liquido servant.

## §. II.

*Eddarum, quas priscae sub septentrione religionis fontem  
plerumque habent, vera conditio.*

De Religione cum merito ordiamur, profiteri convenit, non aequae constare, quam de illa, re ipsa, persuasionem in plurimis tenuerint sub septentrione gentes. Invaluit quidem, ex quo veterum Islandorum scripta singulari pretio denuo haberi coeperunt, opinio, potissima, quae ad hanc rem facerent, libellis contineri, quibus *Eddarum* appellatio, quacunque de causa, indita. Sed quibus limitibus haec contendere debeant, et qua cautione in scriptis illis opus sit, haud aegre animadvertet, qui seriam illis operam navarit, nulloque affectu ductam.

Etenim, quam Eddae antiquioris partem principem statuunt, *Voluspa d)* non nisi mythicum carmen de mundi ortu atque interitu est, in quo aliqua, vel vere antiqua, majorumque relatu servata, vel, quod potius rem feriet, ex religionis nostrae placitis petita, fabulis adeo involuta narrantur, et obscuro carmine, ut, scintillarum instar, media caligine appareant. *Recentioris vero Eddae e)* potissima pars, quae Voluspam saepe commentari videtur, non quidem

*d) Edita a Pet. Resenio. Havn. Codice Upsaliensi, sed opere interrupto, Islandice, Suetice et Latine, studio*  
1695, 4.

*e) Curis Resenii, Islandice, Danice, Jo. Goeranssonii. Ups. (1744). 4 maj. nice, Latine, Havn. 1665, 4. Ex*

dem eadem sermonis obscuritate perscripta, iisdem tamen fabulis abundat, rudi plerumque ingenio natis, ac veterum poëtarum carminibus nobilitatis. Nec quidem ipsius auctori, sive Sturlonides ille fuerit, sive alius, aliud propositum fuit, ipsomet profitente, *f*) quam hasce antiquiorum poëtarum fictiones, apto ordine, connectere, et libello, animi recreandi gratia, complecti, ut et carmina eorum facilius intelligi possent, et qui jam eodem studio tenerentur, priorumque gloriam appeterent, illorum imaginibus et dictioni, quae popularibus adeo in deliciis erant, assuescerent. Ex *Hygini* fabulis, vel ipsis *Ovidii* libris metamorphoseon exemplum sibi petiisse eum, forte non male dixeris *g*): cum eo tempore, quo opusculum exaratum creditur, litterarum studia, sub septemtrione, pro aevi genio, florescere coepissent, et gentium etiam historiae primum conscribi. *Mythologiam* igitur hic tenemus; ex qua gentium illarum de natura Deorum verae opiniones, si modo stabile quid in re inani dari queat, non magis cognosci possunt, quam Graecorum Romanorumque ex *Ovidii* illis, vel *Hesiodi*. Subesse tamen nonnulla, ex communi persuasione desumpta, quis temere negarit? Immo vero et ex fabulis fictionibusque poëticis aliqua centies et ubique repetita animis tandem vulgaribus

*f*) *Codice Upsaliensi*, verbis ab ill. *Ihrjo*, dissertatione ad *Bringium* perscripta, adductis, p. 10. Cum maximi in hac quaestione momenti sint, eadem hic, interpretatione saltem Latina, adscribenda duco. "Quo poëtae juvenes, qui dictioni poëticae (*Skaldskapermal*) et verborum copiae student, discant, antiqua dicendi ratione uti, aut ea intelligere, quae de majoribus ingeniose scripta sunt, exaratus est hic liber, animi recreandi gratia (*til skem-*

*tunnar*). Etenim non par est, oblivioni dare, vel impugnare has narrationes mythologicas (*frásagnar*), vel nomina haec ex poësi tollere, quae poëtis primariis placuerunt. Sed nec Christiani opinari debent, vel tueri, haec reapse ita se habuisse."

*g*) Iam enim, praecedenti saeculo XII, in Norvegia carmina *Horatii*, *Virgilii*, *Lucani* non ignota. *Theodericus Monachus de Regibus vetustis Norvagicis*, p. 26. 61.



garibus adeo inhaesisse probabile, ut exinde plurimae, quae plebem adhuc fascinant, de geniis narratiunculae enatae sint.

Neque haec Eddae conditio doctos homines, qui curatius eam scrutati sunt, omnino latuit. *h)* Et *Malletus* quidem, qui illius partem praecipuam, hominum intempestive sedulorum studiis minus reliquis corruptam, lingua Gallica eleganter tradidit, expressis verbis idem, post alios, professus est *i)*. Ex instituto vero nuperri-  
mo hoc egit *Ihrius*, litteris amicissimis ad Lagerbringium datis *k)*, in quibus de codice *Eddae Upsaliensi*, quem ex ipso Surlonidis autographo descriptum, dubiis tamen indiciis, censuit, omnium certe optimo, copiosius differuit. Cumque praeterea aliae enumerentur totius Eddae partes, in eundem aequae codicem congestae, nimirum *Index locutionum poëticarum*, et *Scalda*, sive de litteris atque carminum structura libellus: integrum opus, uno nomine, *Introductio-  
nem in artem poëticam*, ex mente auctoris, statuit. Iam quidem ve-  
reor, ut singula haec ab uno profecta tueri possint, Bartholini, Ve-  
relii, Bioerneri de *Scalda* animadversionibus *m)* commotus, et in-  
dicis poëticae diversam a mythologia, quae primam partem constituit,  
rationem, maxime, quo a Resenio editus est habitu, perpendens.

Ipsam

*h)* Wormius litt. ad Thom. Bartholinum perscriptis, inter epist. medic. Sect. I, ep. 90, p. 376. Stephanus Stephanius, not. in Sax. hist. D. p. 15, f. Bruckeri hist. crit. philos. T. I, p. 335. Wormius Eddam cum Mythologia Natalis Comititis, satis ex re, comparavit.

*i)* Edda, ou Mythologie Celtique. Introd. à l'histoire de Danemarck. Tome II, Avant-propos. p. 23, 36.

*k)* Bref till Herr Cancellie-Rådet Suen Lagerbring, roerande then Isländska Edda, och egentligen then Handskrift theraf, som på Kongl. Bibliotheket i Upsala förvaras. Upsala, 1772, 8.

*l)* litt. cit, pag. 9.

*m)* Bartholini antiqu. Dan. p. 655. Verelii Runographia Scandica p. 6. Bioerner de orthographia linguae Suec. Goth. tam Runica, quam vulgari, p. 25. f.

Ipsam tamen inscriptionem, si generalis quaeratur, accommodatissimam concedo. Tantoque magis provide ex hoc fonte hauriendum.

## §. III.

*Edda recentior, integra compage, cum Satyrico Martiani Capellae comparata.*

Hanc Eddae recentioris indolem dum meditabar, et eruditionis simul, ea tempestate, qua conscriptam illam ducimus, inter gentes Europaeas conditionem: cogitatio apud me enata, auctorem fortasse ex libellis, qui tunc omnium fere manibus terebantur, et ex quibus institutio juvenilis maxime peti solebat, exemplum sibi sumfisse, tametsi Hygini illa vel Ovidii ignorasset. Proxime igitur, *Satyricon Martiani Capellae* n) revolvi, quem, cum de omnibus liberalibus artibus strictim exposuisset, etiam de Mythologia quaedam attulisse recordabar; et praeterea ab Adamo Bremenfi adductum, et a Saxone ipso stilo idemtidem expressum o), terrisque adeo borealibus satis cognitum noram. Jam vero conjecturae meae illico multa favere deprehendi. Etenim bini priores libri, qui de nuptiis Philologiae et Mercurii nomen tulerunt, narrationis genere, illi, quod in Edda dominatur, valde aequali, et itinere Mercurii ad Apollinem pariter efficto, ut in Edda Gylfi, Suecorum Regis, in Asgardiam, de potissimis *Mythologiae Romanae* argumentis, Diis plerisque, horum habitatione, senatu, geniis, et, inter haec, de mundi structura, planetis, coelorum orbibus, ipsoque empyraeo, exponunt; oratione etiam prosaica, carmine idemtidem interrupta, in quo Dii Deaeque et musae, ut in Edda Volu Sibylla, personas sustinent. Offendit

prae-

n) *Martiani Minei Felicis Capellae, Carthaginensis, viri proconsularis* (Saec V) *Satyricon*, febris Hugonis Grotii illustratum Lugd. Bat. 1699, 8. Novi

Comm. Soc. R. Goett. T. II, P. II, p. 98.

o) Exemplis hoc probatum dedit Stephanus, in *Prolegomenis*, notis suis in Saxonis historiam Dan. praefixis.



praeterea in illis similis dictationis obscuritas, ut mireris, Grotium, valde adolescentem, a parente licet adjutum, ad opusculum edendum animum applicuisse. Tertio vero libro Martianus de *Grammatica*, et *regulis metricis*, quinto de *Rhetorica*, nono de *Musica*, et de quibusdam perquam subtiliter, praecipit, ut ex talibus alteram vel tertiam Eddae partem (diversimode enim computantur), *Scaldam*, quantum aliorum relatu illam cognoscimus, confarcinatam, habita tamen linguae patriae ratione, colligam. Hac igitur constitutione universum opus, integrum tamen Martiani nondum absolvens *p*), ab uno quidem auctore, saeculo circiter XIII vel XIV, congestum, sed, a plurimis descriptum, varie deinde immutatum et interpolatum videtur. Quaecunque autem isti meae conjecturae tribuam, pro re tamen evicta eam, nisi accuratiori examine, ab instituto meo jam alieno, non tuebor.

#### §. IV.

*Numina potissima, gentibus borealibus cum Saxonibus et Anglis, Germanisque in universum, communia.*

At vero, Edda seposita, ex monumentis historicis, omni exceptione majoribus, aliisque, quae ad nostram memoriam servantur, vestigiis satis luculentis, cognoscimus, quam multa in religione gentibus septemtrionalibus cum Germanis nostris, Germanorumque in Britannia colonis, Anglis Saxonibusque, communia fuerint. Ipsae dierum Mercurii, Jovis, Venerisque in hebdomade appellationes, a *Wodeno*, sive *Odino*, *Thoro*, et *Freia*, sive *Frigga*, ut Romanis illis responderent, petita *q*), et apud Anglos, Belgas, populosque boreales, Germanosque partim, adhuc servatae, haec certe Numina ab

*p*) utpote quod praeterea *Dialecticam*, *Geometriam*, *Arithmeticam*, et *Astronomiam* complectitur.

*q*) *Matthaei Westmonast. flores hist.* p. 82.

na ab omnibus in universum culta testantur. Ista vero dies denominandi ratio primum apud Saxones Anglosque, in Britannia, enata videtur; et ab iis ad populares in Germania residuos, et regiones aquilonales transiisse. Ulteriorem enim Germaniam tenentes Mercurii minimum et Jovis diem aliis nominibus insignivere; illo, a media, quam occupat, hebdomade tracto, altero obscurae originis, *Pfinstag* *r*); nisi prius, quod omnium usu jam esse coepit, recentioris aevi reputes. Westphali autem, Saxonicae quippe propaginis, priscam adhuc a Wodeno denominationem, in vulgari *Gonadag* *s*) servant. Contra, quod Jovis diei, nostris terris, olim proprium magis fuit, a *Thoro*, vel *Thunnero*, nomen, quo posteriori fortassis potius apud nostrates ipsum idolum venit *t*), jam ubique invaluit. Veneris vero diem a *Freia*, sive *Frigga*, nuncupare, Germanis omnibus solemne fuit *u*). Perantiquum inde illius cultum colligimus; *v*); praesertim, cum non desint, quae *Hertham* illam Taciti, ab Anglis aliisque Germanorum populis sanctissime habitam *w*), in Dea illa praedicent.

## §. V.

*Thori per orbem arc̃ionum praecipuus cultus.*

Praecipuo autem honore a gentibus septemtrionalibus *Thorus* atque *Odinus* affecti. Instituto autem omnium, quae ad utrumque spectant, accuratiori examine, *Thorum*, antiquissimo tempore, vel  
unice

*r*) *Cluverii antiqu. Germ. lib. I, de orig. Germ. p. 401.*  
*cap. 26, § 15. Wachteri Gloss. G. p. 1197.*

*s*) referentibus et adfirmantibus indigenis.

*t*) *Junii etymol. Angl. voce Thursday. Diction. Saxon et Goth. Lat. auct. Ed. Lye, To. II, voce Thuner. Eccard*

*u*) *Wilh. Malmesb. lib. I, p. 9. Wachteri Gloss. p. 485.*

*v*) *Paulus Diac. de gest. Longob. int. scr. rer. It. Murat. To. I. P. I, p. 411. Ecc. de or. G. p. 399.*

*w*) *de mor. Germ. cap. XL, p. 224.*



unice, vel principe loco, ab illis cultum asserere non dubito. Illius enim a scriptoribus exteris, Normannicis et Anglicis, de superstitione populorum borealium verba facientibus, vel solius, vel sic mentionem injectam observo, ut Odino anteponatur  $x$ ). Simili ratione simulacra, in delubro Upsaliensi, disposita retulit Adamus Bremensis, ut Thori, quem potissimum dixit, medio loco cerneretur, et, ab utroque latere, Wodeni, sive Wodani, atque Fricconis, quem Freyerum contendunt  $y$ ). Ita etiam miles ille Normannus, praedium Sancto Cuthberto dicatum, diris ominibus sibi vindicans, per potentes suos Deos, Thorum atque Odinum, jurabat  $z$ ). Ulterius et ipsa monumenta domestica assertis nostris usque eo certe favent, ut inde Norvegos minimum Thoro praecipue addictos jam alii concesserint, ex quibus unum *Bartholinum*  $a$ ) nominatim appellare sufficiat. Ex allatis vero non minus elucere videtur, remotissimo aevo, Thori cultum ubique orbe arctoo maxime valuisse. Quin urgeri posset, nobilissima illa majorum tabula *Langfedgatal*  $b$ ), qua potissimum nituntur, qui Islandorum rationes in antiquitatibus patriis respiciunt, Thorum

$x$ ) *Dudo Sanquint.* (saec. X) *de moribus et actis Norm.* lib. I. *inter scr. Duchesnii Norm.* p. 6, de populis ex Scanzia egressis: "venerantur *Thur*, Deum suum." *Wilh. Gemmet.* (saec. XII) *int. eosd. scr. libr. I, cap. 5, p. 218*, de Normannis, *Bierio et Hastingsio* ducibus, Galliam vastantibus, "Deo suo *Thur* humanum sanguinem libantes." *In homilia quadam Saxonica.* "Thor eac and Eowthen the haethene men heriad svide. - Thor quoque et Wodenus, quos pagani maxime celebrant." *Junii etymol. Angl. voce Thursday.*

*Comm. Soc. Goett. T. IV.*

$y$ ) *de situ Dan. et rel. trans D. reg.* p. 61. *Novi Comm. Soc. R. sc. Goett. T. I, P. II, p. 161.*

$z$ ) *Hist. de S. Cuthbertho adjecta Simeonis Dunelm.* (saec. XII) *hist. de Dunelm. eccl. int. scr. Twysdenii* p. 70. "Juro per Deos meos potentes, *Thor* et *Othan*, quod ab hac hora inimicissimus ero omnibus vobis."

$a$ ) *Antiqu. Dan.* p. 342, f.

$b$ ) *Script. rer. Danic. medii aevi Jac. Langebeck. To. I, p. 2* "Theira sun het *Tror* (*Tros*), es ver kollum *Thor*. -- Horum filius erat *Tror*, quem nos *Thorum* vocamus."

\* N

rum proavos inter ipsius Odini recenser, adeoque, recepta etiam illorum opinione, hunc illo aetate priorem habitum. Verum facile perspectu, illius auctorem ex *Troe*, Trojanorum Rege, a quo, ut a Priamo, Odinum descendisse, pro consuetudine illorum temporum, nugatores commenti sunt, lepide sibi *Thorum* effinxisse. Alioquin enim, medio aevo, quo ad Odinum omnia ab Islandis referri coeperant, Thorum ab eo progenitum communi persuasione habitum fuisse, et Saxoni testi *c)* credimus, et Eddae locis *d)* evincitur. Sed antiquiorum temporum hic ratio habenda. Hanc vero cum superius allata sistant, et novo hoc argumento comprobatum autumem, recentiori etiam aevo, veteris impietatis apud Lappones tenaciores, Thori adhuc cultui clam deditos fuisse *e)*: quem sive a vicinis Norvegis Suecisque receptum, sive cum illis, ex ima antiquitate, communem, diutissime servarunt. Neque mirum, barbaros, fulminibus et tonitruo terribiles, regionibus, jugis montium densissimis nemoribus refertis, longe gravioribus, Numini, a quo ista profecta crederent, omnia tribuisse.

## §. VI.

*Wodenus maximi apud Saxones, praeterea vero per omnem Germaniam, habitus.*

Contra *Wodenum*, sive *Wodanum*, a Saxonibus et Anglis pro principe Numine agnitum, vel inde conjicio, quod progeniem suam ab illo regnorum ex utraque gente in Britannia conditores, ad unum fere omnes, vel illorum saltem poster, repetierint; ita tamen, ut nimium prope ad eum gradu aliqui accedant, et in aliis diversa progeniem computandi ratio, ipsum quoque Wodenum diversi aut incerti

*c)* *hist. Dan. lib. VI, p. 103.*

*d)* *Daemesaga VII et XIX, ed. Ref. VI et VIII. Gjoeransf.*

*e)* *Schefferi Lapponia, p. 61, 91, f.*

*Hoegstroems Lappland, p. 195, f. Jesenius de Fenn. Lapponumque Norv. relig. pagana, §. VIII, p. 19.*



certi temporis, utrumque autem vel effectum illum, vel antiquioris longe aemulum arguat. Hujus enim per universam Germaniam cultum latissime viguisse, jam ea insigniter comprobant, quae divo Gallo, f) saeculi VII initiis, Suevos inter, ad lacum Brigantinum, religionem nostram, piis curis, promoventi, evenerunt, ut in hominum coetum incideret, in eo occupatum, ut Wodano suo, quo apud illos nomine venit, solemni ritu libarent; quod vero magno animo interruptit. Quin de sequenti saeculo, ejus aetatis scriptor, *Paulus Diaconus* g) testatus est, ab universis adhuc Germaniae gentibus eundem adorari. Haec tamen aliquatenus circumscribenda, cum, doctorum Francorum, Hibernorum, Anglorumque studiis, jam egregia Germanorum, in terris australibus, et circa Rhenum Moenumque, pars, isto aevo, Christo nomen dedisset. Longe maxima autem adhuc veteri superstitione detinebatur, in qua Wodani, sive Wodeni, cultus praecipuus semper habitus, potissimum apud Saxones, ut eundem etiam, expressis verbis, ejurare tenerentur h), qui puriori religioni se addicerent.

Quo latius vero haec Wodeni sacra recepta fuere, quoque istorum tenaciores majores nostri, eo magis de illorum antiquitate convincimur. Minime igitur *Wodeno*, atavo illi *Hengistii* et *Horstii*, quem saeculo a Servatore nato tertio vixisse oportuit i), illa primum facta statue-

i) *Jonas in vita S. Columbani cap. 53, apud Duchesnium, inter scr. Franc. To. I, p. 556. Novi Comm. Soc. R. sc. Goett. To. II, P. II, p. 105.*

g) *de gest. Longob. cap. IX.*

h) *Professio fidei*, ab inclytiss. Episcopo Paderb. *Ferdinando a Fuerstemberg*, Romae reperta, codici Palatino, acta concilii Liftinensis anni DCCXLIII complectenti, adhaerens; inter monu-

*menta catechetica Eccardi, p. 77, f. Ejusdem Eccardi conjectura de rectiori aliquorum verborum in eadem professione lectione repetuntur in illius orig. Germ. p. 400.*

i) *Gebhardi Gesch. von Daenemark u. Norw. Vorr. p. 33, f. Gesch. p. 318, f. Schoenings Afhandl. om Tids-Regningen i den gamle Nordiske Historien, p. 28, Tab. II.*

statuerim, Potius, quousque in re obscura conjectura quid adsequi concessum, aut ipse, si quis fuerit, et prosapiae tuta fides, Wodeni augustum suis nomen sibi tribuit, vel eo a civibus, ob res praeclare gestas et merita, praeditus fuit. Aut Anglorum Saxonumque duces, qui primum in Britanniam concesserant, nobilissimo inter suos genere nati, de Divina origine, vel ipsis Graecorum Romanorumque moribus, sibi gloriati sunt, eandemque, cum majorum confusam saltem memoriam tenerent, proxime ab atavo deduxerunt. Hocque exemplum imitati sunt, qui, temporis fluxu, reliqua regna condiderunt, ut quisque a Wodeno descendisse videri vellet. Aut, quod proxime forte rem tangit, qui gentis fortia facta carmine, ex veteri Germanorum Britannorumque consuetudine *k*), celebrarunt poëtae, et qui ex illis annales primum composuerunt, hanc a Wodeno progeniem, partim veris, partim effictis relationibus nixi, eum in modum ordinarunt, qui, communi persuasione, sensim ad posteros transiit.

Haud parum quoque ad hoc *Britannorum*, sive *Cambrorum*, exemplum valuisse contenderim, posterioribus certe saeculis in stirpium tabulis condendis perquam versatis *l*). Dignum scilicet animadversione, primum omnium, apud quem Hengistii et Horstii a Wodeno progenies, ipsiusque Wodeni Majores habentur, *Nennium* esse Britannum *m*); *Bedamque* Angligenam, scriptorem ingenuum et

*k*) Tacitus de mor. Germ. cap. II, Eginh. in vita Caroli M. cap. XXIX, int. rerum Gall. et Franc. scr. Bouquetii T. V, p. 100.

*l*) Giraldi Cambrensis (saec XII) Cambriae Descriptio, int. scr. Camdeni cap. III, p. 883. "Bardi Cambrenses, et Cantores, seu recitatores, Genealogias habent praedictorum principum,

in libris eorum antiquis et authenticis, — easdemque memoriter tenent." Cap. XVII, p. 890. "Genealogiam generis sui etiam de populo quilibet observat, et non solum avos et atavos, sed usque ad sextam vel septimam, et ultra procul generationem, memoriter et promte genus enarrant."

*m*) Saec. VII. Historia Britonum int.



et veracem, licet posterior scripserit, saltem in Wodeno subsistere *n*). Eadem Nennii historia Britonum, in qua illa offendimus, etiam alias stirpium texturas simillimas exhibet *o*), quas araneas quisque facile animadvertet. Propositum etiam auctori capitis hujus opusculi ultimi, sive idem ille fuerit, quem fere contenderem, sive alius, ex sententia Galei, adhuc originem singulorum Regum, decurrente saeculo VII, in Anglia imperantium, a Wodeno repetere. Cum vero *Beulario* presbytero, quem Magistrum suum praedicavit, inutiles illae genealogiae Saxonum, et aliarum quoque gentium, viderentur, homini procul dubio perspicaci, qui quanti pretii in remotioribus temporibus essent, optime nosceret *p*): illae hic omissae, et nomina civitatum Britannicarum, earum loco, allata. Adjectae tamen eadem in appendice comparant, sed confuse admodum perscriptae; non tamen, ex quo aevum auctori propius tangant, plane rejiciendae. Aliqua etiam de rebus Britonum interseruit, nec herorum immemor, qui carmine apud eos claruissent. Ista igitur si audentius a me dicta aestimentur, et communi opinione receptis contraria: non temere tamen, et abs re a me contendì, quilibet aequus largietur.

Ipsius vicissim *Wodeni* longe antiquiorem in Germania cultum profiteri convenit, et, a primis initiis, fortassis etiam puriorem, ut  
fum-

*int. scr. Galei, cap. XXVIII, p. 105.*  
*Ex Nennii Hist. excerpta, cum animadv. Leibnitii, int. scr. rer. Brunsv. To. I, p. 32, f.*

*n) Hist. eccl. gentis Angl. lib. I, cap. 15, p. 53. ed. Smithii.*

*o) Hist. Britonum, cap. III, et XIII.*

*p) Similia percandide de genealo-*

giis popularium Cambrensiū *Giraldus Cambrensis, descr. Cambr. cap. III, p. 883.* "Quoniam tam longinqua tamque remotissima generis narratio multis *trutanica* (tanquam stipei exoratura, *du Cangii Gloss. T. VI, p. 1328*) potius, quam historica, esse videretur, eam huic nostro compendio inferere ex industria supersedimus."

summum Numen, idemque benignissimum, respexerit. Hisque favent, quod *Gwoden* etiam, et *Guoden* q) dictus perhibeatur; et Westphali adhuc hodie Mercurii diem ea ratione efferant, ut istius nominis vestigia appareant. Nec Taciti silentio ab hac persuasione dimoveor, cum multa summum virum de Germanis nostris fugerint, et alia Romanorum more interpretatus sit. Propterea specie non caret, Wodenum respexisse eum, cum Deorum maxime *Mercurium* r) ab illis coli annotavit; potissimum, cum ipsi Saxones, ex opinione forte Romanorum vel propria, Mercurium Wodeno adaequarint, et pro tali etiam apud Longobardos habitus sit s).

## §. VII.

*Ejusdem Wodeni apud gentes boreales, sub Odini nomine, cultus.*

Immo vero, jam ante ea tempora, Wodeni cultum a Saxonibus ad populos septentrionales transmigrasse, maximopere probabile; inter quos, demta in nomine, ut in aliis, *W* littera t) vel ab ipsis Saxonibus promiscue suppressa u), *Odini* venit, sequenti tempore adeo celebrati. Eundem enim *Wodenum Saxonicum* *Odinum* gentium

q) *Paulus Diac. de gest. Longob. cap. IX. Ordericus Vitalis* (saec. XI) *hist. eccl. libr. IV, inter scr. Duchesnii, Guodenen* dixit; sed cum *Thuro, Freaque, Leuticiis*, populo Slavico, *Pomeraniae* partem tenenti, tribuit. p. 513.

r) *de mor. Germ. cap. IX.*

s) *Paulus Diac. cap. IX.*

t) *Wort*, verbum, *Suet. Ord. Wolf*, lupus, *Suet. Ulf. Wulphilas, Ulphilas. Er. Benzeli Praef. evang.*

*vers. Goth. praem. p. 30.*

u) Quid si ex tali nominis detorsione illum Saxn-Ote (*Saxonum Odinum*) enatum conjiciamus, cui, praeter *Thunnerum*, interprete Eccardo, et *Wodenum*, renuntiare tenebantur Christianorum sacra ex nostris amplexi? Diversum nimirum propterea *Wodenum* ab Odino contendere minime necessum.



tium septemtrionalium asserere nil dubito: cum utrique in tabulis Anglicis et aquilonalium, sive veris, sive effictis *v*) eidem Majores tribuantur, idemque Pater *Frealafius* vel *Freotholafius*. Ipsa nimirum nomina, scribendi ratione, in istis aliquantum inter se differre, haud facile urgebit, qui scriptorum antiquorum indolem secum reputet. Et in Wodeni parente, avo, et proavo tanto difficilius hoc evitari potuit, cum admodum sibi consona sint, quae gessisse perhibentur, nomina *w*)? Ipsumne illud Wodeni quam diverse inflexum habemus? Nec alium Odinum gentium septemtrionalium censuisse scriptores Anglos, quam ipsum Wodenum Saxonum, verba *Ethelwerdi*, ex familia Regia Saxonum occidentalium progeniti, comprobant, quibus atavum hunc Ducum, qui primi Britanniam petierunt, Regem multitudinis Barbarorum dixit, quem ad istum diem (saeculi nempe XI initiis floruit), Dani, Nordmanni, et Suevi (Sueci) colerent *x*). Eodem respectu Adamus, descriptione superius allata, Wodeni statuat pronuntiavit, quam Odini procul dubio Sueci venerati sunt. Quid multa! Ipsa illa majorum tabula, quam tantae apud antiquarios boreales auctoritatis praedicavimus, Wodeni nomen exhibet, addita animadversione, "quem nos quidem Odinus nuncupamus" *y*). Ipsa quoque de heroe hoc atque

Numi-

*v*) *Vetustissima Regum septemtr. series Langfedgatul dicta, et Genealogia Regum Anglo-Saxonum*, a fronte script. rer. Dan. medii aevi Langebeckii Vol. I, p. 1-9.

*w*) *Chron. Saxon. Gibf. an. 657, p. 19.* "Voden, Freodolaf, Fridowolf, Finn." *an. 853, p. 77.* "Voden Friduwald, Freawin, Friduwulf, Finn." *Ethelwerdi chron. inter scr. Savilii, lib. III, cap. III. p. 842.* "Wothen, Frithowald, Frealaf, Fri-

thowolf, Fin."

*x*) *Chron. libr. I, p. 833, binis locis, et p. 834 an. 560,*

*y*) *Langfedgatul int. scr. rer. Dan. Langeb. p. 3.* "Voden, than kollum ver Oden. Fra honom ero komnar flestar Konunga-aettir i nordalfona heimfins. - Voden, quem nos Odenum vocamus. Ab eo descenderunt plurimae Regum stirpes in plaga mundi septemtrionali."

Numine historia, a *Sturlonide* conscripta, ex qua omnia hauriuntur, illum, ante adventum in terris septentrionalibus, in *Saxonia* 2) regnantem sistit, et pro tali certe, antiqua fama habitum evincit a).

Cum vero peregrinus in Odino cultus regionibus aquilonalibus, ex Saxoniae finibus, serius inuestus esset: non mirum, *Thoro*, quod vidimus, indigeno Numini et vetusto, primas, antiquiori aevo, partes mansisse, maxime in tractibus dissitissimis. Attamen, quae de bellica Odini virtute simul tradebantur, eum hominibus, militiae deditissimis, adeo gratum reddiderunt acceptumque, ut jam *Thoro* parem haberent. In hoc vero, quod bellis illum praefixerint, a prisca Saxonum persuasione abiisse videntur, quod hi quidem *Mercurio* eum adaequarint. Nomen tamen diei, ab Odino insigniti, qualiter apud Anglos receptum, ut *Mercurii* exprimeret, apud illos quoque invaluit b): quae, peregrini Numinis indolem minus recte arripuisse eos, prodere videntur. Simile quid in *Friccone*, cuius, in delubro Upsaliensi, simulacrum cernebatur, foedum adspectu c), forte evenit, ut ex *Freia*, Germanorum Dea, Wodeni uxore, masculum sibi Numen fingerent, si modo scriptori extero in hoc omnia concedenda sint d).

## §. VIII.

2) *Ynglinga Saga. Heimskringla, Hist. T. I, p. 496.*

p. 5.

a) Sic indubiis argumentis comprobatum, quod simpliciter saltem posuerat *Leibnitius, miscell. Berol. Tom. I, p. 13.*

b) *Saxo hist. Dan. libr. VI, p. 103. Suetice Onsdag, contracte ex Odinsdag. Ihrii Gloss. p. 274.*

c) *Adamus de situ Dan. et rel. trans D. reg. p. 61. Brings Swea Rikes*

d) *Friggam* restituit *Ericus Olai, hist. Succ. p. 1. Utriusque sexus Idolum coniecit Ihrius Gloss. p. 600. Diversa caeteroquin Numina. Quippe et Freyerus, quem, Yngwii cognomine, Ynglicae stirpis factorem volunt, et Freia sive Frigga, Wodeni uxor, divino cultu affecti. Ynglinga Saga, p. 12, 13.*



## §. VIII.

*Clarior Odinus, a Christiana religione in terras boreales  
inveſta, ſcriptorum perſuaſione.*

*Odino* autem licet, iſto jam aevo, honos ſuus conſtaret, inſigniori tamen nomine, a religione Chriſtiana in terris ſeptentrionalibus conſtituta, celebratum fere cernimus, ex quo, Islandorum carminibus, tam mira de illo tradi coeperant. Sueno quidem Aggonis, tametſi iisdem, in compendio hiftoriae Danicae, uſus ſit, nec verbo ſaltem illius meminit; nec, qui primus de rebus Norvegicis Latine expoſuit, Theodoricus Monachus. Meminit vero, utrique coaevus, *Saxo e*), et in univerſa Europa pro Deo cultum, potiffimum autem Upſaliae commemoratum annotavit; caeterum iis coloribus exhibuit, ut in veterem gentis ſuperſtitionem odio haud parum tribuiſſe cenſendus ſit, nimirum ſumma ab uxore Frigga ignominia affectum, proelio fugatum, puellae Ruthenae, quae, amores illius fugiens, ludibrio illum diutius habuiſſet, inſidioſe vim intuliſſet, reliquorum propterea Deorum, Byzantii habitantium, indignationem expertum, quod mortalium in eos contemptum his talibus excitaveſſet, et, aliquo tempore, ex coetu illorum ejeſtum.

Quantopere igitur ab illo diverſus apud *Snorronem f*) prodiit? Ex Asia, longiſſimo itinere proſectus, et ad gentes ſeptentrionales delatus, regnorum, legum, religionisque ſtator, bello aequae ac pace clariffimus, qui artes omnes, carminisque condendi rationem rudes homines docuiſſet, magica praeterea ſcientia inſignis, et ſummo, dum vitam in terra ageret, honore affectus, et poſt fata pro Numine cultus, a quo, comitibusve ejus, Danorum Suecorumque, qui rerum ſummam tenuiſſent, Reges, et partis etiam Norvegiae, totius vero

*e*) *Hift. Dan. lib. I, p. 12, ſ. lib. III, p. 41, 44, ſ.*      *f*) *Ynglinga Saga, cap. 2-10.*

vero ab Haraldo pulchricomo, descendissent. Ex quo vero fonte cuncta haec petita dicamus, universe olim ignorata? Ipso proficiente Sturlonide, maximam partem ex Carminibus, proximis ab illo faeculis, conscriptis; quorum vetustissimum *Theodolfi q)*, ex poetis ipsius Haraldī, in Reguli, hero cognati, honorem conscripti, et *Ynglingorum*, ex quibus utrique originem gloriabantur, memoriae dicatum. Eo vero tempore Norvegos inter et Anglos, cum expeditionibus Normannorum in Britanniam maritimis, tum commerciis factis, ea consuetudo, ut illos non fugere posset, ab his Wodenum principem celebrari, ex quo originem Anglorum Reges ducerent. Non igitur tanto, vel aequali decore suos carere voluisse eos, summum probabile, et, ex Anglorum exemplis, stemmata Regum suorum sensim efformasse, adjecta rerum ab illis gestarum brevi expositione, posteriorum deinde studiis aucta. Talibus igitur subsidiis Sturlonides de *Odino* et *Ynglingorum prosapia*, quam tamen, quod mirearis, a *Freyero* potius, *Yngwii* cognomine, Odini ex Oriente comite, repetiit, sed pariter inter Deos relato, historiam conscripsit; ingenue professus, sibi quidem ipsi de veritate illorum, quae carminibus illis traderentur, non omnino constare, viros tamen perspicaces illis olim fidem habuisse *h)*. Tutamne? pro suo quilibet sensu iudicet: mei quidem non est, hic pluribus excutere.

Augustiora adhuc de *Odino Edda* complectitur, quae scilicet, recentiori persuasione, de illo praedicarunt poetae *i)*. Inter alia et haec

*g) Praef. Hist. Ynglingorum praem. p. 1, f.*

*h) Schöning om de Norskes og endeel andre Nordiske Folkes Oprindelse, p. 309, f.* Sed humani quid in istis passum Sturlonidem urgent scriptores Sueci, et ejusdem nominis personas ab illo inter se commutatas esse, et

Drottinos Regesque Suecorum ab *Yngwio*, Odini filio, in Asia relicto, descendisse, ex monumentis aliis tuentur. *Jac. Wilde Svenska Statsförfatningars eller allmänliga Rätts Historia, p. 454, f. Brings Swea Rikes Hist. To. I, p. 74.*

*i) Dämesaga VII, ed. Ref. "Quare Odinus*



haec leguntur. "Ab illo et fratribus omnis mundus et terra gubernatur. De ipso vero jam constat, eum maximum esse *k*).” Dignum tamen animadversione, locum hunc, in codice Upsaliensi obvium, in Reseniano defuisse, adscriptum autem in nota, Stephano Olai interprete *l*). Simile quid in alio, diversa Odini nomina recensente, et aequae sonoro, observamus *m*). Non quidem elatius haec reliquis dicta. Tamen sagaciori cuivis argumentum praebent, quanta codicum Eddicorum varietas sit, et cujus auctoritatis in rebus antiquis censeri possint *n*).

### §. IX.

*Sacrorum apud gentes septentrionales Anglosque et Saxones aequalis ratio. Templis serius ab illis, et Germanis condita.*

Sed diutius ista de Diis, gentes boreales inter et Saxones Anglosque communibus, ac potissimum de Odino, nos tenuerunt. Tanto vero magis nostra interfuit, ea nova sollicitudine scrutari, cum in illis historiae antiquissimae fundamenta posita videamus. Brevioribus alia, quae ad religionem spectarunt, complectemur.

Quod

*Odinus* recte appellatur omnium pater *bringium*, p. 12.

(*Allfader*): quia pater est Deorum *l*) *Daemes. V*, not. f.

hominumque, et omnium rerum, *m*) *Daemes. XII*, *Göransf.* p. 37,

qui ejus virtute perfruuntur.” *Dämes. VIII*, *Ref.*

*XVIII*. "Odinus est primus et antiquissimus Asarum. Licet Dii caeteri, *n*) Recentissime de Odino, et reliquis religionis gentium septentrionalium capitibus, singulari studio et praeclaro, egit ill. *Suhnius. Om Odin og den hedniske Gudelære og Gudstienste i Norden. Kiöbenh. 1771, 4.*

*k*) *Daemes. IV*, ed. *Göransf.* p. 18.

Errorem hoc loco a Göranssonio commissum notavit *Ihrus, litt. ad Lager-*

Quod de priscis Germanis Tacitus o) annotavit, eos parietibus Deos suos non cohibuisse, in humani oris speciem adsimilatos, sed lucos saltem, et nemora illis consecrassse, illorum nominibus insignita, eadem de populis etiam septentrionalibus, vetustissimo aevo, contendere, tanto minus ambigo, cum plurima adhuc loca ubivis reperiantur, licet nemoribus suis plerumque jam privata, in quibus lapidum in collibus dispositio sacra ibi facta demonstrent p). Non tamen cum illos, tum Germanos nostros, a Templorum structura et Deorum simulacris propterea abstinuisse autumem, quod illorum naturam aliis rectius perspexerint; sed quod aedificiorum condendorum et caelaturae artificio destituerentur. Igitur cum, temporis successu, in istis aliquomodo profecissent, vel peregrina opera adjuti, et delubris aedificandis, et Deorum statuis effingendis animum applicuerunt. Prae reliquis, quod Upsaliae exstructum, omnium ore celebratum; nimis tamen splendide ab Adamo q) pro eo descriptum, ac illorum temporum ratio ferebat.

*Hertham* quidem ab Anglis vicinisque populis, communi religionis vinculo, templo cultam, ex Tacito r) aliqui collegerunt. Sed ipsum nemus, in quo secreta Deae sacra peragebantur, isto nomine ab illo insignitum, accuratiori examine cognoscitur. Nec qui, frequenti tempore, iisdem terris maxime valuerunt Saxones, usque ad *Caroli* in illos expeditionem, rem aliter instituisse censendi sunt; sed, moribus avitis, in secessu, et nemorum opacitate, Deos suos coluisse. Quae enim obscurius de fano illorum, cui *Irminfulae* nomen

o) de mor. Germ. cap. IX.

reg. p. 67. et not. vet. Schol. 92. Celsii

p) Keysleri antiq. septentr. et Celt.

Svea Rikes Kyrko-Hist. I Del, p. 29, f.

p. 42, f. Loccenii antiqu. Sueo-Goth.

Verelii notae in Hervarar-Saga p.

cap. III, Pontopp. Danske Atlas,

62, f.

T. I, p. 78, f. Suhm om Odin, p. 326.

r) de mor. Germ. cap. XL, p. 224 f.

q) de situ Daniae et quae trans. D.

ed. Dithm.



men fuisset, per victorem, destructo, relata ab antiquis scriptoribus leguntur s), illa ab aliis expresse de ipsius idoli simulacro tradita t).

### §. X.

*Monumenta sepulchralia earumdem gentium inter se simillima.  
Salisburienſe et bina Orcadica conditionis dubiae.*

Habentur vero etiam, in terris cum septentrionalibus, tum Westphalicis, Batavorum, et Saxoniae inferioris, *monumenta sepulchralia*, quae, ararum, in quibus sacrificia Diis facta creduntur, speciem in plurimis referant, ut difficile saepe fit, expedire, cui praefertim classi adscribenda sint u). Alia ejus generis saxorum praegrandium congerie, quae quali artuum robore ejus aetatis homines fuerint adhuc demonstrant, consilium magis produnt, eos nominis aeternitatem suis sibiſque ſervare ſtudiſſe. Spe tamen ſua aequē excidiſſe eos, ac ſtupendarum molium Aegyptiacarum auctores, ecquis mirabitur?

Utriusque indolis exempla in Britannicis inſulis haud raro obvia: quae, cum Saxorum noſtrorum, et gentium ſeptentrionalium inſtituta adeo referant, a Colonis Germanis vel Scandicis profecta ſuo jure creduntur. Summa autem inter haec *Monumenti Salisburienſis* celebritas v). Giganteum illud opus vulgi perſuaſio, veterum Britannorum, et Druidum inprimis, ſacris faciundis deſtinatum, eruditō-

s) *Annal. Franc. an. 772 inter ſcr. Keyſl. ant. ſept. et Celt. p. 97, ſ. Pontop-  
rer. Gall. et Franc. Bouquetii, To. V, pidans Danſke Atlas T. I, p. 78. ſ.  
p. 26. Chron. Moſſiacenſe, p. 70.* v) *Stone-henge. Camdens Britan-*

t) *Annal. Eginhardi, a. 772. int. nia To. I, p. 120, ſ. Mira inter Angliae  
ſcr. cit. p. 201. Fuldenſes, p. 328. recensuit Henricus Huntingdon. (ſaec.  
Poetae Saxonici, p. 137. XII) int. ſcr. Savilii, hiſt. lib. II, p. 299.*

u) *Eccard de orig. Germ. p. 72, ſ.*

ditorum aliqui, alii Romanorum contenderunt. Sed *Druides* religiones suas saltem nemoribus peregrisse, veterum auctoritate *w)*, novimus, ut etiam ipsum illorum nomen a *dry*, quercu, derivare quibusdam arriserit. Nec probabile, priscis Britannis magis, quam reliquis Celtici generis gentibus, in usu fuisse, defunctorum memoriae talibus monumentis consulere *x)*, ne barbariem, illis objectam, urgeam. Romanae autem artis, nisi aemulae, in Salisburienſi hoc nulla indicia. Igitur vel Britannis, sub Romanorum imperio constitutis, et ex illorum exemplo tale quid audentibus,tribuendum, vel Saxonibus nostris. Dani enim illam regionem non satis diu tenuerunt. Nec scriptorum, quibus illa aetas non caruit, animadversionem monumentum structurae adeo singularis effugisset. In Britannico autem opere et majoris culturae vestigia, et inscriptionem desideramus. *Saxonicum* proinde illud contendere tanto minus haesito *y)*. De consilio autem, quo positum sit, sive in rei permagnae gestae, vel defunctorum memoriam, sive habendis sacris, sive Regum inaugurationi, et publicis comitiis, fluctuo.

Cernuntur in insularum Orcadicarum aliqua, cui *Papae-Weſtrae* nomen *z)*, bina monumenta, Salisburienſi, cum lapidum magnitudine, tum integra structura, admodum similia; alterum integrum

*w)* Taciti annales lib. XIV, cap. 40: "excisique luci, faevis superstitionibus sacri."

*x)* Eccard de orig. Germ. p. 73.

*y)* Eadem utriusque, et Eccardi, et Keysleri, qui ex professo de isto monumento disseruit, lib. cit. p. 230, sententia.

*z)* borealissima fere Orcadum. Büſckings Erdbeschr. II Th. II B.

p. 1367. De iisdem monumentis mihi retulit, qui eadem suis oculis nuper lustrarat, praestantissimus Troilius, Suecus, ex itinere in Islandiam redux. At vero in *Pomona* vel *Mainlandia*, Orcadum maxima, illa commemoravit. Mentio quoque illorum facta in *Camden's Britannia Vol. II, p. 1479*; sed ut dubitationi adhuc locus, quam praecise insulam respexerit.



grum orbem efficiens, alterum dimidium saltem; utrumque haud procul a lacu difsitum, per quem trames ex lapidibus ductus, ut eo expeditior a monumento uno ad oppositum accessus. Insulani a maioribus sibi traditum narrant, alterum soli, lunaequae alterum, pro templo, olim dicatum fuisse, persuasioni procul dubio ab utriusque forma petita. Ejusdem certo cum Salisburiensi instituti eadem fuisse videntur, et a *Normannis*, ex quo Orcades in possessionem suam redegerant, opera cultiorum gentium exempla imitante, exstructa. In terris enim septentrionalibus, licet, iisdem temporibus, delubra jam majori copia haberi coepissent, ut plurimum in una Norvegia mentionem factam legamus *a)*, tamen alia structura eadem conjicimus, et vel lignea, vel lapidum minorum compage, in aedificii speciem, erecta: quod, si ejusdem cum Orcadicis illis fuissent, aliqua saltem ad nostra tempora perdurassent, nisi nimia Regum contentione omnia prostrata everfa statuamus.

## §. XI.

*Drottini vel Drottae Suecorum Danorumque pro summis Pontificibus simul et Imperantibus habiti.*

Religionis apud Suecos summam curam, et in gentem simul regimen, ob Odino, proxime Niordus, et Yngwii deinde foboles, *Drottinorum* vel *Drottarum* nomine, tenuisse, a scriptoribus Islandicis perhibentur *b)*, sede Upsaliae constituta, et hereditaria successione se excipientes. Nec aliam, ex illorum sententia, rationem apud Danos, in Odini proxima ex Skioldio progenie, viguisse, quae eidem praeterea ab illis tribuuntur, adfirmant. *Drottin* autem, linguis borealibus, non alium denotavit, quam quod Germanorum *Dru-*  
*thin*

*a)* *Suhm om Odin. p. 327, f.*

*b)* *Sturlofons Ynglinga-Saga, cap. 12 - 20.*

*thin*, et Anglo-Saxonicum *Drithin*, Dominum. Quin ipsum *Drottin* a Germanis usurpatum *c*). Sed, iisdem auctoribus, haec denominatio vix uno atque altero saeculo perduravit: et qui utrique genti summo imperio praeerant, jam Reges dici praetulerunt.

In his, si de narrationis fide, et tempore, quo singula evenerint, melius constaret, non quidem sunt, quae valde offendant. Cum vero incertis admodum principiis illa omnia nitantur: etiam haec, quae de Drottinis relata legimus, dubitationi omnino obnoxia. Suspicioni quippe locus, aliqua vel de *Druidibus*, vel, ex sacris libris, de Iudicibus, quorum ductu Iudaeorum respublica primo tempore gubernata fuit, et quorum aliqui Pontificum etiam et Vatum dignitate inter suos praediti fuerunt, admixta esse, et historiam Suecanam Danicamque antiquissimam eo modo conflata. Attamen, jam ante Sturlonidem, *Saxo* tale quid, mox ab historiae capite, tradiderat; nulla tamen sive ipsius appellationis *Drottin*, sive eorum, qui illam apud Danos gessissent, injecta mentione. Nec, qui trecentis fere annis Sturlonide posterior, de rebus Suecorum primus ordine exposuit, *Ericus Olai* aliquid de nomine, vel qui eo conspicui fuerint, historiae intulit: de initiis vero gentis suae istis verbis differens, ut ea cum initiis gentis Iudaicae ipsemet componat; quin in eo etiam, quod gigantes a principio utramque terram tenuissent. *d*)

Igitur licet non disputem, Regium forte nomen serius, sub septemtrione, enatum, magnam etiam sacerdotum in rebus ad rem publicam spectantium fuisse auctoritatem: non tamen quaestionem eo direm-

*c*) *Wachteri Gloss. voce Drottin*, p. 310. A *Drott*, multitudo, populus, concinne derivatur.

*d*) *hist. Suec. p. 7.* "Sicut autem populus Israel, antequam Reges accipe-

ret, a Iudicibus regebatur, et ista gens Gothorum non statim a principio Reges habebat; sed aliquamdiu viris alicujus eminentiae in agendo ducebatur."



diremtam existimo. Nec quidem, quae, inde ab illo tempore, servata statuitur Reginae appellatio, qua *Drottning* dicitur, omnem scrupulum evellit. Cum enim, apud Anglos pariter, Reginae diversum, a Regum maritorum nomine, nomen inditum *e)*, idem apud Danos et Suecos fortassis contigit, utrumque non improbabili ratione, quod tori non aequè imperii consortium secum adferret.

## §. XII.

### *Sacra Julia Anglorum gentiumque septemtrionalium.*

Finiamus hanc de Religione quaestionem animadversione de sacris illis *Julis*, omnium celebratissimis, ex quibus pariter, quam arcte gentibus septemtrionalibus cum Anglis Saxonibusque in permultis convenerit, luculenter intelligitur. Permagna de eodem inter eruditos sententiarum diversitas, sive anni tempus, quo peracta sint, sive ipsam illorum constitutionem, sive originem respicias.

Nobis quidem in difficili hoc argumento princeps auctor, et propemodum unicus *Beda* *f)*. Eo autem perhibente Angli, ut complures gentes aliae, ex Lunae rotationibus, annum in duodecim partes aequales distribuerunt, quas propterea, ab ipsa luna insignivere, voce, qua etiam adhuc patrio sermone menses efferre consuevimus. Singulis vero mensibus nomina, vel a rebus, quae in illis peragi consueverunt, vel a Numine indita, *Junio* tamen et *Julio*, perinde ac *Decembri* et *Januario*, uno eodemque comprehensis, ut bini priores *Lidae*, posteriores *Guili* vel *Giuli* *g)* dicerentur. Integri

*e)* *Queen*, A. S. *Quena*, uxor, mater familias, ut Suecorum *Quinna*. *dae Colonienfis*, et *Leibnitius*, loco

*f)* de temporum ratione. *Oper. edit.* scriptoribus rerum Brunsv. inserto habent, *Giuli* vero *Eccardus*, ex co, *Col. To. I, p. 68. cum animadv. Leib-* dice Wirceburgensi, protulit, *Com. de-* *nitii, int. scr. rer Brunsv. To. I, p. 44, f.* *reb. Franc. orient. T. I, p. 826*

*g)* *Guili* nempe editio operum *Be-*  
*Comm. Soc. Goett. T. IV.*

gri autem anni duo tantum tempora statuerunt, hiemem atque aestatem, initio illius a media hieme, vel solstitio brumali ducto. Cum vero istae lunae conversiones annum non accurate efficerent, crescente discrimine, mensem XIII binis Lidis, eadem appellatione, intercalarunt; unde ipse annus *Trilidi* nomen tulit. *Lida* autem, ut Suecorum *blid*, quod serenum amoenumque denotavit, quale aestivum tempus ducimus. *Giuli* vicissim menses, ipso observante Beda, inde dicti, quod in illis, *solis conversione*, dies jam crescere inciperent; et unum hinc procedere, alterum subsequi. Priorem igitur, vel Decembrem, *aerra Geohola* scriptis expressum videmus *h)*, quod, varie prolatum, postremum etiam in *Jule* transiit. Derivationem vocis, ex Bedae interpretatione, a conversione proxime petimus, et Germanicum *Welle*, pro axi, vel quocumque, quod volutatur, acceptum, et gentium borealium *Jul*, rota, pro cognatis, cum *Leibnitio i)*, agnoscimus.

Ista vero novi anni a crescentibus diebus auspicia, solemni ritu captu, diesque ac noctes integrae, summa hilaritate, transactae. Principem praecipue noctem, a qua ipsius anni initia duxerunt, *Moe-draneth* appellarunt; quod *matrum noctem* Beda, ex caerimoniis peractis, et virginum certe pudicitiae periculosis; *matrem noctium* Leibnitius, magis fortassis ex prima acceptione, quod ex illa reliquae quasi nascerentur, Latine reddidit. Cum vero mensium ex orbitis Lunae definitio annorum quoque constitutionem valde inaequalem redderet, et sibi minime constantem: nec certo die illorum initia ponere concessum fuit; sed, ex fastis nostris, nunc in Decembrem,

nunc

*h)* *Diction. Sax. et Goth. Lat. Ed. lingu. vet. sept. To. I. p. 212, f. Ill. Lye*, vocibus *Geohol*, *Geol*, et *Jule*. *Ihrins* derivationem a Cambrico

*i)* *Script. rer. Brunsv. To. I, p. 44. Chwyll*, quod pariter conversionem denotat, praetulit. *Gloss. Su. Goth. Menologium Anglo-Saxonicum. Thes. p. 1002. f.*



nunc Ianuarius cadere debuerunt. Proinde nec, stabili modo, ex mea sententia, ab VIII Calendarum Ianuarii, qui nobis XXV Decembris, cui Beda illa tribuit, duci potuerunt. Solemnium vero, quibus caperentur, eadem conditio. Atque ea interpretatione, omnis fere de tempore, quo celebrata sint, controversiam componi posse mihi persuadeo.

De gentium quidem borealium annos computandi ratione non, aequali auctoritate, nobis constat. Similem tamen cum Anglis tenuisse eas *k*), et similibus sacris auspiciis illorum cepisse, ex scriptorum, haud diu ab introducta religione Christiana viventium, commemoratione *l*), et ludis jocisque adhuc, istis in terris, eo tempore, frequentissimis, colligimus; iisdemque, nec Juliorum nomen illis defuisse.

Inter haec Angli, veteri superstitione ejurata, etiam a Saturnalibus his, aegrius tamen, avocabantur. Eorum vero loco *festum Servatoris natale* constitutum, casto pectore et religiose celebrandum: eidemque, recepta inter Christianos occidentales ratione *m*), XXV Decembris praefinitus, a quo etiam anni initia exinde duci coeperunt. Cum vero veteris consuetudinis tenaciores essent Angli, *Juliorum* etiam nomen huic festo communi usu inditum, eidemque diutius inhaesit. Aliam tamen simul, a tempore appellationem illud traxit, et promiscue *Geohol*, vel *Geol-daeg*, et *Midewinter* *n*) dictum fuit. Enata, posteriori tempore, praeterea alia denominatio, *Christmas*, quae jam in Anglia universe fere invaluit. Sed, in borealibus tractibus et Scotiae australis, nostro adhuc aevo, Juliorum

*k*) *Brings Swea Rikes Hist. To. I,*  
*p. 457.*

*m*) *Moshemii inst. hist. eccl. saec. IV,*  
*P. II, cap. 4, §. 5.*

*l*) *Sturlosons Heimskringla To. I,*  
*p. 160.*

*n*) *Om Midewinter. Chron. Sax.*  
*an. 1088.*

rum nomen perdurat; si *Buchananum* o) quidem audiamus, in Iulii Caesaris memoriam, priscis Saturnalibus tributum; mea vero opinione, ex veterum Anglorum institutis limpide fatis profluens. Simillima plane ratione, ab *Eastræ*, quam Deam dixit Beda, mense, sive Aprili, feriae paschales *Eastræ* appellationem sortitae sunt, quam apud Anglos adhuc, et Germanico *Ostern*, servant.

Ex terris igitur septentrionalibus cum jam diutius Angliae provinciae peterentur, plurimi etiam ex istis oriundi in illis fedes collocassent: fieri non potuit, quin, ex moribus consuetudinibusque gentis, varia iisdem inhaerent. Ex ipsis deinde Anglis, ut olim in Germaniam, sic in easdem regiones, vel proprio consilio, vel a Regibus arcessiti, doctores se contulerunt, quibus praecipue rem agentibus, religio Christiana inter has gentes insigniter promota. Non igitur mirum, nomen sacris Christo nato dicatis, et istis in locis, sive ex moribus antiquis, quod maxime placet, sive ex Anglia recentius receptum p), et ad nostra tempora servatum fuisse. Usus certe illius, jam ante religionem Christianam introductam, viguisse, ex *Sturlonidis* verbis colligo, quibus retulit *Haquinum*, Norvegiae Regem, *Adelstani*, Anglorum Regis, alumnum q), de puriori Numinis cultu genti suae persuadendo sollicitum, provide vero talia audentem, sacra Julia, eo, quo a Christianis celebrarentur, tempore, peragenda statuisse, cum antea ipsa bruma, tribus noctibus facta, fuissent. Eo enim et securitati Christianorum prospexisse Regem credo, et idolorum cultui adhuc addictis sensim saniora sacra suadere voluisse. Comprobat ulterius idem locus, vocem ipsam, apud gentes

o) *de reb. Scotiis, lib. II, p. 82. ed Ruddimanni, et adnot. p. 420.*

p) A doctoribus demum Anglicis, cum religione Christiana, terris borealibus illatam protulit *Ihrinus*, praeclara

sentiendi libertate, quam de rebus antiquis prodere minus olim consultum fuisset. *Gloss. Su. G.*

q) *Hakon Adelstans Fostres Saga, cap. 15. Heimskringla, To. I, p. 160.*



gentes quoque boreales illius aevi, magis ex veterum Anglorum sermone, *Jola* prolatam.

### §. XIII

*Alia ab Anglis, religionem Christianam in terris borealibus  
promoventibus, petita.*

Caeterum tot gentium aquilonalium cum Anglis commerciis, et doctorum Anglorum in istis terris commoratione, multa, ut in aliis, sic in ritibus sacris remansisse, oculo perspicaci et erudito facile patebit. Sic, ut, hoc loco, magis obvia modo tangam, plane Anglorum more, dies Joanni Baptistae facer *Midsummerdag* *r*), aetate medius, inversa a natali Servatoris die ratione; purificationis Mariae, *Kyndelmaessa* *s*), a candelis, vel a foeminis puerperio superato alioquin oblati, vel hoc die sacro ritu consecrandis, dicti sunt. Baptisterium *Fant*, qui de sacro fonte infantem fusciperet, *Gudfader*, ex mulieribus, *Gudmoder*, et infans masculus *Gudson* efferri coeperunt *t*). Ex ultima voce, communi usu trita, et paulum detorta, illud Suecorum *Gaosse* ortum opiner, quod jam puerum in genere denotat, dubiae alioquin derivationis.

Ejusdem etiam generis *Skrift* peccatorum confessio, *skrifta*, peccata confiteri *u*), et, quae exinde formantur, verba, vel loquendi modi: quae, singulari dissertatione, praestantissimus *Grammius* *v*) scrutatus

*r*) *Midsummerday*. A. S. *Midsummerdaec*. *Chron. Sax.* a 1131, p. 236.

*s*) *Candlemas*. A. S. *Candelmaessan*. *Chr. Sax.* 1014, Germ. *Lichtmesse*.

*t*) *Font*. A. S. *Fant*. - *Godfather*, *Godmother*, *Godson*. A. S. *Godfaeder*, *Godmoder*, *Godsunu*.

*u*) Germani, eo loco, *die Beichte* et *beichten* adhibuerunt. Angli hodierni antiqua in *shrive*, *shrift*, permutarunt.

*v*) *Om de ord, Skriftemaal, at skrifte, gaae til skrift. Skrifter udi det Kiöbenhavnske Selskab, II Deel, p. 85, f.*

tatus est. Originem vero vocis, ut aliarum, ex Romanorum in Britannos imperio, et Latinis *scribere* et *scriptura* derivavit, quae ex usu forensi ad religionem etiam translata essent. Semel recepta a Christianis quoque servata fuerunt, et Britannorum, vel Theodori Cilicis *w*), maxime de Anglorum sacris et studiis promeriti, exemplis, a quo primus liber poenitentialis, ea appellatione *x*), conscriptus fuit, inter hos aequè usu esse coeperunt; a quibus ulterius ad gentes boreales transvecta. Verum priscis illis temporibus *scrifan* potius poenitentiam imponere denotavit, et *skrift* poenitentiarium *y*). Sensum igitur, ab originario deflexum, quod in permultis observamus, istae voces induerunt.

*w*) *Novi Comm. Soc. R. Sc. Goett.*  
*To. II, P. II, p. 112.*


*x*) *Scrift-boc.*

*y*) Loca ex scriptis Anglo-Saxoni-

cis operose collecta habemus apud  
*Junium, in Etymol. Angl. et in Dict.*  
*Sax et Goth. Ed. Lye.*







IOANNIS PHILIPPI MURRAY

DE

RENAVALI

VETERVM SEPTENTRIONALIVM

COMMENTATIO

RECITATA

DIE IX OCTOBR. AN. MDCCCLXXIII.

---

Cum profectiōibus suis expeditionibusque maritimis maximè olim clauerint gentes septentrionales, mihi, in illarum antiquitatibus versanti, necessitas quaedam enata, Collegae optimi, rem illarum navalem omnem impensiori studio scrutari, ab artis nauticae apud easdem initiis, ad eximiora illa, quae, procedente aevo, cepit incrementa, cum illarum coloniae in diversis Europae terris sedes occuparent, rerumque in illis faciem multis modis immutarent.

Non intactam quidem hanc materiam reliquerunt, qui de Historia terrarum borealium in universum exposuerunt docti homines *a*).  
At,

*a*) *Dalins Svea Rikes Hist. D. cap. 4. de Danemarc par Mallet, cap. 10. §. 9, f. cap. 8, §. 15. Introd. à l'hist.*

At, ut propositum ferebat, rem attigere potius, quam enodarunt. Nec defuere, qui, ex instituto magis, de illa agere susceperint, illustres viri, *Holbergius b)* atque *Suhmius c)*; sed ille quidem, cum antiquitatum non valde amans esset, nimis abrupte, alter, majoribus longe opibus instructus, cum alio consilio, tum propensione in Saxonem et domestica subsidia aliquanto majori; ut de sermone taceam, exteris non adeo familiari.

Propterea non ingratam Vobis operam me facturum confido, cum argumentum hoc denuo excutiendum mihi sumam; licet audacius videri possit, post Suhmii diligentiam talia periclitari. Quo vero accuratius in eodem versari mihi detur, faltem, quae ad ipsius artis nauticae sub septemtrione historiam faciant, hic congerere adgredior, ea, quae ad commercia, quaeve ad militiam gentium borealium navalem spectent, alio tempore profecuturus.

### §. I.

#### *Navigandi prima sub septemtrione tentamina.*

Antiquissimis jam saeculis, quorum nulla ad nos transiit memoria, homines sub arcto viventes jam mare ingressos, ut vel piscatum exercerent, vel in oppositam in vicinia regionem trajicerent, de eo tanto minus dubitare convenit, cum hae terrae in universum, a primis incolis, nisi viam, qua accesserint, per borealissimam Lapponiam animo concipias, non occupari potuerint, quominus saltem flumina, lacus, aestuaria, freta superarent.

Nec

*b) Danemarks og Norges Soe-Historie, Førsta. Period. Skrifter af det Kioeben. Selsk. III D. p. 91, f. Primis Tomis Comment. Soc. in linguam Lat. translatis, Latine quoque prodiit.*

*c) Om de Danskes og Norfskes Handel og Seilads i den hedenske Tid. Skrift af det K. Selsk. T. VIII, p. 19, f. XI, 84, f.*



Nec est, quod propterea, illo aevo, Scandinaviae faciem aquis maximam partem latentem, vel disruptam, et Archipelago similem, cum Dalinio, statuamus: modo ea, qua nunc comparent, hae terrae conditione fuerint. Necessitate igitur quadam ducti, mox ab initio, jam undis, quacunque ratione, sive nando, sive arborum truncis insidendo, sive ratibus, se committere didicerunt, donec navigiis, lincibus, cymbis construendis sensim animum applicuerint.

Neque ab aliis gentibus talia addiscere ipsis quidem opus fuit, cum natura sua, et exemplis avium aquatiliū, plurimūque animalium quadrupedum, eo ducerentur. Hinc dissitissimos a cultis nationibus barbaros, in omnibus terrae partibus, rem nauticam exercere, *Groenlandos*, *Kamtschatcenses*, *Californienses* d), et qui, ex adversa plaga, insulas regionesque, ad polum australem vergentes, tenent, certo novimus; et de postremis testantur, qui novissime, profectioibus celeberrimis, orbem emensi, ex Anglis et Gallis ista maria pervagati sunt e).

## §. II.

### *Suionum, ex Tacito, classes.*

Sed haec non conjectura sola statui, illa Taciti de *Suionibus* comprobant, quos, ipso in oceano constitutos, jam classibus valere retulit

d) *Dav. Cranz hist. von Groenland*, p. 221, 238, 268. *A Voyage round the world in the years 1768-1771*, p. 56, 82. *Beschr. des Landes Kamtschatka von Krascheninnikow*, p. 225, f. *Byrons narrative*, p. 32, 103, 106, 131. *interpret. Gall.* p. 33. *Müllers Samml. Russ. Gesch. III B.* p. 246. *Histoire de Kamtschatka*, p. 295. Conferantur cum his Batavorum itinera saeculo praeterlapso, descripta de-  
nuo, in *Collection of the several Voyages*

e) *A Voyage round de world by Anson*, p. 339, f. *Voyage autour du Monde, en 1766-1769, par Bougainville*, p. 17, 73, 80, 82.

*Comm. Soc. Goett. T. IV.*

\* Q

tulit *f*). Naves tamen propterea grandes, vel quae hodiernis ullo modo comparari possint, illis tribuere, vetant, quae de illarum forma addidit historicus, eas utrimque prora paratam semper appulsi frontem egisse, nec velis ministratas; nec remos in ordinem lateribus adjunctos gessisse; sed solum fuisse, ut in quibusdam fluminum, et mutabile, ut res proposcit, hinc vel illinc remigium. Habemus enim hic alveos, quales hodie adhuc homines rustici in Suecia, ex truncis arborum excavatis, in usus suos fabricant *g*), apte descriptos, qui, breviori et expeditiori remo, quo, modo a dextro, modo a sinistro latere, undas quatunt, creditu celerius promoven-  
tur. Vel remigium *Groenlandorum* nobis cogitamus, media parte, ut manu commode geri possit, aptatum, utrimque forma aliquanto latiori, quo cymbulas, ex asserculis levibus, vel balaenarum ossibus compactas, et phocarum corio obductas, dextre dirigunt, et ad duodecim milliaria uno die conficiunt *h*).

### §. III.

#### *Arbores in navem excavatae.*

Arbores vero, licet instrumentis, quibus hodie utimur, ferreis destituti fuerint, sive ignis ope, sive etiam duriori et acutiori lapide, vel ligno, corno scilicet, aut ilice, excavari potuisse, et, asseribus quoque eadem ratione exasciatis, istiusmodi navigia alia construere, tametsi graviori longe labore, exemplo hominum erudimur, insulas medio mari pacifico incolentium, quorum in his diligentiam mirati sunt nostrates, eo delati.

*Germanis* quoque nostris solemne fuit, tales ex arboribus excavatis naves condere, quarum aliquas istius magnitudinis fuisse annotavit

*f*) de moribus *Germ. cap. XLIV.*

*h*) *Cranz Hist. von Grönl. p. 200.*

*g*) Navigium istius generis *Eke-Stock* nuncupatur. *Ihrii Gloss. p. 391.*

Istiusmodi navicula, ab uno viro acta, *Kajak* Grönländis dicitur.



notavit Plinius *i*), ut triginta homines ferrent. Sed hae non nisi pluribus remis, vel velis agi potuerunt; et, in vicinia Romanorum procul dubio, ac Belgii finibus, cultiorum opificum manu, paratae. Nec, istis adhuc temporibus, usque eo progressas gentes boreales autumem, ut istius molis fabricam effecerint. Verum, cum continua in his opera dexteritatem augeat, non impugnarim, easdem, aevi progressu, et majoris capacitatis naves, ex cellissimis et crassissimis arboribus, quibus abundabant sub septemtrione nemora, vel alia expeditiori compage, condidisse.

#### §. IV.

##### *Navigia ex coriis.*

Sed et illud navigii genus, quod de Groenlandis superius retuli, nationibus barbaris cum antiquitus in usu fuit, tum etiam nunc est, carina nempe ac statumina ex levi materia, reliquum corpus vel ex viminibus contextum, vel ex balaenarum, seu aliorum piscium grandium ossibus, et corio tectum, agile admodum et exigui ponderis, ut ubivis commodissime transvehi, vel portari etiam possit.

Ejusmodi naves apud *Britannos* offendit *Caesar k*): talesque ipse, in expeditione Hispanica, angustius ad Ilerdam se expediturus, adhibere ratum habuit. Easdemque *Hibernis* tribuit *Solinus l*), et diutius ab illis servatas, monumentorum fide, asseruit *Waraeus m*); ac

*i*) *Hist. natur. lib. XVI, cap. 40.* 1705, *cap. VIII.* Dictae ab illis *Cor-*

*k*) *de bello civili lib. I, cap. 54, p. 389,* *raghs*, nomine, ex Somneri conjectura, a Britannico *Corwg*, quod ejusdem generis navigium denotavit, tracto. *Somneri Gloss. script. Twysdenii jun-*

*l*) *Polyhistore cap. XXII, cf. Sal-* *etum.* Navigationem, tali ratione, a tribus Hibernis factam, descriptam

*m*) *Antiquities of Ireland. Lond.* legimus, *Chron. Sax. Gibf. an. 891, p. 91.*

ac de *Cambris* suis aequè retulit Giraldu*s* *n*). Immo vero et *Graecis* atque *Romanis* scaphas tales vimineas, corio obductas, fuisse, quas *καταβια*, et *carabos*, inferiori aevò, dixere, qualesque praecipue maioribus navibus secum duxerunt, Schefferi *o*) auctoritate statuimus.

*Groenlandi* autem hodierni, praeter cymbulas, quibus viri vehuntur, etiam maioris multo formae alias, a mulieribus remis actas, et parvo etiam velo ductas, componunt, quae universam saepe familiam, et omnem supellectilem capiunt, et sex milliaribus uno die superandis valent *p*). Similibusque a gente, sinum Peninsicum accolente, navigari, quae triginta, quin quadraginta homines ferant, aliorum relatu, tradidit Strahlenbergius *q*). De hominum quidem numero valde dubito. *Kamtschatcenses* tamen vicinos navigiis, non multum diversis, licet minoribus, vehi, aliunde certe constat.

Igitur non citra rem gentibus etiam septentrionalem Europam incolentibus ejusdem generis naves, praeter alias, asserimus, maxime *Norvegis*, ad quorum littora balaenae et phocae magna copia advehuntur. Accedit quod tanta levitate illorum navigia fuisse legantur, ut ab hoste vel funibus circumvolvi potuerint *r*). Istius indolis navem interpretor a Sturlonide, et in fabulis Eddicis, *Odino* attributam, cui *Skidbladner* nomen fuit, quae, panni instar, complicari potuit *s*), nisi fictis prodigiis illam accenseamus. *Lappones* etiam, nostra adhuc aetate, cymbis minoribus pelliceis expedite navigant.

De

*n*) *Cambriae* descriptione, inter *script. Camd. cap. XVII, p. 891*. Scottis borealibus tales adhuc in usu esse, ex *Maitlandi hist. Scot.* suaviter monuit cl. *Sprengelius*.

*o*) *de militia navali veterum, p. 79, f.*

*p*) *Cranz hist. von Grönl. p. 196*. Istius magnitudinis navigium *Umiak* efferunt.

*q*) *Baidares* insigniunt. *Strahlenb. Beschreib. des nördl. u. östl. Theils von Asia, p. 437. Cranz. hist. v. Gr. p. 335.*

*r*) *Olofs Saga, cap. 173. Dalins Svea R. Hist. To. I, p. 91.*

*s*) *Heimskringla To. I, p. 8. Edda, Daemef. XXXVII.*



De *Saxonum* vero nostrorum *myoparonibus* Sidonius Apollinarius *t*), saeculo V ad finem vergente, non modo retulit, quos, aequae carabos, Isidorus *u*), parvas scaphas, ex vimine factas, et crudo corio tectas, interpretatus est. Sed idem etiam, in Avitum Imperatorem panegyri, summam illorum, qua, levissimis his navigiis, maria pervagarentur, et oris omnibus infisterent, dexteritatem vividè descripsit *v*):

Quin et Armoricus piratam Saxona tractus  
Spirabat, cui pelle salum fulcare Britannum  
Ludus, et assuto glaucum mare findere lembo.

### §. V.

#### *Navium appellationes, ex dialectis septentrionalibus et Germanicis.*

Juvat hoc loco animadvertere, gentes omnes Germanicas, atque cognatae originis, cognata quoque navium in genere appellatione usas, ut Gothi eas *scipa*, Anglo-Saxones, *scip w*), Franci *sceff* dixerint. Eandemque affinitatem in linguis hodiernis Germanicis et borealibus offendimus. Satis congrue originem vocis a *schieben*, protrudere, derivasse videtur Wachterus *x*). Non negari tamen potest, esse in Graecorum *σκάφη* quiddam, quod communem ortum innuat; et pari ratione in *scypho*, quo Herculem Hispaniam vectum fabula refert,

*t*) *Pandos myoparones* dixit, ab incurvata proculdubio ora puppique figura. *Epist. lib. VIII, ep. 6, p. 223, ed. Sirmondi.*

*u*) *Originum lib. XIX, cap. 1, p. 455.* Scaliger a forma angusta et oblonga *μυῶνες* dictos statuit. *Du Cange*

*Gloss. To. III, p. 1129. Scheff. de milit. nav. p. 71, f.*

*v*) *Carminum VII, v. 369, f. p. 342.*

*w*) *Lye Dict. Saxon. et Goth. Lat.*

*x*) *Gloss. Germ. p. 1411. Ihrii Gloss. voce Skepp, p. 585.*

refert, quem pro poculo habere absonum foret. Vox etiam ipsa Germanica, licet hodie navigium majoris formae significet, antiquitus *cymbam* potius denotasse, ex locis, quibus Graecum *σκάφην* in libris novi foederis, suo sermone tradidere interpretes *y*), constat. Idemque novo argumento est, navibus in universum exiguis, scaphisque potius, antiquissimo aevo, cum Germanos, tum boreales populos usos fuisse.

### §. VI.

*Phoenicum in septentrionem navigatio valde dubia; Germanorum, Balticum mare accolentium, primis suis initiis.*

Arrisit quidem eruditissimis viris persuasio, *Phoenices*, cum maxime commercia illorum florerent, terras etiam boreales, ac Norvegiae inprimis, quam *Thulen* conjecerunt, oras, adiisse, et metalla ibidem, ferrumque potissimum, effodisse *z*); cujus rei vestigia adhuc loco uno atque altero cernerentur. At valde dubia ipsimet haec vestigia largientur. Et si vel casu ducti *Phoenices*, ex Britannicis insulis, usque eo delati fuerint, vel, innata genti audentia, aliqui huc appulerint, crebriora tamen commercia ibidem ab illis instituta esse, nulla plane indicia, aut indigenarum res eo auctas.

Nec gentibus Germanicis, Baltici maris littora australia antiquitus tenentibus, disciplinae navalis majores profectus vindicamus; tametsi, quos inde derivamus, *Gothos*, cum ad Pontum Euxinum, saeculo III, penetraissent, et *Vandalos*, cum Africae in oris dominari coepissent, mox classibus valentes audiamus. *Gothos* enim, cum fociis, *Gepidis*, *Herulis*, *Peucinis*, parvissimis saltem navigiis, ad oras Romanas objectas accessisse, illorum copia, cum aliquot millia, si fides auctoribus tribuenda *a*), effecerint, comprobatur, eosdemque

*y*) *Marc. I, 19. Luc. V, 2.*

*skab. IX D. p. 162, f.*

*z*) *Schoening om de Graekers og Romeres Kundskab om de Nordiske Lande. Skrifter af det Kiöbenh. Sel.*

*a*) Sex millia ex *Zosimo, hist. lib. I, cap. 42, p. 68. ed. Cell.* duo saltem millia, ex *Pollione in Claudio, inter script.*



que vel navibus populorum, quos sibi subjecerant, vel istorum auxilio in aliis construendis, usos statui debet. De *Vandalis* autem expresse Prosper in chronico *b)*, eos antea navibus uti nescivisse: quod tamen de disciplina navali, qualem Carthaginienſes et Romani tenuerunt, insigniori accipio: qua vero gentem barbaram, Genferici, Regis fui, virtute, brevi praeditam observamus.

## §. VII.

*Saxonum insigniora, mari Germanico, a saeculo III, ausa.*

*Saxones*, ex quo versus Rhenum se dilatarant, majora, *Francis* et *Frisiis* praeceuntibus, mari audere coeperunt, Gallica Britannicaque littora infestantes, et hinc atque illinc trajicientibus periculosi. Valde vero auctos illorum spiritus oportet, cum *Carausius*, imperium in Britannia affectans, foedera cum illis iniret, navesque illis committeret ac ductores *c)*, rei et militiae navalis peritos, quorum institutione proficerent. Nil igitur mirum, eos, frequenti saeculo, istis oris frequentissimos terrores depraedationibus suis intulisse, ut Comites etiam utrique littori statuere necesse esset, qui eadem ab importuno hoste tuerentur. Non incognitam adeo terram adiere, sed diutius jam tentatam principes Anglorum vel Saxonum, cum, mediis saeculi V annis, sive a Britannis accersiti, sive a suis in exilium acti, in istam insulam transirent.

Tribus illos *Chiulis* advectos prodidere *Gildas* atque *Nennius d)*, navigii grandiusculi genere, cujus affine nomen adhuc cymbis ali-

*hist. Aug. Salmasii*, p. 204, At videatur nota *Salm.* p. 329, 10.

*b)* *Chron. consul, Hierio et Ardubure Conf.* (a. 427) inter *Duchcsnii hist. Franc. scr. To. I.* p. 204, f. *Masc. Gesch. d. Deutschen II Th. Ann. VIII*, p. 35, *I Th.* p. 415.

*c)* *Eumenii panegy. Constantio Caes. dictus*, cap. 12. *int. paneg. vet. ed. Venet.* p. 174, f.

*d)* "tribus (ut lingua Saxonum exprimitur) *Cyulis*, nostra lingua longis navibus." *Gildas hist.* c. 23, p. 15. *Nenn. hist. Brit. cap.* 28.

aliquantum majoribus priscae formae ab Anglis servatur, quas *Keyles* e) insigniunt, et carinae aequae appellatione, quam Germani *Kiel* f), Dani et Sueci *Koel* efferunt. *Koel* enim antiquitus apud eos *summitatem* vel *dorsum* denotavit g); et hoc sensu montium jugo Norvegiam inter et Sueciam hodie adhuc inhaeret h). Satisque inde probabile, navigia ista ex pelliceis illis fuisse, et fortassis a carina, potiori quippe parte, ac in cymba, in terram protracta, et, ex consuetudine, circumacta, dorsum quasi efficiente, nomen traxisse. Nec repugnat, manu nimium exigua, sic primos Saxonum colonos in Britanniam transiisse: cum benevole ab indigenis recepti sint, et nihil prius in hostem tentasse videantur, quam suorum auxiliis suffulti fuerint.

### §. VIII.

*Rei navalis, isto et sequenti aevo, apud gentes boreales probabilis conditio.*

Ulteriores versus septemtrionem populos interea maria proxima haud multum navigando transgressos statuimus, et potissimum in littoribus suis haesisse, brevibus fortassis inde excursionibus factis, quod abunde ibi lucrarentur, quibus ad vitae necessitates illis opus esset, nec alia, cum talia ignorarent, appeterent. Bella tamen inter se simul exercuisse eos, integrisque cymbarum classibus proelia commisisse, ex iis, quae apud alias barbaras gentes contingunt, colligimus, et talia antiquis historiis facile credimus.

Dani

e) Anglo-Saxonibus *Ceol*. *Junii Etym. Angl. Speelmanni Gloss. archaeol* p. 132, navis exigua uno acta remorum ordine. At *Somnerus*, cui potius accedimus, navem et longam et latam censuit, *Gloss. script. Twysdenii addito*.

f) *Wachteri Gloss.* p. 836. Sed,

ut *Kiel*, calamum, a *Kel*, quod *cavum*, derivavit.

g) *Dalins Svea Rikes Hist.* 1 D. p. 90, n. r.

h) *Marelius über d. Gränze zwischen Norw. und Schweden, in Schlegels Samml. zur Dän. Gesch. I B. 3 St. p. 20.*



*Dani*, qui Cimbricae peninsulae tractus, ab Anglis desertos, tunc occuparant, saeculi VI initiis primum, ad *Mosam*, Saxonibus cursum fortassis dirigentibus, progredi ausi sunt *i*). *Suiones* intra Baltici maris fines se continuisse, et summum terras objacentes, Finlandiam, Esthlandiam et Curlandiam, in quam ex *Gotlandia* insula facillimus trajectus, aliquando petiisse, conjicimus; *Norvegos* vero, cum littoris ambitum sequerentur, citius Finmarchiae extrema circumnavigasse, et ad Biarmiam et Dunae fluvii ostia penetrasse.

Inde quoque, quae de *voragine* in septentrione, undas absorbente, et iterum protrudente, remotis terris innotuerant, propalata crediderim; ut Paulus etiam Diaconus, saeculo VIII, istius mentionem injecerit *k*); nisi talia saltem, ex persuasione de umbilico quodam maris, quem imo septentrione sibi antiquitus finxerant, traderit. Reliqua, quae de antiquissimis in Britanniam et Hiberniam expeditionibus scriptores Islandi narrarunt, et ex illis suoque ingenio Saxo, quaeve de *Scotis* et *Pictis*, ex his terris profectis, ipsi Hiberni et Scoti diutius asseruerunt, fide historica destitui, olim pluribus probatum dedi *l*), ut me quidem istis convictum profitear; tametsi eadem adhuc novissime a doctis viris asserta legantur, et propugnata.

### §. IX.

#### *Expeditiones Normannorum, a saeculo VIII, mari Germanico, navales.*

Saeculo demum VIII ad finem vergente, Dani, sive Normanni, ad *Angliae* atque *Hiberniae* littora delati tuto perhibentur; *Danis*, juxta littora Germaniae inferioris et Galliae, *Norvegis*, per insulas Schetlandicas, Orcadicas et Hebudicas viam, quae mea quidem opinio *m*), legentibus. Sensim enim illos ulterius progressos autumem,

*i*) ab Eckhart de reb. Franc. orient. Comm. T. I, p. 53.

*k*) de gestis Longob. lib. I, cap. 6. inter scr. rer. Ital. Murat. T. I, P. I, p. 410.

Comm. Soc. Goett. T. IV.

*l*) de colon. Scand. in inf. Brit. et maxime Hibernia. §. 4, 8. Comm. Soc. R. To. III.

*m*) Comm. adducta, p. 71.

\* R

et principio quidem aliquos, paucissimis navibus, casu aliquo, forte eo delatos, his vero de amoenitatibus divitiisque exterarum regionum suis referentibus, majori vi, et integris tandem classibus.

Initiis sequentis saeculi IX tentamina illa ab aliis repetita percipiuntur. Vivo tamen *Carolo* Imperatore, omni littori summis curis prospiciente, terris *Francicis* aliquid insignioris damni inferre non valuerunt; tametsi oras assidue infestasse eos Eginhardus referat *n*). Expressa alioquin exscensionis a piratis Normannis in ipsa Francia factae mentio anno demum DCCCXX injecta *o*): hisque inhaerens ipse hanc epocham statui *p*). Sed, ex observatione Monachi Fontanellensis pulchre collegit Eckhartus, prima ab illis in littora Francica tentamina, jam sub initium anni DCCC, contigisse *q*). Istos igitur praedones maritimos, nisi tempora misceat Eginhardus, vel elatioribus verbis sua protulerit, *Danos* crediderim, ex *Iutia* profectos, ut, artioribus limitibus jam circumscripti, vindictam in terris, Carolino imperio subjectis, exercerent. A bello enim Caroli cum *Godofredo* gesto majoribus ausibus clarescere coepit nomen Danicum. Et a Godofredo ipso, Imperatore novam in eum expeditionem meditante, jam ducentis navibus *Frisia* exagitata, tributum victori solvere coacta fuit *r*). Exinde vero intestinae inter Regulos *Jutiae* turbae haud parum ad primos Danorum in Belgii partes Angliamque impetus contulisse videntur.

## §. X.

### *Divi Anscharii in Sueciam iter maritimum.*

In Daniae finibus interea, *Ludovici* Imperatoris studiis, et *Haraldi* Regis affectu, coetus Christianorum colligi coeperat. Illorumne com-

*n*) *Vita Caroli M. cap. XVII, Norm. Duchesnii, p. 1.*

*inter scr. rer. Gall. et Franc. Bouquetii.*

*To, V, p. 96.*

*p*) *Comm. adducta. p. 23*

*q*) *Comment. de rebus Franc. orient.*

*To. I, p. 798.*

*o*) *Annales Eginhardi, a. 820, int. scr. Bouq. To. VI, p. 180. In gestis*

*Norm. in Francia, eadem ad ann. 813, sed erronee transferuntur. Script.*

*r*) *a. 810. Annalium, in Fuldensi monasterio scriptorum, excerptum de Danis et Normannis, apud Duchesnium, p. 14.*



commercio, an alia via factum sit, ut et *Suecis* quaedam de religione nostra innotuerint, dictu difficile. Legati tamen ex istis terris ad Imperatorem pervenisse perhibentur, qui Beronis vel Bioernonis, Regis, nomine peterent, ut pii homines eo proficiscerentur, qui de lucrandis Christo civibus laborarent. Mox huic negotio se accinxit *Anscharius*, iterque in Sueciam direxit. Descriptum illud a Rimberto, scriptore coaevo, legimus *s*); sed qualiter de terris Germanis antea plane incognitis potuit. Commodissima interpretatione, ex portu *Slesvicensi*, navi, ad mercaturam faciendam aliis juncta, primum profecti sunt. Deinde, a piratis oppugnati et devicti, terra salutem petierunt; ulteriusque, per longissimam viam, et maribus interjacentibus (quae lacus et flumina procul dubio Sueciae) navigio superatis, tandem *Bircam*, portum regni, pervenerunt *t*). Singula vero haec, quae de navigandi apud priscos homines boreales ratione statuimus, egregie comprobant.

## §. XI.

*Classes Normannorum navium numero insignes, ipsae exiguae.*

Sed siue, Anglorum Francorumque exemplis, rei navalis scientia magis eruditi fuerint Normanni Danique, siue, spe lucri, vires suas in dies auxerint, vel eas modo undiquaque collegerint, ab anno circiter DCCCXLV, classibus sexaginta, centum, ducentarum, trecentarum, pluriumque navium, hinc Germaniae et Franciae, illinc Britanniae Hiberniaeque littora petierunt, et *u*) fluminum inprimis majorum cursum profecuti, regiones utrique ripae adjacentes rapinis atque incendiis impleverunt. Sic Albim, Mosam, Scaldim, Sequanam, Garumnam, Thamesin, Humbrum ingressi, in intimos Germaniae, Franciae, Angliaeque partes penetrarunt. At qua ma-

R 2

gni-

*s*) *vita Anscharii, cap. VIII et IX, cum dimidio (feorthe healf hund sciþe) inter scr. rer. Dan. Langeb. p. 442, f. in Thamisis ostium." p. 74. Ann. Bert.*

*t*) vid. animadv. ill. Langebeckii ad a. 876. ap. Bouq. To. VII, p. 121. "Normanni, cum C circiter navibu

*u*) *Chron Sax. Gibf. an. 857. "Eodem anno venerunt tercentum naves magnis, quas nostrates Bargas vocant Sequanam introierunt."*

gnitudine plerumque fuerint ista navigia, vel ex ipso eorum numero colligi poterit, tum ex eo, quod, impedimentis in via objectis, retardati praedones, eadem sicca aliquando terra, donec undis denuo progredi daretur, traxerint *v*). Aliqua tamen quinquaginta pluribusque viris ducendis apta: sin de copiis univérse advectis, vel navium numero, nil ambigendum sit *w*).

Eodem tempore ex Normannis alii, *Waraegorum* appellatione, Russiae regnum condidere; et *Kiovia* potiti, classi in Borysthene instructa, Constantinopoli ipsi bella inferre ausi sunt *x*); quae, si de Waraegorum origine controversiam quis iniret, illam jam arguerent.

## §. XII.

*Rei nauticae scientia, sub Haraldo I. Norveg. Rege, insigniter aucta.*

Dani Suecique tunc ab uno Rege gubernari coeperant, oppressis reliquis. Cum igitur idem consilium in Norvegia iniisset *Haraldus*, mari aequae ac terra, cum Regulis illi diutius dimicandum fuit: et navali postremum victoria celebratissima *Huforsfordiensi*, in Hordalandia, summum in universos imperium obtinuit *y*). Exstruendam his expeditionibus classem curavit insigniorum navium *z*). Omnibus autem, et forma et reliquo decore, antecessit navis praelonga, Regem vehens, cuius prora *Draconis* caput, puppis caudam referebat *a*). Majori quoque dexteritate naves, ab eo tempore, a Norvegis

*v*) "Sigefridus, Rex Normannorum, Hysam fluvium (hodie Oise, in Sequanam prolapsus) ingressus, terra et aqua iter faciens, omnia ferro vastabat et igne." *Gesta Norm. in Fr. ap. Duchesne a. 886, p. 5, f. cf. Caesaris Comm. de bello civ. lib. I, cap. 54, p. 390. ed. Dav.*

*w*) Ad obsidionem enim *Lutetiae Parisiorum* a. 886, quadraginta hominum millia, septingentis navibus, advecta perhibentur. *Eckh. Comm. de reb. Fr. orient. T. II, p. 684.*

*x*) *Ex Chron. Nestoris, an. 863, 864, in Müllers Samml. Russ. Gesch. I B. p. 11.*

*y*) *Sturlosons Harald Hårfagers Saga, cap. 19. Heimskr. To. I, p. 92, f. Ex Schöningii calculis, a. 885. Schön. Norges Riges hist. To. II, p. 90, f.*

*z*) "Exercitum copiosum, et naves magnas bene multas habuit (*mörg stor skip*)." *Sturl. p. 80.*

*a*) *eod. loc. Sturl. Ad annum 870 haec retulit. Schoeningius, Norges Rig. hist. To II, p. 38.*



vegis faltem, aedificatas, nil dubitationis habet, et malis quoque atque antennis evehendis velis easdem instructas; quamquam adhuc remorum usus diutius perduraret. Tegmine quoque, vel alia concameratione in puppi aut utrimque, navigia jam praedita probabile. Hisque subsidiis, *Islandia*, casu, a Nadoddo, ex Norvegia ad Faeroenses insulas reduce, et procellis agitato, jam detecta *b)*, ultiores in *Groenlandiam*, et ipsius *Americae septemtrionalis* littora profectiones facilius tentari potuerunt.

### §. XIII.

*Alfredi M. in rem omnem navalem praeclara studia.*

Danos, Angliam continuis exscensionibus infestantes, adhuc minoribus navigiis usos inde efficimus, quod ea re commotus *Alfredus* Rex, quo hostium vim tanto certius frangeret, naves altero tanto fere longiores altioresque, et quae difficiliter circumvolutari possent, ac cursu celeriores perficiendas curavit *c)*. Ipsa forma aequae a Frisicis ac Danicis recedebant, quarum illas lateribus magis distentis, has arctioribus fuisse, sed longitudine vicisse conjicio. *Alfredinae* ex utrisque quid servasse videntur, et sexaginta remis ducebantur *d)*.

Permagnam igitur apud Regem gratiam inierunt, et benevole admodum ab illo habiti, qui navigandi arte eminebant, et terras diffitas et parum adhuc cognitae adiissent. Ex talibus *Ötherus* atque *Wulfstanus*, a nobis celebrata nomina, quorum relationibus, ab ipso Rege transcriptis *e)*, materiae nostrae egregie consulitur, et Norvegos, isto tempore, cum Biarmiam petiisse, tum mari Baltico navigasse

R 3

fe

*b)* Epocham Islandiae detectae *Schoeningius* jam ad a. 861, ex *Landnæma Saga*, statuit, *Norg. R. hist. II* p. 103. Aliquot annis serius eadem plerumque accipitur. *Comm. Soc. R. G. To. III, P. II, p. 90*

*c)* *Chron. Saxon. Gibs. a. 897, p. 98.*

*d)* quadraginta faltem retulit *Brom. tenuis* (Saec. XIV) *Chron. inter scr.*

*Twysd. p. 813*, ex alio fortassis Chronici Saxon. codice. De structura navium *Alfredi* acute differuit *Speelmannus*, in *vita Alfr. p. 110, f.*

*e)* *Appendix VI vitae Alf. Spelman- ni adjecta. The Anglo-Saxon Version from the Historian Orosius, by Aelfred the Great, Lond. 1773, 8. Book. I, p. 9, f. ac notae Forsteri, p. 241, f.*

se evincitur, iisdemque terras insulasque ab utroque latere obvias fatis notas fuisse, ex portu vero Slesvicensi non contemnenda commercia, in Vistulae quoque ostiis, facta esse.

#### §. XIV.

*Norvegi, Dani, Suecique mari, saeculo X et XI, valentes.*

Quin immo Haraldi in navibus scite aptandis studium usque eo invaluit, ut etiam *Adelstano*, Anglorum Regi, Alfredi nepoti, navem dono misisse a Wilhelmo Malmesburiensi *f)* perhibeatur, rostra aurea, vel deaurata potius, et velum purpureum habentem, et testudine clypeorum inauratorum intrinsecus circumgyratam. *Haquini* autem, filii ab Adelstano educati, providis curis omnis Norvegia maritima in tractus certos *g)*, exemplo *Alfredi* in Anglia *h)*, descripta, et unicuique definitus navium numerus imperatus, quarum plurimae viginti transtra gesserunt, aliqua triginta, binis remigibus singulis illorum insidentibus. Talique ratione tricenae fere naves coactae, ad tredecim millia hominum *i)* ferentes.

Nihilominus, post fata principis magnanimi, *Haraldus*, Daniae Rex, lividis dentibus, *Haquino*, Comiti Norvegiae, junctus, Norvegiam, sexcentorum navium vi, adgressus *k)*, regni partem sibi vindicavit, alteram Comiti concessit. Exiguas vero illas insignis illarum numerus similiter comprobatur. Exercitus tamen, ista classi traductus, triginta millia hominum computatur *l)*. Eodem Haraldo Rege, *Palnatockius*, vir magnae, et ipsi denique Regi perniciosae, auctoritatis, in Pomeraniae littore, *Julinum* condidisse dicitur: quo deinde loco pirata-

*f)* de gestis Regum Anglorum lib. II, cap. 6, p. 51.

*g)* Sturl. Kon. Hakon Adalstans Fostres Saga, cap. 21. Heimskr. I, p. 149.

*h)* Vita Alfr. Spel. lib. II, 65, p. 108.

*i)* Ex legibus vetustis Norv. has rationes attulit *Suhnius om de Danskes og Norfkes Handel og Seilads i den*

*hedenska Tid. Skrift af d. K. S. To. VIII, p. 74. f.* Eadem apud Suecos usu recepta constitutio. *Brings Svea Rikes Hist. T. I. p. 398.* Communi apud illos et Danos nomine *Leding* nuncupatur.

*k)* Sturl. Olof Tryggw. Saga 15 cap. Heimskr. I, p. 207.

*l)* Suhm. l. c. p. 67.



piratarum domicilium perfugiumque enatum, a quibus terris borealibus omnibus, proximis saeculis, mala innumera fuere illata *m*).

Norvegiae suae *Olavus Tryggevinius*, filius, libertatem iterum vindicavit, multis antea itineribus, terra marique factis, exercitatus, et rei nauticae peritissimus. Eundem ab iussu navi praedicant, horridi et praegrandis *serpentis* figuram aemulante *n*), cui carina septuaginta quatuor ulnarum, remi centum et quatuor fuissent *o*). Victus tamen intrepidissimus heros, ad *Svoeldderoeam*, in Pomeraniae littore, navali proelio, a Suecorum, Danorum, et Norvegorum malevolorum unitis classibus circumcinctus; undisque se immittens, evanuit.

Magni *Canuti* classem, qua Angliam, de regno dimicatarus, petiit, mille navibus compositam retulit *Adamus p*). *Ditmarus* saltem trecentis quadraginta *q*), *Chronicon Saxonicum* centum et sexaginta *r*) statuerunt. Ex his, quo saepius loco, quae apud auctores veteres de numeris adjiciuntur, habenda sint, cognoscitur. Cum *Canuto* etiam jam majores naves fuerint, singulis octoginta viros ferentibus, tanto numero non opus fuit. Omnes vero duxit navis Regia excelsae magnitudinis, in Draconis effigiem efformata, et remis sexaginta acta *s*). Num igitur meliori ratione *Sturlonidis* illa, quibus expeditionem Norvegicam mille et ducentis navibus ab eodem Rege susceptam *t*) asseruit, se tueri possint, alii videant.

Filiae *Cunigundae*, *Henrico III*, Romanorum postea Imperatori, desponsatae, ex Anglia in Germaniam, classi Regia, transfretationem, summa pompa factam, et poetarum carminibus celebratam, decore descriptam habemus *u*). Ex quo extruendarum navium et aliarum

artium

*m*) *Holbergs Dan. og Norg Soe-Hist. Skrift af det K. Sellsk. To. III, p. 104.*

*n*) *Ormurinn Langi* eidem nomen erat. Descriptam *Sturlonides* sistit. *Olof Tryggw. Saga, cap. 94, p. 315. c. 101 p. 323.*

*o*) *Dalins Svea R. Hist. To. I, p. 91, n. 5.*

*p*) *Ad. Brem. hist. eccl. cap. XXXVI.*

*q*) *Ditm. chron. int. scr. Brunsv. Leibn. T. I, p. 410.*

*r*) *Chron. Sax. a. 1016, p. 147.*

*s*) *Dal. S. R. H. I, p. 91, n. 5.*

*t*) *Sturl. K. Olof. Helges Saga, cap. 177, p. 708.*

*u*) *Wilhelmus Malmesb. de gest. R.*

*Angl. cap. XII, p. 77.*

artium scientiam progressus, eo tempore, satis egregios fecisse, jucunde percipimus.

*Constantinopolin* itinera quidem a strenuis viris, ex Regum quoque profapia, suscepta; at terrestri adhuc, per Russiam, via. Procedente autem saeculo etiam per fretum Herculeum, et mari mediterraneo, ad istam urbem, et in Palaestinam navigari coepit *v*).

## §. XV.


### *Navigationis universa ratio.*

In istis suis profectioibus astrorum maxime cognitione dirigebantur. Iisdemque luminibus scite admodum uti mari pacifico insulanos, Bougainvillius testis est *w*).

Littora ab initio pressius tenere, ob navigii indolem, necesse habuerunt, et ut noctes in illis agerent, et vitae necessitatibus prospicerent. Hinc sinus sollicitè quaesivere: unde *Wikingorum* *x*), piratarum, nomen exortum. Maximae illis ab aqua, fluctibus naviculam intrante, molestiae. Tegumine quodam, navibus nulla adhuc concameratione instructis, ab aëris intemperie et pluvia se immunes praestiterunt. Funes ex phocarum coriis sibi pararunt. In plurimis autem discriminibus, summa nandi scientia illis profuit, qua, ad stuporem, et illi, et, recentiori adhuc aevo, sub borea homines excelluerunt, et etiam nunc excellunt, quos saepius in subsidium vocavimus, alii barbari; a quibus et corporis agilitate et robore, molliores in perniciem nostram, facile vincimur.

*v*) *Ejusmodi iter*, ex portu Jutiae *Ripensi* ad *Acheron* (*Accaronam*, sive *Ptolemaidem*) in oris Palaestinae, descriptum habemus, *animadv. a veteri Scholiaſte hiſt. eccl. Ad. adjecta*, not. 75.

*w*) *Voyage autour du Monde*, p. 234.  
*x*) *Dal. Su. R. Hiſt. I*, p. 86. A Germanis *Aſkomanni* dicti *Ad. Br. h. eccl. cap. XXII*, ab *Aſche*, naviculae genere. *Wacht. Gloſſ. p. 79*.





# ERRATA.

## To. III.

- P. I. p. 1. l. I. *ad vos* del.  
p. 7. l. 3. *Berdos* l. Berdot.  
not. u. *Stachelii* l. Stehelini — p. 322.  
p. 9. l. 5. leg. Radnicky. Sic et in seqq. pp.  
not. k. *Tandero* l. Tandonno. ibid. et in seqq. MARHERR.  
p. 12. not. b. leg. Gerh. BAERENTRAVBE.  
p. 16. l. 18. leg. POLENVS.  
p. 19. l. I. leg. GASSERVS.  
p. 27. l. 9. *referatur* leg. refecatur.  
p. 28. l. 19. CAROLI leg. Carolus.  
p. 30. l. 13. *cornibus* leg. carnibus.  
p. 34. not. b. AVLIVILL. leg. Aurivillius.

## To. IV.

- p. 5. l. 22. *quod cutis perspirabilis* dele *cutis*.  
p. 10. l. 20. post *cum* adde *die secundo*.  
p. 14. not. t. l. 3. leg. Brasdor.  
p. 16. l. 10. pro *dominatur* leg. dominetur.  
l. 18. *refuto* leg. refecto.  
p. 17. l. 14. Post *faeces* adde *alvi*.  
p. 22. l. 22. post *vocem una* adde *ideas*.  
p. 33. l. 20. *longe*. leg. *longa*.  
p. 38. XI. l. 2. post *varias* dele *tamen*.  
p. 42. l. 3. *habitu*. leg. *halitu*.
-













